



3 1761 04464 2304

VELLEMAN
GRAMMATICA
LADINA
D' ENGIADIN' OTA

I

la Rinn
V4398

BIBLIOTHECA RHAETO-ROMANA

Vol. I: Grammaticae Rhaeto-Romanae Oenaniae Superioris Pars I

Ed. ANTONIUS VELLEMAN, AA. LL. Ml. Ph. D.

GRAMMATICA teoretica, pratica ed istorica della

LINGUA LADINA

d'Engiadin' Ota

da

Dr. ANT. VELLEMAN

Directur del Liceo da Zuoz

cun ün pled d'accompagnaint

da

Dr. Felix Calonder

Cussgliër federèl

Prüma Part:

Il Substantiv, l'Artichel, l'Aggettiv, il Pronom



ZÜRIG
ART. INSTITUT ORELL FÜSSLI
1915

137812
10/2/16

Dal istess autur

Alchūnas remarchas davart l'Ortografia e la Grammatica della Lingua Ladina. 80 p.

Samedan 1912, *Engadin Press Co.* Predsch **Fr. 1.**—

Grammatica della Lingua Ladina d'Engiadin' Ota. Prüma Part: Il Substantiv, l'Artichel, l'Aggettiv, il Pronom. Ediziun da Biblioteca, cun complet register alphabetie. Liò in taila.

Zürig, *Art. Institut Orell Füssli.* Predsch **Fr. 12.**—

Grammatica della Lingua Ladina d'Engiadin' Ota. Seguonda Part: Il Verb, l'Adverb, la Preposiziun, la Conjuncziun, l'Interjeeziun, Sintassi generêla.

Zürig, *Art. Institut Orell Füssli.* (In preparaziun).

Churwälsche Sprachlehre.

Zürig, *Art. Institut Orell Füssli.* (In preparaziun).

Pled d'accumpagnamaint.

La favella romauntscha as svaglia plaun sieu da sia letargia nellas valledas grischunas. Dad an in an crescha l'interess per nos linguach ertô da noss babuns ed il sentimaint da noss dovairs per sia conservaziun. Prova and ais la fecondited litteraria da diversas societeds: la Societed Rätoromantscha, la Romania e l'Uniun dels Grischs, con lur numerus scrittuors in prosa e poesia; prova and ais il cult del romauntsch eir nellas famiglias romauntschas as chattand in otras contredgias della Svizzerà u al ester. E quels chi haun gieu occasiun d'assister a nossas festas da chaunt saun cha nos pövel exprima in sias chanzuns romauntschas sieus pü profuonds e pü intims sentimaints. Güst la chanzun romauntscha non ais pü bod mè gnida cultiveda con taunt' amur e taunta passiun cu nels ultims decennis.

E que ais vairamaing temp cha il sentimaint romauntsch as svaglia con forza, perchè nos linguach ais daspö pü cu ün decenni greivamaing innatschô in sia existenza. Multifarias circonstanzas da nossa vita moderna con nouvs interess e nouvs bsögn, prinzipëlmaing l'immigraziun da bgers elemaints tudais-chs ed italiauns, mettan nos romauntsch in üna fich difficila e delicata posiziun. Uossa essans entrôs in ün' epoca decisiva: Inavaunt o inavous, quaist ais il dilemma. Ma per ir inavaunt, per superêr tauntas difficulteds, per salvêr nossa lingua dalla decadenza e dalla perdiziun, non bastan il slauntsch paschiunô da singuls scrittuors e las bellas prestaziuns dellas societeds litterarias. Que voul la lavur continua da tuot il pövel ed avaint tuot ün' instrucziun raziunêla e solida del romauntsch nellas scoulas, na be primarias, ma eir

in quellas pü otas. Con granda satisfacziun haun perquè tuots romauntschs salüdô la decisiun da nos Grand Cussagl da render l'instrucziun nella lingua romauntscha obligatoria per ils scolars romauntschs nella scoula chantunela. In nossas scoulas sto la sort da nossa lingua.

Que chi renda taunt difficil ils stüdis del romauntsch nellas scoulas, speciëlmaing in quellas pü avanzedas, ais il maungel della lavur scientifica cun sia immediata applicaziun al scriver e discuorrer da minchadi, que ais avaint tuot il maungel da bunas e completas grammaticas, saja nel idiom d'Engiadina, saja in quel della Surselva.

Quaista lacuna vain uossa finëlmaing implida. Da Zuoz, dalla veglia e nöbla chapitêla d'Engiadina, vain l'importanta rifuorma. Il „Lyceum Alpinum“, chi edüchescha giuvens scolars da tuottas naziuns, quaista nöbla instituziun ais dvan-teda ün important centro da scienza e dad ideêls eir per la vita engiadinaisa. Sieu direttur, Signur Prof. Dr. Velleman, ais hoz üna dellas pü robustas forzas della lingua romauntscha. El ho, da geniêl filolog ch'el ais, ed inspirô da profuonda simpatia per ils Grischs, imprains a perfecziun l'idiom d'Engiadina. El l'ho approfondieu scientificamaing e sto lavurand daspö ans vi ad üna grammatica completa ladina. Il prüm volum da quaist' important' ouvra, alla quêla il suottascrit dedichescha con viv plaschair quaists plets, sto per gnir stampô e tratterò in 400 paginas il substantiv, l'adjectiv, il numerêl, l'artichel ed il pronom.

In tuottas vals romauntschas ed in prüma lingia in Engiadina sarò quaist' ouvra salüdeda con profuond' algrezcha.

Que non ais da mia competenza dad analisêr la valor scientifica da quaist' ouvra ne dad explichêr in detaigl sia applicaziun pratica. L'impressiun ch'and he riporteda ais quella d'ün cudesch complettamaing all' otezza da sieu grand e nöbel scopo. Ma bainschì am saint obliô e legitimô d'ex-

primer al Signur Prof. Velleman ils sentimaints della pü viva recognuschentscha da tuots ils Grischuns, na be dels Grischuns romauntschs, ma eir da noss convschins tudais-chs ed italiauns. Eir quaists haun adüna demussô lur sincêra simpatia per nos cher romauntsch. Prepotenzas e mesquinas dschigliusias non haun mê disturbô l'armonia e bainvoglientscha traunter ils Grischuns romauntschs, tudais-chs ed italiauns. E d'otra part stovains nus adüna esser penetrôs da quaista vardet: scha vulains esser e restêr qualchosa d'inandret, schi avains in prüma lingia da restêr fidels a nus s vess. In consequenza stovains cultivêr e mantegner nos romauntsch, il quèl constituescha üna part essenzièla del character e dell'orma da nos pövel romauntsch.

Scu l'infant ama sia mamma, uschea mincha pövel ama sia favella. Uschea nus Grischuns amains nossa lingua romauntscha, nossa modesta pitschna mammigna, circondata da duos grandas e richas signuras, dalla lingua tudais-cha e dalla lingua italiauna. Nus savains fîch bain cha nos romauntsch non ans basta e cha essans sforzôs dad imprendder otras linguas e nus acceptains con recognuschentscha ils duns, a nus indispensabels, da lur richas culturas. Ma nos romauntsch vulains conservêr scu üna lingua della famiglia grischuna.

Il prüm volum della grammatica del Signur Prof. Velleman crouda in ün' epoca dellas pü tristas per ils problêms della pèsch e della concordia. L'umanited as sbatta in terriblas convulsiuns e trais dels stedis confinants al nos sun in guerra. Tuots noss sentimaints as concentran in üna direcziun, in ün pissêr: l'integrited da nossa chera patria svizzra. E las chanzuns da noss sudôs, currieus al confin, pronts al suprêm sacrifici, as volvan ed as ozan vers la mamma elvetica. Pocha piazza resta in simils temps per aspiraziuns da cultura regiônêla e per questions linguisticas. Ma con il retuorn della pèsch resüsterò, pü pür e pü approfondieu, il sentimaint

romauntsch e l'interess per ils problêms da nossa lingua materna. Ed allura la grammatica del Signur Prof. Velleman poderò fer valair tuotta sia importanza e tuotta sia influenza. Eau consideresch quaist' ouvra scu il punct da partenza d'ün nouv e vigurus movimaint vers la consolidaziun e la perfecziun della lingua ladina, con ferma e salüdaivla ripercussiun eir sün ils oters idioms romauntschs. Mieus megladers giavüschs accompagnan la grammatica Velleman, la quèla merita la simpatia ed il sustegn da tuots ils romauntschs e da tuot ils amihs della favella ladina. Ch'ella saja bainvgnida

Bern, ils 19 Marz 1915.

Calonder, Cussglièr federèl.

Praefatio auctoris.

Hoc opus hodie eo maiore levatione affectus in publicum tradidi, quod, quamquam amplius duobus annis expletum paene et perfectum est, tamen aliis quibusdam rebus importunis impeditus perpolire illud et absolvere diu non potui. Cum mihi persuasum habeam linguam Ladinam non minorem verborum aut copiam aut elegantiam capere posse quam sorores eius lingua Latina ortas, vehementissime cupio grammaticā meā Ladinā Oenaniorum in linguam suam amorem augeri et diligenter excoli. Perincommode autem fit, quod haec lingua inter summa sua genera, in quae est divisa, singulis vicis multas varietates praebet atque praecipue in Oenaniā Inferiore sermonem litterarum agnoscere nondum posse dolendum est. Quarum rerum condicionem, ex quo libri quidam scholarum usui apti editi sunt, meliorem redditam esse gaudeo. Quos omnes cives boni sequantur!

Quale ceterum tempus futurum huius linguae factum iri cogitem, quaeque res mihi ad perficiendam illam idoneae videantur, anno p. Ch. n. millesimo nongentesimo duodecimo fine mensis Sextilis duabus orationibus exposui.

Ut leges loquendi cognoscerem, sola inductione usus sum, cum primum materiam collegi, deinde ex hac regulas duxi. Quas in libro ipso etiam unā cum parte aliquā materiae probavi locis, e quibus regulas petivi, diligenter allatis. Neque tamen totam materiam hoc libro recipiendam esse putavi. Exempli autem minime ex Oenaniā Superiore solā repetivi, sed, quamvis seiuncta et singillatim designata, multa quoque exempla Oenaniā Inferiore orta recepi.

Quod attinet ad scripturam rectam, assentiente Emilio Pallioppi, paroco optime merito, nonnullos accentus institui. Quae tamen res nova non est, sed restitutio usus veteris, de quo aliis locis copiose dixi. Sed cum priores plagulae iam impressae essent, priusquam assensio illa cum paroco Pallioppi oreretur, scriptura libri recta, quod attinet ad accentus, non omnino una fieri potuit.

Omnes, qui hoc opus diligenter spectant, sibi persuadebunt me linguam Ladinam non corpus mortui medicatum putare, quod in museo aliquo proponatur, sed corpus vivum me iudicare, quod usui vitae communi servitutum sit. Qua de causa in capita ea, quae ad legendum et ad exercitationem pertinent, res de vita hominum media sumptas recepi, velut numerorum

divisorum explicationem eaque capita, quae nomina numeralia secuta de mensuris ponderibusque sunt. Huius modi capita huic libro multa inserta sunt.

Exemplis e litteris linguae Ladinae petitis usus unamquamque pronuntiationem tam plenam afferre studui, ut haec e contextu verborum exempta non solum complexione verborum sed etiam argumento maneat natura viva. Quae cum ita essent, saepe opus erat me pronomen aliquod nomine pronuntiationis antecedentis, quod idem plane significet, explere aut alia supplementa, contextu non necessaria, facere, quae e verbis ipsis exemi. Haud minus saepe autem pronuntiatio sine ullo detrimento contrahi poterat. Cuius modi contractiones qua ratione fecerim, his exemplis, quae attuli vocabula tractans homonyma, demonstratur.

Pronuntiatio pristina

La charn e'l saiv sun alimaints
fich nudritivs. II, 101.

† Innua chia nun ais üngüna
saiff, schi vain la posseschiun
schdrappaeda, e chi nun ho muglier
suspira, & ais vagabund. L. P. 313.

pronuntiatio contracta

Il saiv ais ün alimaint fich nu-
dritiv.

† Innua chi nun ais üngüna
saiff, schi vain la posseschiun
schdrappaeda.

In iis, quibus in hoc amplissimo opere perficiendo gratia aliqua obstrictus sum, gratissimo animo nominare me oportet Clementinam Gilly (Clio) Zuoensem, Elisabetham Hottinger St. Moritzensem, redactorem Vital Seanfsensem, Petrum Lansel Genovanum, P. C. de Planta, tribunum militum, Zuoensem, Doctorem Ganzoni Churensem, consiliatorem rei publicae, Campell Zuoensem et Vonzun St. Moritzensem, utrumque horum inspectorem disciplinae, Franciscum Roedel, magistrum, Zuoensem.

Doctor Gottofredus Hartmann, professor universitatis Monacensis, parochus Lechner Zuoensis, pergratum mihi fecerunt, quod plagulas corrigendas perlegerunt. Ille nonnullorum quoque incitamentorum, quae res spectant, auctor mihi factus est. Cum bello exorto cursus publici retardati sint, extrema quoque duo capita professori Hartmann probanda me tradere non potuisse maxime doleo.

Zuoz, id. Mart. MCMXV.

A. Velleman.

INDEX.

Prüm chapitel: Il substantiv.

1—138

Definiziuns 5—8. Noms propriis e noms cumöns 5. Noms cumöns e noms propriis ch'ün scriva grand 5—6. Noms appellativs, collectivs, materiëls 6—7. Noms concrets ed abstracts 7—8. Lectüra 9. Exercizis 9—11.

Aggs., verbs, adverbs druvo's seu noms 12—16. Particips chi dvaintan noms 13—16, u aggs. 16—17. Formaziuns analogas 17.

Il gener del substantiv 18—54. Gener grammatical e gener natürel 18. Noms da persunas e bestias cun duos differentas fuormas per il gener m. e. f. 18—20. Noms da persunas e bestias chi fuorman il f. cun -a. 20—23. Exercizi 24. Noms da persunas chi nun indiehan il gener 24. Plurals ms. druvo's per persunas da tuots duos gener 24. Noms da bestias chi nun indiehan il gener 24—27. Cu ch'ün exprima il gener tar quaists 27. Lectüra 27. Il gener dels noms da chosas 28—52. Chosas similas denotadas tres noms da diff. gener 28—29. Noms da chosas chi glivran cun ün consonant 29—40, chi glivran cun -ur 32, cun -iun 33, cun -un 35—37, cun -det e -ted 37—38. Fs. divers 38—40. — Noms da chosas chi glivran cun -a 40—45, cun -è 45—46, cun -e 46—47, cun -i 48—50, cun -o (-ö) 51—52, cun -u (-ü) 52. Noms da diff. gener (Homonyms subst.) 52—54. Coincidenza verbëla 54—56. Divisiun verbëla 57—58. — Sinonims 59—60. Lectüras 61—63. — Exercizi 63.

Substantivs cun desinenzas diminutivas ed augmentativas 64—72. -in, -et (-ina, -etta), -un, -atsch (una, -atscha) 64—70. Otras desinenzas diminutivas ed augmentativas 70. Diminutivs ed augmentativs chi müdan lur gener 68—69. Dims. ed augs. cun speciëla significaziun 69—70. Lectüras 70—72.

Substantivs composts (e plds composts in generêl) 72—88. Ils elemaints della composiziun 72. Composiziuns cun prefiss (inseparablas) 73—81. Prefiss-preposiziuns 73—76. Prefiss-adverbs 76—78. Formaziun da subst. da significaziun contraria 78—80. Oters plds da significaziun contraria 80—81. — Composiziuns cun plds independents (separablas) 81—88. Plds composts esters 82. Plds composts ibrids 82. Substs. composts cun ün verb 83—84, cun ün agg., adverb u part. 84, cun ün oter nom sainza preposiziun 85—86, cun ün oter nom tres preposiziuns 86—88. Lectüra 88.

Il plural dels substantivs 88—120.

Il plural ordinari dels subst. 88—102. Noms chi piglian simpla-ing -s 89. Il plural dels subst. composts 89—90. Plural dels noms chi haun già nel sing. -s 90—91. -è dvainta -els 91—92. Excepziuns 92—93. -ur dvainta -uors 93—94. Excepziuns 94. Diversas irregularitëds 95—96. Noms chi existan be nel sing. 96—100. Noms chi existan be nel plur. 100—101. Plurals cun differentas significaziuns 101—102.

Il plural collectiv dels subst. 102—117.

Noms chi haun be ün plur. ordinari 103—104. Noms chi haun daspier il plur. ord. eir ün plur. collectiv 105—107. Noms cun be ün plur. collectiv 108.

Il plural collectiv glivra cun -a sainza müdeda 108, cun müdeda 109. Il plur. glivra in -amainta (-mainta) 110, in -aglia, iglia, -avaglia 110.

Plurs. collectivs trattôs scu sings. survegnan la desinenza del plur. ord. 111. Differenza istorica traunter fems. sings. e plurs. ords. 111—113. Exaimpels mixts 114—115. Plur. collectiv scu subject 115—116. Lectûra 116.

Origine dellas desinenzas ladinâs del plur. 116—120. Noms da persunas derivôs da nominativs latins 119.

La declinaziun del substantiv 120—130. La decl. in lingua latina 120—121. Il cas 122. Decl. dels substs. masc. 122, dels substs. fems. 123—124. Remarchas complementarias 124—130. Lectûras 130—138. (La petiziun dels fabricants da chandailas 135—138).

Seguond chapitel: L'artichel.

139—188

Definiziun 139. Las fuornas del artichel determinô ed indeterminô 139—140. Il neutro 140. L'art. indet. in composiziuns 141.

Davart l'adöver del artichel 141—163. L'adöver del artichel det. 141—145. Lectûras 146—148. L'adöver del art. indet. 148—150. L'art. cun noms materiêls 150—151, cun noms abstracts 151—154, cun noms appellativs 154—155, cun noms propriis 155—157. L'art. det. cun noms chi designeschan qualitads corporêlas u morêlas 157. Lectûras 158.

L'art. det. scu pronom demonstrativ 159—160. Adöver distributiv del art. det. 160—161. Cas speciêls per l'adöver del art. det. 161—162. Exaimpels divers 162.

L'omissiun del artichel 164—175. Subst. sainz' art. in connexiun cun ün verb 164—167. Art. omiss zieva preposiziuns 167—171, in copulaziuns 171—174, in proverbis 174, zieva negaziuns 174, avaint il seguond da duos noms as referind all'istessa chosa 174—175, in enumeraziuns 175.

Posiziun del artichel 176.

Repetiziun del artichel 176—177.

Exaimpels divers 177. Lectûras 178—179.

Artichel compost 179—181.

Protesi 181—182. Epentesi 183. Epitesi 184. Aferesi 184—187. Sincopa 187—188. Apocopa 188.

Origine del artichel 188.

Lectûras 189—190.

Terz chapitel: L'aggettiv (ed il numerêl).

Definiziuns 191—193. Aggs. qualificativs e determinativs 191—193. Adöver predicativ ed attributiv 191. La piazza del agg. 192—193. Adöver retoric u decorativ 193. Lectûras 194—195.

Concordanza traunter aggs. e substs. 195—198.

Fuorma feminina dels aggs. 198—228. Aggs. chi nun as müdan nel fem. 198—200. Aggs. del tuot invariabels 200—201.

Il fem. glivra cun *-a* sainza müdada del tschep 201—203. Exercizi 203. Lectûra 203—204.

Avaint la desinenza *-a* il consonant finêl vain duplichô 205—207. Exercizi 207.

Avaint la des. *-a* l'e debel dell'ult. silba crouda davent 208—213. Exercizi 213. Lectûra 213—214. Il masc. glivra cun *-ieu* u *-ô*, il fem. cun *-ida* u *-eda* 214—216. Exercizi 217. Il feminin dels aggs. = particips 217—220. Il fem. glivra cun *-ia* 220—221. Il fem. glivra cun *-gia*

u *-cha* 221—222. Exercizi 223. Il fem. glivra cun *-a* u *-e* 223—224. Fuormas femininas diversas 224—226. Exercizi 226—227. Cas dubius 227—228.

Formaziun del plural 228—234. Plur. ordinari 228—232. Plurals irregulèrs 232. Lectüras 232—233. Plur. collectiv 233—234.

L'aggettiv druvo seu substantiv 234—238. L'agg. seu subst. abstract 234—236, seu subst. concret 236—238. Lectüras 238—243 („In ingrato fo dan a desch povers“ 239. „Da mols e malattias“ 240—243).

Aggettivs cun desinenza feminina druvs da per se 243—245. Substs. druvs seu aggs. 245—247.

L'aggettiv druvo seu adverb 247—248. L'adverb druvo seu agg. 248.

Desinenzas augmentativas e diminutivas del agg. 248—252. *-un*, *-atsch* 249 *-in*, *-et* 249—251. *-aint* 251—252.

Aggettivs composts 252—253.

Aggettivs da significaziun contraria 203—266. Duos aggs. distints da signif. contr. 254. Composiziun cun *in-* 255—257. cun *mel-* 257—259, cun *dis-* 259, cun *na* (*non*, *nun*) 259—260, cun *extra-* 265. Observaziuns complementarias 260—266. Exercizi 266.

Graduaziun del aggettiv 267—291. Il positiv absolut 267—268. Positiv da congruaziun 268—269. Comparativ da superiorited 269, d'inferiurited 269—270. Terms da congruaziun colliôs cun *cu* u *da* 270. Seguond term da congru. laschô davent 270. Adverbs 271. Comparativ da coordinaziun 271—272, d'inversiun 272. Il superlativ da congruaziun 272—275, absolut 275—277. Graduaziun irregulêra 277—278, completa 277—281, defectiva 281—288. Superlativs e comparativs dobels 287—288. Exercizis 289—291.

Aggettivs determinativs 291—348. Aggs. numerêls cardinêls 293—301. Expressiuns idiomaticas 301—302. Lectüras 302—304. („Il tunnel del Gotthard“ 302. „Ils lavuraints nella vigna“ 303. „La divisiun del temp“ 304.)

Il numerêls ordinêls 305—312. Ruots 309—312. Lectüras (munaida, pais ed insüras) 312—320.

Numerêls multiplicativs 320—321.

Substantivs numerêls 321—324. **Adverbs numerêls** 324. Exercizis 325—326.

Aggettivs demonstrativs 327—330.

Aggettivs possessivs 330—337. Fuormas da politezza 332. Egen, propri 333. Artichel determinô ed indeterminô in connexiun cul agg. poss. 334. La piazza del agg. 335—337.

Aggettivs indefinieus u indeterminôs 333—348. Aggs. indefinieus quantitativs 338—347. Las duos significaziuns d'alchün 345—346. Üngün cun u sainza negaziun 346. La piazza dels aggs. indef. quantitativs 346. Aggs. indef. invariabels 347. Aggs. indeterminôs ordinêls 347—348.

Aggettivs interrogativs 348—350. *Che* 348. *Quèl* 349. *Quant* 349. *Quantêvel* 350. Lectüra (L'ambir del umaun) 350—352. Exaimpels mixts 352—365.

Il aggs. della lingua latina 365—366.

Quart chapitel: Il pronom. 366.

Definiziun e classificaziun 367.

Ils pronoms persunèls 368. Las personas grammaticalias 368. Il pronom persunèl congiunt 368—381, 387—392. Sia declinaziun 369—370. Combinaziun da duos pronoms congiunts 371—373. La piazza del pronom congiunt seu object 374, seu subject 374—375. Pronom persunèl enclitic 375—378. Pronoms subjects laschès davent 378—379. Pronoms chi as refereschon ad ün nom collectiv 379. *A, ad, que* 379—381. *L'*, la substituescha *ad* 380—381.

Il pronom persunèl absolut 381—392. Sia declinaziun 382. Sieu adöver sainza verb 382, enfatic 383, zieva adverbs 383, cun apposiiziuns 384, cun aggettivs 384, avaunt ün pron. rel 385, zieva preposiziuns 385, collió tres üna prep. cun ün oter pronom u cun ün subst. 385—386, seu complemains d'ün agg. u part. 386.

Pronom congiunt drevó d'asper pronom absolut nel istess cas 387. Pronom congiunt drevó d'asper pron. abs. in ün oter cas 388—389. Fuorma da politezza 389—390. *Vusignoria* 390. Pronoms scrits grand 389—391. *Nussas, vussas* 391. La persuna del verb suainter pronoms-subjects 392.

Ils pronoms reflexivs 392—401. *Se* in locuziuns adverbials 394. Pron. refl. as referind al subj. della frasa principèla 395. Pron. refl. miss duos voutas 395. Pron. refl. sursilvan 395. Adöver reciproc del pron. refl. 395—397. *Traunter pèr* 396. *Vicendevolmaing* etc. 396—397. *As* = ün 397. Verbs reflexivs propriis 397—400. Verbs reflexivs casuels 400—401.

Il pronom *and* 401—402.

Ils pronoms *stess* e *svev* 402—404.

Exaimpels mixts 404.

Exaimpels vegls 407—409.

Ils pronoms possessivs 409. Plural da *lur* 410. Differenza traunter aggettivs e pronoms 410—412. Exercizi 413.

Ils pronoms relativs 413—419. *Chi, cha* 414. *Chi* e *cha* as referind ad ün neutro 415. *Chi* sainza antecedaint 415—416. *Que chi, que cha* 416. *Il quèl, la quèla* 416—417.

Il che 417—418. Pronom relativ laschó davent 418—419.

Ils pronoms interrogativs 419—422. *Chi?* *Che?* 419—420. *Quèl?* *Quaunt?* *Che n'ün?* 420. *Quèl?* 420. *Che fer* 421. *Chi chi, che chi* 421—422.

Ils pronoms demonstrativs 422—431. *Quaist, quel, medem, tel* 423—425. *Quel chi (quels chi)* 425. *Que* 425—431. *Que* = a, ad 425—426. *Que* anticipescha ün infinitiv etc. 426. *Que* substituescha ün subst. 426—427. *Que* = subject inconstachaint 427—428. *Que* substituescha üna frasa 428. *Quecò, quelò, quetaunt* 428—429. *Quaist* impè da *que* in stil elevó 430. *Que* seu antecedaint neutrèl 430—431. *Què* = *que cha* 430. *Que* miss duos voutas 431.

Pronoms indefinieus 431—436. Aggettivs indefinieus drevós seu pronoms 431—433. *Ün* 432—433. *L'ün, l'oter* etc. 433. *-ün* seu segn distinctiv da pronoms indefinieus 433—434. *Scodün* 435. *Qualchosa, ün-quotta* 435—436. Plural collectiv dels pronoms 437. Exaimpels mixts 437—440. Exaimpels vegls 439—440. Lectüras (La senchited dell'impromissiu 440. La calma da Newton 441. Il tschüvlarot 441—443. Il pronoms nella lingua latina 443—444.

Erruors da stampa 444.

GLISTA DELLAS ABBREVIAZIUNS.

- II. Cudesch da lectura per las scoulas primaras d'Engiadin' ota.
II. Anneda. Samedan 1896.
 - III. Cudesch da lectura per las scoulas primaras dell' Engiadin' ota.
III. Anneda. Samedan 1898.
 - IV. Cudesch da lectura per las scoulas primaras dell' Engiadin' ota.
IV. Anneda. Samedan 1899.
 - V. Cudesch da lectura per las scoulas primaras dell' Engiadin' ota.
V. e VI. Anneda. Samedan 1900.
 - VII. Cudesch da lectura per las scoulas primaras dell' Engiadin' ota.
VII. e VIII. Anneda. Samedan 1901.
- Abyss. Abyss da l'aeternitat in 3 cudeschs. Our da divers authurs clet
insembel, tras: Johannem Martinum, minister da las Baselgias
da Sent & da Remuosh et Andrean V. Rauch minister da la
Baselgia da Scuoll. Turi 1693.
- Ann. Annalas della Societad Rhaeto-romantscha. Cuira 1885, 1913.
- Balaster. Poesias da Gian P. Balaster. Cuira 1905.
- Barblan, Par. Parablas mitos religios etc. da Gaudenz Barblan Cuira 1909.
- Barblan, Scem. Barblan, Scemissa fatala.
- Biblia E. B. La Sancha Biblia in Lingua ladina d'E. B. Società biblica bri-
tannica. Colonia 1870.
- Bifrun (Bifr.) L'g nuof testamaint, suainter Bifrun, 1560/1607.
- Bifrun N. T. pref. Bifrun, nuof testamaint, prefaziun.
- Bühler. Grammatica Elementara dil Lungatg Rhätoromonsch per diever
dils scolars en classas superiuras dellas Scoulas Ruralas Ro-
monschas, scritta da J. A. Bühler, Actuar della Societat Rhäto-
romonscha. Cuera 1864.
- Bundi. Parevas Engiadinaisas, quintedas da Gian Bundi, illustredas da
Giovanni Giacometti. Turig, 1909.
- C. C. Catechismus catholic (Pitschen e grond catechismus della Doctrina
catholica ad adöver dels scolars catholics d'Engiadina Bassa).
Immensee 1910.
- Caderas, Fluors. Fluors alpinas. Rimas da G. F. Caderas. Samedan 1883.
- Caderas, Sorrirs. Sorrirs e larmas. Rimas da G. F. Caderas. Samedan 1887.
- Chal. 1823. Chialender d'Engiadina per l'an 1823. Coira.
- Chal. 1824. Chialender d'Engiadina per quest ann basest 1824.
- Chal. 1911—1915. Il Chalender Ladin, I. Anneda 1911. Samedan 1910.
II. Anneda 1912. Samedan 1911 etc.
- Cronica. La Cronica, suainter la Rätorom. Chrestomathie da C. Decurtins.
V. Band, 1. Lieferung, pp. 299—324. Erlangen 1899.
- D. S. Dumengia Saira. Supplemoint al Fögl d'Engiadina. 1911—1912.
Samedan.

- Dysch aeteds. La Historgia de las dysch aeteds, suainter la Rätorum. Chrestomathie da C. Decurtins, V. Band. 1. Lieferung. pp. 129—145.
- Filli. Giachem Bifrun da Rudolf Filli, Referat salvà nell' Uniuu dels Grischs a Samaden, ils 16 December 1906. Samaden 1907.
- Flugi. Alchünas Rimas Romaunschas revisas et augmentedas da Conradin de Flugi. Coira 1861.
- Fögl. Fögl d'Engiadina. Organ da publicaziun generèl per l'Engiadina e contuorns. Samedan.
- Form. Formular per las baselgias da Engiadina zura, Scuol 1665.
- Gianzun, D. Ch. R. Gianzun, Durich Champell, Cuera 1912.
- Hist. da Lazarus. Historgia dalg arik hum et da Lazarus, suainter la Rhätorum. Chrestomathie da C. Decurtins, V. Band, 1. Lieferung. pp. 145—191.
- J. B. Istorias Biblicas per las scoulas d'E. O. Terza ediziun. Samedan 1901.
- Lansel Cullana. La cullana d'ambras. Poesias da Peider Lansel (P. J. Derin). Cuaira 1912.
- Lansel, Musa (M. L.) La Musa ladina, antologia da la poesia engiadinaisa moderna da Peider Lansel. Samaden 1910.
- Lansel Ni It. ni Tud. P. Lansel Ni Italians, ni Tudais-chs! Sam. 1913.
- Lansel Noss punct. Noss punct da vista svizer. Discuors tgnü tras Carl Spitteler. Traducziun ladina E. B. tres P. Lansel. Samedan 1915.
- Lansel Tschant. Alch observaziuns sur ils tschantamaints per l'Uniuu dels Grischs. Samedan 1914.
- Lit. Liturgia o saja oraziuns et agendas per las baselgias evangelicas in Rezia. 1842.
- L. P. La Sabgiënsha da Iesu filg da Sirach. Missa e schantaeda in Romaunsch traes Lüci Papa minister da la baselgia da Iesu Christi. Turich 1628.
- Matyr. Martyrologium Magnum, oder il cudesch grand dels martyris. Verti & contract. Da Conradino Riolo. Strada 1718.
- Menni. Il Nouv Testamaint tradüt nel dialect Romaunsch d'Engiadina Ota tres J. Menni. Samedan 1883.
- Menni Saluz. Philipp Gallicius Saluz, tres J. Menni. Samedan 1878.
- Z. Pall. And. Vetter Anduoche. Farsa in ün act da Zaccaria Pallioppi. Coira 1902.
- Pallioppi. Dizionari dels idioms romauntschs d'Engiadin' ota e bassa etc. da Zaccaria Emil Pallioppi. Prüm tom. Samedan 1895.
- Pallioppi II. Wörterbuch der romanischen Mundarten des Ober- und Unterengadins etc. Deutsch—Romanisch von Emil Pallioppi. Samaden 1902.
- Z. Pallioppi. Ortogr. Ortografia et Ortoëpia del idiom romaunsch d'Engiadin' ota, da Zaccaria Pallioppi.
- Pallioppi, Ovs. Ils Ovs da Pasqua da Christof Schmid. Revais tres Signur Revd. Emil Pallioppi. Samedan 1895.
- Z. Pallioppi, Poesias. Poesias in part proprias, in part libramaing vertidas da Zaccaria Pallioppi. Coira 1900.
- Philom. Referat e meditaziuns religiusas sur chanzuns vel materias della Philomela publicadas in pia memoria a Joh. Martinus ex Martinis da O. Gaudenz, minister. Samedan 1899.

- Porta. Mag. Il magister amiaivel, chi muossa als infants a lear e ad incul
quai ch'els lean etc., tres A. R. Porta, Fettan. Secunda Edizium.
Coira 1831.
- Predgias. Predgias evangelicas salvedas a Celin tras Anton Mohr. minister.
Samaden 1897.
- Pr. Cud. Prüm cudesch da scuola per ils infaunts nel chantun Grischun.
Do in stampa tres la societel per la meglioraziun dellas scoulas
publicas. Vertieu in romaunsch d'Engiadina Sura. Coira 1833.
- Puorger. Sacrifizis, da B. Puorger. Cuera 1913.
- Robbi Ang. Anguoscha. Ün queder engiadinais in 3 acts da Hoffmann.
Libramaing tradüt in Romauntsch d'Eng. O. tres Jules Robbi
Coira 1909.
- Robbi Tes. Il Tesori da'ls infaunts. Miss in romauntsch träs Andrea B.
Robbi. Segl 1834. Samedan 1909.
- Schuchiaun. Information christiauna con sias explicatiuns sun tuotts prin-
cipaels puonks da la vaira religion, tres Zacharias Ursinus, Silesius,
aschanto in noas Rumauntsch da aengiadina zura tres me Peidar
Shimun Schuchiaun da Zuotz. Tiguri 1613.
- Simeon. Grammatica Romontscha-Tudestga per diever della scola e de
privats, componida da P. Ursicin Simeon O. S. B. Solothurn 1904.
- Statüts E. O. Statüts del Circul d'Engiadin' Ota. 1911.
- Stat. Osp. Statüts e Reglamaints per l'Ospidel d'Engiadin'ota. Samedan 1910.
- T. Taetla traes Jachiam Bifrum, Samaedan 1571. Turich 1629.
- Töndury (Tönd.) Gio las Armas. da Bertha von Suttner, traducziun ladina
da G. Töndury bap. Samedan.
- Travers, Chianz. La Chianzun da Joseph. suainter la Ratoromanische
Crestomatie da C. Decurtins. V 1, pp. 100—128.
- Travers, Filg. La Histoargia dalg. filg. pertz, suainter la Rätorom. Chrestom.
da C. Decurtins. V 1, pp. 42—99.
- Travers, Jos. La histoargia da Josef siand che sies frars ilg haun agieu
vandieu in Egipten etc. suainter la Rätorom. Chrest. da C. De-
curtins. V 1, pp. 17—42.
- Travers, Müs. La chianzun della guerra dagl Chiaste da Müs, suainter la
Rätorom. Chrestomathie da C. Decurtins, V 1, pp. 1—17.
- Tromm. Trommeta spirituala per excitar tots dormenzats pecchiaders.
In Special quels chi dormen in Baseligia & Chiasa da Deis. In
nos Romansch tschantà da Conrad. Riola. E. B. 1709.
- Tschaut. Zuoz. Tschantamaints e Regolativs della Vschinauncha da Zuoz.
Samedan 1905.
- Uraziuns. Cudesch da devoziun conteneint Uraziuns e chanzuns. Las prü-
mas vertidas our dal tudais-ch, las otras raccoltas our da scrip-
turs romantschs. Coira 1881.
- Vell. Rem. A. Velleman. Alehünas Remarchas davart l'ortografia e la
grammatica della lingua ladina. Duos referats salvös al Liceo da
Zuoz als 28 e 30 Avuost 1912. Samedan 1912.
- Vulpis & Dorta. La sacra Bibla tradüta in Lingua Rumanscha d'Inga-
dina Bassa tras Jacobo Antonio Vulpio et Jacobo Dorta. Scuol 1679.
- Wietzel. Guerra da Vutlina. Gioerin Witzel. Guerra da Vutlina, suainter
Alfons von Flügel. zwei historische Gedichte in ladin. Sprache aus
dem 16. und 17. Jahrhundert. Chur 1865. pp 55—86.

| = Exaimpels pigliòs our dalla litteratura veglia.
 X = Secziuns da laschèr davent nellas scoulas elementarias.

Abl.	ablativ
acc.	accusativ
agg.	aggettiv
ahd.	althochdeutsch (vegl tudais-ch superiur)
ann. (annot.)	annotaziun
chap.	chapitel
cfr. (cunfr.)	cunfrunta
coll.	collectiv
dat.	dativ
diff.	different
E. B.	Engiadina Bassa
E. O.	Engiadin' Ota
e. u. i.	ed uschè inavaunt
f. (fem.)	feminin
gen.	genitiv
inf.	infinitiv
m. (masc.)	masculin
mlat.	latin del medio evo
n.	neutro
No. (Nr.)	numer
nom.	nominativ
npl.	neutro plural
p.	pagina
part.	particip
pl. (plur.)	plural
rem.	remarcha
sing.	singular
ss.	sursilvan
subst.	substantiv
voc.	vocativ

Las istessas abbreviaziuns cun ün s zieva staun per ils respectivs plets nel plural, p. ex. aggs. = aggettivs, fs. = feminins, substs. = substantivs, etc.

PRÜM CHAPITEL: IL SUBSTANTIV.

§ 1.

Il **substantiv** ais ün pled, chi denotescha üna persuna, üna bestia u üna chosa, scu Duri, Mengia, lavuraint; Bello (chaun), chavagl, vacha; Val Müstair, bös-ch, mür.

§ 2.

Nus disferenziains noms propriis e noms cumöns.

a) **Noms propriis** sun quels, chi nomnan be singulas persunas, bestias u chosas e las distinguan da tuottas otras, p. ex.: Gian, Maria, Peider; Fido (chaun), Lisa (chavagl), Rösa (vacha); Engiadina, Grischun, Svizzra, — Louvre (museo a Paris), Fögl d'Engiadina (giasetta), Crusch Alva (albiere).

b) **Noms cumöns** indichan persunas, bestias u chosas cun contrasegns cumöns, p. ex.: hom, schneider, giarsun, scolar; armaint, müll, vuolp, tröp; maisa, lat, charn, god.

Annotaziun 1. Ils noms cumöns, chi denoteschan üna naziunalited, scu ils Svizzers, üna Francesa etc. e tuot ils noms propriis vegnan scrìts cun ün custab grand. Grand scriva ün eir oters pìeds, exceptuò l'artichel e preposiziuns, chi servan a formèr ün nom propri, p. ex.: Punt Ota, Engiadina Bassa, Val Mela, Grand Cussagl, Lia dellas Desch Drettüras, Piz Quatter Vals, Stedis Unieus

dell' America del Nord, ils Pajais Bass, Uniun dels Grischs, Confederaziun Elvetica, Ferrovia Retica, Crasta Mora.

L'ova del Mer Mort ais fich insaleda ed amara III 97.

Il Munt Sinai ais situô sün üna penisla triangulêra del Mer Cotschen III 99.

L'Asia Pitschna. *J. B.* 151.

Sur Samedan as presainta il Piz Ot cun sia imponenta piramida V 98.

Buenos Aires ais la citted chapitela della Republica Argentina. VII 372.

Annotaziun 2. Cur ch'üna preposiziun occupa la prüma piazza in ün nom propri cumpost, u ch'ella piglia la piazza d'ün aggettiv, allura vain eir ella scritta cun ün custab grand, p. ex.:

Poch suot las Agnas scaturescha üna fontauna, nomneda Fontauna Merla, chi divida l'Engiadin' Ota in Sur Fontauna Merla e Suot Fontauna Merla. V 104. — Traunter il Piz Michel e'l Tinzerhorn as chatt' üna planüra largia d'ün mez kilometer, nomneda Aint ils Lajets.

Il commovent roman „Die Waffen nieder“ da Bertha von Suttner, ais sto tradüt in lingua ladina da G. Töndury, suot il titul Gio las Armas.

A Bernina Suot ais üna staziun della Ferrovia della Bernina. L'Engiadin' Ota vain qualche vouta nomneda Engiadina Sur. La Lia Sur u Lia Grisch (Pr. c., 212) füt güreda nel 1424 suot il venerabel aschêr da Truns.

† Elg eran duos paiais chi s'anumneuan Galilea, Galilea Zuot et Galilea Zura. *Bifr. annot. Matt. IV, pag. 11/12.*

§ 3.

Otramaing po ün classificêr ils substantivs in:

a) **Noms appellativs**, chi denoteschan singuls representants (individuos u oggets) d'üna spezcha, scu Lûzi, Maria, pur, patruna, predichant, magistra; Geneva, Lej da San Murezzan, cudesch, baunch, saira, frût; Zambo (elefant), Toni (canarin). utschê, rauna, giat, chevra;

b) **Noms collectivs**, chi denoteschan üna quantited (collecziun) da representants dell' istessa categoria, scu Cusagl da Stedis, Societed Retoromauntscha, pövel,

armeda, pastriglia, umanited; scossa, muaglia, utschellam, muos-cham, pullam; las Alps. las Karpatas, god. daintadūra, pennam, fierramainta, bos-cha;

c) **Noms materiels**, chi dian generelmaing da che ch'üna chosa consista, e tals quels eir la pü pitschna part ho las medemmas qualiteds e porta l'istess nom seu l'inter, p. ex. or, argient, fier, lain, madreperla, ova, vin, lat, pan, linoleum, vapor, naiv, petroli.

La pü pitschna part d'ün lain ho p. ex. nom lain, seu il lain intèr; ün unic guot d'ova pigliò our dal mer ho nom ova seu tuot la materia chi cumpuona il mer. Pigliand percunter ün singul sudó our d'ün' armeda, ün singul bes-ch our d'ün tröp, u ün singul bös-ch our d'ün god, nun ho quel pü nom armeda, tröp u god.

§ 4.

Ün parta in terz lö ils substantivs in noms concrets e noms abstracts.

a) Ils **noms concrets** denoteschan collecziuns, individuos u oggets, chi haun ün' existenza da per sè, seu god, hom, muntagna, lain, ova, ajer.

b) Ils **noms abstracts** percunter nomnan chosas, chi existan be seu qualiteds, condiziuns u attributs dad otras chosas (u da personas u bestias), seu dürezza, amarezza, fragilitèd, avarizia, ubedientscha, malattia, curaschi, povertèd e. u. i., u chi denoteschan ün stedi o ün' acziun, chi nun füssan possibels u imaginabels sainz' üna persona, bestia u chosa chi's posseda u eseguescha, seu libertèd, temma, amur, ödi, sön, partenza, arrivo, battaglia, farsa, colonisaziun, pcho, descripziun, opiniun, sentenza, idealismo, collisiun, colur, grandezza, regularitèd, abnormitèd, ümiditèd, e. u. i.

§ 5.

Ûn nun po s'imaginêr üna battaglia, üna farsa, ün pecho etc. u l'avarizia, il curaschi, l'ubedientscha etc. sainza las persunas chi cumbattan, fatschan spass, pechan, u chi sajan avaras, curagiusas, ubediantas e. u. i. Similmaing ün nun po as representêr üna malattia, la temma, il sön etc., sainza üna persuna u üna bestia ammaleda, tmuossa u chi dorma. Istessamaing üna collisiun, üna colur, ün' abnormited nun paun esser sainza las persunas, bestias u chosas chi s'incuntran, chi sajan alvas, nairas, cotschnas etc., u chi preschaintan qualiteds abnormas.

Ad onta da quaista indispensabla connexiun traunter l'acziun e l'individuo, la qualited e l'ogget, l'impissamaint umaun po fer ün sforz (nomnô abstractiun) per considerêr l'acziun u la qualited independentamaing dal individuo u dal ogget. L'abstractiun disferenziescha ils substantivs abstracts dals aggettivs, chi indichan eguelmaing qualiteds, mîo faun adüna pensêr allas respectivas persunas, bestias u chosas chi las possedan, e vegnan del rest generelmaing druvôs insembel cun ün substantiv concret, al quèl els as refereschan, seu il scolar daschütel, la vacha ammaleda, il prô verd (aggettiv attributiv) u il scolar ais daschütel, la vacha ais ammaleda, il prô ais verd (aggettiv predicativ).

Annotaziun 1. Cur cha l'aggettiv vain druvô sainza substantiv. dvainta'l stess ün substantiv. Cunfruntra losupra §§ 211—213.

Annotaziun 2. Ûn solaiva pü bod sovenz dir cha'ls substantivs abstracts, per ils disferenziêr dals substantivs concrets, denotessan chosas ch'ün nun podaiva percepir culs sens, que voul dir ch'ün nun podaiva vair, udir, sentir, odorêr u gustêr. Ûn momaint da reffless basta per as persvader cha quaista distineziun ais tuottafat fosa: ün vezza p. ex. ün tramegl, ün sot. üna colur; ün oda la chanzun, il bragizzi, il plaunt; ün santa la dolur, il fraid, il chod; ün odura l'aroma u la noscha savur, ün gusta l'amarezza della masdina u la dutschezza del zücher e. u. i., — e tuottüna tuot quaists substantivs sun abstracts.

Bgeras voutas ais üna chosa bod visibla, bod invisibla; „glüna“ füss allura ün substantiv concret, cur cha la glüna ais plaina, abstract, cur ch'ell' ais vöda, e mez concret, mez abstract, cur ch'ell' ais nel prüm u nel ultim quart. Ils chamuotschs cha'l chatscheder nun vezza, füssan denotôs tres ün substantiv abstract, e quels chi vegnan avaint sieus ögls, tres ün substantiv concret. Il leder chi vain clappô dal polizist, füss concret, e quel chi fügen, abstract.

Lectūra.

§ 6.

Che füss l'umaun, sch'el nun avess sia lavur e sieus do-vairs? Ùnguotta dapü cu üna bestia. La vestimainta chi ans cuverna. las chesas, chi, ans reparand da fraid e stratemps, ans procuran ün' agreabel bainstèr, la glüsch, chi ans sclera las s-chüras nots, las scoulas chi ans guidan al bön ed ans sviluppan l'intellet, las grandas acquisiziuns da scienza, tecnica ed arte, ils früts dels quèls nus giodains, seu mincha minima chosa chi hozindi ans ais necessaria, tuot ais il früt d'üna lavur instancabla da noss perdavaunts, chi da generaziun a generaziun ans ho mnôs sün ün s-chalin saimper pü ot da cultura e civilted. Nos il pü sench dovair ais dimena quel da continuer assiduamaing la grand' ouvra, imminch' ün seguond sias forzas e capaciteds. La lavur ais la missiun dell' umanited sün terra e be ella do valur a nossa vita. Ella nun ais be üna necessited, ma ün vair plaschair, perchè üna lavur conscienziusamaing eseguida ans perfecziunescha ed annöblescha, ans adoza in noss egens ögls, ans do fidaunza in nus stess ed ans cumparta cotres vair' algrezcha e felicitèd. L'oziusited percunter degradescha l'umaun, il renda melcontaint ed ingrat, d'aggravi a se stess ed als oters. Nossa mira saja dimena quella da render nossa vita ütila, lavurand adüna e cun gust, e la recompensa sarò l'intima satisfacziun cha be l'accompliment del dovair po procurèr. Ura e lavura, dschaivan ils vegls muongs, Carlyle, ün filosof inglais, disch: Lavurèr ais urèr.

§ 7.

Exercizi 1. Indicha per minchün dels substantivs seguaints, sch'el ais a) nom propri u nom cumön. b) nom appellativ.

nom collectiv u nom materiêl, c) nom concret u nom abstract:

armeda	famaglia	quint
Bravuogn	grammatica	republica
bastimaint	giavüsch	roba
baselgia	lej	radunanza
battagliun	Moses	Segantini
chalender	munaida	Schlarigna
concert	müraglia	sablun
concordia	naziun	solagl
cumpra	not	scoula
Dufour	öli	servitüd
Dumengia	pass	sömmi
Dieu	puolvra	tribunel
famiglia	psalm	udida
Favrer	pardunaunza	uniun
furmaint	personel	vschinauncha
fam	plaschair	vestimainta

§ 8.

Exercizi 2. a) Indicha substantivs abstracts, chi correspuondan als seguaints substantivs concrets, p. ex.: predichant — predgia; magister — instrucziun; pas-cheder — pas-cha.

agüdaunt -	educatur -	marchadaunt -
artist -	güdisch -	meidi -
chatscheder -	guerriêr -	munaida -
contadin -	lavuraint -	pcheder -
cumpreder -	leder -	serviaint -
directur -	manzneder -	uffiziant -

§ 9.

b) Nomna ils substantivs concrets, chi correspuondan als seguaints substantivs abstracts, p. ex.: l'invenziun — l'inventur; il cussagl — il cussgliêr; il confort — il conforteder.

l'adversited -	la contentezza -	la fortuna -
l'amicizia -	la misericordia -	l'inimicizia -

l'avarizia -	la mediaziun -	l'ignoraunza -
la beadientscha -	la copulaziun -	la malattia -
la beneficenza -	la daschütia -	il misfat -
la cretta -	la diligenza -	l'ouvra -

§ 10.

c) Tschercha ils substantivs abstracts, chi correspuondan als seguaings aggettivs, p. ex.: ferm — la fermezza, la forza: curagius — il curaschi: valorus — la valorusità.

amiaivel -	greiv -	rigorus -
bel -	grand -	sabi -
buntadaivel -	gentil -	seort -
charitataivel -	lontaun -	sul -
capace -	onest -	testard -
dutsch -	pietus -	vegl -
empi -	rer -	vicin -

§ 11.

d) Scriva ils substantivs concrets ed abstracts chi's refereschan als seguaings verbs, p. ex.: scriver — il scrivaunt, la scrittüra, la scrivanda: chanter — il chantunz, la chanzun, il chaunt: tradir — il traditur, il tradimaint:

confortêr -	gürêr -	sunêr -
combatter -	ingiannêr -	survagliêr -
compuoner -	liberêr -	spendrêr -
crajer -	pajêr -	summêr -
cumandêr -	propuoner -	surmnêr -
cumprêr -	salvêr -	vender -
guardêr -	servir -	

§ 12.

Seu substantivs po ün eir drovêr aggettivs, verbs e qualche voutas adverbs: quaists sun allura generelmaing accumpagnôs dal artichel.

a) Per l'adöver dad **aggettivs** scu substantivs mera § 211—213.

b) Las **fuormas verbelas** chi dvaintan sovenz substantivs sun l'infinitiv ed ils particips, scu il dovair, il parair, il gianter, l'ir (dell' temp), il spunter (dell' alva), l'avanzèr della prümavaira (dell' alva), l'elet, dits e fats (Worte und Taten). —

Quaist sfortünö ho pers tuot sieu avoir. Al tramuntèr del sogl las fluors serran lur calisch. Zieva ün' absenza da trais ans, turnet Nicolö her saira in chesa paterna; que eira ün allegrus revair. — Cur tü fest ün past, invida povers, strupchôs, zops, orvs, e tü sarost beö. (*Menni*, Luc. XIV, 13—14.)

Al fer del di III 69.

Al imbrünir della not III 109.

Sieu nöbel agir III 9.

Nel principi da sieu public operêr gnit Gesu eir a Nazaret, inua el eira stö allevö. *J. B.* 92.

† Els Cumanzen a s'agravêr,

In guotta güdet lur radschunêr. *Travers Mûs* 441—442.

Cô bgers oters dallas Lias s'chiataun,

(Chi per lur fatts eiran stos à Milaun. *Travers Mûs* 427—428.

† Ün dutsch fafflaer s'eungüsta bgiers amichs. *L. P.* 45.

Filgs, tatlè l'g parair dalg bab e mettèlg in exequitiun, per chia vus vegnas cussaluos. *L. P.* 39.

L'g chantêr dalg gial. *Bifrun Marc.* 13, 36.

L's paiauns paissen che très lur bgier schâscher ch'els uignen adadlôs. *Bifr. Matt.* 6.

Et cura chel aurit sü l'g setteuel sagilg, schi ès è dunto ün taschair quaid in schil bunamaing mezza üna hura. *Bifrun Apoc.* 8, 1.

c) Ils **adverbs** ch'ün po druvêr scu substantivs sun poch numerus. Las proposiziuns seguintas exemplificheschan ün tel adöver:

Povers vus ipocrits, perche vus nettagiais il dadour del bacher e della besla, mo aint dadains sune plains da rapina e d'ingüstia! Nettagia il prüm il dadains del bacher e della besla, acciö ch'eir lur exterior dvainta net. (*Menni Matt.* XXIII, 25—26). Tieu schi o tieu na sajan sincèrs.

Il proget da ledscha füt respint cun 60 nas cunter 39 schis.
Ils praders haun hoz lavurò ün bun po.

† Huossa uos phariseers l'g dadoura delg bachier e da la besla natagiès nus, e aquè chi es dadains in nus, es plain d'aroh e d'maliz. *Bifrun. Luc. 11, 39.*

L'g dadainz dalg narr ais sco ün vashè aruot, sco quel chi nun tain üngüna scientia. *L. P. 187.*

× § 13.

La lingua ladina posseda ün grand numer da substantivs ed aggettivs, chi eiran originariamaing particips, pustüt del preschaint e del passò, ma differentes motivs nun ans permettan pü d'al's considerèr e classifichèr seu tèls. In prüm lö il pövel, adüsò daspö seculs a'l's drovèr scu substantivs u aggettivs, nun sainta pü cleramaing la connexiun traunter ils verbs in questiuon e lur particips da pü bod, ad onta cha'l's ultims haun in bgers cas interamaing u quasi interamaing conservò la fuorma regulèra d'ün particip masculin u feminin (1). — Sovenz eir ils verbs stess sun ieus pers u sun stos in tel möd transfurmòs, ch'ün nun cugnuscha pü a prüma vista ils respectivs aggettivs u substantivs scu lur particips (2) — Eir il cas contrari succeda na darer, cioè cha'l verb ho pü u main conservò sia fuorma originaria, mo cha'l particip ais stò müdò u nel tschep u nella desinenza, da maniera ch'el nun ho pü l'aspet d'ün tèl (3).

La significaziun da quels substantivs u aggettivs s'ho in püss cas considerabelmaing allontaneda da quella dels respectivs verbs.

Pü reramaing cu'l particip pel preschaint u del passò ho il particip del futur u il gerundi do audit alla formaziun da substantivs u aggettivs: tels sun p. ex. oriund, moribund, stupend, fatschenda, ventur, futur etc.

a) *Substantivs.*

× § 14.

1. Particips regulèrs u quasi regulèrs da verbs chi existan nel stedi actual della lingua:

l'armeda	la cretta	l'incletta
l'aspirant	la cuverta	la finta
l'assistent	ils descendents	l'intrapraisa
la bastuneda	la distaisa	il lavuraint
la biageda	la dormida	la müdeda
la blichida	la düreda	l'offaisa
il condot	l'extract	l'offerta
la condotta	la ferida	il postulat

il prodot	la reuschida	il success
la pretaisa	la scoperta	il succuors
il permiss	la scumandeda	la surpraisa
la proposta	la sortida	l'uschida
il regent	la stüerta	l'udida

e. u. i.

Eir ils verbs, dals quèls sun derivòs ils seguaints particips, existan actuelmaing nella lingua; be cha'ls particips d'hozindì tunan differentamaing, survivand lur veglias fuormas be nels respectivs substantivs.

l'assalt (dad assaglier, part.: assaglieu, -ida)

l'applaus (dad applaudir, part.: applaudir, -ida)

il discuors (da discuorrer, part.: discurreiu, -ida)

il progress (da progedir, part.: progredieu, -ida)

il process (da proceder, part.: procedieu, -ida)

la perdita (da perder, part.: pers, -a)

il recess (da receder, part.: recedieu, -ida)

il substitut (da substituir, part.: substituieu, -ida)

la vendita (da vender, part.: vendieu, -ida)

e. u. i.

Sieus figls gnittan e fettan finta da'l conforter. III, 38.

Silvio in sia melcuntezza get culla testa suot la cuverta. III, 78.

† Che auaunza l'g hum sch'el aguadagna l'univers muond; e perda se sues, ù fo ùna persa da se sues. *Bifrun Luc.* 9, 25.

L'g Chiapitanni cumandò chel (Paulus) des gnir examinò cun perchiedas, par chel sauès par che chiaschun che aquels bragissen in aquella guisa incunter el. *Bifrun Act.* 22, 24.

Da te scodünn' oura des gnir cumâzedà,

Par havair bun Metz e Meildra glivreda. *Travers, Mûs* 3—4.

Alla praisa dalg Chiaste da Clavena wœlg cumanzer,

Et saitza dubbi-la pura vardat üser. *Travers, Mûs* 7—8.

Quindasch milli Curunnas lg gnissen dedas

Et in sieu Chiaste connsignedas,

A largeda da ls prashuners la Mitæd,

Alg reist alhura vi la sted. *Travers, Mûs* 659—662.

Ûn lavuraint avvriard nun vain a gnir ariek. *L. P.* 168.

La fatscha ais signael da la mudaeda dalg cour. *L. P.* 319.

Mo che po plü promover 'l salüt & beadenscha dal Crastiã col 'l plæd da Deis et l'udida da quel? *Tromm.* 34.

× § 15.

2. Particips da verbs extints u transformôs nel linguach d'hozindi:
il respectiv verb latin u la fuorma actuela del verb ladin ais do in parentesi.

l'advent (advenire)	il district (distringere)
l'advocat (advocare)	l'esit (exire)
l'affect (afficere)	l'intellet (intellegere)
il consonant (consonare)	il mess (mittere)
il conflict (confligere)	l'object (obicere)
il congress (congregari)	l'ogget (obicere)
la conquista (conquirere)	il past (pasci)
il contact (contingere)	il prefet (praeficere)
il crucifix (crucifigere)	il pretext (praetexere)
il decret (decernere)	il proget (proicere)
il defunt (defungi)	il postscrit (postscribere)
il delict (delinquere)	il sogget (subicere)
il delinquent (delinquere)	il secret (secernere)
il desert (deserere)	il suddit (subdere)
il dilet (diligere)	il suffiss (suffigere)
il dispet (despicere)	il suppleant (supplere)

e. u. i

- il credit (da crajer, in latin: credere)
- il debit (da dovoir, in latin: debere)
- il dbit (da dovoir, in latin: debere)
- il paziaint (da patir, part. latin: patientem)
- il predichant (da predger, in latin: praedicare)
- il student (da stüdger, part. latin: studentem)
- il supplicant (da supplicher, in latin: supplicare)

e. u. i.

× § 16.

Nels cas seguaints il particip regolèr del verb represchainta la fuorma veglia (latina); il particip drovô scu substantiv ais da formaziun pü rezainta:
la revaisa (da revair, part.: revis. — part. latin: revisum, — ün drova
tuottüna eir il particip revais)

la survista (da survair, part.: survis, — part. ladin: supervisum)

la vzüda (da vair, part.: vis, — part. latin: visum)

Remarcha. Formaziuns similas a „vzüda“ sun „vgnüda“. derivô da gnir, e „sapchüda“, derivô da savair. Ils relatifs verbs latin. venire e sapere, nun avaivan particips del passô all' epoca classica.

† L'g signer ho tramis me ch'eu predgia als preschunys l'aremischun e als orps la uezüda. *Bifrun. Luc. 4, 18.*

Vos babuns haun amazo a quels, chi haun profetizo uiuaunt de la uegnüda da quel giüst, da quael che uus isches huossa stös tradituors & amazedars. *Bifr. Act. 7, 52; interuegnüda Bifrun, Act. 24, 7; la sa'ppüda Bifr. N. T. 512 (Rom. 2, ann.).*

Prouidintia es la sappüda da Dieu quaela chel so ourauaunt tuottes chioses, e las urdaina. *Bifr. 396. (Act. 2, annot.)*

b) *Aggettivs.*

× § 17.

1. Particips regulers u quasi regulers da verbs chi existan nel stedi actual della lingua:

abundant	excellent	seguaint
aderent	exorbitant	soddisfat
commovent, III 51	important	solvent
dispost	obediaint	tolerant
divergent	perseverant	intolerant
distinct	persistent	vivaint
dependent	precedaint	
independent	preponderant	

(Quaista melodia eira zuond commovent, ed il mat la chantaiva con vusch amabla e clera scu üna bronzina. III, 51.)

Dieu ais üna abundaunta sabgienscha, la quèla assaduolla la lieud cun seis frütts. *L. P. 28.*

Uus isches lg taimpel talg uiuaint dieu. *Bifrun. 2. Cor. 6, 16.*

× § 18.

2. Particips da verbs extincts u transformôs nel linguach d'hozindi; il respectiv verb latin u la fuorma actuela del verb latin ais do in parentesi.

absaint (abesse, part.: absentem)	exquisit (exquirere)
competent (competere)	iminent (iminere)
consequent (consequi)	inclus (includere)
decent (decere)	indulgent (indulgere)
diligaiant (diligere)	innozaint (in + nocere)
distant (distare)	intelligaiant (intellegere = incler)
doct (docere)	intermittent (intermittere)
eloquent (eloqui)	occult (occulere)
eminent (eminere)	perfet (perficere)
evident (evideri)	precis (praecidere)

preschaint (pracesse, part.: prae-
sentem)

rimot (removere)
stupefat (stupefacere)

e. u. i.

× § 19.

3. Nels exaimpels seguaints l'infinitiv actuel tuna quasi istess scu l'infinitiv latin, be il particip passò s'ho sensibelmaing allontanò da sia fuorma originaria u ais ieu pers, ils respectivs aggettivs represchaintan la veglia fuorma da medem:

abstract (dad abstraher, part. actuel: abstrahò)
concret (da concerner, actuelmaing ün particip passò nun exista)
direct (da diriger, part. actuel: diret, -ta, u dirigieu, -ida)
discret (da discerner, sainza particip passò)
dissolut (da dissolver, part. actuel: dissolt, -a)
exact (dad exiger, part. actuel: exigieu, -ida u esat, -ta)
innat (dad in + nascher, part. actuel: naschieu, -ida)
pulit (da pulir, part. actuel: pulieu, -ida)
cognit (da cognuoscher, part. actuel: cognuschieu, -ida)
potent (da podair, part. actuel: podiand)
omnipotaint (da podair, part. actuel: podiand)
pazchaint (da patir, part. actuel: patind)
impazchaint (da patir, part. actuel: patind)

† Dalg tschiel et terra Omnipotaint Dieu

Dom gratzchia da cumplir lg perpöest mieu. *Travers, Mäs* 1—2.

Remarcha. Ils verbs conquerer, creditor, debitor, decreter, processer, progetter, rispetter, s'absenter, preciser, as pazchenter, preschenter e. u. i. sun derivos dals substantivs credit, debit, decret, process, proget, rispet etc. u dals aggettivs absaint, precis, pazchaint, preschaint, e. u. i., na ils substantivs ed aggettivs dals respectivs verbs. Lur particips sun: creditò, debitò, decretò etc., na credit, debit, decret etc., chi sun dimena las fuormas participielas da verbs uossa extincts.

× § 20.

Formaziuns analogas. Sovenz ün substantiv ho la fuorma d'ün particip, sainz' esser vairamaing derivò d'ün verb. Que ais per exaimpel il cas cun ils noms seguaints:

anneda	cheseda	öglieda
basleda	curtelleda	sduneda
bratscheda	furcheda	vacheda
bucheda	maiseda	etc.

Exaimpels mixts. † Tuot que chi t'assaglia piglia sù gugend, in la dolor t'amuossa paciaint, e giaglard in la mūdaeda cun la quaela tū vainst abasso. *L. P.*

Nun impraster ünguotta ad ün hom plü pussaunt co tū, ma scha tū imprastast schi tain sco per pers. *L. P. 85.*

† In tuottes tias fatschendas saiaist diligiaint e spert, e mallattia üngüna nun vain à t'assaglr. *L. P. 276.*

Il gener del substantiv.

§ 21.

Nus disferenziains duos gener del substantiv, il gener masculin e'l gener feminin. (Davart il neutro confrunta § 211, davart l'artichel § 133.)

Il gener grammatical correspuonda tar persunas ordinaria-maing al gener natürel, p. ex. il pur, il magister, il fale-gnam, il taglialaina, la massera, la schnedra, la chürunza, la muglièr. Excepziun da quaist a regla faun be ils substantivs la guida, la guardia, la perdüta, la sentinella e la spia, chi designeschan generelmaing persunas masculinas ed haun tuottüna il gener feminin. Eir la s-cheppa e la pratcha designeschan indifferentamaing üna persuna masculina u feminina.

Il consistori tscherchaiva perdüttas cunter Gesu per il fer murir, ma nun chattaiva alchüna. *J. B. 133.*

E per temma dad el tremblettan las guardias, e dvantettan sco mortas. *Menni, Matt. 28, 4.*

Accumpagnò da duos expertas guidas, as mettet el in viedi vers il vadret. *V 108.*

§ 22.

Bgers noms da persunas e bestias haun duos differentas fuormas per il gener masculin e feminin, p. ex.:

il barba

l'amda

il bapsegner	la mammaduonna
il bap	la mamma
il cumpèr	la cumèr
il dieu	la deessa
† deus (<i>Bifrun</i>)	† dea (<i>Bifrun</i>)
il dschender	la brüt
il famagl (il fantschè)	la fantschella
il frer	la sour
l'hom	la duonna
il marid	la muglier
il neiv	la nezza
il padrafter	la madrastra
il padrin	la madrütscha
il predichant (il plavan)	la plavanessa
il pur (il contadin)	la contadina
il raig	la regina
il mes-chel	la forma
il buoch	la chevra
il bouv }	la vacha
il tor }	
il bümatsch }	la nuorsa
il greg }	
il chöd	(la giallina
	(la cluotscha
il ver (verl)	la scrua

† Ad Efeso cira ün renomnô taimpel della deessa Diana. *J B.* 157.

La regina da Mezdi vain ad alvèr sū nel güdizi culs crastiauns da quaista generaziun. e vain a'ls condannèr. *Menni, Luc.* 11, 31.

L'g taimpel dela granda diç la Diana. *Bifrun Act.* 19, 35.

Diels & dielas, dees ù deas dals paians. *Bifrun Act.* 19. Anno-
taziun p. 467.

Lur pchiôs sun arriuôs infina sün schil, ç deus s'ho algurdô da
lur nusthdaets. *Bifrun Apoc.* 18, 5.

§ 23.

Sovenz il feminin vain furmô in mettand tiers al nom
masculin la desinenza -a.

l'abitant	l'abitanta
l'amatur	l'amatura
l'auditur	l'auditura
il benefactor	la benefactura
il ballerín	la ballerina
il buob	la buoba
il chantunais	la chantunaisa
il chantunz	la chantunza
il confirmand	la confirmanda
il cravunèr	la cravunèra
il cumpagn	la cumpagna
il curant	la curanta
il cuschinunz	la cuschinunza
il chürunz	la chürunza
il figlioul	la figlioula
il filunz	la filunza
il lavuraint	la lavurainta
il marus	la marusa
il melfattur	la melfattura
il mulinèr	la mulinèra
il non	la nona
il preschunèr	la preschunèra
il sotunz	la sotunza
il serviaint	la serviainta
il sör	la söra

il spus	la spusa Luc. V. 34
il tregant	la treganta
il tramagliunz	la tramagliunza
il vschin	la vschina
il Tudais-ch	la Tudais-cha
l'American (-aun)	l'Americana (-auna)
il Frances	la Francesa
l'Inglais	l'Inglaisa
l'Italiaun	l'Italiauna
(il Taliaun)	(la Taliauna)
il Milanais	la Milanaisa
Paul	Paula
il sterl	la sterla
il muj	la muja
il pulschain	la pulschaina
il tschierv	la tschierva

e. u. i.

† Eau arcumand a uus Phoebe. nossa sour, quaela chi es üna servaianta da la Baselia. *Bifrun, Rom.* 16, 1.

A quel chi arumpa l'alaig ho nom adulter, ed ella adultera *Bifrun, Annot. Matt.* V.

§ 24.

Aunz cu piglièr la desinenza feminina -a, il substantiv subescha sovenz üna müdeda, la quèla in bgers cas ais analoga a quella del aggettiv (cunfrunta § 192—203), p. ex.:

l'abiedi	l'abiedgia
il basat	la basatta
il chatscheder	la chatschedra
il cumpreder	la cumpredra
il figl	la figlia
il figliaster	la figliastra

il leder (ledar)	la ledra
il magister	la magistra
il manzneder	la manznedra
il mat	la matta
l'orfen	l'orfna
il pcheder	la pchedra (la pchadritscha)
il quinò	la quineda
il schneider	la schnedra
il Svizzer	la Svizzra
il tat	la tatta
il vendeder	la vendedra
il cunigl	la cuniglia
l'esen (l'esan)	l'esna
il giat	la giatta
il puleder	la puledra
il tiger	la tигра
il trim	la trimma

† Et nos filgs & nossas figlias uignen prophetizér. *Bifrun Act.* 2, 17.

La duonna era stèda üna pchiedra in la città. *Bifrun Luc.* 7, 37.

× **Annotaziun.** La desinenza -er dels substantivs pcheder, leder, vendeder etc. gniva pü bod sovenz scritta cun a. Istessamaing chattains eir sovenz esan, impè da esen, egian per egen, servezzan per servezzen etc.

† Vhè eau uing sco ün ledar. *Bifrun Apoc.* 16, 15.

Eau nu uoelg lascher uus orphans, eau uoelg gnir tiers nus. *Bifrun Joh.* 14, 18.

Nus sauain che quaist hum es ün pchiedar. *Bifrun Joh.* 9, 24.

amazedar *Bifrun Act.* 7, 52.

pledêdar (oratur) *Bifrun Act.* 24, 1. Saluêdar. *Bifrun Tit.* 2, 10. *Bifrun 1, Cor.* 7, 5: egien & egian.

§ 25.

La müdeda cha las seguintas fuormas femininas su-beschan aunz cu piglièr la terminaziun -a, nun preschainta üngüna analogia cun quella dels aggettivs:

l'amih	l'amia
il dieu	la deessa (cfr. § 22)
il dücha (duca)	la düchessa
l'eroe	l'eroessa
il fantschè	la fantschella
il giuven	la giuvintschella (la giuvna)
il granduca	la grandüchessa
l'imperatur	l'imperatrice
il mastrel	la mastralessa
il pcheder	la pchadritscha (pchedra)
il profet	la profetessa † la profetisa (<i>Bifrun</i>)
il striun	la stria
il vaidg	la vaidgua
l'agnè	l'agnella
il chavagl	la chavalla
il chaun	la chagna
il chavriöl	la chavrioula III 108
il liun	la liunessa
il purschè	la purschella
l'uzöl	l'uzoula
il vdè	la vdella

Las giuvintschellas imprudaintas pigliettan lur lampas, ma nun pigliettan öli cun se. *J. B. 121.*

Traunter ils richs gnit eir üna povra vaidgua e mettet aint duos pitschnas munaidas. *J. B. 127.*

Il chavriöl ais üna bestia fich plaschaivla. Cun sieu bel pail brün, sias cornas ornedas da vuorchs, sieus ögls vivs e prus e sias chammas stiglia^s e lestars ais el üna dellas pü bellas bestias. La chavrioula cun sieu uzöl nun po fügir uschè spert dal inimih; perchè las chammas del uzöl sun aunchia debbas. III 108.

† Prov. 1, 10. Mieu figl, scha'ls pchaduors at vöglian surmnèr, schi nun acconsentir. *J. B. 42.*

Eli admoniva bainschi qualvoutas sieus figls; els continuettan però a mnèr üna vita ligèra e pchadritscha. *J. B. 42.*

Ad eira co eir üna profetessa, Anna, figlia da Januel, dalla schlatta d'Aser. *Menni, Luc. 2, 36.*

§ 26.

Exercizi. Scriva proposiziuns per illustrèr minchtüna dellas reglas explichedas nels paragrafs 22—25.

Exaimpel. Il liun possèda üna comma maestusa, chi, onda-giand, al cuverna scu ün mantel regel spedlas e pet; la liunessa al incunter ais priveda d'ün tel ornamaint.

§ 27.

Bgers noms da personas nun indichan il gener da quaistas, p. ex. ils substantivs persuna, infaunt, commember etc. denoteschan indifferentamaing personas masculinas e femininas. Sch'ün voul, in ün tel cas, expressamaing denoter il gener ch'ün managia, stò ün drover oters substantivs chi faun quetaunt.

Exaimpels: Nossa societad quinta 65 commembers, 40 homens e 25 duonnas. Al coro mixt faun part 41 personas, 26 chantunzas e 15 chantunzs. Mieu amih ho 3 infaunts, 2 mattas ed ün mat. Els sun in 7 fradliunzs, 4 frers e 3 sours.

§ 28.

Sovenz ün substantiv, chi nel singular denotescha expressamaing üna persuna masculina, vain druvò nel plural per persunas da tuots duos geners.

Exaimpels: Nossa scoula ho 35 scolars, 18 mattas e 17 mats. Al gianter da nozzas pigliettan part 40 creschieus e 6 infaunts. Alla tschaina cumparittan 18 invidos. La vschinauncha da S-chanf avaiva als prüms December 1910 457 abitants.

§ 29.

Eir tar differentas classas da bestias nun existan noms apposta per indichèr il gener da medemmas. L'elefant p. ex. po denotèr indifferentamaing il mes-chel u la femna. eguel-

maing „la vuolp“ nun disch scha que as tratta d'üna vuolp masculina u feminina. Tels substantivs sun:

masculins :

l'alimeri
il canarin
il chameil
il chamuotsch
il corv
il crocodil
il fringuel
il gorilla
il guis
il luf
il muschun
il muos-chin
il passler
il papagagl
il pesch
il pichalain
il püerch
il pluogl
il pülesch
il püf
il rat
il rossignol
il ruos-chel
il sagliuot
il spler
il struzzo
il tass
l'ustur
il verm

feminins :

l'anda
l'antilopa
la balena
la chamblla
la cigogna
la corviglia
la giazella
la grigiauna
la leivra
la lindorna
la lodola
la lutra
la muos-cha
la muntanella
la mür
l'ocha
la pernisch
la quaglia
la rauna
la ravalaura
la schimgia
la serp
la talpa
la tarma
la tartaruga
la tschuetta
la vipra
la vuolp
la zebra

Exaimpels: Al avanser del inviern as retiran las muntanellas in lur fouras, las serran bain cun crappa, terra e fain ed as mettan gio nel fain sech rammassò la sted, üna sper l'otra tuot ils members della famiglia, per lur lung sön d'inviern.

Da sted la vuolp banduna sieu quartier e vo a stêr süllas muntagnas. Allô ais vistas, da clapper qualche bun baccun. La beschia manainta nel stevel. La chamanna del bûs-chêr ais ün bun töch dalöntschi. Cò s'approssma al imbrünir della not la vuolp alla scossa e clappa ün bel agnè. Süls munts sun eir ravulaunas e giallinas sulvedgias. Da quaistas, sperescha la vuolp, da podair bain eir sagêr. Perfin las muntanellas non sun sgüras da quella melprüveda ledra. La vuolp las surprenda daffat in lur fouras. Süllas muntagnas as saint' ella bger pü sgüra cu nel god. As pastuors e turists lasch' ella gnir bain ardaint, seu seh' ella savess, cha quaists nun sajan da tmair.

D'inviern ais eir per la vuolp a fin culla cuccagna. Las mürs dorman nella terra suot la naiv. Ils pulschains sulvedis sun gnies pü grands e pü prudaints. Las leivrinas saun uossa eir fûgir dalla vuolp. Niauncha giglûdras nun survain ella pü. Ella nun ho pü tevla da mulinè, ed uossa tuocha sovenz eir alla vuolp dad indürer fam. III, 109.

† Eau dun a uos pusaunza da zappêr sü las zerps e sü l's scorpiuns. *Bifrun, Luc.* 10, 19.

Nu daed aque chi es saenc als chiauns, ne bittô perlas auaint l's porcs. *Bifr. Matt.* 7, 6.

La cumpagnia chi ho l'g luff cun l'g agne, taela ais eir l'amicitia dalg nosch cun l'g prus. L'g consentimaint chi ais traunter la zerp e l'g chiaun, quel ais intraunter l'g rick e l'g pouver. *L. P.* 124.

Remarcha. Il pled alimeri avaiva pü bod üna significaziun tuot generela per bestia, seu cha muossan ils seguaints exaimpels:

Scodün alimaeri amma sieu sumgiaunt e scodün hom sieu prossem. *L. P.* 124.

Et dalg thrun gnüan lüschernas, e thuns, & uusths. & set aumplas dfoe chi ardaüen auaint l'g thrun, quelas chi sun l's set spierts da dieu. Et in la uezüda dalg thrun sco ün mêt d'uaider sumgiaunt alg Christalg, & in mezza l'g thrun & dintuorn l'g thrun quater alimeris plains d'oeilgs dauaint & dauous. Et l'g prüm alimeri era sumgiaunt ad ün liun, & l'g seguond alimeri sungiaunt ad üni uidilg, & l'g ters alimeri hauaiua üna fatscha sco ün hun, & l'g quart alimeri era sumgiaunt ad üni eaula chi sthuola. Et l's, quater alimeris scodün hauaiua sijs elas dintuorn, &

aint da dains eran plainas d'oeilgs. Et nun haun pès ne d'di ne d'not, dschant: Saene. Saene, saene signer deus omniputaint, quael chi tū eras. quael che tū ist, & quael chi uain agnir. *Bifrun. Apoc. 4, 5—8.*

Et vezet l'g schil avert e gnand ziu à se ün schert uaschilg. sco ün grând linzöl, lio insemmel cun quater pizs, e gnit lascho giu da schil in terra, in aquel eran tuots alimeris da quater pès de la terra, e da tuottas bestchias e da tuots alimeris chi briflan uia per la terra, e da tuotta utschlina dalg schil. *Bifrun Act. 10, 11—12.*

§ 30.

Sch'ün voul tar quaists substantivs indiehèr il gener, stu ün aggiundscher ils aggettivs masculin u feminin, p.ex. ün gorilla masculin. ün gorilla feminin. Scha la bestia ais gia steda nomneda, la distingua ün simplamaing tres ils plets mes-chel u femna. Tar tseherts rumaglièrs vain la femna eir designeda tres il pled la chevra.

Exaimpels. Las rennas, tar las quèlas eir la femna porta armadūra, schabain pü pitschna, sun stedas domesticchedas dals pövels del nord, als quèls ellas sun dvantedas indispensablas tres ils ourdvart buns servezzans. ch'ellas als rendan in tuots rapports.

La vuolp ho si' abitaziun in fouras suot terra. Lo naschan eir ils pitschens, trais fin tschinch alla vouta; la femna ils chüra cun grand' amur e cur ch'els sun taunt inavaunt, cha paun sortir da lur tanna, ils instrueschan ils vegls in tuot las finezzas necessarias per lur ventura carriera.

La ledscha da chatscha permetta da clapper chamuotschs, ma scumanda da schluppetter chevras (que voul dir: chamuotschs feminins). Nos museo contegna üna bella chevra da stambuch impaglieda.

§ 31.

Lectūra.

A. In India e nellas islas Ceylon, Sumatra e Borneo, inua cha dalla planüra fin sü ot nellas muntagnas s'extendan

immens gods primitivs, lo ais da chesa l'elefant. Viva chalur e grand' ümidited del terrain haun allò favorieu üna vegetaziun exuberanta. Traunter l'ota bos-cha del god crescha spessa frus-chaglia. Fermas e grossas plauntas rampicantas s'intretschan intuorn troncos e frus-chèrs e rendan il god d'üna tela spessaglia, cha l'umaun, cul agüd della sgür, po be stentusamaing penetrèr in quel. Las bestias lattentivas (ils mammi-fers) da quaists gods abiteschan perquè in granda part las tschimas della bos-cha: quellas però, chi vivan per terra, sun uschè pitschnas, ch'ellas paun facilmaing as fer via traunter our il labirint della richa vegetaziun, oppür bestias giganteschas, chi sun in cas da rumper tres sia spessur. Ün da quaists gigants ais l'elefant. El viva in tröps da 20—30 töchs. Alla testa del tröp as metta scu conductur ün dels pü grands e pü fermes mes-chels. Per tscherchèr lur nudrimaint faun els sovenz lungs viedis e drovan per il pü strettas semdas battidas dad els stess u dad oters tröps, e chi pels umauns sun sovenz las unicas vias chi'ls condüan nels gods primitivs. Las bestias giganteschas vaun pacificas üna zieva l'otra tres il god, pacificas as separan per ir a tscherchèr lur nudrimaint, pacificas piglian ün bagn rinfrais-chant u posan alla sombriva del god. Appaina cha'ls elefants s'inacordschan (da) qualchosa suspettus, as mettan els in fügia. Sch'els cotres sun sforzòs d'abbandunèr lur semdas battidas, allura pür as muossan els scu ils vairs patruns del god primitiv.

§ 32.

Il gener dels noms da chosas.

Tar ils noms da chosas nun exista quasi üngüna relaziun traunter il gener grammatical e lur significaziun, scu cha muossan ils exaimpels seguaints, inua las istessas u tuottaffat similas chosas sun denotadas tres duos substantivs da different gener:

il badigl	la pela
il bastimaint	la nev
	la barcha
il crap	la peidra
il fö	la flamma
l'ogget	la chosa
il rispli	la penna
il s-chabè	la chadregia
il stram	la paglia
il strich	la lingia
il taimpel	la baselgia
il tröp	la scossa
l'üsch	la porta
l'uzun	la giglüdra
il vih	la vschinauncha

e. u. i.

Las reglas, ch'ün po stabilir davart il gener dels noms da chosas, as baseschan dimena be sün la fuorma exteriura dels pleds.

× § 33.

1. Ils noms da chosas chi glivran cun ün consonant sun masculins. Siand quaista classa fich numerusa, la glista chi segua, preschainta be üna tscherna relativmaing pitschna:

abandun	adüs	alum
abiss	adverb	† aluschamaint
ablativ	affer	albiereg
abüs	affrunt	amid
accent	aggettiv	anè
access	agl	ananas
accord	aguagl	andit
accusativ	agüd	anim
acid	alber	appetit
acquist	albiereg	applaus
act	album	aram
actuariat	algord	argient
adöver	allarm	arüd

arvagi	confin	† exschaimpel
aschaid	confrunt	examen
aschigl	congress	femnam
assegn	contact	fier
atlas	contract	flüm
atschël	contrast	fögl
badigl	coragl	frod
bain	cram	frunt
bal	crap	fuonz
bambësch	craunz	fuogn
battagl	cravun	fuorn
battöz	crid	füs
barbulöz	cridöz	galop
bavröz	cröch	guaffen
benzin	culaischem	imgiüramaint (T. 18)
bestiam	cumand	import
branclöz	cumbat	imbüttamaint
bröch	cuogn	improepchamaint
bügl	cuolm	(L. P. 64)
bunamaun	cuolp	inchaunt
bümaun	cuost	indriz
catalog	cuotsch	ingian
chal	cussagl	interval
champ	custab	invid
chanv	cuv	inviern
char	daint	larsch
chaschöl	dalet	latun
chastih	dan	lej
chat	danèr	lod
chüram	dativ	mais
clam	decret	malam
circul	delict	manch
clamaint	disegn	mantun
clavazin	disuorden	maun
elech	dschambun	meglioramaint
cling	dschember	mer
club	dscherm	metal
comet	dschermügl	mintun
concret	estim	möd
condot	exaimpel	mulin

muond	reguard	tagl
muos-cham	resgum	temp
Nadel	retuorn	term
nas	rispargn	tet
nom	sagl	tev
nominativ	sain	timum
nord	saltsch	tol
nuf	salud	tormaint
numer	sass	tröp
numerèl	savun	trun
oblig	sbagl	tschèl
ogget	s-charp	tschep
omnibus	scrutin	tschularot
or	sdratsch	üert
orizont	sel	üs
öv	sejel	üsch
pais	sem	üt
pajais	sen	uorden
paragraf	servezzan	urdegñ
pèl	sforz	usufrüt
pennam	sguard	utschellam
perfüm	sot	uzun
petten	spelm	vadret
pign	spredschi	vaidet
plom	stailam	vagun
pöst	sternüd	vainter
pövel	stinv	vent
pollesch	straglisch	verdaram
pos	stram	vduogn
predsch	succuors	zappun
pretext	süd	zindel
protest	süt	zücher
puogn	svilup	zuorpel
puoz	sustegn	zurplin
reginam	tach	e. u. i.
regn	tact	

† Et es duanto in aquels dijs, che eilg es ieu oura üna crida da Caesare Augusto che gnis fat ün estim da tuot elg muond. *Bifr. Luc. 2,1.*

Innua ais ün aluschamaint (= albiere), innua ch'eu mangia la pasthqua cun mes discipuls? *Bifrun Marc. 14,14.*

Uns isthes stôs ün exschaimpel à tuots aquels chi craien in Macedonia, & Achaia. *Bifrun*, 1, *Thess.* 1, 7.

Urò (= urè) che uosso fùgia nun duainta ilg (= in il) inviern. *Bifrun Marc.* 13, 18.

Inguael scu tiers ün saschin isches ieus oura cun spedas & guaffens, à m'apigliér. *Bifrun Marc.* 14, 18.

× § 34.

Excepciun della regla precedainta faun: a) Substantivs abstracts chi glivran cun -ur, scu

l'amur	la lavur	la savur
l'ardur	la maindonur	la sgrischur
la candur	l'ordur	la spessur
la chalur	l'onur	la spendur
la colur	l'orrur	la stupur
la dolur	la rigur	la terrur
la fervur	la rossur	la valur
la frantur	la rumur	la vigur

e. u. i.

† Ad ün chi metta spias ad ün oter per l'g trapplaer, l'g vain dsieua üna granda maind' hunur. *L. P.* 62.

Aque causèt in las Lias granda dular.

Et à lur causa s'pardèt bgierra favur. *Travers Mûs* 271—272.

Remarcha 1. Ils substantivs concrets chi glivran cun ur, denoteschan quasi tuots persunas masculinas, lur gener grammatical correspuonda dimena al gener natürel, scu l'actur, l'agricultur, ambaschadur (imbaschadur, *Bifrun*, 2 *Cor.* 8), l'auditur, l'exploratur, il destructur, l'imperatur, l'instructur, il melfattur, il pur, il traditur, il vignadur etc.

† E. B. Scha ün vignadur tras negligentia lascha las ües madü ras sün la vigna, & pür cur ellas sun marschas las elegia gio, & metta sot il torcal, schi vaine landroura ün vin usche nausch, & mal gustaivel, chia quel non po gnir sport ad ingiün, nianca ad ün chi ais inebriä. *Abyss*, IV 51.

† Scha tü eist tscharnieu ün aridschadur d'ün past, schi nun t'ingrandir, ma saiaist inguael als oters. *L. P.* 279.

Be la flur, la süjur e la vapor denoteschan chosas; els sun ils unics substantivs concrets del gener feminin in -ur.

Remarcha 2. Dals substantivs abstracts in ur ais be ün sulet masculin nempe errur.

On ur ais feminin tenor Pallioppi, ma as chatta eir druvo seu masculin, p. ex.: Comparta'ns la grazia, da pudair chaminer conformamaing a nossa vocaziun, acciò cha tieu onur e tieu sench nom nun vegna vituperò a causa da nossas iniquiteds. *Lit.* 21—22.

§ 35.

b) Substantivs culla desinenza -iun, seu

l'abitaziun	l'exploraziun
l'admissiun	l'explosiun
l'ambiziun	l'exportaziun
l'annotaziun	l'expressiun
† l'annotaciun (<i>Bifrun</i>)	l'extensiun
la benedicziun	la fundaziun
la chanzun	la fusiun
la condiziun	la generaziun
la collaziun	la giustificaziun
la commeschiun	l'identificaziun
la confirmaziun	l'illuminaziun
† la cunfirmaciun (<i>Bifrun</i> <i>Heb.</i> 6,16)	l'illustraziun
la confederaziun	l'imaginaziun
la confusiun	l'implantaziun
la congratulaziun	l'inspeziun
la congregaziun	l'installaziun
la demissiun	l'instrucziun
† la deuociun (<i>Bifr. Jac.</i> 1,26)	la liquidaziun
la disposiziun	la manipulaziun
la disputaziun	la mediaziun
la distineziun	la modificaziun
la divisiun	la multiplicaziun
la dominaziun	la muniziun
l'educaziun	la naturalisaziun
l'emanzipaziun	la naziun
l'emigraziun	l'omissiun
l'evacuaziun	l'opiniun
l'excavaziun	l'oraziun
l'exceptiun	† perfectiun = la fin (<i>Bifr. Heb.</i> 6,11)
l'excursiun	la petiziun
l'expatriaziun	la populaziun
	la posiziun

la possessiun	la suspensiun
la precisiun	la subscripziun
la preparaziun	la taxaziun
la provisiun	la terminaziun
la questiun	la tradiziun
la relaziun	la traducziun
la reformaziun	la transformaziun
la revoluziun	la transplantaziun
la sadullaziun	l'ümiliaziun
la satisfacziun	l'ütisaziun
la secziun	la veneraziun
la sediziun	la ventilaziun
la seducziun	la verificaziun
la separaziun	la versificaziun
la sessiun	la violaziun
la significaziun	la visitaziun
la soluziun	la visiun

e. u. i.

A vegnan ad esser fos dottuors, ils quèls introduèron suot maun dissensiuns perniciosas. *Menni*, 2 Petr. 2, 1.

Il Segner so spender il pietus our dalla tentaziun. *Menni*, 2 Petr. 3, 9.

Scodün artschaiverò la retribuziun dal Segner, per il bain ch'el ho fat, el saja famagl u liber. *Menni*, Ef. 6, 8.

Tres la deposiziun da duos u trais perdüttas vain ogni chosa confermada. *Menni*, 2 Cor. 13, 1.

Ün fidel amih ais üna ferma protecziun. *J. B.* 82.

Onura bap e mamma, acciò cha lur benedicziun vegna sur te. *J. B.* 82.

Quels chi eiran stos dispers tres la persecuziun naschida per amur da Steffano, passettan fin in Fenicia e Cipro ed Antiochia, e nun annunziaivan il pled ad üngün oter co sulettamaing als Güdevs. *J. B.* 150.

Eau's lod, frers, cha vus salvais las instrucziuns, ch'EAU's he do. *Menni*, 1. Cor. 11, 2.

Our da vossa buocha nun giaja üngün pled disonest, ma plets, chi servan all' edificaziun. *Menni*, Ef. 4, 29.

L'g principi da la superffgia ais la rebelliiun dalg hom incunter Dieu. *L. P.* 96.

Remarcha 1. Ils substantivs surindichôs in -iun sun quasi tuots abstracts, be qualchûns sun concrets, seu l'abitaziun, la confederaziun, la naziun, la populaziun etc. Ils substantivs campiun (— der Sieger, der Kampfgenosse), striun, spiun, liun. chi donoteschan na chosas, ma personas u bestias. haun il gener natürel (cunfrunta §§ 21 e 25). Campiun denotescha però eir üna chosa (das Muster), mo ais adüna masculin. Oters noms da chosas del gener masculin sun: il bastiun, il burriun, il friun.

Ils Filistins, vzand lur campiun principel vandschieu e mazzô d'ün giuvnet, fügittan in tanta malur. *J. B.* 49.

Vuss me nu pranais giuo da quella opinium,

Ko scodün d'uus nun saia ün spiun. *Travers, Filg*, 470, 1.

Davart ils substantivs battagliun e medagliun cunfrunta remarcha 4.

Remarcha 2. Ils substantivs chi glivran cun sun na precedieu dad i sun feminins, sch'els sun abstracts, e masculins, sch'els sun concrets:

Feminins ed abstracts

l'arazun
la chanzun
la chaschun
la clamaschun
la guarischun
l'ovazun
la preschun (Gefangenschaft,
Gefängnisstrafe)
la radschun
la raschun
la saschun
etc.

Masculins e concrets

il bacun
il ballun
il channun
il chantun
il chardun
il chartun
il citrun
il cordun
il cucun
il furgun
il furmentun
il giun
il maschun
il mantun
il sablun
il zappun
etc.

Dals substantivs concrets sun be la guarnischun, la squadrin feminins, dals abstracts sun be trais masculins, il sun, il strasun ed il tun. La preschun ais bod abstract (= la preschunia), bod concret (das Gefängnis), sieu gener ais però adüna feminin.

† Ls prashunêrs, significhiantd lur prashun,
Ruvaiven, ch' nun gnissen laschôs sün lg bandun.

Travers, Mûs 107—108.

Cuntuot des scodün operer,
Chia la radschun poassa regnier.

Travers, Mûs 347—348.

Ls fet metter in sias maschuns,
Chi sun uschie mellas prashuns,
In lg Chiashtë zura et zuot la mattêt

Et aint in tschêps als arantêt.

Travers, Mûs 481—484.

Aint in l'g Cumöen d'Bragaglia

Fat füt 'na svargugnusa chianzun,

Da quels povers chi eiran in prashun. *Travers, Mûs 624—626.*

Metz ann düret la lur prashun,

Sumgiêt ad els lungia saschun.

Travers, Mûs 673—674.

Remarcha 3. Ils substantivs abstracts in -un eiran pü bod pü frequent cu hozindi. Bgers chi glivran uossa cun -iun, avaiavan nella veglia litteratura be la desinenza -un, p. ex. arcumandaschun *L. P.* 398, bendischun *Bifrun Gal.* 3,14, cumpartischun *Bifrun Col.* 1,25, cundanaschun *Bifrun Marc.* 12,40 e *Gal.* 5,10, impromischun *Bifrun Heb.* 4,1 (eir promischun, *Bifr. Gal.* 3,18), maldischun *Bifr. Gal.* 3,13, perdizun *Bifrun Phil.* 1, 28 e 1 *Thess.* 5, 3, sprendrischun *Bifrun Luc.* 1, 68, schinaledischun *L. P.* 149.

† **Exampels.** E. B. Tu savessas amò melg scha tu tadlessas, è tia cognoschèscha gnis perfectionada, tenor tia clamaschun da desser brich solum auditur, mo eir factur dal plaed da Deis. *Tromm. spirit.* 114.

Un hom sabbi vain a taschair infinna alg drett temp, mu un tschâschaedar ed ün narr vain a surpasser la dretta saschun dal temp *L. P.* 177.

La terra chi pardüia spinas e chiarduns, es arpruueda e prusmaunta à la maldischun, da quæla la sia fin no sun aquaist, che la uigna arsa. *Bifr. Heb.* 6, 8.

Uus hauais udieu la cumpartischun de la gracia da dieu, quæla chi es stêda dèda a mi in uus. *Bifrun Eph.* 3, 2.

Promischun *Gal.* 3, 18. Christus ho spendrò nus da la maldischun. *Bifrun, Gal.* 3, 13.

Ad Abraham sun dittas las promischuns & a sieu sem. *Bifr. Gal.* 3, 16.

Èr l'g filg delg hum nun es gnieu, per che uigna servieu, à si, dimpersè par che'l servis e des sia uitta in spendrischun per bgiers. *Bifrun Marc.* X 45.

Et aquaista es la cundanaschun, che la liüsth es gnida ilg muond, e la lieud haun amo plü fick la sekiürezza co la liüsth. *Bifrun Joh.* 3, 19.

Et in tieu sem haueraun benedischun tuottas las sclattas de la terra. *Bifr. Act.* 3, 25.

La scientia dalg sabbi vain ad esser abundaunta sco üna vazun, e sieu cussalg ais sco üna netta funtauna da la vitta. *L. P.* 187.

Remarcha 4. Nels substantivs battagliaun, medagliun, cupigliun ed oters l'i ais be miss aint per der al gl il tun lam. Ün po dimena quinter quaists plds traunter ils substantivs chi glivran be cun -un. Lur gener vo tenor la regla precedainta. Il substantiv giun quinta eguelmaing tar ils noms in -un, siand cha' l i appartegna al tschep.

× § 36.

e) Substantivs culla desinenza -det u -ted, scu

† bistchialitaed (<i>Bifr. Tit.</i> 2,12)	la dignited
la fosdet	l'eted
† humilitaed (<i>Bifr. Col.</i> 2,18)	la faculted
la nardet	la maggiorited
la noschdet	la minorited
la prusdet	la mitted
la s-charsdet	la naziunalited
la vardet	la sted
la sandet	la tranquillited
	la vanited
l'absurdited	la varieted
la bunted	la valurusited
la citted	la volunted
la cordialited	l'umanited
la crudelited	e. u. i.

Sch'eu distribuiss tuotta mia faculted a nudrir ils povers, e dess mieu corp a gnir ars, mo nun he charited: schi nun am güda què ün-guotta. La charited ais tarda all' ira, e benigna; la charited nun invilgescha, la charited nun ais insolenta, non's scuffla stü, nun operescha disonestamaing, nun tschercha il sieu, nun s'inasprescha, non imputescha il mel, nun s'allegra dell' ingüstia, anzi s'allegra della vardet, ella cumporta tuot sperescha tuot. La charited nun vain mê al main; mo las profezias cruderon davent, ils linguachs tascheron, la scienza sarò annulleda. *Menni*, 1. *Cor.* 13, 3—8.

O Segner, fo'm grazia ed üsa benighted vers Abraham e sieu figl Isac. *J. B.* 10.

In Aten, nella chapitela della Grecia, s'indegnet Paulo, vzand la citted plaina d'idols. *J. B.* 155.

Dieu nun lascha üngüna iniquited sainza chastiamaint. *J. B.* 83.

Pero scodün des saimper amêr.

La prudëntia et me abandunêr

Et a sia Patria in vardet

Servir cun tuotta fideiltaedt. *Travers, Mûs* 641—644.

Lo tierz agiüda la senchia Trinitaet

Et hoasta scodün da mael ê da laed.

Travers, dysch aeteds Ms. Gr. 56—57.

La tia buntedt ais a nuss pruueta

Ad in tuot als kufins araseda. *Travers, Jos.* 480—481.

† Che cuuigna ho la giüstia cun la nustdaet? *Bifr. Cor.* 6,14.

Un hom da bain vain ad esser sgürtaed per l'g amich, ma chi ho pers la verguogna, vain ad abandunaer l'g amich. *L. P.* 259.

× § 37.

d) Ils substantivs chi seguan:

l'alp	la gliend	la punt (cfr. rem.
l'arsentüm	la glüm	la put
l'art	la glüsch	las rains
la blais	la mess (cfr. § 46)	la rait
la chanel	la mort (cfr. § 46)	la risch
la charn	† muort (<i>Bifr. Marc.</i>	la said
la clew	14, 55)	la saiv (cfr. § 46)
la crusch	la naiv	la sclavitüd
la cuort	la nev	la servitüd
la cut	la not	la sort
la damaun	la nusch	la s-chürdüm
la fam	la palüd	la schmordüm
la fin (cfr. § 46)	la paraid	la stanglentüm
la flur	la part (cfr. § 46)	la suldüm
la forsch	la pel (cfr. § 46)	la trev
la fotsch († fôtsth)	la pêsch (cfr. § 46)	la tuor
la giuventüm	la plaiv	la tuorp (<i>Bifr. Luc.</i> 1, 25)

la tuoss	la vart	la vest
la val	la vegldüm	la virtüd
la valisch	la vernisch	la vusch († uusth)

Uoss' entret Duonna Lina cun üna valisch e mettet in quella robas mangiatives e vestimainta. III, 80.

Las arts magicas. *Menni, Gal. 5, 20.*

Maria ho tschernieu la buna part; quella nun la sarò piglieda. *J. B. 118.*

Vo our sün las vias e sper las saivs, ed incitescha tuots d'entrer, cha mia chesa vegna pläina. *Menni, Luc. 14, 23.*

Fingìo ais missa la sgür vi alla risch dels böschs. *J. B. 89.*

Simon ed Andrea bëttaivan la rait nel lej. *J. B. 92.*

Ipocrit, tira il prüm la trev our da tieu ögl, ed allura poust guardèr da trèr la spina our dal ögl da tieu frer. *J. B. 98.*

Üna risch da tuot il mel ais l'avarizia. *J. B. 114.*

Eau sun la glüsch del muond; quel chi'm seguitescha, nun cha-minerò nella s-chürdüm, mo averò la glüsch della vita. *J. B. 122.*

Sch'alehün voul gnir zieva me, ch'el renunzia a se stess, e piglia sia crusch, e'm seguitescha. *Menni, Matt. 16, 24.*

Chi nun cognuoscha la grusaida, la celebra e taunt dechanteda flur alpina? V, 196.

Maglia svesc la put cha tü hest condieu. IV, 33.

Per il pü resta l'erva nella regiun alpina taunt cuorta, cha la fotsch nun la po bain clapper. V, 168.

Süllas Alps las pü otas nun ais la chalur niauncha suffiziainta da sted, per alguenter la naiv ed il glatsch. V, 165.

† Eau am tgnèt sulevò vi dallas duos paraids d'glatscha, in möd ch'eau eira auncha suravi l'ova del vadret. *Pr. Cud. 61.*

E. B. Lazarus eira plü vantüraivel in sia miseria, co il rick hom in sia ricchezza; l'ün indüeva fom in quaist muond; l'auter indüra üna sait excessiva & aeterna in il infern. *Abyss, 1, 80.*

E. B. Tu vains a contemplar la perfetta beltezza dals angels e dallas virtuts. *Abyss, 1, 105.*

La virtüt da ls Grischuns nun pos'n els sufrir,

Mu tuots böd es matten à fùgir. *Travers, Mùs 229—230.*

O, ch'ünna bunna Soart, chel havet! *Travers, Mùs 424.*

In tieu payass ngin nuss palagrins;

Par la fam hauains abandunoa noss wschins. *Travers, Jos. 834—835.*

Par tia obedientzia, singer mieu,

Sun eau a la cuort ngieu. *Travers, Jos. 339—340.*

† Deus uain à batter te, tū paraid implanchida. *Bifr.*, Act. 23, 3.

Et ün oter aügel es ieu our delg taimpel clamâd cun granda uusth ad aquel chi sezaiua sū la nüfla; metta la tia fôtsth, & seia: perche elg es gnieu l'hura à ti, che tū seias, perche che la mès de la terra e gnida secchia. *Bifrun*, Apoc. 14, 15.

Et Jesus uezet duos nêfs stand ilg laech, e peskiaduors eran gnieurs oura da quellas, & lauèuan las araits. *Bifr.*, Luc. 5, 2.

La liüsth dalg chioerp es l'g oelg. *Bifr.*, Matt. 6, 22.

Et l'g huiand crucifichio, schi partitten els sia uesckimanta, traiand la sort. *Bifrun*, Marc. 15, 24.

L'g signer m'ho arguandò par prender uia la mia tuorp traunter la lieud. *Bifrun*, Luc. 1, 25.

In l'g temp da l'abundaunza cuschida in tieu cour l'g temp da la famm. *L. P.* 165.

L'g temp s'müda da la damaun à la saira. *L. P.* 165.

In sijs dijs ho Dieu fatt l'g tsel, la terra, la meêr, e tuot aque chi ais alluaint. *T.* 6.

Remarcha 1. Ils substantivs emoposts anticuort, cuntrapart, mezzanot sun eir feminins, be straglüsche e paraglüsche sun masculins. Cunfrunta eir § 67, No. 3, 7, 12 e § 81—82.

Remarcha 2. Il substantiv punt eira pū bod masculin.

Lg cunt da d'Ark cun l'otr' avanzadūra

Nun vous aspattêr lur sepultura;

Vi zur lg punt nouf, chie el havet butto,

Fü'l dals bun Grischuns scurantô. *Travers*, Mûs 235—238.

× 38.

2. Ils noms da chosas chi glivran cul vocal -a sun feminins, scu:

abundanza	balla	brama
abundaunza (<i>Bifrun</i>)	bandera	brinzla
academia	bandusezza (<i>Bifr.</i>	chamischa
acazia	2 Cor. 10)	charestia
accla	barba (cfr. § 46)	† charinezza (<i>Bifrun</i>)
achüsa	barbiroula	† chialastria (<i>Bifrun</i>)
algebra	bassezza	charta
alva	beffa	chascha
annunzia	besla	chastagna
apoteca	blastemma	chatscha

chavagna	depescha	impazienza
chotscha	diligenza	imprudenza
chüdera	† diligijntia (<i>Bifr. Marc.</i>	imsüra
chüna	14, 14)	† imzüra (<i>Bifrun,</i>
chüra	disputta	2 <i>Cor.</i> 10, 13)
chütschina	dmura	† ingualezza = equalited
claviglia	dumengia	<i>Bifr.</i> 2 <i>Cor.</i> 8, 14)
coffra	ela	† increeschentüna
collina	erva	(<i>Bifr.</i> 2 <i>Cor.</i> 7, 1)
conquista	fermezza (<i>Bifr. Cor.</i> 2,5)	† inimiaunza
consequenza	flaivlezza (<i>Bifr.</i> 2 <i>Cor.</i> 11)	(<i>Bifr. Eph.</i> 2, 16)
contaisa	fnestra	inimicizia
contreda (contredgia)	föglia	† inuiglia (<i>Bifr.</i>
controlla	foura	<i>Tit.</i> 3, 3)
copeha	freja	inviglia
coppa	frizza	insegna
corda	frunzla	inimicizia
costa	fuorma	infanzia
cravatta	fuorcha	larghezza
cretta	furtezza (<i>Bifr.</i> 2 <i>Cor.</i> 10)	† largiezza (<i>Bifr. Eph.</i>
creppa	fuschina	3, 18)
crida	gara	larma
crotscha	genna	lavina
crüja	gervasa	launa
cumpra	giazetta	laungia
† cumpurtynscha (= pa-	gilgia	lentiglia
zienza, <i>Bifr. Gal.</i> 5,22)	giurisprudenza (juris-	lingia
cuntentezza (<i>Bifr.</i> 2	prudenza)	lingua
<i>Cor.</i> 7,11)	glima	linterna
cuolpa	glista	lunghezza
cupicha	gloria	† lungiezza (<i>Bifr. Eph.</i>
curagia	† gloergia (<i>Bifrun</i>)	3,18)
curaglia	gövgia	luxuria
curtaschia (<i>Bifr. Gal.</i>	gomma	luxüergia (<i>Bifr.</i>
5,22)	grascha	<i>Apoc.</i> 17, 4)
curuna (coruna)	grusaida	maisa
cuschina	† hustaria (<i>Bifrun,</i>	malizchia (<i>Bifr. Tit.</i> 3, 3)
cuverta	2 <i>Luc.</i> 2, 7)	manera
data	† hutezza (<i>Bifrun.</i>	manestra
debatla	2 <i>Cor.</i> 10)	manzögna

† masleda (<i>Bifr. Marc.</i> 14,65)	polenta	sconfitta
memoria	porta	scongüra
† memoergia (<i>Bifrun Marc.</i> 14, 9)	possaunza	scorza
micha	† pusaunza (<i>Bifr.</i> 2 <i>Cor.</i> 8)	scua
mievla	posta	semda
misericordia	potenza	soprastanza
† misericorgia (<i>Bifr. Luc.</i> 1, 72)	† praistezza (<i>Bifrun</i> 2 <i>Cor.</i> 8)	sostanza
multa	prescha	scoula
munaida	presenza	spaisa
muntagna	† preschinscha (<i>Bifr.</i>)	speda (<i>Bifr. Marc.</i> 14,48)
naschentscha	prontezza	staila
natüra	proposta	stainta
nouda	prümavaira	stalla
novella	pultruna	staunza
nozza	puolvra	spia
nudritüra	quadriglia	spilla
nuschpigna	quaidezza	spraunza
nüvla	quarantena	strofa
öglieda	quínquaglieria	stüva
offaisa	rabgia	sumbriva
oliva	radunanza	sundscha
orangia	regla	taglia
orma	resgia	taila
orvezza	rima	tariffa
ova	ritscha	tazza
pardunaunza	riva	temma
partenza	rocha	temperaunza (<i>Bifrun Gal.</i> 5,23)
pazienza	rösa	tenda
penna	ruina	testimuniaunza (<i>Bifr. Marc.</i> 14,55)
perdita	sadella	tinta
pigna	saida	tola
peidra	sajetta	tomba
pleja	saliva	trapla
plövgia	samda	trücha
† ploefgia (<i>Bifrun Heb.</i> 7,6)	s-charpa	tschaina
plüma	† skiürezza (= s-chür-düm <i>Bifr.</i> 1 <i>Thess.</i> 5,4)	tschaira
	schlatta	tschiera

tschendra	vaina	vita
tschernä	vendetta	uitta (<i>Bifrun</i>)
tschima	† uendetta (<i>Bifr.</i>	vöglia
tschirescha	2 <i>Cor.</i> 7,11	vopa
tschinta	vendita	vouta
tschiviergia	verdura	vschinauncha
tschücha	verguogna	vgnüda
tuaglia	vespra	vzüda
üsaglia	via	zappa
ungla	vigna	zaungia
uonda	viola	zipla
uraglia	virüja	zinsla
urbeja	visita	zücha
uzua	vista	etc. etc.

Remarcha. Siand cha la desinenza -a ais la pü cumöna pels substantivs ladins, s'inelegia cha la glista precedainta represchainta be üna pitschna part da medems.

David mettet üna peidra in sia schlingia e la slantschet uschè fermamaing cunter il frunt del gigant, cha quel crudet lung e distais per terra. Allura al pigliet David spertamaing sia speda ed al tagliet giò la testa. *J. B.* 49.

† Uscheia cun pochia sabgèntscha las Lias saridschen,
 Chia dal bain cumöen üngiün pisser aven. *Travers Mös* 31—32.
 O Singer, nuss aruain pardunauntza,
 Sulamaing in te sto noassa spraunza,
 Noassas chatiwergias hoa dieu apalantoa.
 Vn tel chiastiamaing ans ho 'l doa,
 Nus d'uulain servir, singer chier,
 Tuotzs cun quel, chi ho iwuloa alg bachier;
 Nuss yschan crudoas in in unna mella etta
 (Dieu wol da nus prender quela wendeta.) *Travers Jos.* 686—693.
 Filgs, uuss usaitz, pa la granda chialastria
 A stoua murir alg pöeuel. pa la fe mia. *Travers Jos.* 436—437.
 A quelas la Pelafiga tschintaun
 Et cun granda fürgia in quell intraun,
 Cun armas guaffens d'inminchia soart,
 Per mner la poura gliend ä Mel poart. *Travers Mös* 433—436.

† La temma da Dieu ais la glüergia, e la grandezza, e l'algrezchia, e la curuna da l'allegria. *L. P.* 27.

Nun t'agritantaer incunter l'gprossem per imminchia in glüergia. *L. P.* 95.

El ho arguado la basezza de la sia fanschella. *Bifr. Luc.* 1,48.

Et in quella guisa cura che tū daes almuosna, schi nu uigna sunò cun tūbas auaint tè sco faun l's hijpocrits illas lur synagogas, et per la uias, par ch'els uignen ludòs della lieud. *Bifr. Matth.* 6,2.

Guardò intuorn di mè par set hummens our d'uus dūna aprueda prudinscha, plains dalg sainc spiert et d'sabijnscha, ad aquèls nus uulain cumetter aquaist fat. *Bifr. Act.* 6,3.

Eau m'ues stüdg da d'auair saimper ūna netta cūschinscha sainza intup uia à dieu, et uia alla lieud. *Bifrun Act.* 24,16.

Els nun haun acchiato ungiuna chatiuijrgia aint in me. *Bifr. Act.* 24,20.

Chi voul imsūraer l'utezza dalg tschèl, e la laedezza da la terra, u la chiafuollezza dalg maer? *L. P.* 25.

Ūn dess schekinir la grandaschia e la superfgia. *L. P.* 93.

Scha l'g rick ho ingürgio, schi stoua ūn sur que l'g aruaer perdunaunza, nur scha l'g pouuer ho ingürgio qualchiün schi vain el bód ad udir amnatschas. *L. P.* 121.

La laschentivezza ho amusso bgiers vicis *L. P.* 292.

× § 39.

Excepziun da quaista regla faun ils substantivs chi seguan:

l'panatema	il flegma	il rumpatesta
l'alfa	il levatesta	il schema
l'aroma	l'omega	il schisma
l'astma	il panorama	il sofa
il clima	il paradigma	il stigma
il dilemma	il paraplövgia	il tema
il dogma	il parasactta	il trema
il drama	il pichaporta	etc.

L'iva ho ūn stupend aroma, sumgiaunt al mūsch. *V.* 193.

Il clima d'ün pajais dependa in buna part dalla ricchezza da gods. *VII* 206.

Il Piz Güglia ais accessibel a tuots ils turists e vain eir ascendieu da bgers per motiv da sieu stupend panorama. *VII*, 98.

L'e piglia in plets esters qualvoutas duos punctins, chi's nomnan trema, p. ex. aëronaut, ortoëpia. *Z. Pallioppi, Ortoogr.* 24.

† Eau sun alpha & omega, l'g principi & la fin, disth l'g signer: aquel chi es, & aquel chi era, & aquel chi uain a gnir omniputaint. *Bifrun, Apoc.* 1,8.

† Schi ünqualchiün nun ama l'g Signer Jesum Christum, saia anathema. *Bifr. 1. Cor.* 16,22.

Remarcha 1. Ils noms da personas chi glivran cun -a haun il gener natürel. Masculins sun dimena: il barba, il collega, il doga, il dücha (duca), il landamma, il tagliallaina, il parricida, † il parzura, l'omicida, il regicida e. u. i., feminins sun la patruna, la magistra e. u. i.

Davart la guardia, la guida, la perdüta, la s-cheppa, la sentinella, la spia cunfrunta § 21.

Alla nova elecziun as disunittan ils principals tudais-chs; ils üns elegettan per raig il dücha Ludovic da Baviera, ils oters il dücha Frederic d'Austria. *Pr. Cud.* 201.

† Lg Düchia de Milaun nun füt brik cuffus

Da la tregua languaneda cun nus. *Travers Müs* 319—320.

L'arciduca da d'Oesterich. *Travers Müs* 161.

Saulus giet tiers l'g parzura dels sacerdots. *Bifrun Act.* 9, 1.

L'g parzura dals sacerdots es a mi pardüta. *Bifrun Act.* 22, 5.

Remarcha 2. La glista dad excepziuns del § 39 nun ais brich completa; ün tschert numer da plets esters poch druvs scu iota, enigma, etc. sun omiss.

Remarcha 3. Eir comma gniva pü bod druvo scu masculin; hozindi disch ün pü chöntsch, la comma.

Remarcha 4. Tenor la pronunzia locala in diversas vschinaunchas glivra eir il substantiv reverendo cun -a.

E. B. Mas Alesch sto gnir ravarenda. eir sch'i vess da custar üna chavra intera. *Barblan, Par.* 86.

§ 40.

3. Ils noms da chosas chi glivran cul vocal è (accentuó) sun masculins, scu cha muossan ils exaimpels seguints:

l'autodafè	il comitè	il rastè
il baruntschè	il dschimè	il sagè
il bindè	il filadè	il tè
il caffè	il flagè	il trapè
il cànape	il furnè	il tschervè VII, 279
il chanè	il güvè	il vaschè
il chapè	il martè	il violontschè
il chastè	il panè (il pinè)	etc.
il chavè	il pè	

Il giodimaint excessiv da bavrandas alcoolicas causescha sovenz malfattias del tschervè. VII, 279.

Battand las elas cun grand schuschuri, s'elev' ün grand utschè s-chür nel ajer e s'voula giò vers il god. IV, 76.

In immincha vaschè d'aviöls domina ün' unica regina. VII, 267.

Remarcha. Las unicax excepziuns sun la fè, la marschè (u merschè) e la cadè.

Operescha cha creschans da di in di in quaista grazia, acciò cha restans zelants nella fè e nella charited. *Lit.* 25.

† S'allegro & stèd da buna uoeglia, per che la uossa merschè es granda in schil. *Bifr., Matt.* 5, 12, mertschè: *Bifr., Matt.* 6. 16.

La fè in Dieu. *Bifrun, Heb.* 6, 1.

A Chiasasegnia in glièud d'la Chiade füt imbatieu

Et preist cun furtünna par prashun tgnieu. *Travers Mös* 109—10.

Per chie ad oters h'vais ruot la fe,

Ais eir à Vus dvantò aque. *Travers Mös* 465—466.

E. B. Nella segunda mittà del XIV. secul imnatschaiva a tuot la cadè ün grand prievel, e que da parte dels ducas d'Austria, dels inimis eir della Confederaziun Svizra. V, 68.

× § 41.

4. Ils noms da chosas chi glivran cul vocal-e (na accen- tuò) sun feminins.

la base	(la mercede)
(la consuetudine)	l'olimpiade
la crise	l'origine (cfr. rem. 1)
(la gratitudine)	(la plebe)
(l'incudine)	(la prole)
l'ingratitude)	la solitudine
(l'indole)	(la sollecitudine)
la latitudine	(la superficie u superfizia)
la lite (u lita)	la vece (generelmaing druvò nel plural)
la longitude	e. u. i.

Misericordia e charited

Haun lur mercede qui e nell' eternited. *Pr. Cud.* 35.

Neir la pü granda ingratitude nun il podaiva render vacillant. *Menni, Saluz* 36.

Bancozedel ais üna specie d'obligaziun, e vain druvò nel commerzi scu daner effetiv. *Pr. Cud.* 133.

La gratitudine considerescha e santa la valor d'ogni benefici. *Pr. Cud.* 270.

A Zürich edifichet Carl la granda catedrale. *Pr. C'ud.* 178.

Quels crastiauns chi haun eguela origine, eguel linguach, costüms, religion, apartegnian ad üna naziun. *Pr. C'ud.* 155.

Ils costüms da quels temps mnaivan con se, u da viver sco eremit in ün lö solitari, da martirizêr sieu corp. da fortifichêr sieu spiert nell'oraziun. u bain d'ir in ün convent e da s'ümiliêr nella solitudine avaunt Dieu, in vagliand, gûnand, lavurand ed in continua oraziun. *Pr. C'ud.* 191.

† Haegias misericordia da nossa chaera Patria, sdrija & fo gnir ad inguotta, tuots nôschs e maels cusalgs incunter quella, 'ns perchiura da fam. da peste. da guerra e d'oter mael. *Form.* 5.

Vi al pet. sülla schnuoglia e suls peis ho il chameil düritschas; las düritschas süls peis faun las veces da clappas e fiers. III, 104.

Remarcha 1. Excepziuns sun il conclave (ed il † bitume).

Eir origine vain da püss scriptuors druvo scu masculin.

E. B. Diversas parabras sun d'origine tudaish-ch. *Barblan, Parabras* 5.

L'En, chi percuorra l'Engiadina, ho sieu origine sün Maloggia in ün' otezza da 1800 m. III, 91.

Remarcha 2. Ils plets miss in parentesi sun pigliôs our dal italiaun o nun haun propriamaing vschinedi in nossa lingua, ad onta ch'ün ils chatta sovenz stampôs.

A füss megllder da'ls rimplazzer scu segua:

per bitume:	asfalt (pievla)
per consuedine:	adüs
per gratitudine:	arcuntschentscha (recognuschentscha)
per ingratitudine:	melarcuntschentscha
per incudine:	mazza (u inchüna)
per indole:	temperamaint u talent
per mercede:	premi
per plebe:	gianüra, plebaglia
per prole:	descendenza, posterited
per sollecitudine:	premura, atenziun, pissêr. chüra
per superficie:	surfatscha

† L'g faraer sezziand tiers la massa ho sieu senn in la lauur dalg fier. *L. P.* 329.

Il reginam da Satan nun ais oter co ignoraunza. maelarcuntschentscha, impietaet e da tuottas sorts d'pchiôs e vicis. *Form* 8.

Chi tuochia la pieula vain à gnir impalo cun aquella. e chi ho cumpagnia cun l'g superui vain a gnir sco el. *L. P.* 120.

× § 42.

5. Ils noms da chosas chi glivran cul vocal -i sun masculins, seu

abomini	dizionari	ospizi
aggravi	domini	palazzi
alcali	dubi	palperi
alibi	edifici	passaggi
allogi	elogi	patricidi
alpedi	equilibri	patrimoni
anniversari	equinozi	petroli
appoggi	equipaggi	precipizi
arbitri	ervedi	pregiudizi
armistizi	evangeli	premi
artifici	exercizi	† preseppi (Bifrun,
assedi	fastidi	Luc. 2, 7.
auditori	fastizi	presidi
auguri	gerundi	principi
auspizi	giarsunedi	privilegi
bas-chizi	gimnasi	proverbi
benefici	imperi	purgiatori
bienni	incendi	refugi
bragizi	indizi	rispli
cali	infanticidi	rosedi
chammi	inventari	sacrifici
chaprizi	laboratori	salari
colloqui	larifari	schuschuri
colrabi	matrimoni	s-chazzi
commerzi	misteri	seminari
contracambi	naufrazi = † nêf a-	silenzi
convivi	ruotta (Bifrun)	solstizi
cordöli	ödi	spazi
criteri	orizi	† spazzi (L. P., 21)
†damffi (=vapur,füm)	negozi	spusalizzi
curaschi	merculdi	stizzi
dazi	lündeschdi	stüdi
delizi	omaggi	spuizzi
di	omicidi (homicidi,	stomi
diluvi	Bifrun, Gal. 5, 21)	† stummi
disturbi	orari	suffragi
divorzi	orizi	sturnizi

sunteri	uralogi	vocabulari
tesori	viedi	vschinedi
tössi	vituperi	zeli
uffici (Bifrun)	vizi	e. u. i.

Il chaun odura ils stizzis da sieu patrun. *Pr. Cud.* 142.

E. B. Ourasom Martina ais la chasa del dazi federal, ün plaschaivel edifizì quasi nouv. VII, 119.

Ils gods rumpan la veemenza del vent, e que ais ün benefizi pertuot la vegetaziun. V, 115.

E. B. Nels lais alpins nun as chatta üngün fastizi da talas palattas. V, 3.

La veglia baselgia da San Murezzan, chi ho do il nom alla vschinauncha e chi eira avaunt la refuorma ün lö da pelegrinaggi, füt demolida l'an 1893. V, 106.

Co gnit Maria cun ün vas d'alabaster, plain d'öli da nardo e da grand predsche e spandet l'öli sün sieu cho. *J. B.* 128.

Petro eira seguitò a Gesu da lontaun fin nella cuort del palazzi per vair que chi dvanterò. *J. B.* 134.

Mo Dieu cumandet als sabis nel sömmi da nun ir darcho tiers Herodes. *J. B.* 87.

Golgata eira il lö da supplizi. *J. B.* 136.

E. B. Ün terribel incendi ha devastà als 5 Settember 1872 quasi tuot il comün da Zernez. V, 118.

Il pövel anguschagiò tscherchaiva e chattaiva sovenz refugì e protecciun nels fermes chastels dels signuors. IV, 86.

Grandas doluors, svanimaint, sturnizi as muossan dalum zieva la müersa d'üna vipra; perchè il tössi ais entrò nel saung e l'ho tösschentò. V, 225.

E. B. Zernez ha ün fich grand territori. V, 118.

La virtüt ais ün contin e prompt exercizi nel böen. *Pr. cud.* 146.

† Üschè ho fat il Segner a me, da piglier via mieu vituperi traunter la gliend. *Menni, Luc.* 1, 25.

Adam aunz co chel pehess, alhura hauaiua el liber arbitri in l'g bain & in l'g mael. *L. P.* 140.

L'g damffi dalg foe. *L. P.* 329.

Eau uoelg misericorgia, e nun sacrifici. *Bifr., Matt.* 9, 13.

E uain ad esser giüdici sainza misericorgia, ad aquegli quael chi nun ho fat misericorgia. *Bifr., Jac.* 2, 13.

L'g principi da la sabgienscha ais la temma da Dieu. *L. P.* 27.

Un nosch vituperi. *L. P.* 62.

Trais uuotes hae eau fat nêf aruotta (impè da naufragi). *Bifrum*, 2. *Cor.* 11, 25.

Aqui dsieuva nu baiuer ouua, mu üsa ün po d'uin parmur da tieu stummi, & da tias spessas malatias. *Bifr.*, 1. *Tim.* 5, 23.

Deus es pusaunt, da fêr che tuot l'g benefici surauanza in nus. *Bifr.*, 2. *Cor.* 9, 8.

Quel chi salua la ledscha fo sacrificis auuonda, quel chi metta sieu stüdi in l's cummandamaints, fo üna saludaüla ufferta. *L. P.* 302.

× § 43.

Excepziun della regla precedainta faun:

analisi	extasi
apocalipsi	fasi (u fasa)
apoteosi	ipotesi (u ipotesa)
basi (u base)	metamorfosi (u metamorfosa)
crisi (u crise)	metatesi
diagnosi (u diagnosa)	oasi (u oasa)
diöcesi (u diöcesa)	parafrasi
eclipsi	parentesi
emfasi	sintassi
exegesi	tesi (u tesa)

e. u. i.

La metatesi translochesch' ils tuns (custabs) d'ün pled, e müda consequentamaing sia fuorma primitiva. *Pallioppi*, *Ort.* 101.

Ün s'inserua della parentesi in duos cas:

1. per confiner proposiziuns, chi nun staun cun otras in rapport s'intattic, mo las interrompan; p. ex. Eau giävüsch da cour (e chi nun giävüschess quetaunt, il quèl cognuoscha te?) da'm conserver tia amicizia.

2. per aggiundscher ün' opposiziun explicativa, üna citaziun o traducziun etc., chi nun ais indispensabla; p. ex. sün quaist spelm (cioè sün quaista ferma, inalterabla cretta, scu Petro l'avaiva externeda) vögl eau edificher mia baselgia, e las portas del infern nun poderon la vainscher (*Matth.* 16, 18). *Pallioppi*, *Ort.* 121.

Per mez dell' aferesi büttains our ün tun (custab) inziel. *Pallioppi*, *Ort.* 98.

Remarcha. Tuots ils substantivs manzunôs sun d'origine greca ed ils bgers vegnan darer druvôs. La glista nun ais completa, ün tschert numer da plets poch contschieus sun laschôs davent. scu la crasi, l'antieresi, l'antifrase, perifrasi, sintesi etc.

§ 44.

6. Ils noms da chosas, chi glivran cul vocal -o, sun masculins, seu

absolutismo	latinismo	ritmo
alvô	liberalismo	rumatismo
arrivo	liceo	saldo
barbarismo	lotto	sarcasmo
comunismo	lusso	sconto
coro	magnetismo	scopo
cristianismo	motto	socialismo
cumgiô	museo	soggiorno
culto	nazionalismo	solo
despotismo	optimismo	spiritismo
eco	organismo	talvô
egoismo	patriotismo	tipo
fanatismo	pchô	tiglio (tigl)
firô	piano	treno
germanismo	radicalismo	velo
grô	rango	zero
idealismo	realismo	e. u. i.

L'importanza del god fût recognuschida da nos pövel già avaunt seculs; perquè gnittan elaboredas ledschas, chi avaivain il scopo da mantgnair e proteger il god. VII, 209.

Las föglias della flur d'icoria as sledan our a fuorma d'üna rösetta in tuottas direcziuns suravi la terra; dal centro da quaista rösetta s'elevan all' otezza da 20—30 cm trais u quatter manchs vöds, chi portan imminchün üna granda chavagna sül cho. V, 184.

As fidand sün lur foarzas ed armas, opprimaivan bgers melfattuors e prepotents il pövel e vulaiavan redür ils debels suot il giuf del despotismo e della sclavitüt. *Pr. Cud.* 181.

L'ovais-ch avet eir pissêr per üna meglära educaziun del clero e del pövel. *Pr. Cud.* 189.

Extirper il paganismo *Pr. Cud.* 188.

E. B. Laschand il fertil champ della superstiziun, ans volain render vi sün quel da plü sana poesia e plü dalettaivla, nempe del mito eroic. *Barblan, Parabras*, 43.

E. B. Pro Zaccaria Pallioppi, l'influenza germanica es evidenta, na be in rapport a precisun da fuorma e varieted da ritmo e rima, ma eir nel elemaint didactic. *Lansel, Musa* XXVIII.

La transgressiun della ledscha ais ün pcho. *Pr. Cud.* 146.

Els al ferittan il cho cun trer crappa. *Menni, Marc.* 12, 4.

Remarcha 1. A quaista classa appertgnaivan pü bod püss peds chi uossa glivran cun i. Ushè chattains nel Prüm Cudasch da Scoula 1833: passaggio, naufragio, pelegrinagio etc.

Ün bap ed üna mamma vivaivan cun lur duos infaunts sün üna isla deserta del grand Ocean, inua els eiran gniesus tres ün naufragio. *Pr. Cud.* 49.

Ed udind, cha Paulo als favlaiva in ebraic, observettan els auncha pü silenzio. *Menni, Act.* 22, 1. (*Bifrun*: schi taschettan è plü fick.)

Remarcha 2. Eir ils substantivs in -ö seguan quaista regla, scu il battafö, il fö, il gö, il lö; feminin ais be la chadafö.

Remarcha 3. Ils substantivs in -ismo sun fich numerus, bgers sun dimena omiss nella glista del § 44, scu l'internazionalismo, l'anarchismo, il razionalismo etc. etc.

Remarcha 4. Be il pled sinodo fo excepziun, ma in sieu lö disch ün hozindi generelmaing sinoda. Nella prefaziun della „*Liturgia per las baselgias evangelicas in Rezia*“ as chatta la seguinta frasa: La preschainta collecziun d'oraziuns etc. ais il resultat d'üna lavur ordinada dalla veneranda Sinodo gia avaunt ans.

× § 45.

7. Ils noms da chosas chi glivran cul vocal -u (-ü) sun masculins, scu:

il gnieu	il contrapartieu
il palintschieu	il soprapü
il partieu	il vstieu

Las vuolps haun tannas, e'ls utschels del tschel gniesus, mo il Figl del crastiaun nun ho, inua el pozza sieu cho. *Menni, Matt.* 8, 20.

Ils tschels passeran via, mo tü vivast saimper; quels gnaron vedrüschs, sco ün vstieu; sco üna rassa vainst tü a'ls plajèr insemmel, ed els saron müdos. *Menni, Heb.* 1, 11.

Il falegnam avaiva auncha da metter aint ils palintschieus. II, 114.

Pleds da different gener.

§ 46.

Bgers substantivs sun bod masculins, bod feminins. Lur significaziun ais generelmaing tuot otra tenor ch'ün ils drova nel gener masculin u nel gener feminin. Tels substantivs sun:

il fin (die Absicht)	la fin (das Ende)
il mess (der Bote)	la mess (die Ernte)
il mür (die Mauer)	la mür (die Maus)
il part (die Niederkunft)	la part (der Teil)
il pèl (der Pfahl)	la pel (die Haut, das Fell)
il pesch (der Fisch)	la pèsch (der Friede)
il saiv (der Unschlitt)	la saiv (der Zaun)
il barba (der Oheim)	la barba (der Bart)
il murdiu (der Bettler)	la murdiu (das Betteln)
il mort (der Tote)	la mort (der Tod)

Exaimpels. † Imprima tia temma nel cor da nos infaunts, accio cha chaminan a temp in tias vias, ed a tel fin piglia 'ls gia uossa suot la direzziun da tiu spiert, del spiert chi guida in ogni varded. *Lit.* 7.

Nun aggiauüschar la glüergia u las arichezzas dalg nosch, perche tü nun saest quella vegna ad esser la sia finn. *L. P.* 90.

Melgdra ais la mort co l'aescha uitta, e lung pös co la lungia malatia. *L. P.* 267.

Innua chia nun ais üngüna saiff, schi vain la posseschiun schdrappaeda. *L. P.* 313.

Lascha pusér l'algurdénscha dalg mort cura el ais in pös. *L. P.* 327.

Per oters exaimpels mera § 55.

Annotaziun 1. Eir ils plets onur e sön vegnan druvòs seu masculins e feminins, ma sainza cha saja traunter l'ün e l'oter gener üngüna differenza da significaziun. Un disch generelmaing: A vain la sön (f.), fer ün sön, esser sdasdo our dal sön. Davart onur mera § 34, remarcha 2.

Chalur e stanglentüna generettan in nus üna sön, alla quèla podetans appaina resister. *V.* 109.

Il chod solagl da prümavaira sdasda eir la viola our da sieu sön. *IV.* 82.

Mo intardand il spus, gnit a tuottas las giuvintschellas la sön. ed ellas s'indrumanzettan. *J. B.* 121.

L'uors dvainta prievlus, be sch'el ais famentò u ferieu, sch'ün il disturba nel sön u sch'el temma per sieus pitschens. *IV.* 66.

† Lur mala soen in Baselgia. *Tromm.* 88.

Non amar ilg soen, accio che tü nò vegnesch in povertat, mo tegna ils oegls averts *Tromm.* 166.

Annotaziun 2. Püss substantivs haun müdò lur gener. Üschè chattains

in cudeschs vegls alchüns noms abstracts, chi glivran cun -ur. druvôs scu masculins, intaunt cha hozindi els sun feminins. *Cunfrunta* § 34.

A mezza not füt il mor sdasdo d'ün pitschen romur, e mera! — duos morders gnivan aint dalla fneistra della chàmbra e lur spedas glüschivan nel cler d'glüna. *Pr. Cud.* 49. Lavur comœn. *Ann.* VIII, 223.

× § 47.

Remarcha 1. La pü part dels substantivs nomnôs eiran originariamaing plds interamaing differentis; las relativas fuormas latinas (u tudais-chas) sun:

missun (m.)	messem (f.)
murum (m.)	murem (m.)
partum (m.)	partem (f.)
pfahl (tudais-ch, m.)	pellem (f.)
piscem (m.)	pacem (f.)
sebum (n.)	saepem (f.)
mortuum (m.)	mortem (f.)

Be il murdieu — la murdieu ed il barba — la barba sun originariamaing identics. Murdieu ais l'istess scu amur da Dieu, ir per l'amur da Dieu = ir per la murdieu; murdieu eira dimena il prüm ün substantiv abstract. be pü tard ais el gnieu druvô nel senso concret (Bettler). Singulêr aise, cha murdieu ho uossa eir ün feminin concret. la murdida (die Bettlerin). scu sch'el füss ün particip passô.

Il barba voul tschertamaing be dir l'hom culla barba, il pled vain del rest eir sovenz druvô dad infaunts in ün sen tuottaffat generel per tuots homens chi als peran vegls, na be pel frer del bap u della mamma.

× § 48.

Remarcha 2. La coincidenza da plds originariamaing differentis (coincidenza verbela) ais ün' appariziun fîch cumôna in quasi tuottas linguas. Sovenz 2 o püssas significaziuns tuottaffat differentas d'ün stess pled as reveleschan scu plds originariamaing differentis. Il substantiv sain per exaimpel ais derivô u dal tudais-ch „Senn“ (m) u dal latin signum (n) u dal latin sinum (m). Quaista tripla derivaziun explicha sias trais differentas significaziuns. Siand ils trais plds originaris tuots del gener masculin (u neutro latin, chi dvainta quasi adüna masculin in romauntsch), il gener da sain ais in tuottas trais significaziuns masculin, da maniera cha la distincziun exteriura del gener cha nus observains nels substantivs dels §§ 46 e 47, nun exista. Simils exaimpels sun:

bachér	(Metzger), (Becher)	derivò da	boucher (francès. m.) biccarium (mlat. n.)
chaunt	(Steigung) (Gesang)	" "	chantum (latin-grec. m.) cantum (latin. m.)
polizia	(Polizei) (Reinlichkeit)	" "	politiam (latin-grec. f.) policiam (mlat., f.)
pumpa	(Pumpe) (Pracht)	" "	Pumpe (tudaïs-ch, f.) pompam (latin. f.)
prò	(Wiese) (Nutzen, Vorteil)	" "	pratam (latin. f.) prodesse (latin. m.)
ram	(Rahmen) (Zweig)	" "	Rahmen (tudaïs-ch, m.) ramum (latin. inf.)
schanza	(Schanze) (günstige Aussicht)	" "	Schanze (tudaïs-ch, f.) chance (frances. f.)
spaisa	(Ausgabe) (Speise)	" "	expensa (latin npl.) spisa (ahd., f.)
spia	(Ähre) (Späher)	" "	spica (latin. f.) spêha (ahd.)

† **Exaimpels.** L'g Segner benedescha nossa spaisa, chella fatscha à nus prù à l'orma & alg chioerp. *T. II.*

Et cura che Paulus füt sto trais mais in Grecia. schi sun agli mis dsieua spias dals Jüdeaus. *Bifrun. Act. 20. 3.*

Uus isches duàtos aqels chi hauais bsüng d'lat e brichia da ferma spisa. *Bifrun, Heb. 5, 12.*

Vuliand fabbricher ün hospitel per gliend priveda d'sen, schi füt conclüd da raccoglièr üna colecta, per supplir las spaisas della fabrica. *Pr. Cud. 63.*

E. B. Contemplain üna vouta üna spia d'sejel plü manüdamaing. *VII, 197.*

Per oters exaimpels mera §§ 55—57.

× § 49.

Quaist fenomen della coincidenza verbela nun ais brich limitò als substantivs, anzi as po presentèr tar tuottas classas da peds.

Sun per exaimpel ais u substantiv (il sun, dal latin sonum (m.)) u verb. Scu verb ais sun u l'indicativ preschaint da sunèr (läuten, dal latin sonare) u la prùma persuna del singular u la terza persuna del plural del indicativ preschaint dad esser: eau sun, dal latin sum; -els sun, dal latin sunt.

Am ho las duos derivanzas chi seguan:

- 1) scu verb (ich liebe) dal latin amo,
- 2) scu pronom (mir, mich) dal latin ad me,

Ans ho duos derivanzas:

- 1) scu substantiv (die Jahre) dal latin annos,
- 2) scu pronom (uns) dal latin ad nos,

cler ho trais derivanzas:

- 1) scu substantiv (Webstuhl) dal mlat. telarium,
- 2) scu aggettiv (hell, licht) dal latin clarum,
- 3) scu verb (sammeln) dal latin colligere.

Quint ho duos derivanzas:

- 1) scu numerel (der fünfte) dal latin quintum,
- 2) scu verb u nom (ich zähle, die Rechnung) dal latin computare.

Simils plets cun diversas derivanzas sun:

a	güvels	revolver
avaina	lamma	ris EB
char EB	leta	scossa
ceder	letra EB	sè
cuort	leiv	sem
daint	morder	sgür
dieta	naiv	ster
fains	nuder .	spass
falla	pan EB	stuorn
freja	pass	ura
fin	paun	vair
fix	pèr (per)	vela
flattèr	plajer	e. u. i.
gnieu		

Remarcha. Plets d'eguela fuorma e da varia significaziun chi resultan dalla coincidenza verbela trattada nels paragrafs 48 e 49 nomna ün homonims.

× § 50.

Differentas significaziuns d'ün stess pled nun as laschan però adüna explichèr tres differentas derivaziuns. Uschè il pled chantun denotescha bod üna dellas 25 republicas chi compuan la Svizzerza u ün dels 2871 districts administrativs della Frauntscha, bod ün angul; il substantiv stedi designescha u ün pajais cun sia regenza, u üna condiziun; reginam po; esser üna monarchia chi ho a sia testa ün raig, u üna dellas divisiuns della natüra; regina ais u la consorte d'ün raig u la femna in ün vaschè d'aviöls

cussagl ais bod ün avis, ün avertimaint per güdêr u guidêr qualchün, bod üna corporaziun chi deliberescha davart ils affêrs d'ün pajais u d'üna societad. In generel nun sarò difficil dad explic'hêr in che maniera cha quellas differentas significaziuns as hegian formedas.

Pü cu üna regina nun vain tolereda in ün vashê. Tuots ils aviöls as revoltan, scha sun loaint duos reginas. VII. 269.

La regina del mezdi alverò nel güdizi cun quaista generaziun, e la condannerò. *Menni, Matt. 12, 42.*

Immincha stedi civilisô tschercha da mantegner sia independenza. VII. 184.

† E. B. Considerescha in che pover, miserabel stadi chia tü esch, tant long chia tü continuasch in quest ed oters teis puchiats. *Trom. 168.*

× § 51.

Sovenz succeda eir l'oppost del fenomen explic'hô nels §§ 47—49, cioè cha duos u püss plets different del linguach d'hozindî as laschan redür ad ün sulet pled primitiv. Ushê p. ex. ils substantivs sterl e sterla nun sun oter scu l'aggettiv steril, sterila; similmang as laschan redür a l'istessa origine ils plets seguinants:

bes-cha	bestia
bön	bun
chosa	causa
chüra	cura
chüerp	corp
crastiaun	cristiaun
faira	ferias
laungia	lingua
masdina	medicina
nouv	növ
ogget	object
ouvra	opera
part	vart
parevla	parabola
pülch	pollesch
sandet	sanited
savrêr	separêr
signur Sar	Segner senior
stima	estim
tempradüra (taimpra)	temperatura

tschierchel	circul
vschin	vicin
e. u. i.	

Quaist fenomen as nomna la divisiun verbela u divisiun lexicologica.

× § 52.

Scha la divisiun verbela prodüa peds da differenta significaziun, alura serv' la ad inrichir la lingua ed ün po s'alleggrèr da sieu operèr. Melavita naschan sovenz eir peds differents cun significaziuns absolutamaing identicas. Que ais il cas culs exaimpels chi seguan:

amegldramaint	ameglioramaint
amiaivel	amicabel
arcuntschaint	recognuschaint
cuffüert	confort
cuvaida	cupidited
dbitèder	debitur
güdgèr	güdichèr
güvlèr	giubilèr
isla	insula
naschentscha	naschita
pratcha	prattica
victuergia	victuaglia

Il prüm pled da mincha pèr represainta il svilup natürel in buocha del pövel; il seguond ais üna formaziun moderna ed artificielda, chi sfügurescha la lingua e nun offra üngün avantag, siand cha'l vegl pled exprima perfettamaing l'istessa idea. Ün stovess dimena provèr dad eliminèr pü vi e pü tēlas formaziuns.

+ Aquaist faschè in mia algrudaunza. *Bifrun Luc.* 22, 19.

- Fe quaist in mia memoria. *Menni, Luc.* 22, 19.

Povers vus richs! perchè vus avais via vos cuffort. *Menni, Luc.* 6, 24.

Il Dieu della pazienza e del confort as conceda, d'avair ün medem sentimaint traunter pèr. *Menni, Rom.* 15, 5.

Benedescha tuots cun cuffüert e sprauza della vita eterna. *Lit.* 212.

† Aunz la naschentscha da Cristo era que tuot oter sün noassa terra. *Pr. Cud.* 160.

Ils servs nun eran libers, nun pudaivan vuschèr in cumön, dimpersè apartgnaivan ad ün patrun, sco famagls da naschita. *Pr. Cud.* 180.

Il pajais Grischun ais d'velg inno partieu aint in trais parts, la lia Grischa, la lia Cadè, e la lia dellas desch drachüras. *Pr. Cud.* 153.

Il mastrel della drettūra gnit inchargiò cun l'esecuziun del decret.
Menni, Saluz 25.

§ 53.

Sinonims.

Pleds differents chi haun üna significaziun identica u al-
 main fìch simila nomna ün sinonims. Tèls sun :

l'affeeziun	l'amicizia	l'amur
il bapsegner	il non	
il crap	la peidra	
la chadregia	il s-chabè	
il chod	la chalur	
la contaia	la dispüta	la querela
il daner	la munaida	
la dolur	la paina	il tormaint
il dovair	l'oblig	l'impegn
l'errur	il fal	il sbagl
il guerrier	il sudò	
la guardia	la sentinella	
la ledscha	il statüt	il tschantamaint
la mammaduonna	la nona	
la muntagna	la collina	
il nudrimaint	il pevel	la spaisa
il numer	la zifra	
l'orizi	la burrasca	il stratemp
il pajais	la contredgia	
la pela	il badigl	
la pèsch	la concordia	
la populaziun	ils abitants	
la prerogativa	il privilegi	
la porta	l'üsich	
il pövel	la naziun	
la proposta	il proget	
la scossa	la rotscha	il tröp
la stainta	la fadia	
la staunza	la stüva	la chambra
la streda	la via	la semda
la temma	la trücha	l'anguoscha
la terrur	il spavent	la sgrischur

la testimoniaunza la perdüta
il zindel la vela

e. u. i.

Il consistori tscherchaiva perdüttas cunter Gesu per il fer morir, ma nun chattaiva alchüna. Perchè bgers daivan bain fosa perdüta cunter el, mo las perdüttas nun s'accordaivan. Mo alla fin gnittan alchüns c dettan fosa testimoniaunza cunter el, dschand: „Nus l'avains udieu a dir: Eau vögl demolir quaist taimpel, chi ais fat cun mauns, ed in trais dis edificêr ün oter, chi nun ais fat cun mauns. *J. B.* 133.

§ 54.

Sinonims sun na be substantivs, mo paun eir esser oters plets, pustüt aggettivs, verbs ed adverbs.

cher	prüvô	
dubius	intschert	
infinît	innumbrabel	
istess	medem	
lam	tender	dutsch, moliervi
quaid	tranquil	pacifc
soddisfat	containt	
sazi	stüffi	
spert	svelt	prompt, dandet

e. u. i.

clamêr	sbragir	
dormir	reposêr	cupidêr
discuorrer	favlêr	tschantschêr
baderlêr	tavellêr	sbajêr
irritêr	inasprir	provochêr
magliêr	mangêr	
protêger	defender	
quintêr	innumbrêr	
savair	cognuoscher	
serrêr	clugir	
viagêr	chaminêr	

e. u. i.

adüna	da contin	saimper
curagiusamaing	valurusamaing	
melavita	displaschaivelmaing	
perüna	d'accord	

e. u. i.

Lectüras.

A.

§ 55.

Üna chavlera ed üna **barba** lungia, alvas seu la naiv, ornaivan la testa venerabla del **barba** e'l daivan ün aspet patriarcal. — In ruzgigliand la **mür** vain tres dappertuot, be il dūr crap resista a sieus daints agüzs, ma que la reuschescha tuottüna dad ir tres ün **mür** s'avrind sa via nellas parts main resistiblas da quel.

Neir il **pesch** nell' ova nun po viver in **pêsch**, el ho sieus inimihs seo mincha creatüra sün terra. Ils pövels primitivs as vestivan cun **pels** da bestias. Las palafittas sun abitaziuns umaunas construidas sün **pêls** nell' ova. Ils Ladins s'animettan nel ultim temp d'ün grand zeli **pel** mantenimaint da lur lingua materna chi da löneh innò eira negletta e meltratteda. — Il **saiv** serva alla fabricaziun da chandailas. Üna **saiv** circundescha l'üert da mieu bap. — Ün stupend **bachêr** d'argient eira il premi destinò al prüm tregant. Il **bachêr** chi cumpra armaints giuvens e grass po servir sa clientela cun buna charn. — In nossas muntagnas scatureschan frais-chas fontaunas in quantited, in planüra stu ün per mez da **pumpas** trer sü l'ova da puozs profuonds. — Louis XIV. amaiva la **pumpa** e magnificenza a sa cuort, ma cotres subittan las finanzas del **stedi** ün sensibel sconquass. — Nel **stedi** da puppa l'aviöl nun maglia ünguotta. — E. B. Ils **stadis** monarchies dell' Europa han armadas permanentas. Betania eira sper Gerusalem, circa quindesch **stadis** dalöntsch. — Ün bun regent impuonda tuot sieu savair e podair a **prô** da sieu pövel. Zieva la lavur il past gusta bain e fo bun **prô**. — Ün **prô** da munt ans offra üna flora bain differenta cu ün **prô** nella val. — Dals taunt dechantôs **ceders** del Libanon nun restan oter cu qualche exemplêrs degenerôs, sainza bellezza ne majestèd. — Tuot stu **ceder** alla forza destructiva del temp.

B.

§ 56.

L'agricultur imsüra col **ster** sieu graun da **sem** e cun maun **sgür** il spand' el oura sül er. — Il tagliallaina piglia sa **sgür** e vo alla lavur, el nun po **ster** lönch inactiv. — Il zardinier examinescha scha'ls greffels ch'el ho semnò sun **sems** u dobels. L'apicultur ho preparò ün vaschè d'aviöls e sto attent, cur cha'l **sem** chi ais svulò our, as placha sün ün ram, per il clappèr cautamaing in quel. Ün **bun** umaun procura da fer triumfèr il **bön** in ogni circostanza. — Üna noscha laungia metta tössi in immincha dit e **chosa** chi resguarda il prossem, e sovenz ais **causa** da discordia e disfortüna.

La construcziun d'üna via d'fier dumanda üna considerabla **spaisa**, ma maina al pajais grands avàntags. — La **spaisa** simpla e sostanziusa ais adüna la pü sauna.

Ün **ram** custaivel e pretenzius metta sovenz pü in evidenza la mediocritèd d'ün queder. — Ils chantaduors del god cumainzan il di in as salüdand d'ün **ram** a l'oter cun lur **chaunt** melodius. — Il **chaunt** chi maina dalla **cuort** sün via ais in chesas veglias sovenz **cuort** e stip.

Uorden e **pulizia** in chesa daun ün bun attestat alla massera. — La **polizia** vigilescha sülla tranquillited publica, ella **spia** il melfattur ed il metta nell' impossibilitèd da fer dan al prossem. — In Engiadin' Ota voul que üna buna sted per cha la **spia** del sejel madürescha inandret.

C.

§ 57.

La pü bella stagiun del an ais la prümavaira, cur cha la natüra as sdasda a **nouva** vita. — Il prò verdagiant s'infitta d'üna flora müravgliusa, chi daletta noss ögls. — Il god, vstieu da **növ**, do asil a millieras d'utschels chi l'animeschan con

•

lur chaunt. Immincha puogn d'terra pròdiu sas ervettas. da mincha stessa nel **spelm pizza** our ün pò d'verd per ornèr la nùda **peidra**. — La naiv chi ais auncha sùlla **pizza** as retira ad ögl vzaint, e da **crap** a crap as precipiteschan a val las ovettas leidamaing schuschurand. — Nel eter **cler** viagia co e lo ün'alva nùvletta sco üna **vela** in mez l'oceàn, fin chiella svanescha a nossa vista ed as perda nel azur. — Infaunts **sun** contains da podair as rudlèr nel verd, lur gö a chesa nun **vela** pü ünquotta in confrunt al plaschair da **cler** ün püschel d'fluors. — La nouva vita as manifesta dappertuot tres **sun** e tun, fluors e coluors. — **Vair** dalet commova il cour del umaun. chi, sortind da sieus quatter mürs, po **vair** e giodair taunta bellezza. — Ils pasters vaun culla muaglia ad acela, as chiargiand sün arains e **güvels** la vaschella da lat e la marena. — Cu cha lur **paun** als gusta bain nel liber! — Els nun **paun** bod ster nella **pel** dal dalet. — **Fin** saira resunan lur **güvels** da pascul a pascul, il leger fatschögn nun piglia pü **fin**. — E tuot que ais ouvra della prümavaira con sia frais-chezza e vigur, con sias fluors e sieus parfüms, sieu chaunt da lodolas e schuschurèr d'ovels. — Il cour umaun s'evra cullas flurettas e lascha penetrèr in sias profunditeds il respir renovatur chi l'impla d'algrezcha, d'amur e da sprauza ed il metta in armonia cull'eterna, saimper eguela e saimper granda natüra.

Clio.

§ 58.

Exercizi 1. Fuorma frasas per illustrèr las varias significaziuns cha paun assumer ils peds del § 49.

2. Spieghescha las differentas significaziuns dels peds contgnieus nels paragrafs 48 e 51.

3. Divida ils sinonims del § 53 in duos classas. mettand nella prüma peds cun significaziun identica, nella seguonda peds cun significaziun simila.

4. Fo l'istess culs peds del § 54.

§ 59.

Diminutivs ed augmentativs.

Per modifichèr la significaziun d'ün substantiv, pustüt per indichèr scha la chosa nomneda ais in cunfrunt cun otras da sia spezcha pü pitschna u pü granda, ans inservins dels diminutivs ed augmentativs.

Ils diminutivs vegnan generelmaing furmòs aggiundschand als substantivs masculins las desinenzas -in u -et ed als substantivs feminins las desinenzas -ina u -etta, p. ex.

l'agnè	l'agnein	
il bös-ch	il bös-chin	il bös-chet
il chöd	il chödin	il chödet
la citted	la cittedina	
la clev	la clevina	la clevetta
la flur	la flurina	la fluretta
Gian	Gianin	Gianet
l'hom	l'homin	l'homet
la lavur		la lavuretta
il lö	il löin	
il mür	il müret	

Las pü üsitedas desinenzas augmentativas sun pels substantivs masculins -un, -atsch, pels feminins -una, -atscha; ellas espriman sovenz eir ün' idea da spredschi.

l'avar	l'avarun	l'avaratsch
il di		il diatsch
l'hom	l'homun	l'homatsch
l'uors	l'uorsun	l'uorsatsch
la val		la vallatscha
la vuolp	la vuolpuna	

Zieva deschi minuts arrivettan ils giuvnets nella cittedina. III 71

Güst d'ün mat uschè he eau fich da bsögn, per fer da tuottas sorts lavurettas e commissiuns. III 72.

Il stomi sumaglia ad ün sâchet elliptic ed as rechatta dalla vart schnestra del vainter sper il fiô immediatamaing suot las costas. VII, 289.

Üna forella pü granda metta ün pèr tschient övs. Zieva ses eivnas sortan ils peschins quasi transparents. VII, 264.

L'avaratsch chi, per ramasser munaida, as privescha del pü necessari, ais selev e na patrun da sia ricchezza.

La scossa füt surpraisa dal uorsun chi la privet da divers chos.

Il hap del mattatsch eira ün homun ferm e robust. *Clio.*

Remarcha 1. Davart il plural dels diminutivs homin ed homet cunfrunta § 94.

Remarcha 2. Davart l'adöver della desinenza -un in ün senso diminutiv mera § 61, remarcha 2.

§ 60.

Aunz cu piglièr las desinenzas diminutivas u augmentativas, ils substantivs paun subir las seguintas müdèdas:

1. Substantivs chi glivran cun -a, perdan quai, p. ex.

la chambra	la chambretta	
la chesa	la chesina	la chesetta
la gula		la gulatscha
la s-charpa	s-charpina	la s-charpetta
la tevla	la tevlina	la tevletta
l'ura		l'uretta

Ün zieva l'oter entret nella chambretta. III, 58.

Maria eira üna giuvnetta legra ed uossa l'unica pozza della povra vaigda. III, 59.

Abraham vivet auncha löng fin cha battet eir sia uretta, e cha Dieu il clamet tiers se. III, 30.

2. L'e debel dell' ultima silba vain generelmaing eliminô, p. ex.

aungel	aunglin
giuven	giuvnet
maglieder	magliedrun
puleder	puledrin
spievel	spievin
suneder	sunedrin

e. u. i.

Cur els gnittan a Betfage al munt dels olivers, ardaint a Gerusalem, as tschantet Gesu sün ün puledrin, cha sieus discipuls avaivan muò notiers, e get cun els vers la citted. *J. B.* 125.

Vè no, sunedrin, e marena con nus. III, 66.

Samuel eira sto ün giuvnet pietus e da vaglia e dvantet ün zelant e güst soprastant da sieu pövel. *J. B.* 44.

Ün disch però: schneiderin

3. Ho l'ultima silba del substantiv ün vocal cuort ed accentuò seguieu d'ün simpel consonant, schi vain quaist ultim duplichò:

il bal	ballett	
il char	charrun	
il crap	crappun	
il giat	giattin	giattun
il gnif	gniffun	
il mat	mattin	mattun
il nar	narrun	narratsch
la pel	pellina	
il schluppet	schluppettin	

S'avrind la damaun la flur, s'voula our da sieu sain qualche pitschen insect, chi avaiva pernottò in quaista bella locanda in ün lettin lam e chod. VII 185.

† Et scodün chi disth à ses frèr narrun, uain ad esser culpaun agli foe aeternel. *Bifr., Matt.* 5, 22.

4. Pleds chi glivran cun gl, piglian i, scha la desinenza stessa nun ho gia quaist custab.

chavagl	chavagliatsch	chavagliun
famagl	famagliatsch	
figl	figliatsch	figliun
	figliet	figlin
imbruogl		imbruogliun
sbagl	sbagliatsch	
tramegl	tramagliatsch	tramagliun

Hanna laschet sieu figlin nella chesa del Segner suot la survaglianza e la chüra da Dieu e dels sacerdots. *J. B.* 42.

Las furmias masculinas e femininas haun ultra ils duos ögls dallas varts del cho auncha trais öglins sül cho. VII, 271.

Vi del bögl orv prenda ün böglin stigl da 5 fin 8 cm lungezza. a fuorma da verm. l'appendix vermiform, ün lö zuond critic nel bass vainter. VII, 291.

El nun possedaiva oter cu sieu vegl e trid chavagliatsch.

Il vegliet guardaiva cun complaschentscha nels ögliuns interrogativs da sieu abiedi. *Clio*.

5. Qualche vouta subescha eir il tschep del substantiv üna müdeda. seu cha muossan ils exaimpels seguinths:

l'atschel	l'atschalin	
il bap	il babun	(mera § 62)
la bestia	la bes-china	
la borla	la borlina	(u burlina)
il bruonz	la bronzina	(mera §§ 61 e 62)
il cudesch	il cudaschet	eudaschin
la fuorcha	il furchetta	
il furmoint	il furmentun	(mera § 62)
il graun	il graumet	il graumin
il maun	il manin	il maumin
il munt	il mantun	(mera § 62)
il plom	il plombin	
la tevla	il tavolin	(mera § 61)
il tramegl	il tramagliun	il tramagliatsch
l'utschè	l'utschellet	l'utschlin
	l'utschellin	

Sdumins da caffè. V, 182. Cudaschet. *Töndury*, 1.

Tuots ils infaunts attorniaivan la duonna; tuots stendaivan our lur maumins pitschens, et in immincha maumin ün öv. *Pr. Cud.* 102.

Chaumin, chaumet. *Pallioppi*.

Braschumin. V, 185.

Guardè da nun fer del mel a quaists buns utschellets. *Pr. Cud.* 40.

Ils utschelins nun haun pü övs. *Pr. Cud.* 87.

Ad ais fich dannavel per la vzüda da sfruschèr l'ögl, scha penetran casuelmaing in quel ün graumin da pulvra u oters corps similis. VII, 283.

Sainza quaiſt piſſèr dellas furmias per la generaziun giuvna stuveſſan quaiſtas debſas bes-chinas plaun a plaun morir our. VII, 273.

§ 61.

Na darèr müdan ils ſubſtantivs feminins lur gener, as transformand tres las deſinenzas augmentativas u diminutivas in masculins; in püſſ cas exiſtan duos fuormas diminutivas, üna feminina ed üna masculina:

la balla	la ballina	il ballin, il ballun (mera § 62)
la borla	la borlina	il burlin
la chesa	la chesina	il chesin, il chesun
la corda	il cordun	
la cuort	il curtin	la cuortina
la gïa	il gïun	(mera § 62)
la muos-cha	il muos-chun	u mus-chun (mera § 62)
la plaunta	il plauntin	
la puolvra	il pulvrin	
la sadella	il sadellin	
la schlitta	il schlittun	
la scua	il scuet	
la sela	il selun	
la streda	il stradun	u stredun
la stria	il striun	(mera § 25)
la stüva	il stüvun	
la tevla	il tavolin	(mera § 60, 5)
la trev	il travun	(mera § 60, 5)
la vacha	il vachun	
la val	il vallun	
la zappa	il zappin	il zappun (mera § 62)

Il ſilvicultur ho ſaimper reſguard da piglier davent las plauntas chi impedeschan la creſchentscha da bos-cha giuvna. — Ils pitschens plauntins vegnan transplantôs zieva duos ans in otras eras circa 1 dm diſtant ün dal oter, acciò las riſchs e las manzinas as ſviluppan pü bain, VII, 211, 213.

Scua nova scua bain. *Proverbi.*

Da Chalanda Marz vain sbattida la gramma cun ün scuèt, fin cha vain landrouer latmieleh. III 100.

Remarcha 1. Pü darèr dvaintan substantivs masculins tres la desinenza diminutiva feminins, scu il bruonz (die Bronze). la bronzina (Kuhglocke).

Aram e zin daun il bruonz. VII 322.

İls mats pü giuvens portan sampuogns e bronzinas. V 331.

Remarcha 2. In vallun ho la desinenza -un ün senso diminutiv.

§ 62.

Sovenz la significaziun della fuorma diminutiva s'allontanescha considerabelmaing da quella del substantiv primitiv. p. ex.

la balla (Spielball)	il ballin (Flintenkuigel)
	il ballun (Luftball)
il bap (Vater)	il babun (Vorvater)
la bulla (Bulle)	il bullin (Siegel, Oblate)
la charta (Brief)	il chartun (Pappdeckel)
il daint (Finger)	ildaintulin (der kleine Finger)
la fuorcha (Galgen, Heugabel)	la furchetta (Essgabel)
il furmaint (Weizen)	il furmentun (Mais)
la gïa (Geige)	il gïun Bassgeige)
il maun (Hand)	il manin (Armband EB)
il munt (Berg)	il mantun (grosser Haufen)
la muos-cha (Fliege)	il muos-chin (Mücke)
	il muos-chun (Hornisse)
la s-chela (Leiter)	il s-chalin (Leitersprosse)
l'utschè (Vogel)	l'utschein } kleiner Vogel
	l'utschellet }
	l'utschlin (unflügges Vögelchen)
	ils utschlins (die Brut)

la zappa (Hacke, Karst)	il zappin (Holzpickel)
	il zappun (Eispickel)
il zuorpel (Schwefel)	il zurplin (Zündhölzchen)

× § 63.

Desinenzas diminutivas ed augmentativas pü reras sun:
 -et, -etta; -uot, -uotta; -oul, -oula; -öl, -öla; -ütsch, -ütscha;
 -ard, -arda; -aster, -astra; -el -ela, -ella, -itsch, -itscha.

Bgers substantivs existan hozindi be nella fuorma diminutiva u augmentativa composta cun quaistas desinenzas, siand il pled primitiv ieu pers.

ballot, Bergagliot, bovat, chaschuot (chascha), chesot, giuvnot, giuvnotta, paluotta, pigliuotta, saglinot, Schlarinot.

barbiroula, chüderoula, cupicheroula, figlioul, figlioula, ravioul, viroula.

aguröl, aviöl, chagnöl (chaun), chaschöl, chavriöl, chavrioula (chevra), fäschöl, fazzöl, giaviöl, (givgöl). plazzöl, pignöl, scignöl, stantaröl.

chapütscha (chappa), madrütscha, murütsch (mür), avriard, bastard, testard.

figliaster, figliastra, madrastra, padraster, pullaster,

bluot- bluttitsch (agg.), maladitsch (agg.), mort, mortitsch, rüvladitsch, sbragiaditsch.

chüderel, fringuel, ovel, stornel.

crapschella, franguella, massella. muntanella, padella, passarella, picharella, sadella, s-chandella, urella.

Remarcha. Eir fuormas diminutivas u augmentativas doblas existan, seu

il borlinin	il daintulin (der kleine Finger)
-------------	----------------------------------

la brunzinetta	la figliouletta
----------------	-----------------

la brunzinina	il figlioulin
---------------	---------------

il chaschuottin	la figlioulina
-----------------	----------------

In brunzinina avains üna desinenza diminutiva collieda cun ün' otra diminutiva, in chaschuottin ün' augmentativa collieda cun üna diminutiva, in chaschuottun duos augmentativas.

Lectüras.

§ 64 a.

In Lügl ed Avuost florescha l'iva. Ün manchin cuort, nüd u be s-charsamaing cuvert da pailins fins, porta süsom püssas flurinas alvas, chi peran da formêr ün' umbella, seu tar la primula. Contempland però la posiziun dellas fluors

pü exactamaing, observains cha lur manchins nun sortan tuots dal istess punct. Quels postòs pü bass sun però ün pô pü lungs cu'ls oters, in möd cha las flurinas staun istess tuottas quasi nella medemm' otezza, formand uschè ün umbrella apparenta, scu tar il sambüj. Per quaut pitschna ch'üna singula flurina pera, ais ella tuottüna, scu la flur d'icioria, üna chavagnina, chi contain bgeras flurinas pü pitschnas. Ün bel calischin cumön las porta. Sias föglinas ovelas, cul piz a fuorma da launtschetta, sun ornedas d'ün ur nair e staun lovedas üna sur l'otra, scu las faratschas d'üna puscha d'pign. Las coronas dellas singulas flurinas sun finas barbiroulas, chi as slargian però tar quellas süllas periferia in zartas föglinas ovelas, formand uschè ün bel craunzin alv sül ur del calisch. Ils stamins e'ls pistils sun formòs scu tar la flur d'icioria: nellas flurinas postedas sül ur maunchan però ils stamins.

Giosom il manch ed eir pü insü intuorn quel chattains bgeras föglinas formedas scu bellas penninas. Da tuottas duos varts del gnierv prinzipel sun nempe tschantedas bgeras launginas strettas ed agüzzas, alchünas con ur glisch, las otras munidas dad ün u duos daintins, chi nun offendan però ad üngün. Quaistas föglias haun ün stupend aroma, sumgiaunt al müsch, postüt sch'ün las sfruscha sül maun. V. 193.

§ 64 b.

La magistra quinta a sias scolarettas bellas istorginas. — Al ur del godet chattet eau üna pompusa flurina. Las föglinas da sia corona formaivan üna stailina taunt bella, ch'EAU la volaiva piglier cun rischinas e tuot e la transplanter in mieu üert. Ma ün aviölet as fichet traunter aint sieus stamins ed ün spelerin as plachet sün üna da sias föglias, ch'EAU nun la volet privèr da sia buna compagnia.

Immez il prò ais ün crappun. L'elefant ho daintuns

lungs e chammunas grossas. Il rabarber ho grandas fögliunas. Guarda, cha vain l'uorsun e't metta in sia buochuna! Que ais ün bel homatsch! Tü hest cumprô üna brava vachatscha.

Nun fer gniffun! Que ais ün tuctatsch. Tegna tia buochatscha mellaveda! Nun tatlêr que cha quella tschantschedruna disch.

Substantivs composts (e plets composts in generel).

§ 65.

La lingua ladina posseda ün grand numer da plets composts, scu utschè-mez-mür, lavurdi, chadafö (substantivs); suottascriber, surdêr, relaschèr (verbs); blov-s-chür, imprudaint, melmadür (aggettivs); püttost, tuottaffat, da quinderinavaunt (adverbs); minchün, ünguotta, qualchosa (pronoms); del, tal, alla (artichel); daspö, visavi, intuorn (preposiziuns); schabain, dimpersè, scumbod (conjuncziuns); pardieu, cuspetta, addieu (interjecziuns); ündesch, deschedoch, trentaset (numerels).

Scha examinains ils divers elemaints chi constitueschan ils substantivs, aggettivs, adverbs, verbs e pronoms cumposts, schi podains constater in generel, cha l'ün pera dad indichêr l'idea principela, e cha l'oter u ils oters servan be a la modifichêr. In tël cas vain il pled, chi exprima l'idea principela, nomnô la part determineda, e l'oter u ils oters la part determinanta; uschea nels exaimpels antedits las parts determinedas sun: utschè, -di, cha- (= chesa), -scriber, -der, -laschèr, blov-, -prudaint, -madür; -tost, -affat, -avaunt, -ün, -guotta (= guot), chosa; las parts determinantas sun: -mez-mür, lavur-, -dafö, suotta-, sur-, re-, -s-chür, im-, mel-, pü(t)-, tuott-, da quinderin-, minch-, ün-, qual-.

Il pled compost appartegna il pü sovenz (ma brich adüna) all' istessa classa scu la part determineda, la part determinanta po servir alla composiziun da bod qualunque classa da plets.

§ 66.

La part determinanta po esser ün prefiss u ün pled independent. Las composiziuns fattas cun prefiss as nomnan inseparablas, quellas fattas cun plects independents as nomnan separablas (cunfrunta § 77).

I. Composiziun cun prefiss.

Ille prefiss eiran originariamaing plects independents, nempe preposiziuns u adverbs, ma uossa nun existan els pü scu tets: nus ille nomnains perquè particulas. — Exaimpels da plects cumposts cun particulas (prefiss) sun:

§ 67.

a) **plects cumposts cun particulas chi nella lingua latina u greca (mera Nr. 4) eiran preposiziuns:**

1. ab-stinent, ab-saint, ab-solutismo, ab-stract.
2. ad-equat, ad-jutant, ad-ministrèr, ad-opziun, af-famèr, af-firmaziun, af-frunt, af-flicziun. ag-giundscher, ag-gradir, ag-gravi, ag-güstèr, a-ll-arm, a-ll-ura, al-lianza, al-locuziun, al-lusiun, al-levèr, am-megldrèr, am-morti-sèr, am-malattèr, s'am-muntèr, an-nectèr, an-nöblir, an-notaziun, an-nunzia, ap-parenza, ap-petit, ap-plicaziun, ap-plaus, s'ar-rampchèr, ar-rest, ar-rivo, ar-rogant, as-salt, as-sedi, as-sistent, as-sumer, at-tachèr, at-tent, at-tracziun, at-tribut.
3. ante-cedaint, ante-dit, ante-penultim, anti-cuort. (§ 69.)
4. anti-patia, ant-agonismo, anti-pods, anti-crist. (§ 69.)
5. circum-cisiun, circon-stanza, circon-dèr, circon-ferenza.
6. cis-alpin, cis-leithan.
7. contra-banda, contra-cambi, contra-punct, contra-segn.
8. cu-mèr, cum-pèr, cum-pra, cum-preder, cus-sagl, cu-staivel, cu-spetta, cu-ster, cog-nit, cog-niziun, cog-nuschen-tscha, cog-nuschitur, co-aliziun, co-efficient, co-incidenza,

co-operer, col-laboratur, col-laziun, col-lecta, col-lega, com-bustibel, com-member, com-metter, com-missiun, con-cret, con-clusiun, con-cordia, con-tinent, cor-recziun, cor-respondenza, cor-roborer, cor-rupziun, cuf-füert, cu-schidrêr, cuvih.

9. de-batta, de-missiun, de-cisiun, de-cret.
10. dis-cordia, dis-creziun, dis-cuorrer, dis-posiziun, dif-ferent, dif-famaziun, dif-ficil, dif-fus, di-rect, di-vertimaint, diligiaint, diluvi (cunfrunta § 222, Rem. 1.)
11. ex-amen, ex-cellent, ex-cepziun, ex-pressiun, e-diziun, e-ducaziun, e-lecziun, e-vasiun, ef-feminêr, ef-fet, ef-fettuêr, ef-fusion, es-ibir, es-igenza, es-iger, es-it (cunfrunta § 222, Rem. 2.)
12. extra-posta, extra-vaganza, stra-mentus, stra-ordinari, stra-vagant, stra-vier.
13. in-avous, in-cendi, in-dicher, in-fluenza, if-finer, if-fladüra, il-luminaziun, il-lusiun, il-lustrer, il-lustraziun, ir-rischer, ir-radiaziun, ir-rupziun, ir-rumper, im-portaziun, im-posta, im-prender, impuls (cunfr. §§ 72, 7, e 73, 1.)
14. inter-essant, inter-medier, inter-pellant, inter-naziunel, intel-let, intel-ligenza, intel-ligiaint, intel-lectuel.
15. ob-ject, ob-lig, ob-servaziun, ob-tgnair, oc-casiun, oc-corrent, oc-cident, oc-cupaziun, of-faisa, of-fender, of-fizi, of-ferta, og-get (= object), op-ponent, op-posiziun, op-pressiun, op-puoner.
16. per-chürêr, per-fet, per-missiun, per-üna.
17. post-datêr, post-diluvian, post-puoner, post-scrit.
18. process, pro-clamaziun, pro-cedura, pro-fessur.
19. pre-cisiun, pre-dichant, pre-faziun, pre-güdizi.
20. se-cret, se-diziun, se-ducziun, se-dür.
21. sub-divisiun, sub-ject, sub-stituziun, sub-venziun, suc-cess, suc-cessiun, suc-cint, suc-cuors

suf-fizaint, suf-fiss, suf-fochèr, suf-frir (sof-frir),
su-spect (so-spect), su-stanza (so-stanza), su-stgnair, su-
spirèr.

22. super-arbiter, super-fluo, super-lativ, super-stizium.

23. trans-acziun, trans-formaziun, trans-it, trans-port,
tra-diziun, tra-duceziun, tra-metter, tra-munter.

24. ultra-marin, ultra-montan, ultra-montanismo, ultra-passer.

× § 68.

Remarcha 1. Ils plets cumposts cun particulas preposiziunelas sun fìch numerus in romauntsch. Els constitueschan probabelmaing circa la mittet la tuot il vocabulari della lingua. La glista del paragraf 67 represchainta dimena be üna pitschna tscherna d'exaimpels tipics. Per minch-tina della 25 preposiziuns sun indichedas las principelas müdedes ch'ellas paun subir. Müdedas pü difficilas ed excepziunelas maunchan però. Otramaing stovessan eir gnir manzunôs plets scu dmura, quino (quineda), daschütel, dostèr, simpel, svilup, predgia e bgers oters chi sun tuots cumposts cun üna u l'otra della particulas preposiziunelas surindichedas.

× § 69.

Remarcha 2. La preposiziun anti nun ais l'istess scu ante, ad onta cha ante piglia in anticuort ed ün per oters plets la fuorma anti. Ante ais üna preposiziun latina, chi significha avaunt u davaunt, dimena antedit = dit avaunt, anteceder = ir avaunt, antipenultim = avaunt il penultim, que vuol dir il terzultim; antichambra = üna chambra situeda davaunt ün' otra; anti al incunter, schabain frequentamaing druvô nel latin, ais propriamaing ün pled grec, chi significha cunter, dimena antipapa = ün seguond papa chi cumbatta il papa legitim, antierist = l'inimih da Christo etc. Anti ais l'unica preposiziun greca indicheda, per amur da sia sum-gentscha cun ante e perquè ch'ella serviva eir nella lingua latina a com-puoner plets. Tuot las otras preposiziuns grecas paun dal punct da vista da novas composiziuns ladinass esser consideredas scu sterilas. Plets cum-posts cun preposiziuns grecas sun p. ex.: amfibi, amfiteater, analisi, analogia, apostrof, catalog, catastrofa, dialog, diameter, ecclesiastic, elliptic, emblem, emfatic, epidemia, epilog, iperbola, iperbolic, ipocondria, ipoteca, metamorfosa, metoda, parabola, paradigma, periferia, periodic, problem, prognosa, proselit, prosodia, sim-fonia, simpatia, etc.

× § 70.

Remarcha 3. Ils exaimpels del § 67 muossan quauant differentas cha las preposiziuns d'hozindi sun dallas preposiziuns latinas. Be ils numers 2, 7, 8, 13, 16, 18 e 24 contegnan particulas, nellas quelas nus cognuschains facilmaing alchünas da nossas preposiziuns, nempe a (ad), cunter, cun (con), in, per, pro e ultra. Dallas preposiziuns modernas servan be da (dad) con (cun) e sur a novas composiziuns, seu: dab-bain, dap-pü, daf-fat, dad-our, dad-aint, da-lönch, da-sper, da-vart, da-vous, etc., con-heredis, con-cittadin, con-scolar, con-umaun, con-famagl, etc. sura-maun, sur-argientér, sur-chargêr, sur-dir, surfêr, sur-mnêr, sur-nom, sur-passêr, sur-pigliêr, Sur-selva, sur-taxa, sur-vivain, etc. Eir contra serva a novas composiziuns, ma contra nun ais nel ladin propriamaing üna preposiziun, nus nun podains dir: l'armeda marchet contra l'inimih, dimpersè cunter l'inimih.

§ 71.

Remarcha 4. Quel chi nun cognoscha la lingua latina, s'ingiaunerò facilmaing in tscherchand da piglier da pèr plets cumposts. Uschè p. ex. tuots ils plets seguaints nun contegnan particulas, appartegnand la prüma silba al tschep:

agenzia, agitaziun, antiquited, collauna, collina, custodia, decenza, de blezza, despot, discipul, divinited, e equalited, edifici, egoismo, seduta, sevêr, strategie, etc. etc. Confrunta § 73, 2.

§ 72.

b) **Plets cumposts cun particulas chi nella lingua latina eiran adverbs**, u avaivan in composiziuns latinas la valur (la significaziun) d'adverbs:

1. bene-dicziun, bene-factor, bene-merit, bene-stant,
2. male-dicziun, male-dir, male-fici, mal-ur,
3. pen-isla (peninsula), pen-ultim, ante-pen-ultim,
4. re-capitulaziun, re-conciliaziun, re-formêr, re-parêr, ar-cumandêr, s'ar-fradêr, ar-magliêr (rumagliêr), ar-tschaiver.
5. retro-ceder, retro-grad, retro-spectiv, retro-activ,
6. bis-abiedi, bis-at (bas-at), bis-üt (baschüt), bi-eni, bi-gamia.

7. in-faunt (if-faunt), in-complet, in-fam. in-contschaint, im-prudaint, im-mens. im-parziel, im-mortalited, ir-regulèr, ir-resistibel, il-limitò, il-legibel, il-logic (mera § 73).
8. introducziun, introdür, intraguidamaint.

Annolaziun. Daspèr la fuorma veglia avains per bene e male eir la fuorma ladina bain e mel in bgeras composiziuns. (Mera §§ 82 e 221 b).

× § 73.

Remarcha 1. La particula in- (if-, ir-, il- etc.) del § 72 nun ais da cumfuonder culla particula in- (if-, ir-, il-, etc.) del § 67, Nr. 13.

In-nels peds importaziun, imposta, indiehèr, etc. ais l'istess scu nossa preposiziun in e vuol dir aint, intaunt cha in-nels peds im-prudaint, incomplet, irresolut etc. ho la significaziun d'un adverb negativ e vuol dir na. (Cunfrunta eir § 221 a).

Remarcha 2. Sovenz ün pled cumainza cun üna dellas silbas nomnedas nel § 72, sainza cha quella saja üna particula. Uschè per exaimpel nels peds seguaints la prüma silba appartegna al tschep:

ardaint, argient, arsentüm, biblic, bigliard, imaginaziun, im-süra, in-fieriur, in-fiern, imperativ, insula, pen-etrer, pen-siun, pen-itenza, realisaziun, regaler, regenza etc. — Cunfrunta § 71.

Remarcha 3. A sun eir numerus peds cumposts chi contegnan duos particulas, scu:

ante-pen-ultim, dis-im-pegner, ir-re-solut, ir-re-sistibel, mel-per-üna, pro-tra-metter, pre-di-let, re-pre-schenter, re-pro-dür, re-con-ciliaziun, re-per-cussiun (ri-per-cussiun), r-im-bellir, etc. etc.

§ 74.

Tuot las composiziuns da peds trattedas fin cò nomna ün **composiziuns inseparablas** (u peds cumposts inseparabels), perchè sch'ün piglia da pèr ils duos elemaints chi'ls constitueschan, allura nel linguach d'hozindi u amenduos u almain ün nun haun pü üngüna significaziun, scu p. ex.

an-necter, ar-tschaiver, bene-stant, cog-niziun, con-cert, di-ligiaint, dif-fus, ef-fet, es-iger, in-cendi, inter-essant, in-faunt, im-mens, oc-casiun, of-ferta, retribuiziun, retro-spectiv.

se-ducziun, sub-ject, suf-frir, super-lativ (tuots duos elemaints sainza significaziun).

ad-opziun, am-munter, ante-pen-ultim, anti-cuort, bis-abiedi, circon-dèr, cis-alpin, com-member, cu-ster, dis-posiziun, il-legitim, im-prudaint, inter-naziunel, male-dir, post-scrit, pre-güdizi, re-former, sub-divisiun, super-arbiter, stra-ordinari (ün elemaint sainza significaziun).

§ 75.

Adöver da particulas negativas per la formaziun da substantivs da significaziun contraria.

A. Duos substantivs, dals quèls l'ün significha il contrari u l'oppost del oter, as nomnan substantivs da significaziun contraria. Per bgeras ideas contrarias la lingua posseda plets distints, seu:

algrezcha	tristezza
amur	ödi
benedicziun	{ maledicziun
	{ smaledicziun
bunted	noschdet
chalur	fradaglia
glüsch	s-chürdüm
grandezza	pitschnezza
guerra	pèsch
ricchezza	poverted
sandet	malattia
savair	ignoraunza
vardet	manzögna
vita	mort

Tuot vain dal Segner, fortuna e disfortuna, vita e mort, poverted e ricchezza. *J. B. 82.*

Figl, algorta't, cha tu hest arvschieu tieu bain in tia vita e Lazaro percunter il mel. *J. B. 115.*

Contredgias richas da god nun soffran ne da terriblas chaluors, ne da grandas fradaglias. VII, 206.

Vagliè ed urè, acciò vus nun vegnas in tentaziun! Il spiert ais bain prompt, mo la charn ais debbla. *Menni, Matt. 16, 41.*

Perchè la terra, chi assorva la plövgia, chi crouda suvenz sur ella, e prodüa plauntas ütilas, artschaiva la benedicziun da Dieu. Mo schi ella porta spinas e charduns, schi ais ella infertila ed ardainta alla maledicziun, e sia fin ais, da gnir arsa. *Menni, Hebr. 6, 7-8.*

† Ilg Proposit düu vair Christian dess esser da contin. Guinchir 'l mal & far 'l boen *Tromm. 107.*

Guerras e pasch, foms & abundanza. *Tromm. 62.*

Nun duantèr inimieh our d'amieh. *L. P. 64.*

Quael chi adeistra sieu figl fo maela vita a sieu inimieh, e uain à s'allegrer d'el auant seis amiehs. *L. P. 264.*

L'g boen ais cuntraedi alg mael, & la vitta ais cuntrèdia alla mort. Uschea ais l'g prus cuntrèdi alg nosch, & l'g nosch incunter alg prus. Uschea vezzas tü in tuottas houres dalg hutischem, tuottes chioses dues à duès, da las quaelas l'üna ais cuntraedgia à l'otra. *L. P. 288 9.*

B. Cur cha nun existan plets distints, allura as po in bgers cas former substantivs da significaziun contraria cun l'agüd dellas particulas negativas in- (§ 72. 7 e 73), dis- (§ 67. 10 e § 222), e mel- (§ 72. 2 e § 221. b), p. ex.

fortüna

disfortüna

mortalited

immortalited

sgürezza

melsgürezza

Cristo ho patieu per ils pchos, un güst per ils ingüsts. *Menni, 1. Petr. 3, 18.*

Fortüna e disfortüna (mera § 75 a, prüm ex.)

† Tres quel mal dormir in Baselgia vain manifestada nossa mal-recognoschenscha vers Dieu. *Tromm. 85.*

Remarcha 1. Pü bod druvaiva ün per telas formaziuns eir la negaziun nun, uossa as drova qualchevouta na.

Ûn na-americaun as po guera fer ün' idea della febrila chatscha da dollars chi as fo dall' otra vart del Atlantic.

† Ün fideil amich ais üna maschdina da la vitta & da la nun-mortalitaed. *L. P.* 67.

Quel chi plescha als superiuors suruain perdun da sia nun giüstia. *L. P.* 182.

§ 76.

Oters plets da significaziun contraria. Plets da significaziun contraria paun esser na be substantivs, mo eir aggettivs, adverbs, verbs e perfin preposiziuns e conjuncziuns, p. ex.

a) aggettivs (cunfrunta § 221).

bun	nosch
diligiaint	daschütel
dür	lam
vegl	giuven

b) adverbs.

curagiusamaing	timidamaing
perüna	melperüna
pü	main
süsom	giodim

c) verbs.

acceptêr	refüsêr
dormir	vagliêr
günêr	mangêr
sdrieglêr	dschlêr

d) preposiziuns.

aunz	zieva
avaunt	davous
cun	sainza
sur	suot

e) conjuncziuns.

aunz cha		zieva cha
causa cha	}	cumbain cha
perchè cha		ad onta cha
per motiv cha		schabain cha

Alla lavur destructiva dell' ova e del ajer s'associeschan auncha duos frers, il fraid e'l chod. Il chod dilatescha tuots ils corps, e'l fraid

ils tira d'archo insembel. Tres quaista continuanta dilataziun e contracziun vain la crappa plaun a plaun luocha, survain rimas, ed in quaistas penetra l'ova, chi, postüt eur ella dscheila, sagliainta pü grandas u pü pitschnas parts del spelm. VII, 325.

Chi vül salvêr sia vita, la perderò, ma chi perda sia vita per amur da me, la chatterò. Che güdess que al crastiaun, sch'el guadagness tuot il muond e fess perdita da si' orma? *J. B.* 123.

Nun bandaunêr ün vegl amih, perchè tû nun sest, scha il nouv sarò meglder. *J. B.* 82.

Annotaziun. Na da confuonder culs pleds da significaziun contraria sun quels chi espriman ideas correlativas, que vül dir ideas dallas quèlas l'üna ais indispensabla per concepir l'otra, seu bap e figl, bapsegner ed abiedi, magister e scolar, mes-chel e femna. Ün nun possedess dir cha'l bap saja il contrari del figl, il bapsegner l'oppost del abiedi etc.

II. Composiziuns cun pleds independents.

§ 77.

Las composiziuns cun pleds independents (**composiziuns separablas**) sun bger main numerusas cu quellas cun particulas. Ün las nomna composiziuns separablas perchè sch'ün piglia da pèr ils differents elemaints chi las constitueschan, allura minchün conserva sia vita e's preschainta seu ün pled da pèr sè cun sia egna significaziun. p. ex.

bap-segner, lavur-di, mamma-duonna, mezza-not, mel-containt, perda-temp, rumpa-testa, simil-or, spavaint-utschels, vin-ars.

× § 78.

Remarcha I. Tuottas linguas haun la tendenza da transformêr composiziuns separablas in composiziuns inseparablas. Uschè p. ex. il numerel quindesch nun ans lascha üngün dubi in merit a sia composiziun, e tuottüna scha pigliains da pèr sieus duos elemaints constitutivs, stovains constater cha l'ün d'els (quin-) aun ho pü üngüna vita da per sè. Que ais il cas cun ün grandissem numer da composiziuns, ils elemaints dellas quelas eiran pü bod amenduos pleds independents, p. ex.:

attenta-maing, ampli-ficher, bain-vgnieu, deschedoch, du-desched, duplicat, intera-maing, mar-di, qual-chosa, quattor-desched, recti-ficher, sai-desched, stupefat, soddissat, sui-cidi signi-ficher, tre-desched, tri-mester, tschal-over, tschamfögli, uni-fuorm, var-quaints etc.

× § 79.

Remarcha 2. La lingua ladina chi ho ün grand numer da plets esters, contegna natürelmaing eir bgers substantivs composts esters, pustüt grees, scu:

archoe-logia, archi-tect, all-egoria, a-nomalia, auto-nom, a-mnestia, apostrof, apo-teca, bacterio-logia, biblio-teca, calli-grafia, chir-urg, cripto-gam, dactilo-grafia, demo-crat, dem-agog, di-özesä, en-ciclo-pedia, eco-nomia, episcopat, ev-angeli, filo-sofia, foto-graf, filo-logia, fanero-gam, fono-graf, grammo-fon, geo-meter, geo-grafia, geo-logia, kilo-gram, hecto-grafer, lexico-graf, micro-scop, metro-polis, orto-dox, orto-grafia, par-evla, par-ochia, parallelo-gram, pato-logia, proto-col, poli-gamia, sim-patia, sim-fonia, sin-oda, steno-grafia, stereo-metria, tele-scop, tele-fon, tele-graf, tri-gono-metria, etc. (plets grees),

ard-öffel, bras-tuoch, giun-ker, land-amma, lan-geggher, ris-pli, scrip-tisch, zinn-giesser. (plets tudais-chs),

fram-massun, garde-roba, vis-avi, (plets frances),

bella-donna, fa-legnam, ferro-via, madre-perla, non-obstante, spazzachamin, terracotta (plets italiauns).

§ 80.

Plets ibrids. A sun eir bgers substantivs (u oters plets) cumposts, ils elemaints constitutivs dels quëls appartegnan a duos differentas linguas, p. ex.: auto-mobil (prüm elemaint grec, seguond latin).

historio-graf, deci-meter, centi-meter, milli-meter, (prüm elemaint latin, seguond grec).

La lingua tudais-cha ais particularaming richa da telas composiziuns, p. ex. Sanitäts-rat, Gymnasial-lehrer, Kaffee-haus, Finanz-beamter, Fabrik-arbeiter, Post-halter, Lokomotiv-führer, Schul-haus, Kirchen-diener, etc. etc. (prüm elemaint ester, seguond tudais-ch).

Gerichts-präsident, Zoll-direktor, Haus-regel, Bei-namen, Handels-schule, Ober-realschule, Gemeinde-schreiber, Adler-nase, Schnupf-tabak, Ess-tisch, etc. etc. (prüm elemaint tudais-ch, seguond ester).

Ün nomna telas composiziuns plets ibrids u composiziuns ibridas.

§ 81.

Scha nus ans limitains a trattèr be quels substantivs composts separabels, ils elemaints dels quëls as laschan da minchün facilmaing discernen, allura podains differenzièr las quatter classas seguintas:

1. Substantivs composts cun ün verb. scu:

il battacour	il rendaquint
il battafö	il rumpatesta
il bütschamaun	il s-chodalet
il levatesta	il sfendabluezchers
il paraglüsich	il spargnafadias
il paraplövgia	il spavaintutschels
il parasaetta	il spordschamaun
il parasol	il squassacua
il paravent	il süamaun
il passatemp	il tagliailaina
il perdatemp	il tagliapeidras
il pichalain	il tegnacudeschs
il pichaporta	il tirabuschun
il portachartas	il tirastivels
il portafögl	e. u. i.

Ella get, ma na daffat sainza battacour. *Pallioppi, Örs* 39.

Üna vouta ho el (Marchet Colani) d'avair schluppettö ad ün taglia-laina la pipa our d'buocha. *IV, 93.*

A Realta ais ün famus institut per spargnafadias e melvivaints. *IV, 53.*

La ferrovia del Gotthard fuorma hozindi il spordschamaun traunter il süd e'l nord. *IV, 38.*

Il magliagliend. *Pr. Cud. 27.*

Il pizzamort fügit d'avent in tuotta prescha. *Pr. Cud. 32.*

E. B. Ma inua ais la monaida della scommissa e meis portafögl cullas otras bancanotas? (§ 83). *Barblan, Scem. 14.*

Üna glüschetta d'not ardaiva davous ün paraglüsich verd. *Pr. Cud. 35.*

Remarcha 1. Tuots ils substantivs composts cun ün verb sun masculins.

Remarcha 2. Eir il pled terratrembel appertegna a quaista classa, be cha'l substantiv as chatta cò al cumanzamaint, ed il verb (tremulare) alla fin. Ils vegls trattaivan il seguond elemaint scu ün aggettiv, e scrivaivan terra trimbla.

E dandettamaing es gnieu ün grand terratrembel, cha la fundamainta della preschun squasset. *Menni, Act. 16, 26.*

† Et subittamaing es gnieu. ùna granda terra trimbla da sort che l's fundamains de la prashun s'asthquasseuan. *Bifrun, Act. 16, 26.*

Et uain ad esser terra trimbla in inminchia lœ. *Bifrun, Marc. 12, 8.*

§ 82.

2. Substantivs composts cun ün aggettiv, adverb u particip:

il bainesser	la melscortentscha
il bainpensant	il meltrattamaint
il bainstadi, <i>E. B.</i>	la melvuglientscha
la bainvuglientscha	il mezdì
il bapnos	la mezzanot
il bassuffiziel	il Monsignor
il bassvainter	la risch cotschna
il grand-sacerdot	la risch melna
la maduonna	la salvaguardia
il melcontaint	il salvecondüt
il melfat	il similor
il melfattur	la vanagloria
la melora	il vinars

e. u. i.

Tuots ils sacerdots des Güdevs dovaivan esser dalla schlatta da Levi, ed il prüm da quels eira il grand-sacerdot. *J. B. 35.*

EB. Il nouv catechismus catholic ad adöver dellas scoulas d'Engiadina Bassa füt tradüt dal Pater Theodoricus per ordinaziun da Monsignor Schmid de Grüneck, ovaish da Coira. *C. C. 1910.*

Seu cha tar ils umauns tuot il bainstêr d'ün pövel dependa il pü da tuot dalla classa, chi lavura, uschè eir tar ils aviöls. VII, 270.

Dieu ho surdò ils melfattuors in maun della güstizia. *Pr. Cud. 36.*

Il bainesser del umaun sto in intima relaziun cul god. VII, 206.

Vaschella da terracotta (mera § 79) as stu drovêr cun precauziun contgnand la vermisch bain sovenz plom. VII, 325.

Gloria a Dieu nellas otezzas, pèsch sün terra, e bainplaschair vi als crastiauns. *J. B. 85.*

Piglia tü, mieu galanthom, tieus 700 francs chattôs. IV, 101.

La risch del aconit ho quasi la fuorma d'üna pitschna risch melna. V, 199.

La belladonna (mera § 79) ais üna plaunta fìch velenusa. *V.* 199.
Contadins güdizius pissereschon per temp, cha la grusaidda e'l giop
nun piglian il suramaun süllas pas-chüras. *V.* 197.

† E. B. Che ais l'aeternitat? l'ais üna staila fixa, la cua dalla
quala sa stenda in infinitum. *Abyss* 1, 9.

A ló als füt tramis ün Salvecondüt Düchiel.

L'g quel nun pudaiva esser pü formel. *Travers. Mús* 389—390.

E. B. Es quai d'avantà per far viadi, u per timplir cun Vinars, oder
otras bavrondas, oder sco mala vitta blers fan, per fümär Tabak? *Tromm.* 112.

§ 83.

3. Substantivs composts cun ün oter substan-
tiv sainza preposiziun:

il bapsegner	il luf sgiarbeder
il colonel-tenent	il luf tsherver
il cordöli	la mammaduonna
ii filfier	la nuschpigna
la fluor dancier	la risch malam
il lavurdi	e. u. i.

Attendè dimena a vus stess ed a tuotta la scossa, la quella vus avais
da paschentèr, perchè eau sè cha zieva mia partenza gnaron lufs sgiar-
beders traunter vus, ils quels nun schinageron la scossa. *J. B.* 158.

Dal luf tsherver, chi eira pustüt da chesa nel Vallis, nun s'oda
pü ünguotta. *VII.* 152.

Il luf tsherver vezza sia praja in üna lontananza, inua üngün
ögl umaun nun po penetrèr. *Pr. Cud.* 142.

Il capolö del pajais Grischun ais Coira. *Pr. Cud.* 153.

Mammaduonna, mangia eir tü! *Pr. Cud.* 75.

Ün pover scrivaunt perdet ün paquet bancozedels da quater milli
rainschs. *Pr. Cud.* 133.

In immincha sulèr vain do üna brava sclingeda, allura chantò üna
chanzun da Chalandà Marz. *V.* 332.

Il tshèl benign mè nun at pina.

Pü greiv cordöli del preschaint. *Caderas, Fluors* II.

† Ma's parchiürò da l's fòs profèts, quels chi uignen tiers uus in
uesckimainta da nuorsas, mu aint dadains sun els lufs sthgiarbedars.
Bifrun, Mart. 7, 15.

Nu duaintain cufdus da la uanna gloergia. *Bifrun Gal.* 5. 26.

Remarcha 1. Impè da cordöli gniva pü bod dit be döli.

† Filg per che haest fat à nus in aquella guisa? Vhè tes bab & eau hauiaand grand doeli scherchieuan tè. *Bifrun Luc.* 2, 48.

Remarcha 2. A quaista classa appertegnan quatter noms dels dis dell'eivna :

lündeschdi = di della glüna,

mardi = di del Mars (dieu della guerra),

merculdi = di del Mercur (dieu del commerzi),

venderdi = di della Venere u Venus (deessa della bellezza).

Remarcha 3. Üna tripla composiziun avains in utschè-mez-mür, inua duos substantivs sun colliôs cun ün aggettiv.

Durante cha nus ans inchambüerlains sün via planiva, svoula l'utschè-mez-mür francamaing traunter our las manzinas d'ün bös-ch. V, 222.

§ 84.

4. Substantivs colliôs cun oters substantivs tres preposiziuns.

Quaista classa ais lich numerusa. A nun sarò adüna facil da dir scha que as tratta propriamaing d'ün substantiv compost u scha'l seguond substantiv nun ais be ün attribut del prüm. L'ortografia nun ais tuottaffat conseguenta. In alchüns cas il substantiv compost vain scrit in ün sulet pled, in oters avains püss plets, per exaimpel:

chadafö, na: cha da fö,

mailinterra, na: mail' in terra,

mel i'l cho, na: melilchè,

öli d'oliva, na: ölidoliva.

Sovenz ans paun guidèr otras linguas; scha la traducziun franzesa u taliauna as lascha fer tres ün sulet pled, u scha la traducziun tudais-cha nun as lascha fer tres duos plets, podains nus generelmaing dir cha'l substantiv ais propriamaing ün substantiv compost, per exaimpel:

arch in tschèl = arc en ciel, arcobaleno, Regenbogen.

bastimaint a vapur = un vapeur, piroscapo, Dampfschiff.

chesa dad orfens = orphelinat, orfanotrofio, Waisenhaus.

fazzöl da nes = mouchoir, fazzoletto, Taschentuch.

öss d'elefant = ivoire, avorio, Elfenbein.

mo:

il chaun del chantunais = le chien du voisin,
der Hund des Nachbars.
il cane del vicino.
il tet della baselgia = le toit de l'église.
das Dach der Kirche.
il tetto della chiesa.

§ 85.

Las preposiziuns chi servan il pü sovenz a la formaziun da quaiста classa da substantivs composts, sun:

a) a

bastimaint a vapur chapè a trais pizs
chanzun a quatter vuschs s-chel' a lindorna e. u. i.

b) in

arch in tshèl mel i'l fio
fö in pigna mel i'las lisüras
mailinterra öv in painch
mel i'l cho spech in gramma e. u. i.

c) da

capo d'ovra (§ 79) mulin da caffè
chamisha da not schaiba da tir
charn d'püerch sel da crap
clev d'ura streda d'fier
cloter da mürs taila d'aragnun
cudesch da lectura verm da saida
minchületta d'utuon e. u. i.

Taunt ils manchs, cu las föglias e las rischs della flur d'cicoria contegnan ün lat amar, chi tacha e vain drovò per masdina cunter mèl i'l fio (mel il fio) ed il bassvainter. VIII, 184.

Sün parts del corp expostas al squitsch vain la pel superiura pü grossa, uschè cha's fuorman las düritschas süls mauns e'ls ögls d'giat süls peis. VII, 287.

Remarcha 1. Tscherts scriptuors ladins scrivon mel il cho, mel il fio, fämpigna, chedcomün, batterdögl etc. Per la clarezza

della lingua aise tuottüna preferabel da metter mel i'l cho, mel i'l fio, fö in pigna, che d'comün, batter d'ögl etc.

E. B. Il chedcomün avaiva da vender il prodot e metter ils raps in chascha. *Barblan, Parablas* 53.

E. B. In ün batterdöl stan davant el sülla planüra tschientmilli sudats. *Barblan, Parablas* 15.

E. B. Bainschi stovain nus da prüma saira ir in let per spagnar il saiv da glüm è la seguonda füm pigna; mo non importa. *Chal. 1824, dun. 9.* (E. O.: il fö in pigna).

Remarcha 2. Per la differenza traunter sadella d'ova e sadella dad ova, magöl d'vin e magöl da vin etc. cunfrunta § 130b e preposiziuns.

§ 85 bis.

Lectüra.

Nella stüvetta del taglialaina regnaiva ün prüvò bain-esser. La modesta famiglia s'avaiva allò reunida zieva il di da lavur, ün bun fö in pigna derasaiva ün' agreabla chalur nel ambiaint. Il simpel past eira glivrò e la mamma duonna reuniva ils pitchens intuorn se per als quintèr üna parevla, il bap pigliaiva notiers es-cha e battafö per s'impizzèr sa püpa, la mamma nun cognuschaiva per datemp ed as mettaiva sper la glüsch a cumadèr per sieus rumpachotschas, ün mattet avaiva chattò ün pèr nuschi pignas e partiv' our nuscella als oters. Uschè as preparaiva quella famiglia fortunèda per passèr agreabelmaing la saira. Vicendevola amur e bainvuglientscha rendavan sia reuniun uschè prüveda. Ma glièud da lavur nun cognuoscha las sairas lungias chi dūran fin mezzanot. Allas nouv solaiva il bap segner dir il bapnos e la famiglia giaiva al pos. *Clio.*

§ 86.

Il plural ordinari dels substantivs.

La lingua ladina cognuoscha quatter differentes möds regulèrs per formèr il plural ordinari dels substantivs.

1. La pü granda part dels substantivs piglian nel plural la desinenza -s, sainz' üngün' otra müdeda, p. ex.

il clinöz	ils clinözs
il culöz	ils culözs
il cuvih	ils cuvihs
il fix	ils fixs
la fotsch	las fotschs
la giallina	las giallinas
il maun	ils mauns
il munt	ils munts
la nusch	las nuschs
il palazzi	ils palazzis
il partieu	ils partieus
la serp	las serps
il student	ils students
il struzzo	ils struzzos

Remarcha 1. Ils substantivs composts scrìts in ün pled piglian ün -s be alla fin, las mammaduonnas, na: mammasduonnas. Sch'els vegnan scrìts in püss pìeds, allura be il prüm substantiv survain l's; scha'l seguond pled ais ün aggettiv, allur' eir el survain l's.

il battafö	ils battafös
la chadafö	las chadafös
il filfier	ils filfiers (u ils fils d'fier)
la mammaduonna	las mammaduonnas
il melfattur	ils melfattuors
	(<i>Bifrun</i> : mael's fattuors)
il rendaquint	ils rendaquints
l'arch in tschêl	ils archs in tschêl
la chesa dad orfens	las chesas dad orfens
il fazzöl da nes	ils fazzöls da nes
il fil d'fier	ils fils d'fier
il mel i'l cho	ils mels i'l cho
la nev a vela	las nevs a vela

la risch melna	las rischs melnas
(la rischmelna	las rischmelnas)
la s-chel' a lindorna	las s-chelas a lindorna

D'inviern il nudrimaint dels chamuotschs consista da pissun, da barbas d'buoch e da frunzla. III, 106.

Noss üerts prodüan prinzipelmaing salata, spinatsch, revas, rischmelnas, ronas, mangiet, verzas, cardifols ed arvaglia. III. 92.

Las vias d'fier e'ls bastimaints a vapor medieschan hoz in di il traffic universel, portand benestanza e civilisaziun in tuots ils pajais. VII, 320.

† El es araschunó cu l's maels fattuors. *Bifrun, Marc. 15, 28.*

Remarcha 2. Nels plets chi glivran cun -x e -z, l's del plural nun vain pronunziô separedamaing, da maniera cha nun ais üngüna differenza per l'uraglia traunter culöz e culözs, indriz ed indrizs, maz e mazes, fix e fixs etc. e ch'ün po dir ch'ün plural distinct exista be sül palperi.

× **Remarcha 3.** Per la formaziun del plural ils vegls scriptuors müdaivan sovenz la desinenza -a dels substantivs ed aggettivs in e. Quaista müdada correspuonda aunch' hoz in di alla pronunzia.

† Tuottes choses sun posibles tiers dieu. *Bifrun, Marc. 10, 27.*

Lás bunnas choses sun da principi creaedas per l's buns, uscheia eir las maelas per l's maels. *L. P. 339.*

Nus t'aruain da bun cour, che tü voeglias cun tia gracia à nus in aquelles guises d'er da baiuer & da mangiaer, che nus allotraes nu duainten ne dischgraciós ne dischlaschós. *T. 10.*

§ 87.

2. Glivra il substantiv già nel singular cun s, schi nun survain el nel plural üngün' otra desinenza, p. ex.:

l'abüs	ils abüs
il cas	ils cas
il crös	ils crös
il mess	ils mess
il nes	ils nes
l'omnibus	ils omnibus
l'öss	ils öss

il pajais	ils pajais
il tass	ils tass
il spargnafadias	ils spargnafadias
il spavaintutschels	ils spavaintutschels
il tagliapeidras	ils tagliapeidras

La buna duonna avaiva auncha qualche clinözs d'or e custavlas peidras preziusas. Da quaistas daiva ella da temp in temp al vegl servitur per las vender in pajais esters. *Pallioppi, Örs 9.*

Sur la granda part dels pass da muntagna gnittan constrüttas plaun a plaun bellas, commodas stredas. VII, 180.

Il tsebervè vain protet dals och öss della creppa, e la fatscha consista da quattordesch öss. VII, 275.

† Sün que ven d'Svizers duos Mëss.

Per accorder, schia fer as podès,

Las Lias cun l'irò Castellan,

Ma lavurettan tuot in vaun. *Travers, Mäs 605—608.*

§ 88.

3. Ils substantivs. chi glivran nel singular cun -è accentuò. survegnan nel plural la desinenza -ls e perdan l'accent, p. ex.:

l'agnè	ils agnels
l'anè	ils anels
il caffè	ils caffèls (u caffès)
il canapè	ils canapels
il chapè	ils chapels
il chastè	ils chastels
il martè	ils martels
il purschè	ils purschels
il quadrè	ils quadrels
il rastè	ils rastels
il sagè	ils sagels
il standschè	ils standschels
il trapè	ils trapels
il vdè	ils vdels

Oters plets as chattan nel § 40.

Our dalla böglia del bes-ch vegnan fattas cordas da gia e cordas. per metter süls fila d'els. III, 102.

Maria undschet ils peis da Gesu, e'ls süjantet cun sieus chavels. *Menni, Joh. 12, 3.*

Tar nus serva il lat dellas nuorsas be per lattenter ils agnells. III, 102.

Ils alimeris as multiplichan fermamaing; ün let da dudesch purschels non ais üngüna rarited. III, 106.

Seu cha'l liun vain nomnó il raig dellas bestias in generel, schi ais l'ailva il raig dels utschels. VII, 257.

Aluntanescha da nossa patria las anguoschas della guerra, ils flagels della charestia, e'ls mels auncha pü grands dell' incredulited e della superstiziun. *Lit. 212.*

•
§ 89.

Excepziun da quaista regla faun:

l'autodafè	ils autodafès
il caffè (nel senso „Kaffeehaus“)	ils caffès
il clischè	ils clischès
il comitè	ils comitès
il pè	ils peis (mera § 93)

× § 90.

a) L'e nels substantivs del § 88 nun ais propriamaing üna part della desinenza del plural, mo appertegna al tschep; pü bod ils singulars eiran agnel (agnigl), chastel, vdel (vdigl, uidilg), vilontschel etc. Dal punct da vista püramaing istoric füss que dimena pü correct da dir cha quels substantivs hegian ün plural regulêr, ma ün singular irregulêr, siand ch'in quaist ultim l'l del tschep saja crudô.

E. B. † L's vegls haun denotâ l'eternitat tras ün scabel, oder soggia, chi manieva l'etern paus. *Abyss 13.*

† Et hæ uis cura che l'g agnilg ho auiert su ün dels segels, & hæ udieu ün dals quater alimeris, dschât sco üna uusth d'ün thun: Vitten & uaia. *Bifrun, Apoc. 6, 1.* Chastilg. *Bifrun, Luc. 5, 17.*

Et cura che hauet auiert l'g seguond sagilg, schi hæ eau udieu l'g seguond alimeri, dschant: Vittê & uaia. *Bifrun, Apoc. 6, 3.*

Et Petrus uezet l'g schil auert & gniand giu à se ün schert uaschilg, sco ün grâd linzoel, lio insemmel cun quater pizs. *Bifrun, Act. 10, 11.*

Ad aquegli chi seza ilg thrun & alg agnilg la bendischun, & l'hunur, & la gloergia, & la pusaunza saimper & saimper mae. *Bifr., Apoc. 5, 13.*

L'g seguond alimeri era sumgiaunt ad üni uidilg. *Bifrun, Apoc. 4, 7.*

E. B. Perche Jesus haveiva guarì biers: tal chia tuots quels chi haveivan qualchia flagell s'chatschavan vi pro el, per il tuchar. *Vulpius & Dorta, Marc. 3, 10.*

In quaista vita non s'po chiatter üngiün scabel stabel. *Abyss. 14.*

b) Il tschep dels substantivs nomnôs nel § 89 nun contegna quel l, els seguan dimena la regla generela del § 86. Ma eir caffè, (nel senso „Kaffee“), canapè e trapè nun haun üngün l in lur tschep; be l'exaimpel da lur numerus frers ils haun indüts a's orner nel plural cun quaista penna estra. Il tè nun vain druvo nel plural.

§ 91.

4. Substantivs chi glivran nel singular cun -ur, müdan quaista terminaziun nel plural in -uors. (Cfr. § 125.)

la chalur	las chaluors
il debitur	ils debituors
il doctur	ils doctuors
la flur	las fluors
l'inspectur	ils inspectuors
il pastur	ils pastuors
il signur	ils signuors

e. u. i.

Sajas factuors del pled, e na be audituors. *J. B. 102.*

Vus essas noschs confortaduors. *J. B. 83.*

Herodes convochet ils principels sacerdots e dottuors della ledscha e s'informet dad els, inua Cristo hegia da nascher. *J. B. 87.*

Eau nun sun gnieu per clamèr ils güsts, dimpersè ils pchaduors alla conversiun del cour. *Menmi, Luc. 5, 32.*

Bgers guadagnan bain üna bella munaida scu impiegôs nels hotels; ma finida la lavur, nun vöglian els pü s'occupèr cullas lavuors pü stentusas dell'agricultura. VII, 183.

Dall' onur del servezzan militèr sun exclus tuots ils Svizzers, chi haun pers lur onuors e lur drets civics causa acziuns criminelas. VII, 185.

Nus stovains preservèr l'uraglia da fraduors. VII, 285.

L'allevamaint da muaglia ais in nossa patria la prinzipela occupaziun dels agricultuors. VII, 234.

† Ils (= in ils) dauous dis uignen a gnir sthgiامجiaduors. *Bifr.*, 2. *Petr.* 3, 3.

Perduna a nus nos dbits, seo eir nus pardunain à nos debitaduors. *T.*

Et l's pastuors uagliuan in aquella proepia cuntredgia, fasehand la guardgia d'not a lur muaglia. *Bifrun*, *Luc.* 2, 8.

E. B. Che dalet aise à tshantar tot seis bain in ambitiusas honuors? *Abyss* 47.

In que temp l'Arciduca da d'Oesterich

Cumaintza à pratichier per imminchia Vich,

Cun trameter seis Ambaschiaduors

Et eir tres oter bun factuors. *Travers*, *Müs* 161—164.

Remarcha. Quaists substantivs vegnan però eir qualvoutas druvôs cul plural regulêr.

Nels ultims dis gnaron imposturs cun giamgias. *Menni*, 2 *Petr.* 3, 3.

Do'ns assaimper pû dalet e forza a realizêr ils buns impissamaints e las bunas resoluziuns pigledas avaunt tieu conspett, acciò cha nus nun sajan manchuos auditurs da tieu pled, dimpersè vairs facturs da quel. *Lit.* 17.

Eir nellas Trais Lias comparittan duos ambaschadurs. *Menni*, *Saluz* 30.

Il congress chattet la dumanda dels predicaturs gûsta. *Menni*, *Saluz* 9.

§ 92.

Excepziun da quaista regla faun:

il liquor (u liquor)	ils liquors (na liquours)
il pur	ils purs
il tur	ils turs
l'ur	ils urs

Remarcha. Al plural in -uors (u -urs) nun correspuonda adûna ün singular in -ur. Bgeras voutas existan duos fuormas differentas nel singular, l'ûna deriveda dal nominativ latin, l'otra dal accusativ latin. Al plural pastuors correspuondan p. ex. ils duos singulars paster e pastur, a pchaduors: pchadur e pcheder, a debituors debitur e debiteder. Dasper la fuorma originaria del plural in -uors exista però hozindi generelmaing eir il plural correspondent alla fuorma del singular deriveda dal nominativ latin, uschè ch'avains eir duos plurals, e cha'ls respectivs substantivs paun uossa per il pû esser classifichôs culs plets del § 52, cun quaista differenza però, cha tuottas duos fuormas resultan dal svilup natürel

della lingua, intaunt cha nel paragraf precitò l'üna dellas fuormas ais adüna da formaziun moderna ed artificiela. Cunfrunta § 125.

§ 93.

Ün plural irregulêr, u sper la fuorma regulêra eir üna irregulêra haun ils peds:

chavagl	chavals	
duonna	dunnauns	duonnas
hom	homens	
homet	homenets	homets
homin	homenins	homins
matta	mattauns	mattas
pè	peis	
sour	sruors	sours

Maria sezzaiva als peis da Gesu e tadlaiva sieu pled. *J. B.* 117.

Üngün da quels homens. chi eiran stos invidôs, nun vain a sagêr mieu past. *Menni. Luc.* 14. 24.

Il chavagl ais ün fidel cumpagn del hom. *III.* 72.

Che fess bain noss? Engiadina cun sieu traffic e si' industria d'hoz in di sainza chavals? *III.* 73.

E. B. Ils homenets dschaivan adüna be „sssss . . .“ *Barblan, Parablas* 11.

† Hummens & dunauns. *Bifrun, Act.* 22, 4.

Tü ist benedida traunter las dunauns. *Bifrun. Luc.* 1, 28.

La sabgiênscha ais zuond da lœnsch da la superffgia, e dalg ingian, e l's hummens manznedars nun vegnen à fêr mentiun da quella. *L. P.* 137.

L'g filg delg hum es gnieu par scherchiêr & saluêr aque chi era pers. *Bifrun, Luc.* 19, 10.

Par l'g uaira ch'eu dich à uus, che üngiün nun es, quel chi hegia abandonô la chesa, ü l's frars, ü las soruors, ü bab, ü mamma, ü mugliêr ü infauns, ü posesschiuns par mia chiaschun. & dalg euangeli, chi nu uigna ad arschaiuer schient uuotes taunt, huossa in aquaist tijmp chiesa, & frars, & soruors, & mamauns, & infauns & poseschiuns cun persecutiuns. & ilg tijmp chi es da gnir la uitta æterna. *Bifrun, Marc.* 10, 29—30.

Sainza d'mura munt' el à chavalg

Et quella noat passet l'mbrailg. *Travers, Mûs* 75.

Chiawals. *Travers, Jos.* 760.

× § 94.

In cudeschs vegls chattains auncha las irregulariteds seguintas:

a) ils substantivs (ed aggettivs), chi glivran cun -aint u -aunt perdaivan il *t* finel nel plural, p. ex. cumandamains. *Trav., Jos.* 371.

† Aquaist es mès cumandamaint che uus s'daias amèr lünlïoter traunter pèr, suainter sco eau hæ amò uus. *Bifrun, Joh.* 15, 12.

Schi uus gnis a saluèr mes cumandamains schi gnis ad arumagniar in la mia baŭuglijscha, suainter sco er eau hæ saluo l's cumandamains da mès bab, & arumang in sia bainuuglijscha. *Bifrun, Joh.* 15, 10.

Uus isches cittadins culs sænes insemmel, müròs sur l'g fundamaint dels apostels & dals profets. *Bifrun, Eph.* 2, 20.

Et subittamaing es gnieu üna granda terra trimbla da sort che l's fundamains de la prashun s'asthquasseuan. *Bifrun, Act.* 16, 26.

Stüdgia che tû possas apreschantêr te d'ues à dieu, ün lauraint appruo, chi nu saia da s' truppagièr. *Bifrun, 2. Tim.* 2, 15.

Schert eau arou er tè uaira cumpagna, agiüda aquellas, quèlas chi hañ cūbatieu ilg (= in il) euangeli cun me & er cū Clemente insemmel, & culs oters mès cumpagniüs laurains. *Bifrun, Phil.* 4, 3.

Serviaint. *Bifrun, Eph.* 2. — Serviains. *Bifrun, Rom.* 13.

Infauuns. *Bifrun, Eph.* 4, 14. — Pusauns. *Bifrun, Rom.* 15, 1.

Preschains. *Bifrun, 2. Cor.* 10, 11. — Tormains. *Abyss* 15.

Do a'ls eir chiars et chiawals et elafans

Par cundur alg bap, dunauns et infauuns. *Travers, Jos.* 760—761.

b) ils substantivs (ed aggettivs) chi glivran cun *c u k* survgnivan nel plural qualvoutas *x*.

† Aquel chi favella cun launguaick nû es inclijt. *Bifrun, 1. Cor.* 14, 4.

L's launguax uignè a pusser. *Bifrun, 1. Cor.* 13, 8.

Et cura che uain à gnir l'g filg delg hum in sia gloergia, & tuots saenx aungels cun el, alhura uain el à sèr sülg siz della sia gloergia, & uignen à gnir araspôs auant el tuots l's pœuels. *Bifrun, Matt.* 25, 31.

Huossa ès appalantò à sæs sainx apostels, & profets trës l'g spiert, chels paiauns sajâ herteuels. *Bifrun, Eph.* 3, 5.

§ 95.

Püss substantivs existan be nel singular, oters be nel plural.

1. Be ün singular haun:

a) La pü part dels noms propis, scu Pestalozzi, Dante,

la Svizzra, la Turgovia, Zürig, il Reno, il Bernina, il Lej da Segl. etc.

Remarcha 1. Ün plural haun ils noms propri be sch'ün voul designèr püssas persunas del istess nom formand üna schlatta u üna famiglia. seu: La pü part dels Gillis sun vsehins da Zuoz; ils Bosios haun fundô importantas intrapraisas industrielas in Italia; püss Sprechers haun occupô importantas plazzas in nos pajais; ils Pestalozzis eiran originariamaing üna schlatta italiauna; — u sch'ün nom propri vain druvo seu nom appellativ. seu: L'istorgia cognuoscha püss Wilhelm Tells. na a tuots nun ais que reuschieu da liberèr lur pajais per adüna dall' oppressiun d'ün ingüsta regenza.

Remarcha 2. Ils noms da persuna vegnan qualchè vouta eir druvo nel plural per designèr püssas persunas chi nun fuorman üna famiglia u üna schlatta, p. ex.: Il magister ho in classe quatter Uorschlas e trais Giachems. Nel battagliaiun 93 füttans in 17 Andreas.

Remarcha 3. Scha'l nom propri stess designescha üna collecziun. schi ais el natürelmaing ün plural, seu ils Stedis Unieus dell' America del Nord. ils Lejs della Pommerania, las Antillas, las Alps, las Pireneas etc.

§ 96.

b) La pü part dels noms abstracts. seu:

la charited	la mort
la chimica	la naturalisaziun
la collera	l'omnipotenza
la compaschiun	l'ospitalited
la cretta	la pazienza
l'egualited	la pèsch
l'electricited	la sandet
l'increschentüna	la sentimentalited
l'indipendenza	il socialismo
il liberalismo	la sumgentscha
la misericordia	la temerited
la misiergia	la verguogna

e. u. i.

Scha nus dschains cha nus hegians comuniun cun Gesu, e chaminains nella s-chürdüm, schi mentins nus e nun agins suainter la vardet. J. B. 169.

Sajas diligiaints in üser ospitalited. *Menni, Rom. 12, 14.*

Cretta, sprauenza, charited, quaistas trais; mo la pü granda da quellas ais la charited. *Menni, 1. Cor. 13, 13.*

Il früt del spiert ais charited, algrezcha, pèsch, pazienza, benignited, bunted, fidelited, bandusezza, abstinenza. *Menni, Gal. 6, 22—23.*

Bgers oters però existan eir nel plural, scu:

ils bsögn	las oraziuns
ils impissamaints	las scienzas
las impromissiuns	las sedutas
las instrucziuns	ils strapatschs
las malattias	ils tschantamaints
las manzögnas	las vardets
las occasiuns	las virtüds

e. u. i.

La Ledscha füt deda per causa dellas trangressiuns. *Menni, Gal. 3. 19.*

Mo eau's lod, frers, cha vus s'algordais da me in ogni riguard, e salvais las instrucziuns ch'eu's he do. *Menni, 1. Cor. 11, 2.*

Portè avaunt a Dieu voss bsögn in oraziuns e supplicaziuns. *Menni, Phil. 4, 6.*

§ 97.

c) Bgers noms collectivs, scu:

- la cristanted
- la gliend
- la marmaglia (mera § 106, rem. 2)
- la marocca
- la rüzcha
- la sulvaschina
- l'umanited
- e. u. i.

La pü part però haun ün plural, scu

- l'armeda las armedas
- il cussagl ils cussagls

la freja (dels peschs)	las frejas
la naziun	las naziuns
il pövel	ils pövels

e. u. i.

Glieud, chi erida bger, indeblescha sieus ögls, als pigliand l'umidità necessaria. VII, 281.

l'ind la sulvaschina la vusch dell' aivla, sieu giah terribel, tschercha ella con snuizi da's salvér tres la fùgia. VII, 258.

Tuot què vus volais, cha la gliend fatscha a vus, què fè eir vus ad els. *Menni, Matt. 7, 12.*

Orazuns desdrüan sovenz la freja. — Durante il temp dellas frejas, cur cha la forella nun ho pü sia solita timidited e prudenza, ais la pas-cha proibida. VII, 264.

E. B. Da tuots ils pövels celts eiran ils Elveziers ils plü robusts e valorus. V, 10.

Il chamuotschs vivan in tröps da tschinch fin vainch chos. III, 106.

Abraham eira rich in scossas. *J. B., 7.*

Tres te saron benedidas tuottas las naziuns della terra. *J. B., 7.*

Remarcha. Ils aggettivs, pronom e verbs, chi as refereschon ad ün nom collectiv da persunas, nel singular vegnan qualvoutas miss nel plural.

Gesu as faiva pcho del pövel, perche els eiran tormentôs e dispers scu nuorsas sainza pastur. *J. B., 91.*

Quaist pövel m'onura culs leivs, ma lur cour ais dalöntsch da me. *J. B., 105.*

La gliend güdichan be zieva l'apparenzia. *Pr. Cud., 67.*

Avaunt püss ans üna compagnia da giuvens Svizzers fettan ün viedi nellas muntagnias nel süd da lur patria. *Pr. Cud., 60.*

Guardè da non üser vossa güstia davaunt la gliend, per esser vis dad els; uschi glö nun avais alchün premi tiers vos Bap in tschel. *Menni, Matt. 6, 1.*

Chi ais quel fidel e prudaint factur, cha'l patrun metta sur sia servitüd, per als der a dret temp lur porziun da spaisa? *Menni, Luc. 12, 42.*

Champell avess stovieu succomber alla violenza, scha la maggioranza dels vschins nun l'avessan pigliö suot lur proteczion. *Menni, Saluz, 17.*

Ah! quella povra gliend haun granda fam e said e sun fich staungels. *Pallioppi, Örs, 4.*

† Tuot aquè dimè che uos uulais che fatssthen à uos la lieud, uschia er uos faschè ad els. *Bifrun, Matt. 7, 12.*

§ 98.

d) Quasi tuots noms materiels, scu:

l'ajer	l'or
l'alcohol	il painch
l'argient	il plom
l'eter	il sel
il fier	la tschaira
il fosfor	il zin
il lat	il zuorpel

e. u. i.

L'or ais pü lam cu l'argient, l'aram e'l fier, ma pü dür cu plom e zin. VII, 321.

A cumanzet a plover fö e zuorpel. J. B., 9.

Nel mulin vzains duos chaschas, l'üna inua il graun vain miet, l'otra chi artschaiva la farina. II, 121.

Scha giodains alimaints chi contegnan casein u albumin, grass, zücher, ova e sel, scu'l lat, schi ais nossa nudritura buna e normela. VII, 288.

Remarcha. Sch'ün drova ün nom da materiel nel plural, allura nun designescha el pü in generel tuot la materia, ma differentas spezchas, scu sels d'ingrasch, u el designescha oggets consistentes our dalla respectiva materia, scu ils fiers (Eisenteile, Eisenstücke).

§ 99.

2. Ils substantivs seguaunts vegnan generelmaing druvôs be nel plural:

las accidenzas	ils contuorns
las actas	ils cuols
las annalas	las fattezzas
ils antipods	las finanzas
las ardschentadüras	ils fradgliunzs
ils babuns	las glimadüras
(ir a) baduclas	ils' güvlers
las challimas	(fer) manuets
las chotschas	(ir per) las palingornas
ils connotats	las pandectas

ils perdavaunts	las repressalias
las personalias	(ir a) rudellas
(ir a) pichas	las scuadūras
ils preparativs	(ir a) smedas
las primizias	(fer) spilts u spills
ils pulmaints	las suottachotschas
ils puorvs	las trattativas
las rains	las vanzadūras
(salata da) randichels	(fer) zambellas
las raspadūras	e. u. i.

(Cunfrunta eir § 106. Rem. 2.)

Ed eau surpassaiva nel Giudaïsmo bgers da mia eted in mieu pövel, siand eau bger pü zelant per las tradiziuns da mieus babuns. *Menmi, Gal. 1, 14.*

Da temp in temp faivan ils Rhätiers irrupziuns da lur muntagnas nels contuorns dell' Italia superiura. *Pr. Cud. 169.*

La muaglia bovina nella val della Simmen as distingua tres bellas fattezzas, il corp bain proporzionô, pail alv e cotschen e bellas cornas ligeras. *VII, 142.*

Dal ögl da tieus genituors, da tieus fradgliunzs e da tieus amihs glüscha l'amur e la bainvuglientscha. *VII, 279.*

Cain ed Abel fettan ün di offertas al Segner: Cain dals früts da sieus⁷ champs, Abel dallas primizias da sias scossas. *J. B., 4.*

Arcuntschaints e cun algrezcha ans regorderons allas prerogativas, dellas quêlas nus dvantettans partcipevels. *Lit. 124.*

Il guvernatur concedit qualche dis per quaists preparativs e get allura per sieu fat. *IV, 34.*

† Us auais udieu che elg es stô dit als pardauauns: tu nun t' dajas spargiürêr; mu eau disch a uus, nu giürö zuond bricha. *Bifrun, Matt. 5, 33—34.*

La regina da d'austri uen dals cufins della terra par udir la sabynscha da solomonis. *Bifr., Luc. 11, 31.*

Nos babuns haun mangiô la manna ilg deserd. *Bifr., Joh. 6, 31.*

§ 100.

Significaziuns differentas nel singular e plural paun avair

föglier	der Augenzahn	ils ögliers	{ die Brille die Augenzähne
il pan	das Tuch	ils pans	{ die Kleider die Tücher

Nun portêr ögliêrs, sainza consultêr ouravaunt l'oculist. VII, 282.

Ils quatter ögliêrs, ün per vart sur e suot, sun scu fats apposta per s-charpêr materias pü dîras, per exaimpel ün töch d'charn crûja. VII, 289.

Rico avaiva aint ils sieus pans da dumengia. III, 66.

Ûn chargia il fain sün chars ed in pans, e'l bouv il maina a chesa. II, 120.

Remarcha. Nozzas nun ho la significaziun d'ün plural, ün po di-mena dir indifferentamaing nozza u nozzas per l'istess idea (eine Hochzeit.)

Il reginam del tschel ais sumgiaunt ad ün raig, chi fet nozzas a sieu figl; e tramettet sieus servaints, a clamêr ils invidôs allas nozzas; mo els nun volettan gnir. *Menni, Matt. 22, 2—3.*

† L'g araginam celestiel es fat inguêl ad üni (§ 131) hû araig, quel chi fashet nuotzes (§ 86, rem. 3) a ses filg, & ho tramis oura ses famalgs, che clamessen l's inuidôs à las nuotzes, & els nun uulaiuê gnir. *Bifrun, Matt. 22, 2—3.*

Plural collectiv.

§ 101.

Il plural fin cò trattò vain nomnô il plural ordinari. Bgers substantivs haun però duos plurals, dals quêls l'ün glivra cun -s (§§ 86—94), l'oter cun -a (§§ 109—115). In tel cas ils duos plurals haun eir üna differenta significaziun. Quel chi ho la fuorma del plural ordinari, vain druvò in ün senso distributiv u separativ, que voul dir ch'el do üna pü grand' importanza als singuls individuos u oggets chi constitueschan la pluralited, intaunt cha'l plural in -a vain be druvò in ün senso collectiv, que voul dir cha sainza badêr als singuls individuos u oggets, el considerescha be la collecziun scu tèla e's referescha a tuot la classa. Il plural separativ ais sovenz colliò cun ün numerel.

§ 102.

Sch'ean di per exaimpel:

„Duos föglias melnas crudettan giò dal tigl' sül sain della giuvna tshanteda sül baunch e la svagliettan da sieus sömmis“,

allura stögl' eau avoir observô mincha föglia, e que ch'ean di dallas duos föglias crudedas giò nun füss il cas per tuot la classa: föglia.

Al incunter, cur ch'ean fatsch ün' observaziun tuot generela, m'inserv dal plural collectiv:

„D'utuon la föglia crouda dalla bos-cha“.

Similmaing dscharô ün: Quaist pur ho set muagls bovins in stalla“, perchè el cognuoscha minchün e s'occupa da minchün separedamaing.

Ma ün nun dscharô brich: „Tar ils muagls bovins appertegnan il bouv e la vacha“, dimpersè: Tar la muaglia bovina appertegnan il bouv e la vacha.

§ 103.

Sch'ün substantiv ho be ün plural ordinari. allura quaiet po indifferentamaing esser druvô nel senso distributiv u collectiv, p. ex.

Il chatscheder ho schluppettô duos bels chamuotschs (plural distributiv). Ils chamuotschs sumaglian fìch allas chevras (plural collectiv). Cunfrunta § 106. rem. 1.

Ils pü prossims paraints del chavriöl sun ils tshievi. IV, 74.

Las muntanellas aman la compagnia e vivan insembel in famiglia, veglias e giuvnas. III, 113.

Considerè ils corvs: els nun semnan, ne tshunchan, els nun haun ne chaminada ne granêr; e pür Dieu ils nudria. *Menni, Luc.* 12, 24.

Las vuolps haun tannas, e'ls utschels del tshel gnies: mo il Figl' del crastiaun nun ho. inua el pozza sieu cho. *Menni, Matt.* 8, 20.

† Las uolps haun furaclos & l's utschels delg schil gnies. mu'lg filg delg hum nû ho, innua chel apôza sieu chio. *Bifrun, Matt.* 8, 20.

§ 104.

La pü granda part dels substantivs haun be ün plural ordinari (a), bgers haun dasper il plural ordinari (chi dvainta allura plural separativ), eir ün plural collectiv (b), be pochs substantivs haun be ün plural collectiv (c):

a) l'accla	las acclas
il chavè	ils chavels
il cudesch	ils cudeschs
il cuolp	ils cuolps
il daint (Zahn)	ils daints
la fantschella	las fantschellas
la fatscha	las fatschas
il franc	ils francs
la giazetta	las giazettas
l'hom	ils homens
l'imsüra	las imsüras
l'inviern	ils invierns
l'istorgia	las istorgias
la lavina	las lavinas
la minchületta	las minchülettas
la muntanella	las muntanellas
la muos-cha	las muos-chas
il pajais	ils pajais
la persuna	las persunas
la qualited	las qualiteds
la rouda	las roudas
la schlitta	las schlittas
la spuonda	las spuondas
il talvô	ils talvôs.
l'uzöl	ils uzöls
il vdè	ils vdels

e. u. i.

Sovenz exista ün substantiv collectiv apposta, chi renda superfluo ün plural collectiv, seu la chavlera, la daintadüra, il muos-cham etc.

Nellas gianoschas sun 32 daints, chi nun servan be per mas-chêr la nudritura, anzi güdan eir a formêr la vusch. VII, 275.

Spaisas e bavrandas fich chodas e fich fraidas sun zuond noschavilas alla daintadüra. VII, 290.

§ 105.

b) il bes-ch	ils bes-chs	la bes-cha
il bögl	ils bögl	la böglia
il bös-ch	ils bös-chs	la bos-cha
il bratsch	ils bratschs	la bratscha
il crap	ils craps	la crappa
il famagl	ils famagls	la famaglia
il fev	ils fevs	la feva
il fier	ils fiers	la fierramainta
	ils fradgliunzs	la fradlaunza
la fruos-cha	las fruos-chas	la fruos-chaglia
il gnierv	ils gniervs	la gnierva
il lain	ils lains	la laina
il leder	ils leders	la ledramainta
il member	ils members	la membra
il möbel	ils möbels	la mobiglia
il muagl	ils muagls	la muaglia
il mür	ils mürs	la müraglia
il nar	ils nars	la narramainta
l'öss	ils öss	l'ossa
il pair	ils pairs	la paira
il paster	ils pasters	la pastriglia
il piz	ils pizs	la pizza
il pom	ils poms	la pomma
il ram	ils rams	la ramma
il spelm	ils spelms	la spelma
l'utschè	ils utschèls	l'utschellaglia
il verm	ils verms	la vermiglia
† il vierf	ils vierfs	la verva
il vstieu	ils vstieus	la vestimainta

e. u. i.

Il^s Arabs mazzettan il^s famagls cun la speda. *J. B.* 83.

Giob avaiva bgera famaglia. *J. B.* 82.

Fè dimena früts degns della conversiun del cour. *Menni, Luc.* 3, 8.

Mangia be da quella frütta e da quellas ervas, dallas quèlas tu sest cun tshertezza, ch'ellas sun mangiablas e nun faun mel. *V*, 199.

L'intèr sistem della gnierva sumaglia fich alla rait del telegraf cun bgeras diramazions. Il tshervè correspuonda alla staziun centrela del telegraf; il miguogl dellas rains represainta eir üna staziun importanta. Ils gniervs sun ils fils d'fier del telegraf, e la colliaziun da duos u püss gniervs correspuondan ad ün büro secundari. *VII*, 278/9.

Il skelet del umaun consista da 250 öss grands e pitschens. *VII*, 275.

L'ossa serva da pozza e sustegn del corp, al do la fuorma e porta sias parts lammas. *VII*, 275.

Eau sun la vit, vus essas ils rams. *J. B.*, 131.

Lain sainza ramma ais fich retscherschô. *V*, 209.

Il chalgèr dschet, ch'el stöglija il prüm fer preparèr vstieus pü bels per sia figlia, aunz cu la podair mner sül chastè. *IV*, 34.

Sumgiauntamaing eir, cha las duonnas sajan ornedas con ün vstieu onest, cun tuorp e modestia, na cun tratschoulas u or u perlas u vestimainta preziosa. *Menni, 1. Tim.*, 2, 9.

† Et siänd ieus oura l's famagls sü las uias, schi haü els araspò taüts sco els haü acchiatò. *Bifrun, Matt.* 22, 10.

Il chieste da Clavenna eira mel furnieu

Et da sia famaglia zuond spulvrieu. *Travers, Mûs*, 37—38.

Brichia cun sul paun uain a uiuer l'g hum, dimperse cun scodün uierf da dieu. *Bifrun, Luc.* 4, 4.

Gni no plü tiers ad udy wierfs,

Eau sun Joseph uoss frer pardieu,

Aquel chia in agipten hauaitz uandieu. *Travers, Jos.* 723—724.

Mu maria cunsalueua tuotta aquaista uerva, la cuschidraint in sieu cour. *Bifrun, Luc.* 2, 19.

E. B. † La boschia cun la graveza da lur früts chiargiada crescha deck sü per teis delet. Ella cuverna seis roms cun foelgia per t'far sumbriva in la pü gronda calur. Ils spelms, scha bain i sun insensibels; ta dan nan, per dar complaina contenteza, milli fontaunas. *Abyss*, 99.

Il corp spiritual nō vain â hvair bsæng da vestimainta sco l'corp natüral qui in terra. *Abyss*, III, 114.

Che müravaglia scha in ün tal crastiä vain generâ da quella sort serpaints; vivras; lutschernas; & antra trida, & horrenda vermiglia? *Abyss*, 18.

Remarcha. Eir il substantiv char ho duos plurals, chars e charra, ma la fuorma collectiva nun ho üna significaziun püramaing collectiva; ün

po dir indifferentamaing: duos chars d'fain u dua charra d'fain (plural
colectiv cun significaziun separativa). Cunfrunta eir § 103.

Per mner il fain in talvò s'inserv' ün generelmaing da charra (pl. collectiv). Duos chars d'fain cupichettan sül chaunt (pl. separativ). Il pur mnet hoz traja charra d'fain in talvò (pl. coll. cun significaziun separativa).

§ 106.

e) il daint (Finger) la dainta
(u daunt) (u daunta)

il pèr la pèra

Il pollesch del maun as po postèr visavi alla dainta, in maniera
cha'l maun sumaglia ad üna zaungia. VII, 276.

Eau he cumprò tsehinch pèra d'bouvs. *J. B.*, 119

Remarcha 1. Sch'ün substantiv ho be ün plural collectiv (na eir ün plural distributiv), allora quaist po eir gnir druvò nel senso separativ. p. ex.:

Dua daunta (dainta) füt amputeda al disgrazehô lavuraint (plural separativ). La pü part dellas lavuors cha l'umaun eseguescha, nun al füssan possiblas, sch'el nun avess daunta (dainta) taunt slisüreda (pl. collectiv).

Remarcha 2. Ün tshert numer da substantivs existan exclusivamaing nella fuorma del plural collectiv. els nun haun dimena ün singular. In tel cas ils po ün eir designèr seu singulars feminins collectivs. Historicamaing exista però üna differenza (mera §§ 115—117).

Tels substantiivs sun:

la fruonza	la rüzcha
la marmaglia	la victuaglia
la marocca	la vitquergia
la rattatuglia	la vivanda

etc.

Staungel dal viedi, as tschantet Gesu sper la fontauna, e sieus discipuls gettan intaunt nella citted per cumprèr vivanda. *J. B.*, 100.

In Engiadin' ota, scu eir in otras valledas da circa l'istessa otezzà, cognuschains be gods da fruonzla. VII, 211.

El cumpret vitquergia nella citted. *Pr. Cud.* 27.

La gliend giaivan a gara a proveder ils esters cun victuergia.
Pallioppi, Ōvs, 8.

† Quael chi ho duos arassas, cumparta cun aquels chi nun d'ho: & quael chi ho uitquergia, fatstha l'g sumgiaunt. *Bifrun, Luc. 3, 11.*

× § 107.

Las expressiuns „plural separativ u distributiv“ e „plural collectiv“ vegnan eir druedas in ün oter senso. La logica disch ch'ün plural ais collectiv, scha que chi vain affirmô dalla pluralited, nun ais il cas per mincha individuo u ogget chi la compuona; al incunter designesch'ella ün plural scu separativ, scha que chi vain dit dalla pluralited, as po referir eir separedamaing sün tuot ils individuos u oggets chi la compuonan.

Ün exaimpel per ün plural collectiv in quaiست senso füss: „Tuots ils scolars della scoula non avessan piazza in ün vagun della Retica,“ perchè quaiست'affirmaziun nun ais güsta per mincha scolar isolò, ma be per la pluralited scu têla. Al incunter sch'eu di: „Tuots ils professuors della scoula chantunela haun dret ad almain dudesch eivnas da vacanzas l'an“, allura avains ün plural separativ, perchè ün po eir dir: „Mincha professur ho dret a têlas vacanzas.“

× § 108.

In têt senso drova ün ils plets separativ (distributiv) e collectiv eir per distinguer traunter las duos significaziuns, ch'ün substantiv collectiv cumôn po avoir, p. ex:

Nella frasa: „Il regimaint fet üna marcha da 10 kilometers“ avains l'adöver separativ del nom collectiv regimaint, perchè mincha sudô fet la marcha, ma scha dschains: „Il regimaint füt decimò tres la malaria“, allura avains l'adöver collectiv, perchè ün nun po dir cha mincha sudô füt decimò tres la malattia.

§ 109.

Il plural collectiv terminescha adüna in -a; sovenz vain però eir il tschep del substantiv müdô u la desinenza vain amplificheda tres l'inserziun da -amaint, -maint, -agl, -igl u -avagl.

Ils differentes möds da formêr il plural collectiv sun dimena:

a) Il substantiv survain la desinenza -a sainza müdeda:

il bratsch	la bratscha
il daint	la dainta
il fev	la feva
il fundamaint	la fundamainta

§ 110.

b) Il substantiv survain la desinenza -a cun üna müdada (la quèla ais sovenz püramaing ortografica):

il bös-ch	la bos-cha
l'öss	l'ossa
l'arvagl	l'arvaglia
il bögl	la böglia
il famagl	la famaglia
il muagl	la muaglia
il char	la charra
il früt	la frütta
il grip	la grippa
il cripel	la cripla
il member	la membra
il zuonder	la zuondra
il granè	la granella (mera §§ 25 e 90)
il nuschè	la nuschella (mera §§ 25 e 90)

§ 111.

c) Il substantiv glivra gia nel singular in -a e resta invariabel.

la föglia (Blatt)	la föglia (Laub)
ün' üsaglia (ein Werkzeug)	l'üsaglia (die Werkzeuge)

In quaists plets nun avains propriamaing ün singular, be cha la fuorma del plural ho eir la significaziun d'ün singular. Ün' appari-ziun analoga contraria, inua ch'ün singular ho eir la significaziun d'ün plural, observains in plets scu munaida u erva, chi significhan Geldstück (sing.) e Geld (plur.), Grashalm, Kraut (sing.) e Gras (plur.)

Il vair singular da föglia füss fögl. Quaista fuorma ho però üna significaziun differenta e nun designescha üna part d'üna plaunta, dimpersè ün töch d'palperi u üna giasetta.

Sül prüm fögl da vegls cudeschs chi trattan da stedis e pövels figüra suvenz üna duonna imposanta cun wappa e speda e cudesch, vstida del' ampla toga des temps antics. *Ann.* VIII, 217.

§ 112.

d) Il plural glivra in -amainta u -mainta; il nom vain qualchevouta müdò:

il chindel	la chindlamainta
il fier	la fierramainta
il leder	la ledramainta
il lump	la lumpamainta
il nar	la narramainta
il vstieu	la vestimainta

§ 113.

e) Il plural glivra in -aglia u -iglia, sainza u cun müdeda del nom:

il bös-ch (la bos-cha)	la bos-chaglia
la fruos-cha	la frus-chaglia
il mür	la müraglia
il mat	la mattaniglia
il möbel	la mobiglia
il paster	la pastriglia
il verm	la vermiglia

§ 114.

f) Il plural glivra in -avaglia:

il lod	la lodavaglia (<i>Bifr.</i> 1. Cor. 5)
	la müravaglia (<i>Abyss</i> , 18)

§ 115.

Ad arriva na darèr ch'ün plural collectiv. gnand assimilò ad ün cumön substantiv collectiv nel singular, survain la desinenza -s ed ho uschea duos desinenzas del plural.

il lain	la laina	las lainas
il möbel	la mobiglia	las mobiglias
il mür	la müraglia	las müraglias
il schnuogl	la schnuoglia	as metter in schnuoglias (§ 118)
l'üj	l'üja	las üjas

× 116.

A. Dal punct da vista istoric exista però üna differenza traunter ils plurals collectivs e ls oters substantivs collectivs. In bgers cas la desinenza nun po lascher üngün dubi, scha que as tratta d'ün nom collectiv cumön, u d'ün plural collectiv. Noms collectivs cumöns sun p. ex. tenor lur desinenza:

Il *bestiam*, il *femnam*, il *fluram*, il *muos-cham*, il *pennam*, il *stailam*, l'*futschellam*, il *präri*, il *persunel*, la *servitüd*, la *chavlera*, la *daintadüra*, l'*ossadüra*, la *giuventüna*.

B. Ma in oters cas la desinenza pö ingiannèr, uschè per exaimpel preda ais il plural collectiv da prò, mo armada nun ais il plural collectiv dad armò, dimpersè be ün nom collectiv cumön. La differenza as basescha sül svilup istoric della lingua. Il plural collectiv vo adüna inavous ad ün plural latin d'ün substantiv neutro (u ad üna formaziun analoga), intaunt cha'ls noms collectivs cumöns in -a correspuondan generelmaing al singular d'ün substantiv feminin. Tuottas duos fuormas glivraivan in -a. Uschè preda correspuonda a prata, plural regulèr da pratum (substantiv neutro). La formaziun preda segua tuottaffat las reglas generelas del svilup linguistic. Similmaing armada as lascha dedür dal mlat. armata, ma armata nun ais il plural d'ün neutro, dimpersè il singular d'ün particip feminin.

Il singular prò ais eir üna formaziun tuot cumöna; il pled correspuonda al latin pratum, seu beò a beatum, grò a gradum, fortunò a fortunatum etc.

× § 117.

Als plurals collectivs del § 115 appertegna ün tschert numer da substantivs chi nun haun pü brich la significaziun d'ün plural e paun perfin esser druvòs cul artichel indeterminò, seu:

ün' arma	armas
üna bavrandas	bavrandas
üna clostras	clostras
üna fatschendas	fatschendas
[üna föglia (Blatt)]	föglia]
[üna fruonzla (Nadel)]	fruonzlas]
ün' insegna († isaina)	insegnas († isainas)
ün' ouvras	oubras
† üna premgia	† premgias
üna prevendas	prevendas
üna prümavairas	prümavairas
E. B. üna taimpras (Schläfe)	taimpras
üna tschireschas	tschireschas
üna tractandas	tractandas
üna velas	velas

etc.

Da tuot quaists substantivs be duos existan auncha nella fuorma del singular, nempe fögl e premi (mera § 111). In bgers cas aise facil dad explic'hèr perche cha'l singular saja sto substituieu tres il plural collectiv, siand cha las chosas designedas nun vegnan avaunt be sulettas, mo adüna u generelmaing in püssas, scu armas, fruonzlas, föglia, taimpras, tschireschas etc. Pü difficil sarò que da dir, perchè cha nun existan ils singulars vel, closter, prümvaair etc. Nella veglia litteratura ed eir nella lingua odierna chattains qualvoutas eir oters plurals collectivs druvòs cul artichel indeterminò, scu p. ex. üna vestimainta; ün plural vestimaintas nun pera però da's chattèr üngür.

L' utuon las fruonzlas del larsch vegnan melnas e croudand. III, 118.

Interas famiglias croudand nella pü granda miseria in seguit al giodimaint da bavrandas da spiert. VII, 291.

Quaist hom ho ün' insegna (Muttermal) sül frunt. — Ün vezza umauns chi portan las insegnas della viroula naira. Zieva ün' ovazun restan auncha lösch temp inavous las insegnas del disaster. *Fr. Roedel.*

E. B. Bleras prevendas eiran affidadas a personas d'ota naschita, chi mai non predgiaivan, dimperse as faivan rimplazzar tres vicaris, als quals els daivan üna pitschna quota della granda prevenda. VII, 27.

A sieu temp avai' eau seguieu las tractandas, chi as faivan a Ginevra supra la crusch cotschna. *Töndury*, 271.

Uschea vo que cun tuots quels chi faun il mel; ogni föglia, chi s'mova, ils metta in temma, ed els fügen da lur eigna sumbriva. *Pr. Cud.* 31.

Las föglias dell' iva haun ün stupend aroma. V. 193.

Il guvern della vschinauncha fuorman scu da vegl innò regulermaing ils trais Cuvih, chi trattan las fatschendas del public in collegi e a que chi pera sainza tscherner ün president. *Ann. VIII, 223.*

† Ünguotta nun ais pès co ün chi ais inuiglius à si suess, e que ais la premgia da sia malitia. *L. P. 129.*

Et aquaist es à uus per isaina: Vus gnis ad acchiattèr l'g infaunt fasthò aint, mis in ün presepi. *Bifrun, Luc. 2, 12.*

Et aquel chi'l tradiua, hauaiua do ad aquels üna comüna isaina, dschant: Quel ch'eau uing à bütscher, aquel es è l'g appigliò & l'g mnèd dauend, cun diligijntia. *Bifrun, Marc. 14, 44.*

L's signels dalg apostel sun fatts traunter uus, cun tuotta pacijntia. & cun isainas, & cun miracuels, & cun pusaunts fats. *Bifrun, 2. Cor. 12, 12.*

Üna houra he eau fat, e tuots s'amürafgliaes. *Bifrun, Joh. 7. 21.*

Marida tia figlia, schi fest üna granda houra, ma fò tu ha dettas ad ün hom da sen. *L. P. 77.*

Las houres quaelas ch'eau fat a nuom da mes bab, a quellas arendan testimuniaunza da me. *Bifrun, Joh. 10, 25.*

Üna hundraiula veschkimainta. *L. P. 70.*

Üngün nun metta üna pezza d'üna ueschkimainta nuoua sün üna ueschkimainta uedra, uschiglioe l'g noef arumpa. *Bifrun, Luc. 5, 36.*

Aint in ilg mais d'Mars passò
Füt da las Lias ordinò,
Ch'inminchia cumön hvess paragiò
Tuot chi ch'arma pudess purtèr
Aint in ilg bsögn per fer alver.

Wietzel, Guerra da Vutlina. 43.

Cur il cavallier eira a chavagl, sieu scutier al spordschav' aunch' ün' arma. Que eira una pesanta balla da fier, munida intuorn ed intuorn d'aguottas agüzzas. III, 120.

Allas armas specielas incomban, scu il nom disch, lavuors specielas. VII, 186.

Ils trais ultims exaimpels sun tipics pel svilup della lingua. Nel prüm (da Wietzel, 1635) chattains arma druvò scu plural collectiv. Pü tard, scu cha muossa il seguond exaimpel, gniva smanchò, cha arma eira propriamaing ün plural, ed ün drovaiva il pled cul artichel indeterminò. Que necessitaiva l'adöver della desinenza -s, exemplifichò nella terza frasa, cur ch'ün vulava metter il substantiv nel plural.

§ 118.

Exaimpels mixts. Nus disferenziains l'ossa del cho, del tronco e della membra. VII 275. — La gnierva consista d'üna substanza alva grischainta. VII 278. — L'allevaziun della bes-cha vain in generel negletta, e que a dan del contadin stess. VII 144. — Cumpagnias d'alp, chi haun chüra da lur muaglia, cultivan d'asper l'alp ün prò. III 101. — Ma ün bapsegner, u üna nona, u fradlaunza, averost bain auncha. — III 67. — Üna buna chesa sto avair schlassa fundamainta. II 114. — Sün la piazza, inua cha'l müreder lavura, as chattan grands mantuns d'erappa, sablun e chütschina. II 115. — La föglia della bos-cha e la fruonzla del larsch ais crudeda. II 124. — La gliud giaivan a gara a provider la duonna cun victuergia, laina dad arder. vaschella d'terra cotta per cuschinèr ed otras chosettas. *Pullioppi, övs*, 8. — Els gnittan plains da müravaglia e da stupur. *Menni, Act.* 3, 10. — Ils chamuotschs faun sagls da quatter fin tschinch meters suravi chavorgias e suringiò la spelma. III 107. — Chi ho duos rassas, parta cun quel, chi nun ho üngüna; e quel chi ho vivanda, fatscha l'istess. *Menni, Luc.* 3, 11. — Collia noss cors in netta, fraterna charited, cha nus sco membra d'ün corp ans servans traunter peer. *Lit.* 49. — Il feil serva a schoglier il grass della spaisa; ultra da que undscha el la böglia, acciò ch'ella nun smartschescha. VII 289. — La ramma del pign sto horizontela. V 204. — La grusaida porta stupends püschels da flurinas cotschnas a fuorma da brunzinas, chi faun üna bella parada traunter la föglia verda. V 169. — Uschea vo que cun tuots quels chi faun il mel; ogni föglia, chi's mova, ils metta in temma, et els fügen da lur eigna sumbriva. *Pr. Cud.* 31. — Ils esters s'avaivan intaunt schantès alla sumbriva d'ün ot spealm, cuveart d'bos-chaglia, inua eira

fich fras-ch. *Pr. Cud.* 83. — Vossa lodavaglia nun ais buna. *Menni.* *I. Cor.* 5. 6. — Quel chi sorta victorius d'una guerra, vezza crudèr in schnuoglias avaunt se l'intèr corp dels istoriografs, chi l'exalteschan sco l'agent d'una „missiun civilisatrice.“ *Töndury,* 263. — La nusch del schnuogl protegia la lisüra traunter la cossa e la part suot della chamma. *VII.* 276. — Ogni schnuogl vain a's plajèr avaunt me, ed ogni laungia vain a lodèr Dieu. *Menni, Rom.* 14, 11. — Mo Simon Petro, vzand que, as büttet gio avaunt la schnuoglia da Gesu, e dschet: Segner, retira't da me, perche eau sun ün hom pcheder. *Menni, Luc.* 5. 8.

† Guardò dime inchemoed che uus chaminas, brichia sco narra-mainta dimpersè sco sabbis. *Bifrun, Eph.* 5. 15.

Craiaud els ad esser sabis, schi sun els duantôs nars, & haun müdò la gloergia dalg immurtael dieu in üna imegina, brichia sulettamaing inschignieda à la sumaglia da d'ün murtael hum, mu er de la l'utstlina, & de la muaglia, & de la uermiglia. *Bifrun, Rom.* 1, 23.

E m' dò mürauiegia che uus s'mudaes uschi bod our da Christo in ün oter Euangeli. *Bifrun, Gal.* 1, 6.

Et bgiers sternaieuu lur uesckimainta in la uia. Et alchüns oters taglieuan la fruonsla giu da la bostchia & la sternaian in la uia. *Bifrun, Marc.* 11, 8.

§ 119.

Cur ch'ün plural collectiv dvainta subject, il verb vain miss nel singular.

La föglia passet quaist an pü bod cu'l solit. In Mesopotamia crescha frütta in abondanza. La bos-cha da fruonzla as müda la prümavaira bger main cu il god da föglia. D'inviern la bes-cha vain pavleda cun fain grossèr. La muaglia chatta süllas otas muntagnas ervas züjusas.

× **Remarcha.** Que nun eira però adüna il cas. Anzi nus chattains nella veglia litteratura numerus exaimpels chi muossan cha plurals collectifs gnittan d'ün' etta trattôs eir per la sintassi della lingua sco vairs plurals.

† L'g schil & la terra uignen a passer via, mu la mia uerua (= mieus plets, mera § 105) nu uignen a passer via. *Bifrun, Marc. 13, 31.*

E.B. Horrenda vermiglia havevan fat gnieu in teis cour. *Abyss, 19.*

Per che da co che in ün chioerp nus hauain bgierra nembra, & tuotta la nembra nun haun üna proepia houra, uschia er bgiers ischens ün chioerp in Christo, & tuots ischens particulermang nembra liün da lioter, mu imperscho hauiaud nus da plü guisas duns suainter la gracia chi es dèda à nus. *Bifrun, Rom. 12, 4-5,*

La vestimainta sun cuvertas da la tridezza. *Abyss, III, 114.*

§ 120.

Lectüra.

Üna chesa appera pü amiaivla sch'ell' ais conturneda d'alchüns bös-chs chi la daun sumbriva. La bos-cha, eira tëlmaing surchargeda da frütta, ch'ün stovet pütter alchüns rams per cha nun as rumpan.

D'utuon il contadin raccoglia ils früts da sia lavur.

Cun la ramma secha ch'ün ramassa nel god, fo ün faschinas per arder.

Ils vstieus, cha la schnedra ho fat, nun vaun bain.

Da pü bod la nonas filaivan sves la launa da lur bes-cha provedind alla vestimainta della famiglia. Divers bes-chs gettan pers durante la burrasca.

Ils leders füttan surprais dalla polizia nel momaint ch'els avrivan la chascha. — In grandas citteds existan quartiers populôs da melfattuors e ledramainta, nels quèls gliend onesta nun suos-cha penetrêr.

Il tschervè e'l miguogl dellas arains fuorman la part principela della gnierva, da lo as dirameschan tuot ils gniervs per adempir a lur funcziun nellas differentas parts del corp.

Il Reno posteriur s'ho aviert sa via tres la spelma della Via Mala, formand üna chavorgia da sgrischusa bellezza.

— L'aivla fo sieu gnieu ad ot in concaviteds da spelms inaccessibles. *Clio*.

Origine dellas desinenzas ladinas del plural.

× § 121.

Seu ch'ün vezza, glivra il plural dels substantivs ladins adüna u in -s u in -a. La lingua latina avaiva 5 differentas manieras da declinèr ils substantivs e dimena eir da furnèr il plural. Bgeras relaziuns, cha nus exprimins hozindì cul agüd da preposiziuns, podaiva il latin exprimer tres differentas desinenzas, uschè cha'l singular e'l plural avaivan minchün 6 cas differentes. Da quels be il nominativ e'l accusativ haun survivieu nella lingua ladina, ils oters (genetiv, dativ, vocativ, ablativ) sun ieus pers; il genetiv e l'ablativ vegnan uossa generelmaing rimplazzòs tres l'adöver della preposiziun da, il dativ tres a. Ils duos cas survivaints as haun però assimilòs l'ün a l'oter pigliand amendus la fuorma del vegl accusativ, chi glivraiva nel plural per tuots substantivs masculins e feminins in -s; ils neutros avaivan nel nom. ed acc. plur. adüna l'istessa desinenza, nempe -a. Il nominativ e l'accusativ as distinguan hozindì be tres lur piazza nella frasa, gñand il nominativ generelmaing plazzò avaunt il verb, e l'accusativ zieva. Ils accusativs latins eiran:

masc. u fem.:	mensas	libros	leones	passus	dies
	(maisas)	(cudeschs)	(liuns)	(pass)	(dis)
neutro:		bella	maria	cornua	
		(guerras)	(mers)	(cornas)	

La prüma e la quinta declinaziun nun avaivan substantivs neutros. La quinta, differenta in oters cas della terza, furmaiva però scu ella il nominativ e l'accusativ, da maniera ch'avains propriamaing be quatter declinaziuns da releiv per nossa lingua.

× § 122.

Üna dumanda interessanta füss da savair, perchè cha l'accusativ plural latin ho do andit a nos plural, e na il nominativ latin. In prüma lingia füss da remarchèr cha'ls noms da chosas vegnan bger pü sovenz druvòs scu'ls noms da persunas, e cha l'accusativ ais per ils noms da chosas d'ün adöver bgerum pü frequent cu'l nominativ. Cur cha nos furmain frusas cun ün nom da chosa, sarò quaiast bger pü sovenz nel accusativ scu nel nominativ. Pigliai per exaìmpel „il rispli“: Eau cumpri ün rispli, il mat

tschercha sieu rispli, la scolara ho pers ün rispli, ella ho chattô il rispli, tû tagliast ün rispli, ella drova ün rispli etc., mo na: Il rispli vain cumprô da me, il rispli vain chattô dal mat etc.

Il subject ais dimena generelmaing üna persuna, intaunt cha'ls noms da chosas vegnan pü chöntsch drovôs scu objects (accusativs). Il nom da chosa dvainta generelmaing subject be cur cha nus indichains sias qualiteds (tres ün aggettiv predicativ): Il rispli ais bun, nosch, lam, dür, nair etc. Ma pü frequentamaing dscharô ün tuottüna: eau he ün bun rispli, tû hest ün nosch rispli etc.

× § 123.

Ünguotta nun ans po pü facilmaing persvader della frequenza relativa del accusativ latin, in confrunt al adöver del nominativ, cu da pigliêr ün cudesch qualunque d'ün scriptur romaun e da quintêr in ün chapitel tuot ils nominativs e tuot ils accusativs. Eir quels, chi haun consacrô be pochs ans al stüdi della lingua latina, averon probabelmaing let la „guerra gallica“ da Giuglio Cesar, ed in Svizzra sarô pustüt cognuschida la secziun chi s'occupa dels vegls Elveziers. Quaista cumainza cul segund chapitel del prüm cudesch, chi tuna uschea:

Apud Helvetios longe nobilissimus fuit et ditissimus *Orgetorix*. Is M. Messala et M. Pupio Pisone consulibus regni cupiditate inductus coniurationem nobilitatis fecit et civitati persuasit, ut de finibus suis omnibus copiis exirent: perfacile esse, cum virtute omnibus praestarent, totius Galliae imperio potiri. Id hoc facilius eis persuasit, quod undique loci natura *Helvetii* continentur: una ex parte flumine Rheno latissimo atque altissimo, qui agrum Helvetium a Germanis dividit, altera ex parte monte Iura altissimo, qui est inter Sequanos et Helvetios, tertia lacu Lemanno et flumine Rhodano, qui provinciam nostram ab *Helvetiis* dividit. His rebus fiebat, ut et minus late vagarentur et minus facile finitimis bellum inferre possent, qua ex parte *homines* bellandi cupidi magno dolore afficiebantur. Pro multitudine autem hominum et pro gloria belli atque fortitudinis angustos se finis habere arbitrabantur, qui in longitudinem milia passuum CCXL, in latitudinem CLXXX patebant.

Quaist chapitel contegna ündesch accusativs da noms, ma be trais nominativs, e quaists sun tuots noms da persunas, duos perfin noms propriis.

× § 124.

D'otra vart aise da remarchêr cha be ils nominativs della prüma e la seguonda declinaziun latina glivraivan cün ün vocal (æ, i), las otras declinaziuns avaivan l'istessa fuorma per il nominativ e l'accusativ. La desi-

nenza -s eira dimena — eir scha nus abstrahains del adöver pü frequent del accusativ — in ogni cas la pü üsiteda.

Remarcha. Tar Bifrun chattains qualvoutas substantivs da derivanza latina (u grecolatina) culla desinenza latina -æ u -i nel nominativ plural.

Et l's barbari adruewan cun nus üna granda humanitad. *Bifrun, Act. 28, 2.*

L's diaconi saien marids d'üna sula muglièr quels chi guuernen indret lur infauns & lur aegna braieda. *Bifrun, 1. Tim. 3, 12.*

× § 125.

In connecziun culs paragrafs 122 e 123 ais da remarchèr cha la lingua ladina nun posseda üngün nom da chosa derivò dad ün nominativ latin, ma ella posseda üna quantited da noms da personas derivòs da nominativs scu dbiteder, leder, pcheder, paster, Segner (da peccàtor. pàstor. Sènior etc.) Las fuormas correspondentas al accusativ latin sun (u füssan): debitur, debitadur, latrun, pchadur, pastur. Signur, etc., da debitòrem, debitatòrem, latrònem, pecatòrem, pastòrem, Seniòrem, etc.) e quaistas (cun excepziun da latrun) existan effectivamaing. però ad ais probabel ch'ellas sajan da formaziun pü rezainta e be fattas suot l'influenza del plural: pchaduors (da peccatòres), pastuors (da pastores) etc. Salveder p. ex., chi nun ho plural, nun exista neir nella fuorma salvadur.

Remarcha 1. Davart da desinenza -er del singular cunfrunta § 24, annotaziun.

Remarcha 2. Nella litteratura veglia chattains fich numerus exaimpels da noms da personas derivòs da nominativs singulars latius, mentre cha tels plurals sun ririssem.

† Et uschea saia in nō dalg Paedar, & dalg Filg. & dalg sainch Spiert. *T. 11.*

O pedar eclestiel, Dieu omnipotaint! *Travers, Jos. 1.*

Et aque träs nos spandred & segner Jesum Christum. *T. 13.*

Eau era uiaüü ün blastmeder, & ün persequiteder. *Bifrun, 1. Tim. 1, 13.*

Tü ist duäntó surpassèdar da la lescha. *Bifrun, Jac. 2, 11.*

Perduna à nus nos pchiòs, perche er nus perdunain a schodüni (mera §) 131 nos dbiteder. *Bifrun, Luc. 11, 4.*

Parduna à nus nos dbits, sco eir nus pardunain à nos debituors. *T. 1.*

U'schia uain ad esser algrezchia in schil da d'ün pchiedar chi imgiura, plü co da nunaunta nuof giüsts. *Bifrun, Luc. 15, 7.*

Eau nu sun gnieu, a clamér l's giüsts, dimperse l's pchiaduors alla arüfglynscha. *Bifrun, Marc. 2, 17.*

Elg es bsüing che l'g abiagedar s'afadia auns co prender dels früts. *Bifrun, 2. Tim. 2, 6.*

Inua es l'g dispütedar da quaist muond? Nun ho deus fat narra la sabbynscha da quaist muond? *Bifrun, 1. Cor. 1, 21.*

Arespondaduors. *Bifr., Tit. 2, 9.*

Surmnaduors. *Bifr., 2. Tim. 3, 13.*

Debitaduors. *Bifr., Luc. 7, 41.*

Acchiüsaduors. *Bifr., Joh. 8, 10; Act. 23, 30.*

Saluaedar. *L. P. 6.* Segner. *L. P. 12.*

Creaeder. *L. P. 24.* Saluêdar. *Bifr., Tit. 2, 10.*

L'g lèdar nu uain oter co par iuulêr & amazêr. *Bifrun, Joh. 10, 10.*

L'g es in Zuotz scho ad un laeder tschung l'g chio bain ladin. *Cronica, 70. (Dec. V, 301.)*

Tuots quans chi sun gniesu auant mè, sun lèdars & schaschins, mu las nuorsas nun haun udieu aquels. *Bifrun, Joh. 10, 8.*

Eau pisaiua, ad esser tiers buns cumpagnions,

Ma uus ysches pirs cho ladruns. *Travers, Filg, 13, 15.*

chanteder, chantaduors. *Hist. da Lazarus, 497, 501.*

(*Cumfrunta*: Serrand ils ögls il chantadur

Dutsch chaunt melodiet. *Caderas, Sorrirs, 71.*)

La declinaziun del substantiv.

× § 126.

Seu dit nel § 121, avaiva la lingua latina 5 differentas declinaziuns, que voul dir 5 differentas manieras da formêr ils cas e'ls numers. L'exaimpel seguaint muossa las müdedas cha'ls substantivs regulêrs dell'uschê-ditta seguonda declinaziun subivan:

Singular.

Subst. masculin.	Subst. neutro.
Nom. murus (il mür)	templum (il taimpel)
Gen. muri (del mür)	templi (del taimpel)
Dat. muro (al mür)	templo (al taimpel)
Acc. murum (il mür)	templum (il taimpel)
Voc. mure (o mür!)	templum (o taimpel!)
Abl. muro (dal mür)	templo (dal taimpel)

Plural.

Nom.	muri (ils mürs)	templa (ils taimpels)
Gen.	murorum (dels mürs)	templorum (dels taimpels)
Dat.	muris (als mürs)	templis (als taimpels)
Acc.	muros (ils mürs)	templa (ils taimpels)
Voc.	muri (o mürs)	templa (o taimpels!)
Abl.	muris (dals mürs)	templis (dals taimpels)

Seu ch'ün vezza, avaivan ils differentes cas generelmaing eir differentas desinenzas, be il substantiv neutro muossa pü granda uniformited, aviand tuots ils neutros adüna l'istessa desinenza nels trais cas nominativ, accusativ e vocativ.

Nel singular ho il dativ l'istessa desinenza seu l'ablativ, ma otras declinaziuns avaivan differentas desinenzas eir per quaists duos cas. Ils plurals da tuottas tschinch declinaziuns avaivan adüna l'istessa desinenza per il dativ e l'ablativ.

× § 127.

Otras relaziuns seu quellas externedas tres la declinaziun exprimiva la lingua latina tres preposiziuns, p. ex.

ad templum	vers il taimpel
ante templum	avaunt il taimpel
apud templum	tar il (tal) taimpel
circum templum	intuorn il taimpel
per templum	tres il taimpel
ex templo	our dal taimpel
sine templo	sainza il taimpel
pro templo	per il (pel) taimpel
in templo	nel taimpel

e. u. i.

Seu cha quaists exaimpels muossan, redschaivan las preposiziuns bod l'accusativ, bod l'ablativ, la granda part però l'accusativ. Ma be ils ses cas furmôs sainza preposiziun ed exclusivamaing cul agüd dellas desinenzas constituivan la *declinaziun*. In *quaist senso* la lingua ladina nun posseda ünna declinaziun. Ella ho be ün cas per il singular: taimpel, e be ün cas per il plural: taimpels. La desinenza po dimena be indichèr scha que as tratta d'ün sulet ogget u da püss oggets. Tuot las otras relaziuns vegnan expressas u per mez della piazza cha'l substantiv occupa nella frasa u per mez da preposiziuns, seu: Il taimpel serva al culto divin (nominativ,

avaunt il verb.) Il guvernatur edificet ün taimpel (accusativ, zieva il verb.)

Il guerrier eira tschantò nella sumbriva del taimpel.

Il sacerdot uraiva nel taimpel.

Il fùgitiv s'approssmet al taimpel.

Il viandaunt arrivet tal taimpel.

e. u. i.

× § 128.

Siand cha la lingua ladina nun posseda propriamaing (seu la lingua latina e la lingua tudais-cha) üna declinaziun, ais que evident ch'ün po be arbitrariamaing, as basand sül exaimpel dad otras linguas, metter insembel quatter u tschinch „cas“ (sainza u cun preposiziuns) ed ils nomnêr „declinaziun“. La lingua ch'ün imitescha generelmaing per la „declinaziun“ ladina, ais il latin, laschand d'üna vart be il vocativ. Eir scha que nun ho üngün scopo prattic per la lingua ladina, po que adüna esser ütil per imprendder otras linguas, da's familiarisêr a temp cullas ideas da genitiv, dativ etc.

A saja però remarchô cha tschertas linguas possedan ün bger pü grand numer da cas scu'l latin u'l tudais-ch. Uschè per exaimpel ho la lingua finna 15 cas, tuots express tres desinenzas, las linguas slavas (il russ, il polonais, il czech etc.) and possedan generelmaing set u och.

§ 129.

a) Substantivs masculins.

Singular.

Nominativ	il mat	l'abiedi
Genetiv	del mat	del 'abiedi
Dativ	al mat	al abiedi
Accusativ	il mat	l'abiedi
Ablativ	dal mat	dal abiedi
Nom.	ün mat	ün abiedi
Gen.	d'ün mat	d'ün abiedi
Dat.	ad ün mat	ad ün abiedi
Acc.	ün mat	ün abiedi
Abl.	dad ün mat	dad ün abiedi
	(d'ün mat)	(d'ün abiedi)

Plural ordinari.

Nom.	ils mats	ils abiedis
Gen.	dels mats	dels abiedis
Dat.	als mats	als abiedis
Acc.	ils mats	ils abiedis
Abl.	dals mats	dals abiedis
Nom.	mats	abiedis
Gen.	da mats (d'mats)	d'abiedis
Dat.	a mats	ad abiedis
Acc.	mats	abiedis
Abl.	da mats	dad abiedis (d'abiedis)

Plural collectiv.

Nom.	la mattanaglia	—
Gen.	della mattanaglia	—
Dat.	alla mattanaglia	—
Acc.	la mattanaglia	—
Abl.	dalla mattanaglia	—
Nom.	mattanaglia	—
Gen.	da mattanaglia (d'mattanaglia)	—
Dat.	a mattanaglia	—
Acc.	mattanaglia	—
Abl.	da mattanaglia	—

b) Substantivs feminins.

Singular.

Nom.	la nev	l'amda
Gen.	della nev	dell' amda
Dat.	alla nev	all' amda
Acc.	la nev	l'amda
Abl.	dalla nev	dall' amda

Nom.	üna nev	ün' amda
Gen.	d'üna nev	d'ün' amda
Dat.	ad üna nev	ad ün' amda
Acc.	üna nev	ün' amda
Abl.	dad üna nev (d'üna nev)	dad ün' amda (d'ün' amda)

Plural ordinari.

Nom.	las nevs	las amdas
Gen.	dellas nevs	dellas amdas
Dat.	allas nevs	allas amdas
Acc.	las nevs	las amdas
Abl.	dallas nevs	dallas amdas

Nom.	nevs	amdas
Gen.	da nevs (d'nevs)	d'amdas
Dat.	a nevs	ad amdas
Acc.	nevs	amdas
Abl.	da nevs	dad amdas (d'amdas)

Plural collectiv

nun exista. Cunfrunta però § 111.

Remarchas.

1. Davart l'adöver del nominativ ed accusativ scu subject ed object d'üna proposiziun, mera *Sintassi generela* (Chap. X).

2. Davart la congruenza traunter il subject ed il verb mera *Verb* (Chap. V).

3. Davart l'adöver dels cas preposiziunnels mera *Preposiziuns* (Chap. VII) e *Sintassi generela* (Chap. X).

× § 130 A.

Il nominativ e l'accusativ d'üna vart e'l dativ d'otra vart nun eiran adüna uschè cleramaing disferenzchôs scu cha que ais il cas hozindi, siand cha pü bod l'artichel masculin al (alg), als (agls) gniva sovenz eir druvô pel nominativ ed accusativ.

‡ Als Cumoens sur Munt Fallun

Havettan lur cusalg pü bun.

Wietzel, Guerra da Vuclina, 113—114.

..... la guardgia . . .

Chi sainza granda cuntrastaeda

Vers Danuder battet la straeda.

Et que cha'd havaiven davous laschemn,

Alg quel als noass tuott bütinenn.

Wietzel, Guerra da Vuclina, 195—198.

L's buns uaun alla uitta Caelestiaela,

Alls maels uaun alla moart infarnela.

Travers, Dysch aeteds. Ms. Gr. 22—23.

Aqui he eau achiatoa alg mel factur

Tu stouwast turner awaunt alg Singur.

Travers, Jos. 678—679.

Nus t'vulain seruir, singer chier.

Tuotzs cun quel chi ho iwuloo alg bachier.

Travers, Jos. 690—691.

Eau nun wulg aque brichia fer

Sulamaing alg leder eau woelg chiestier.

Travers, Jos. 694—695.

Frars, alg mieu araig ass sporscha fawur.

Travers, Jos. 770.

Remarcha. Bifrun e Lüci Papa disferenzieschan però adüna il dativ dal nominativ ed accusativ.

‡ Sco l'g floedar, e l'g bastun, e la sôma odan alg aesan, vscheia la spaisa, l'g chastiamaint e la laur alg famalg. *L. P. 291.*

L'g infaunt, l'g spiert, l'g aungel etc. (nom. & acc.) *Bifrun.*

Agli infaunt, agli aungel, agli (agl) spiert etc. (dat.) *Bifrun.*

L's famalgs, l's uierfs (nom. & acc.) als paiauns, als pouuers (dat.) *Bifrun.*

× § 130 B.

Il genetiv tenda pü vi e pü a sparir dalla lingua, uschè cha pochs, in discurrind, pronunzian: del mat. del abiedi, della feva etc., ün disch püttost: dal mat, dal abiedi, dalla feva etc., eir scha que as tratta cleramaing d'ün genetiv, e na d'ün ablativ. Ch'ün sainta però distinctamaing la differenza traunter il genetiv e l'ablativ, muossa il fat, cha expressiuns scu buchel d'lat (genetiv) e buchel da lat (ablativ), sach

d'farina e sach da farina etc. conservan significaziuns absolutamaing differentas (cunfrunta § 85 e preposiziuns.)

Remarcha. Ils vegls scriptuors peran del rest d'avair druvò quasi indifferentamaing da u de per la formaziun del genetiv u del ablativ; pü sovenz chattains però da.

Mu ilg an quindesthaeuel dalg imperi da Tiberij Caesaris, siand Pontio Pilato guernadur de la Judea, & Herode ün dals quater parzuras da la Galilea, & Philippo ses frer ün dals quater parzuras della Ituraeae, & della cuntredgia Trachonitidis, & Lysania ün dals quater parzuras da Abylene, suot l's grands sacerdots Anna e Caipha, es sto duantò l'g vierf dalg signer sur Johannem filg da Zachariae ilg deserd. *Bifrun, Luc. 3, 1—2.*

Nu disth forza la scrittüra, che delg sem da Daud, & del chiasstilg da Beethleem, innua chi era Daud, uain a gnir Christus? *Bifrun, Joh. 7, 42.*

L'g figl delg hum uain do in mauns dals pchiaduors. *Bifrun, Marc. 14, 41.*

O Dieu d'la paesch et dalla guerra
Patrun del tschêl et della terra
Tres tieu saink filg noss seigner chaer
Cun tieu saink Spiert tiers m'voegliast ster.

Wietzel, Guerra da Vuclina, 33—36.

Dal cussalg füt conclüt la saira
Per melgdra sgiürezza d'Ingiadinna
Da bütter gio la punt Martina.

Wietzel, Guerra da Vuclina, 184—186.

Süsura lg pöevel dals presidis s'alvét
Et scodüu â chiesa sia turnêt. *Travers, Mûs, 279—280.*
In egna persuna vulès el chiavalgier,
Et l'hunur da la pesch acungiustêr.

Travers, Mûs, 379—380.

Chi voul innumbrer l'g sabblun d'alg maer, ul l's guotts da la ploeffgia, u l's dys dalg muond? *L. P. 24.*

In la raspaeda dals vèlgs nun tschantschaer bgier, & in tia uraziun nun faer bgierrs plaeds. *L. P. 75.*

E. B. Eir ilg plü pitschê puchià, es üna offaisa dalla Divina Majestà, & uschè meritont dall'eterna mort & condemnatiun; perche chi ha nom smaledi sea quel chi nun salva tot quai chi sta scrit in ilg eudesch dalla ledscha. *Trom. 101.*

× § 131.

Nella veglia litteratura chattains bgers stizzis d'una desinenza speziela pel dativ masculin e feminin, nempe -i, cha pigliaivan l'artichel determinò ed indeterminò e tscherts pronoms ed aggettivs.

L'g marid sporscha debita bainuulijnscha agli muglièr. Et l'g sumgiaunt èr la muglièr agli marid. *Bifrun, 1. Cor. 7, 3.*

La natüra suessa nun amuossa ella schert aque a uus, schi l'g hum ho chiauels lungs, che l'g saia agli tuorp? L'g contredi agli duonna, sch'ella ho lungs chiauels, che saia agli ün' hunur? *Bifrun, 1. Cor. 11, 14—15.*

V ngiün famailg nun po servir à duos patruns: per che ù chel uol ailg üni mèl, e alg otri bain, ù chel uain à s'apuzèr uia alg üni, & sthbitèr lioter. *Bifrun, Luc. 16, 13.*

Nu sajas ad üngiüni qualchiosa dbit. *Bifrun, Rom. 13, 8.*

Tu ist stò gio bgiers ans giüdith ad aquaisti poeuel. *Bifrun, Act. 24, 10.*

Et cura chels hauettan predgio l'g euangeli ad aquegli cittèd, schi sun els turnòs ad Antiochiam. *Bifrun, Act. 14, 21.*

Eau arcumand à uus Phoben, nossa sour, che uus stettas agli tiers in scodüna sia fashenda. *Bifrun, Rom. 16, 2.*

Et l's sudòs hauand crucifichio Jesum, prandettan la sia uesekimainta, & la fashettan in quater parts, a scod üni sudo üna part. *Bifr., Joh. 19, 23.*

Ad aquegli chi blastemma il'g saine spiert, nu uain à gnir pardunò. *Bifrun, Luc. 12, 10.*

Et basta a scodüni di, la sia fadia. *Bifrun, Matt. 6, 34.*

Ad üni chi batta, uain è auiert. *Bifrun, Matt. 7, 8.*

Agli uesekimainta uèdra nus cuuain üna pezza our dalg noef. *Bifrun, Luc. 5, 36.*

Er eau sun ün hum mis suot pusaunza, hauand suot mè sodòs, et dich ad aquaisti uò, et el uò: et ad üni otri, uitten, et el uain: et a mès famalg, fò aquaist, et el fo. *Bifrun, Luc. 7, 8.*

Eau uoelg dèr à scodüni d'uus suainter sias houres. *Bifrun, Apoc. 2, 23.*

Ad aquegli uuolp. *Bifrun, Luc. 13, 32.*

L'g centurio. *Bifrun, Act. 27, 6.*

Agli centurioni. *Bifrun, Act. 24, 23. (§ 132).*

Daners, duplamaing prane eun wuss

Ad in aquel prashaint da nos früts duno agli signer walaruss.

Travers, Jos. 594—595.

Choa aise pusibell k' nuss begian iwuloa
Algy Singar oar u argiendt lawuroa?

Travers, Jos. 670—671.

Quels chi temman l'g Segner vegnen à sgundaer quellas chioses chi sun chaeras agli. *L. P. 37.*

Fo dalg bain alg inguschagio, ma ad aquel chi nun temma Dieu nun daer ünguotta. Nun l'g daer tias spaisas, e nun las purtaer agli auunt. *L. P. 115.*

× § 132.

Ils noms propriis (ed alchüns oters substantivs) cun desinenzas latinas gnivan pü bod sovenz declinôs scu nella lingua latina; nel genitiv, dativ ed ablativ gnivan però nel istess temp generelmaing cir druedas las relativas preposiziuns, da maniera cha quaists cas eiran per uschè dir express doblamaing.

Eir il vocativ (cas dell' allocuziun) avaiva sovenz sia desinenza latina.

O Deus, spendra Israelem da tuottas sias anguoschas. *T. 17.*

O bun Theophile (voc.). *Bifrun, Luc. 1, 3.*

Et Paulus dis: O bun Feste, eau nu sun brichia inmathieu, dimpersè eau fauel plds della wardet & della sabbijnscha. *Bifrun, Act. 26, 25.*

Et bgiers dals Jüdeaus uënen tiers Martham & Mariam per las eufurtèr. Ma Martha sco ella udit che Jesus füs gnieu, schi giet ella agli incunter. Et Maria stëua à chiesa. *Bifrun, Joh. 2.*

L'imegina da Cēsaris. *Bifrun, Marc. 12, 16.*

Fügia in Aegiptum. *Bifrun, Matt. 2, 13.*

Our da Egijpto he eau clamô mës filg. *Bifrun, Matt. 2, 15.*

Johannes ho scrit apocalypsym. *Bifrun 303.*

Craiè agli evangelio. *Bifrun, Marc. 1, 15.*

La gratia da noss segner Jesu Christi saja cun nus povers pchia-duors. *Form. 3.*

Dieu ho lascho crudær sur Adam ün ferm sœn, & dintaunt el durmiva, ho el pigliô üna da sias cōstas, & fat Evam la Duonna. *Form. 33.*

× § 133.

In traducziuns fattas our della lingua latina chattaips sovenz cha sainza üngün risguard per la construcziun della proposiziun tradüta, ils noms propriis vegnan miss nels cas della lingua originela, p. ex.:

Anno autem decimoquinto imperii Tiberii Caesaris. Pontio Pilato procurante Judæam. tetrarcha Galilææ Herode. Philippo autem ipsius fratre tetrarcha Iturææ et Trachonitidis regionis, et Lysania Abilenes tetrarcha. sub pontificibus maximis Anna et Caiapha, factum est verbum Domini ad Johannem Zachariæ filium in deserto. *Vulgata, Luc. 3, 1—2.*

Inter genitos ex mulieribus, nullus est major propheta Joanne Baptista. *Vulgata, Luc. 7, 28.*

(Jesus interrogavit discipulos) dicens. Quemnam esse me dicit turba? Ipsi autem respondentes dixerunt, Joannem Baptistam: alii autem, Eliam: alii vero, prophetam quempiam ex antiquis resurrexisse. *Vulgata, Luc. 9, 18—19.*

Mu ilg an quindesthænel dalg imperi da Tiberij Caesaris, siand Pontio Pilato guuernadur de la Judea, & Herode ün dals quater parzuras da la Galilea, & Philippo ses frer un dals quater parzuras della Iturææ & de la contredgia Trachonitidis. & Lysania ün dals quater parzuras da Abylene, suot l's grands sacerdots Anna & Caiapha, es sto duanto l'g uierf dalg signer sur Johannem filg da Zachariæ ilg deserd. *Bifrun, Luc. 3. 1—2.*

Traunter l's infauns de las du-nauns nun es üngiün naschieu l'g mër profet co Johanne Baptista *Bifrun, Luc. 7, 28.*

(Jesus dumandò l's discipuls.) dschant: chi dian la lieud ch'èau saia? Et els arespondetten & dschetten: Johannem Baptistam, & alchiüns oters Heliam, & alchiüns oters che saia arisüsto sù ün qualch profet dals uijls. *Bifrun, Luc. 9, 18—19.*

× § 134.

Dieu ho nella litteratura veglia üna declinaziun da per sè. Generalmaing vain deus druvò nel nominativ (e vocativ), e sovenz nel accusativ. intaunt cha dieu ais la fuorma drueda nels cas preposiziunels e generalmaing nel accusativ.

Deus po fèr ch'our da quaistas pedras stettan sù infauns ad Abrahæ. *Bifrun, Matt. 3, 9.*

Eau sun deus da Abraham, & deus da Isaac, & deus da Jacob. *Bifrun, Matt. 22, 32.*

L'araginam da dieu ais inguæl ad ün graun d'sinneval. *Bifrun, Luc. 13, 19.*

Daed a caesari, aquellas chioses chi sun da caesaris, & a Dieu aquellas chi sun da Dieu. *Bifrun, Marc. 12, 17.*

Aquel uain ad esser grand, & uain à gnir clamô filg delg hutischê. Et l'g signer deus uain a der agli l'g siz da ses bab David. *Bifrun, Luc. 1, 32.*

L'g muond nun ho cunschieu dieu (acc.). *Bifrun, 1. Cor. 1, 21.*

Tu daias adurêr tes signer deus (acc.), & aquel sul hundrêr. *Bifrun, Luc.*

Schi tu ist filg da dieu, schi di ad aquaista pèdra chella duainta paun. *Bifrun, Luc. 4, 3.*

Cha quaista regla nun eira però generela, muossan ils exaimpels seguaings:

Cun quaist ho fin l'historya mia,

Ch'ludô saia Dieu et la Mamma sia.

Travers, Mûs. 803—804.

O pedar celestial, Dieu omniputaint!

Travers, Jos. 1.

Nus nun ischen da quela soart, singar' mieu,

Aque ns daiast crair, par ilg jüst Dieu.

Travers, Jos. 464—465.

O Dieu d'la pæsch et dalla guerra.

Wietzel, Guerra da Vuelina, 33.

Lectûras.

§ 135.

A.

Nellas grandas citteds regna sper la ricchezza eir granda misergia. La recognuschentscha ais üna chosa rera. Superbia e verguogna sovenz as tuochan maun. Nos antenats haun combattieu per lur independenza. All' omnipotenza da Dieu tuot stu as suottametter.

In quaist god ais bgera sulvaschina. Quel chi so contentêr a tuot la glieud nun ais auncha nat. Che voust fer da quaista marocca! Üsa umanited invers minchün. Nun badêr sün que cha la marmaglia discuorra. La Societed Reto-romauntscha publichescha minch' an sias annalas. Noss babuns ans haun relaschô üna preziosa ierta. Porta d'avent las lavadûras! Ultra sieu salari fix ho quaist impiegô bgeras accidenzas. Per podair salüdêr noss antipods stovessans fer ün lung viedi.

B.

Ûn nar fo bgers nars: non t'impachèr della narra-
mainta! Il polizist ho clappò duos leders: el ais il spavent
della ledramainta. Ils verms da saida sun nùzzaivels:
bger' otra vermiglia causescha grand dan allas plauntas.
La cultura da verms da saida ed auncha pù la fabricaziun
della saida stess sun uossa bger pù derasedas cu da pù bod.

La vestimainta nun fo l'hom. Il schneder ho fat duos
vstieus. La massera pevla il pullam. L'utschellam
picla sü il sem. L'evla e l'ustur sun utschels da rapina.
Il contadin ho chüra da sia muaglia. Nos bestiam ans
ais da grand' ütilited. Quaist vittürin maina crappa e l'oter
frütta. La mamma tegna l'infautin in sia bratscha. In
üna chesa as drova bgera mobiglia. Maisa e chadregias sun
möbels indispensabels. Quaist an ais bgera nuschella.
Do'm ün pèr nuschels da seg! Che fluram, cha quella
ho sün sieu chapè! Per l'ora e per la signuria nun piglièr
fantasia! Quels duos signuors m'haun regalò trais pairs.
Quaist an la paira ais buna. Il patrun ais containt cun sia
servitüd; el ho bgers famagls e fantschellas. Quaists
genituors haun üna numerosa figliolanza, 6 figls e 6
figlias. Inua ch'ais qualchosa da vair, as ramassa la mat-
taniglia e la chindlamainta. Il pur maina bgera charra
d'fain in talvò.

C.

1. Il pichalain ais l'agüdaunt del silvicultur. Il bene-
factur ho compaschiun cun sieus conumauns. Bapsegner
e mamma duonna sun members da famiglia. La madrastra
fo inandret cun sieu figliaster. Hozindì as viagia sün
bastimaints a vapor: pù bod avai' ün be barchas a
vela. In alp as mangia bun spech in gramma. Nus avains
imprains per la festa üna chanzun a quatter vuschs.

Vasclas cun pöms e övs in painch non sun da sbüttèr.
El ho mel i'l cho.

2. Uorden e previdenza mainan alla benestanza, ma disuorden ed imprevidenza alla rovina. In nossa vita s'alterneschan incessantamaing buns e noschs temps, sco las vachas megras e grassas del sömmi da Pharao. Ma bgers nels dis d'abbondanza spendan e spandan sainza güdizi ed ün bel di as chattan nel bsögn. Eir ils lavuraints chi haun ün bel guadagn ed il spendan tuot nels dis da sandet, staun mel nels dis da malattia. Il gro da benestanza nun ais da tscherchèr nella pü u main granda faculted, ma nel möd da l'administrèr. Quella del sguazzun vo cun rapidited as disband, quella del avar il renda egoist e dür, ma quella del hom güdizius e prevident, per quaunt modesta ch'ella saja, giarò, tres lavur e spargn, saimper as consolidand a profit da sa famiglia e da sieus conumauns. *Clio.*

§ 136.

A.

Appaina as perdaivan mieus resentimaints nellas nüvlas d'ün sömmi vag, ch'eau sagliva our dal sön, am sdasdand cun ün ferm battacour e col istess sentimaint d'anguoscha, seo cur ün vair sdasdò tres ün clam d'agüd u tres ün allarm da fö. *Töndury* 31.

Eau avaiva impizzò üna nouva chandaila e missa quella davous ün paraglüsche, nun podiand ster nel s-chür. *Tönd.* 30.

Eau non avaiva il minim desideri da passèr il zievamezdi in societeds da cafels (§ 90 b) per tatlèr las istorgias della servitüd e las tschantscherias della citted. *Tönd.* 179.

L'avegnir nun averò da bsögn dad üngüns gentilhomens. *Tönd.* 158.

Al minim fracasch nella staunza attach am figüraiv' eau, cha que saja il portachartas. *Tönd.* 200.

L'inimih fo da grand, da lönch innò, cun sieu schlupp et a tir rapid. *Tönd.* 264.

Schluppets a peidras da fö. *Tönd.* 489.

Davous spessa bos-chaglia, in champs dad otas slüjas u traunter rovinas da müraglia sun els zuppôs e nun fütan observôs dals guardammalôs e pizzamorts. *Tönd.* 320.

Que eira üna not s-chüra, sainza clergluna. *Tönd.* 326.

Resclarieu dal cler da glüna, appariva a noss ôgls ün mür alv. *Tönd.* 335.

Cur ch'ün füt adüsò tuotta sa vita, da posèr sün sedias lammas, charrozzas a pennas e lets morbids, quaunt greiv vain qué allura, taunt pü zieva ün viedi fastidius, da tschantèr sün ün char a s-chelas chi sconquassa l'ossa. *Tönd.* 329.

Eau eira occupeda vi d'üna lavur a maun. *Tönd.* 431.

Allura observaivan els, a lur na pitschna surpraisa, cha l'inimih as componiva da conumauns prus, chi pajaivan da galanthomens. *Tönd.* 375.

Il pövel ollandais nun daiv' ün sternüd sün il possess del grandüchedi. *Tönd.* 441.

Mias duos sours, saimper suot la salvaguardia da tanta Maria, as rendettan a Marienbad. *Tönd.* 233.

L'ossa am chattaiv' eau nel vagun, cun ils duos meidis e las quatter sruors da charited. *Tönd.* 309.

Quaunt sovenz avaiv' eau simpatisò culs eroes e las eroessas dell' istoria, e savaiva fich bain comprendre il sentimaint elevò, cun il quèl els giaivan nella guerra. *Tönd.* 15.

Fingìo am crajaiv' eau üna murdida, ed uossa eira eau üna millionaria. *Tönd.* 205.

In ogni rappreschentaziun teatre la stovaiva la prüma actrice, u la prüma cantatrice, as preschentèr ourasom il palco nel costüm da Jeanne d'Arc e chantèr quaista chanzun da guerra. *Tönd.* 477.

Il signur reverenda fet lungias observaziuns supra la connexiun traunter il spiert militèr ed il spiert cristiaun. *Tönd.* 423.

B.

Cu avet lö quaista metamorfosi in me? *Tönd.* 56.

Ils artichels da giazetta sustgnivan la tesi contraria. *Tönd.* 169.

Cu ch'ün`respira libramaing a quaist pled „armistizi“. *Tönd.* 177.

Üngüna da quaistas tesis nun as lascha defender. *Tönd.* 244.

Che scopa avaiva que dad offender la persvasiun d'ün hom chi ais là basi della vocaziun da sia vita! *Tönd.* 427.

Sü dalla streda as sentiva ün murmuri, as avaivan formedas gruppas. la gliend staivan intuorn, tadlaivan o scambiaivan plets agitôs. *Tönd.* 508.

Eau nun savaiva guera partecipèr a quaista extasi. *Tönd.* 364.

Nella politica ais l'egoismo il principi suprem. *Tönd.* 369.

Las contradicziuns e las antitesis s'intretschan scu las infusorias in ün guot d'ova putrificant. *Tönd.* 388.

Eau m'allegret sül soggiorno futur. *Tönd.* 465.

Cura Copernicus fet cognuoscher sia teoria, podaivan be quels güdichèr supra la valur da medemma, chi as dettan la fadia da verifichèr las calculaziuns da Copernicus; ils oters uniformaivan lur güdizi als anatemas slantschôs da Roma. *Tönd.* 85.

Sias argumentaziuns, spezielmaing sieu intschessant dogma della predestinaziun, nun avaivan oter effet cu quel — d'am grittantèr extremamaing. *Tönd.* 199.

Mieu orizont spirituel s'avaiva dilatò in bgers rapports, eau m'avaiva appropriada cognuschentschas ed ideas, chi al temp da mias nozzas nun existivan per me. *Tönd.* 56.

Que nomnan la gliend politica externa. *Tönd.* 169.

Mieu bap fet üna fin al tumult da gratulaziuns in piechand vi del magöl cun sieu anè da sigillèr, ch'el portaiva nel dantulin, ed el s'ozet per discuorrer. *Tönd.* 248.

Rudolf giaschlaiva crudelmaing duos chagnölin. *Tönd.* 212.

Avaunt tuot üna bucheda d'ova. *Tönd.* 296.

Allura seguit ün generel fer impringias, brancedas e strandschidas da mauns. *Tönd.* 246.

Eau speraiva cha zieva il scambio da qualche sabledas ils adversaris as dessan darchò il maun. *Tönd.* 481.

La lia da pèsch ho sia sede principela a Londra. *Tönd.* 523.

Sia amur per me m'eira gnida auncha pü manifesta tres la sollecitudine, ch'el am demusset durante mia malattia. *Tönd.* 251.

L'arte strategica. *Tönd.* 388.

Üna tascha da toilette da viedi avai' eau pigliò cun me per abitudine. *Tönd.* 325.

Tuotta forza, tuotta compassiun, tuotta aptitudina (aptitudine), chi eira a mieu disposiziun, stovaiv' eau reservèr per el sulet. *Tönd.* 308.

§ 137.

Lectüra: La petiziun dels fabricants da chandailas etc.

Als ondròs members del Parlamaint!

Illustrissem Signuors.

Nus soffrins tres l'intollerabla concurrenza d'ün adversari ester chi, seo chi pera, ais in condiziuns telmaing superiuras

alla nossa per la produenziun da glüsch, ch'el cun quaista inundescha tuottaffat nos marchô naziunel ad ün predsch incredibelmaing redüt. Nel momaint ch'el as muossa, glivra nos commerci — tuots consuments as volvan ad el ed ün ram dell' industria indigena cun sias innumbrablas ramificaziuns, vain tuot in ün dandet laschò d'vart. Quaist adversari, chi nun ais oter cu il Solagl, ans fo la guerra ed avains il suspet ch'el saja instigò dalla perfida Albion, siand ch'el demuossa vers l'isla superba üna discretezza della quèla el nun as serva in nos cas. Nus supplichains dimena Vossas Signurias da vulair fer üna ledscha, chi oblia da serrèr tuottas fnestras grandas e pitschnas, üschöls interns ed externs, tendas, schalusias, insomma tuottas aperturas, fouras e sfessas, tres las quèlas la glüsch del solagl ho pudieu entrèr nellas chesas, portand dan a nossas meritorias fabricaziuns. cullas quèlas ans lusingiains d'avair servieu ütilmaing nossa patria, la patria chi per ricompensa nun stovess ans laschèr uossa sulets in ün combat taunt ineguel.

Nus fains valair las seguaintas radschuuns per sustegner nossa dumanda:

Sch'ellas serran giò pü pussibelmaing ogni access alla glüsch natürela e causeschan üna dumanda per glüsch artificia, quèla da nossas fabricas naziunelas nun sarò incuraschida tres que?

Scha vain consümò pü saiv, stu eir esser pü bgers bouvs e bes-cha; in conseguenza averons augmoint da pròs e pasculs, charn, launa, pels e surtuot da grascha, chi ais la basi da tuotta ricchezza nell' agricultura. Scha vain consümò pü öli, schi averons üna pü extaisa cultivaziun da tuot las plauntas, dallas quèlas el vain extrat. Quaistas richas plauntas gnaron güst a dret temp per utilisèr l'augmoint da fertilited, cha'l soprapü d'bestiam cumparta a nossas champagnas.

Nossas sommiteds saron cuvertas da bös-chs raschuoss.

Numerus sems d'aviöls raccoglieron süls munts tesoris da parfüms chi uossa consüman lur fragranza nel ajer desert, seo las fluors, dallas quèlas derivan. A nun sarò ram dell' agricoltura chi allura nun preschenterò ün allegraivel svilup.

L'istess po ün dir davart la navigaziun. Millieras d'bastimaints as metteron alla pas-cha della balena. ed in cuort temp possederons ün' armada navela. capabla da mantegner l'onur da nos cher pajais e da compensèr las aspiraziuns patrioticas da Voss petents.

Ma che dscharons auncha dalla fabricaziun da lampas, chandalèrs e candelabers cun indoradüras, bruonzs e cristals chi splenduriron in vasts magazins. in comparaziun dels quèls ils odierns sun be simplas buttias?

Niaunch' ün pover pur chi cultiva plauntas oliferas. niaunch' ün cravunèr nella profundited da sa s-chüra galleria. chi nun s'allegrerò da salaris pü ots e da prosperited pü granda.

Cha Vossas Signurias hegian la bunted da reflecter ed Ellas as persvaderon, cha forse nun sarò niaunch' ün sulet compatriot. dal rich possident da minieras da cravun fin al pü ümil vender da surplins, la sort del quel nun sarò ammeglioreda dal success da nossa petiziun.

Sch'Ellas pretendan, cha la glüsch del Solagl saja ün dun gratuit della natüra. e cha in refüsand tels duns ün refüsa la prosperited svess, schi vulessans Las render attentas. ch'ellas ris-chan da der il cuolp mortel a Lur egna politica.

La natüra e la lavur umauna cooperesch in diversas proporziuns — seguond pajais e clima — alla creaziun d'ün product. La part eseguida dalla natüra ais adüna gratuita. que ais la part cha la lavur umauna eseguescha, chi do valor e vain pajeda. Sch'üna pomeranza da Lisbona vain vendida per la mited predsch cu üna da nos pajas, schi ais que perchè cha la chalur natürela. ed in conseguenza gratuita, fo

per quella que cha l'artifiziela, ed in conseguenza custaivla, fo per quaista in nossas serras.

Uossa ais que precisamaing la part gratuita cha nus pretendessans chi füss esclusa. Ellas dian: Cu po la lavur naziunela competer cun l'estra, scha la prüma ho da fer tuot la lavur e la seguonda fo be la mittet, surlaschand al Solagl da fer l'otra! Ma scha quaista mittet, siand gratuita. indüa Vossas Signurias ad excluder la concorrenza estra, cu pudessan Ellas l'admetter in ün cas. inua il product ais interamaing gratuit? Sch'Ellas füssan consequentas, schi, seo ch'Ellas excludan que chi ais mez gratuit, siand dannavel all' industria indigena, excludessan Ellas cun dobel zeli que chi ais tuottaffat gratuit. Aunch' üna vouta, scha products scu vin, zücher, farina, palperi e fabricats textils ans vegnan dal ester e nus pudains ils acquistèr cun main fadia cu scha'ls fabrichains sves, ais la differenza per nus ün dun gratuit. Il dun ais pü u main important in proporziun della pü u main granda differenza El ais uschè perfet e complet seo ch'el po esser cur cha'l donatur (seo'l Solagl in ans procurand glüsch) nun ans dumanda ünguotta per zieva. La question, è nus la dumandains formelmaing, ais quaista: Giavüschan Ellas per nos pajais il benefizi da distribuziun gratuita u il pretais avantag d'üna sfadiusa produczion? Ch'Ellas tschernan, ma ch'Ellas sajan logicas; perchè uschè lönch ch'Ellas excludan fabricats esters, in proporziun cha lur predschs s'approssman a zero, che inconseguenza füss que d'admetter la glüsch del Solagl, il predsch della quèla ais daffat zero per tuot il lung di!“

Clio, suainter Bastiat.

SEGUOND CHAPITEL: L'ARTICHEL.

§ 138.

L'artichel ais ün pledin ch'ün metta avaunt il substantiv, e chi serva a differents scopos, chi gnaron explichòs nels paragrafs seguaints.

Nus disferenziains l'artichel determinò e l'artichel indeterminò.

L'artichel determinò masculin ais nel singular il, nel plural ordinari ils, p. ex. il mat, ils mats; il bös-ch, ils bös-chs; il bap, ils baps.

L'artichel determinò feminin ais nel singular la, nel plural ordinari las, p. ex. la nev, las nevs; la rōsa, las rōsas, la serp, las serps.

L'artichel determinò nel plural collectiv ais la, p. ex. la mattanaglia, la bos-cha, la föglia (Laub), la fruonzla.

L'artichel indeterminò masculin ais ün, l'artichel indeterminò feminin ais üna: els nun haun üngün plural, p. ex.: ün pom, üna chesa; poms, chesas.

Cumainza il substantiv (u ün oter pled chi segua) cun ün vocal o cun ün h müt, schi apostrofains ils artichels determinòs nel singular e nel plural collectiv ed eir l'artichel indeterminò feminin, p. ex.:

l'abüs (m.)	l'abitaziun (f.)	ün' aivla (f.)
l'effet (m.)	l'energia (f.)	ün' existenza (f.)
l'impegn (m.)	l'imsüra (f.)	ün' imprudenza (f.)
l'or (m.)	l'opiniun (f.)	ün' orma (f.)
l'utuon (m.)	l'ubedientscha (f.)	ün' uzua (f.)

l'arvaglia	}	plur. coll.
l'ossa		
l'utschellaglia		
l'üja		
l'hom (h müt)		

ün' ota muntagna (aggettiv feminin)

l'incumbenzò (particip masculin).

Remarcha 1. Ils attributs „masculin“ e „feminin“ nun managian. cha l'artichel hegia ün gener da per se. Quaist as drizza bgeranzi adüna zieva il gener del substantiv. In che maniera cha'l gener del substantiv vain determinò, ais expost nels §§ 21—45.

Remarcha 2. Davart la declinaziun del artichel mera § 129.

Remarcha 3. Davart l'artichel cumpost mera § 175.

Remarcha 4. Davart las fuormas veglias del artichel mera §§ 130—131.

× § 139.

a) La lingua latina avaiva ün terz gener, il neutro. Quel gniva druvò na be per ün grand numer da substantivs, ma eir in tuots cas, inua cha il gener eira indeterminò, p. ex. cur cha ün aggettiv, adverb u infinitiv dvantaiva substantiv (cfr. § 12.) Nus druvains in tels cas il masculin e mettains l'artichel il u ün, p. ex.

Tü saintast il dör della paraid, della maisa, del s-chabè; il lam della naiv, il bletsch dell'ova, il chod della pigna. *Pr. Cud.* 142.

Eau avess pü gugent ün na cler e net cu ün schi indecis e vacillant.

Eau nun avess cuvieu ad üngüna „bonne“ il plaschair da vair as svilupper plaun a plaun quaist giuven spiert, e da l'iniziêr nels prüms stadiums del savoir. *Tönd.* 211.

Del sunêr il clavazin, il che eira eir sül program da mia educaziun, am he eau saimper dosteda. *Töndury,* 6.

Il scriver chartas nun eira mêtto sia granda passiun. *Töndury,* 34.

† Huossa lg maelfaêr nun vain sügnò,

Neir alg bainfêr remunerò. *Travers, Mûs* 16.

Nus chi eirans alg plü ardaint. *Wietzel, Guerra da Vuclina,* 13.

E. B. Sco 'l dormir ais natüral al Chastian, usche eir ilg pechiar. *Trom.* 12.

b) Intaunt cha'l vegl l'artichel neutro del singular coincidea dimena nella lingua odierna cul artichel masculin, schi coincidea il plural da medem

cun nos artichel feminin del singular (cunfrunta §§ 48–49). Ma istorica-
maing podess ün dir, cha nel plural existan auncha hozindì ils trais genres
del artichel:

ils vstieus (m.)
las rassas (f.)
la vestimainta (n.)

c) Il pled neutrum vuol dir: ne l'ün ne l'oter. Neutros eiran di-
mena nella lingua latina ils plets chi nun eiran ne masculins, ne feminins.
Impè da dir del neutro ch'el saja il terz gener, podessans eir dir, ch'el
saja d'üngün gener. Nella natüra podessans considerer seu neutros ils
lavrants tar ils aviöls e las furmias.

§ 140.

Ün plural del artichel indeterminò avains be nellas composiziuns aleh-
üns, aleh ün as, üng üns, üng ün as, qualch üns, qualch ün as, tshert-
üns, tshert ün as, e nel adöver pronominel ils üns - ils oters. Cun-
frunta Chap. IV.

Aleh üns filosofs pajauns, vrand Paulo, dschaivan: „Che mè vuol
dir quaiet bajeder.“ *J. B.* 155.

Ma traunter il pövel eiran eir tshert üns, chi spredschaivan Saul
e dschaivan: „Che mè ans pö güder quaiet?“ *J. B.* 45.

Ma ils üns clamaivan üna chosa, ils oters ün' otra e nun podiand
gnir a savair ünguotta causa il tumult, cumandet il colonnel da mner Paulo
nella fortezza. *J. B.* 159.

Ün av-iva igluminò ün bel bös-chin da Nadèl e regals da tuottas sorts
futtan fats als üns ed als oters. *Tönd.* 152.

Cudeschs nun avet Carlina üng üns.

§ 141.

Davart l'adöver del artichel.

Scha la collecziun, l'individuo u l'ogget, dal quel nus
discurrins, ais determinò da maniera cha nus savains im-
mediatamaing da che cha que as tratta, allura mettains avaunt
il substantiv l'artichel determinò; otramaing ans in-
servins del artichel indeterminò; (u del plural sainz'
artichel).

§ 142.

Il nom d'üna collecziun, d'ün individuo (persuna u bestia), u d'ün 'ogget po esser determinò in differentas manieras.

a) Scha nus discurrins dalla terra, dal solagl, dalla glüna, dal tschêl, dal ajer, dal favuogn, dalla naiv etc., allura tuot quaistas chosas sun evidentamaing sainz'oter determinedas; nus managiains la terra cha nus abitains. il solagl e la glüna chi la scleran, l'ajer e l'eter chi la circon-deschan, l'unica sort da naiv cha nus cognuschains sün terra, consistind dad ova schetta, il vent dal süd chi alguainta la naiv etc. In tuot quaists exaimpels la chosa nomneda ais l'unica da sia spezcha, u almain l'unica, dalla quèla nus discurrins nella vita d'imminchadi.

Nel principi creet Dieu il tschêl e la terra. *J. B.* 1.

La glüsch del solagl ais bger pü clera, cu quella della glüna e dellas stailas. *II.* 3.

La prüma condiziun per tuotta vita animela e vegetela ais l'ajer. *VII,* 243.

L'ais megl per te, cha ün da tieus members perescha, co cha tuot tieu corp vegna büttò nel infiern. *Menni, Matt.* 5, 29.

† Aunchia üna uotta uoelg eau amuantêr, brichia sulettamaing la terra, mu er l'g schil. *Bifrun, Hebr.* 12, 26.

Chi vül imsuraer l'hutezza dalg tschêl, e la laedezza da la terra, ü la chiafuollezza dalg maer? *L. P.* 25.

L's noschs nun faun neir in l'g infiern üngünna chiosa dretta e giüsta, taunt sco pertain ad els, perche els perseuereschan sainper in l'g mael, ma lur painas ch'els portan in l'g infiern, vegnen anumnaedas giüstas, brichia per chia els las haegian gugend, ma per che la giüstia da Dieu vül ch'els las indüren per giüsts chiastiamaints da lur pchiôs. *L. P.* 93.

E. B. Ingualmaing sco chia Deis t'ha dat duos oels in tia teïsta, usche indriza quels versa da quaists duos roms dal' aeternitat, il cel, & l'infiern. *Abyss,* IV, 7.

Remarcha. Dalum cha nus ans inservins del artichel indeterminò, il pled survain ün'otra significaziun: üna glüna nun ais pü nossa glüna, mo po esser qualunque oter trabant, chi accompagna ün planet; ün solagl

nun ais pū nos solagl, ma po esser minch'otra staila fixa; üna terra nun significha nos planet, ma ün pajais, üna contredgia sün quel etc.

§ 143.

b) Sovenz ün substantiv ais determinò tres las circonstanzas da sieu adöver. Cur cha nus in Grischun discurrins dal Pitschen Cussagl, dal Grand Cussagl, dalla regenza, dalla scoula chantunela etc., las circonstanzas nun lascheron üngün dubi, cha nus managiains quai-stas instituziuns grischunas, e na quellas d'ün oter chantun. Istessamaing, cur cha qualchün a Tarasp disch: Il landamma ho ordinò üna perquisiziun, sarò sgür managiò il landamma da Sur Tasna. Cur ch'üna mamma dumanda: „Perchè t'ho il magister dō ün levatesta?“ as tratterò que be del magister, tal quel sieu mat vo a scoula etc. Cunfrunta eir la remarcha del § 144.

Aunz cu alvêr la seduta ho il protocoll da gnir prelet ed approvò dalla radunanza, e zieva ais quel da remetter immediatamaing al uffizi circuitel, chi'l farò stampèr e parvgnir allas vsehinaunchas in ün numer suffizaint d'exemplers, per esser scumpartieu als singuls votants. *Statüts E. O. 6.*

§ 144.

c) Similmaing, cur cha in ün requint üna persuna, üna bestia u üna chosa vegnan nomnedas per la prüma vouta, allura ils substantivs relatifs haun l'artichel indeterminò, ma dalla seguonda vouta davent haun els l'artichel determinò, perchè allura qualchosa ans ais già contschaint davart las relativas persunas, bestias u chosas, ellas sun dimena già determinedas, p. ex.:

Robinson resentit grand' algrezcha, vzand poch dalöntsch dalla riva üna granda barcha fermada. El as mettet a clamèr ad ota vusch. Üngün nun as musset però sün la barcha, e Robinson nudet vi fin sper ella. Il bastimaint s'avaiv' imbattieu sül sablun e nun podaiva pù ne inavaunt, ne inavous.

La damaun mamvagli nudet el darchò vi tiers la barcha. Arrivand sün quella, al paret que d'udir a dschemèr. El get vers il lö, d'inuonder ils dschems gnivan. ed arrivet tiers ün üsch serrò. El il sfunzet aint, ed ün grand chaun al saglit incunter. Ils marinèrs l'avaivan smanchò nella prescha da's salvèr.

Robinson get tscherchand per la barcha intuorn e chattet bgeras robas. las quèlas al podaivan fer bun servezzan. El pigliet giò duos üschs, ils tachet insembel cun famagls d'fier ed as fet uschè ün flöz. sün il quèl el mnet bgera robà alla riva. Il chaun saglit nell' ova e nudet vi da sa posta. *Suainter II.*

Remarcha. Quaista lectüra ans spordscha eir püss exaimpels, chi muossan, cha be las circostanzas paun bastèr, per determinèr ün substantiv e dumandèr l'adöver del artichel determinò. In tèla maniera sun determinòs nella prüma secziun ils substantivs la riva, il sablun, nella seguonda: la damaun, ils marinèrs, nella terza darcho la riva.

§ 145.

d) Ün substantiv po eir esser determinò tres ün aggettiv demonstrativ, possessiv, numerel u qualificativ, tres ün oter substantiv con u sainza preposiziun u tres üna frasa subordinada. Ma siand cha l'adöver d'ün aggettiv demonstrativ u possessiv escluda l'üs del artichel (mera §§ 250 e 251), ans avains dad occupèr be cul aggettiv qualificativ e numerel (mera §§ 183 e seguaints, 240 e seguaints), cul substantiv attributiv cun u sainza preposiziun e culla frasa subordinada. In mincha cas stu il substantiv però esser determinò taunt precis, cha nun resta üngün dubi in merit al individuo u l'ogget managiò. Las determinaziuns seguaintas füssan dimena da per se insuffiziantas:

Ün mat daschütel (perchè a sun bgers mats daschütels!)

Üna dama cun ün grand chapè (perchè a sun bgeras damas cun grands chapels!)

Üna matta chi so ler (perchè bgeras mattas saun ler.)

Be scha eir las circostanzas del adöver determineschan

pü inavaunt quellas persunas, as güstificha da metter l'artichel determinò: Il mat daschütel etc.

Al incunter nels exaimpels seguaints nun po restèr üngün dubi chi e che cha nus managiains:

La mamma da Duri (perchè Duri ho be üna mamma).

La chapitela della Germania (perchè la Germania ho be üna chapitela).

Il president Lincoln (perche ad eira be ün president cun quaiet nom).

La prüma dumengia del an passò (perchè l'an passò avet be üna prüma dumengia).

Il bap arrivet con l'ultima posta (perchè ad ais be ün' ultima posta).

Il megllder scolar della elassa (perchè be ün scolar po esser il megllder).

Robinson get vers il lö. dinuonder ils dschems gnivan (perchè ils dschems gnivan be dad ün sulet lö. § 144.)

La punt, chi crudet giò in Val Mela (perchè be üna punt crudet giò).

Remarcha 1. Ils plets signur, signura, sar, duonna, giunfra, giunker, barba, amda, sovenz eir cumpèr, cumèr e maister vegnan druvòs sainz' artichel in connecziun con ün nom propri, p. ex.:

Sar Dumeng e duonna Maria sun arrivòs. Giunfra Seraina ho chantò il pü bain. Barba Guadench m'ho regalò ün cudesch ed amda uottina ün chapè. Maister Clo ais ün hom da spass. Giunker Giachem parta damaun. Cumpèr Duri vo a faira. Signur Hartmann ho edifichò la nouva baselgia cattolica a Samedan. Signur Bezola eira güdisch federel.

Remarcha 2. Sch'ün voul indichèr ch'ün cognuoscha dad üna persona be sieu nom, e ch'ell' ais otramaing del tuot inentschainta, schi drova ün il nom propri cul artichel indeterminò, p. ex.:

Giunfra Ursulina ais impromissa cun ün Dr. Haegli. Nella guerra svabaisa ün Stampa eira il chapitauni dels Bergagliots. (Oters exaimpels as chattan nel § 159).

§ 146.

Lectūras.

A.

Il stüdi profuond della natūra ais adüna sto ün bsögn per l'umaun pensant ed üna fontauna inexauribla da müra-vgliusas scopertas. Ils pastuors dels temps antics aduraivan il solagl, dal quel derivan la glüsch, la chalur e la vita; in nots serainas contemplaivan els il firmamaint. e las stailas, chi brillaivan vi a quel, eiran lur diviniteds vigilantas. Ma il spiert umaun nun as containta da contemplèr ed adurèr. el as mouva da contin in tschercha della vardet. Per podair penetrèr cul sguard nell'immensited del spazi, haun ils astronoms inventò il telescop ed oters instrumaints, ch'els vaun adüna perfecziunand. Il progress dellas scienzas mathematicas als ho abilitòs da stabilir il volüm e las distanzas dels asters, scu eir la ledscha chi regolescha tuot il sistem del movimaint universel. Il zeli instancabel e la perseveranta pazienza da bgeras generaziuns d'astronoms ans haun aviert immens e müravglius orizonts, davaunt ils quèls nos anim s'impla d'üna viva stupur ed admiraziun.

B.

Ma na be l'astronomia ans do ün' idea della bellezza e grandezza della creaziun, dimpersè eir la terra, chi nell'immensited del univers cumpera scu ün pitschen atom. Immens ais eir co il champ per l'exploraziun e'l stüdi, e l'atom intelligiaint, chi as nomna umaun, voul tuot perscrutèr e tuot dominèr. El ho stüdgio minuziusamaing la richa fauna dels pajais tropics e l'exuberanta vegetaziun da quellas contredgias, el ho explorò la glatscha dels pols ed allò ram-massò la materia per interessants stüdis, el s'ho construieu bastimaints per traversèr ils mers ed arrivèr ad oters con-

tinents. ho suottamiss l'elemaint instabel, s'avrind ün a via da traffic chi collia ils pövels ils pü different. Ma la surfatscha del mer nun ho bastieu a sia brama da savoir. el ho insürò las profunditeds e miss in adöver sia intelligenza per vainscher la massa d'ova e l'explorèr fin in fuonz. Co s'ho aviert davaunt sieu sguard ün a nouva müravgliusa ricchezza e magnificenza per stimulèr maggiurmaing l'innata brama da retschercha chi'l dominescha. El stüdgia e perscrutescha adüna inavaunt e chatta ün' analogia traunter las pü differentas materias da sieus stüdis, l'attinenza del pü pitschen atom alla totalited e nella minima chosa da sia observaziun il medem sistem e la medemma ledscha chi mouva e governa il grand univers.

Clio.

C.

Il grand imperi romaun füt divis nel (§ 161d) 395 in duos parts. l'imperi romaun occidentel culla chapitela Roma e l'imperi romaun orientel culla chapitela Constantinopoli. Il raig Carl il Grand as proponit da suottametter ils pövels germanais e dals convertir al cristianismo. Cur cha la Terra Sencha füt conquistada dals Türcs, stovaivan ils pelegrins cristiauns pajèr grandas taxas per entrar in Gerusalem (§ 156. Rem.). Il raig Victor Emanuel II. füt il fundatur dell' united dell' Italia (§ 156 c). Il president Carnot füt mordragiò. L'apostel Paulo ho predgiò l'evangeli als pagauns. Il reformatur Zwingli ais mort nella battaglia da Cappel. Il generel Dufour eira da Genevra. Tenor la legenda füt il chastlaun Gessler mazzò da Tell. Vers la mitted del mais Gün cumainzan las spuondas a's inverdir.

§ 147.

Exercizi. a) Scriva trais frasis. inua ün substantiv vain druvo cul artichel determinò perchè cha'l relativ individuo u ogget ais l'unic da sia spezcha u almain l'unic, dal quèl nus discurrins nella vita d'imminchadi (§ 142).

b) Tschercha in tieu cudesch da lectura desch frsas. inua ün substantiv ais determinò tres las circonstanças da sieu adöver (§§ 143--144).

c) Tschercha in tieu cudesch da lectura ün requint ed indicha in medem tuot ils substantivs, chi haun il prüm l'artichel indeterminò e zieva l'artichel determinò. Spieggescha perchè cha quaist cambi vain fat (§ 144).

d) Scriva tschinch frsas, inua ün substantiv ais determinò precis tres ün oter substantiv cun üna preposiziun. tres ün aggettiv u tres üna frasa subordinada (§ 145).

e) Indicha tuot ils substantivs nella lectüra del § 146, chi sun determinòs nella maniera *a*, *b* u *d*.

§ 148.

L'artichel indeterminò ho duos differentas funcziuns.

a) El accompagna ün substantiv chi nomna üna persuna, üna bestia u üna chosa scu individuo, p. ex.: Mieu chantunais ho cumprò üna buna vacha.

b) el accompagna ün substantiv chi nomna üna persuna, üna bestia u üna chosa scu representant da tuot la spezcha, p. ex.: Üna buna vacha do bger lat (= Mincha buna vacha).

Nel prüm cas (a) il substantiv survain l'artichel determinò, cur cha la persuna, bestia u chosa vain nomneda per la segunda vouta u pü sovenz (cfr. § 144), nel segund cas (b) ün po continuèr a s'inservir del artichel indeterminò.

Exaimpels a. Ad eira ün hom rich, chi's vestiva da purpura e da linzöl fin e vivaiva ogni dì splendidamaing ed in dalets. Mo ad eira ün pover, cun nom Lazaro, chi giaschaiva avaunt la porta da quel, plain bignuns e desideraiva da's sadullèr cun las mievlas, chi crudaivan giò dalla maisa del rich; ma ils chauns gnivan e lichaivan sieus bignuns. A dvantet però, cha'l pover morit e gnit portò nel sain d'Abraham. Eir il rich morit e füt sepullieu etc. *J. B.* 114.

Ün esan avaiva servieu a sieu patrun bgers ans diligiaintamaing. Ma uossa eira'l vegl e na pü in cas da porter sachs e barigls, sco pü bod. Sieu patrun il pavlaiv' invidas per ünguotta e'l volaiva mazzèr. Ma l'esan s'inacordschet da que e get per sieu fat. El faiva quint, dad ir nella citted da Brema sco musicant.

Per viedi vzet el al ur della via ün chaun. Quel fladagiaiva, seu sch'el avess fat üna lungia cuorsa „Che at mauncha, cha tü boffast uschè? dumandet l'esan. Il chaun respondet: „Eau sun uossa vegl e debel e na pü drovabel per la chatscha. Perquè mieu patrun am voul schluppettèr. Ma aunz cu laschèr la pel, am fet eau our dalla puolvra.“ Cö dschet l'esan: „Sest che! vè cun me a Brema sco musicant.“ Il chaun füt containt da quaista proposta e da compagnia viagettan els vers Brema.

Els eiran ieus poch töch, cha vzettan ün giat sper via. Quaist faiva üna tschera da melcontaint. L'esan al dumandet: „Perchè fest quaista tschera brusca?“ „Chi voul esser sü da cho, cur ch'el ris-cha la pel? respondet il giat. „Eau sun uossa vegl e nun sun pü in cas da clappèr mürs. Mia patruna am volaiva bütter nell' ova. Ma eau nun he auncha vögglia da morir e get per mieu fat. L'esan e'l chaun dschettan: „Vè con nus a Brema seu musicant; tü cognuoschast uschè bain la musica.“ Al giat plaschet quaist cussagl ed el get cun els, etc. II, 18—19.

Exaimpels b. Ün fidel amih ais üna ferma proteeziun; chi posseda ün tel, posseda ün grand tesor. Ün fidel amih ais impajabel, ed ünguotta nun sopravaunza sias qualiteds excellentas. Ün fidel amih ais ün condimaint della vita. Chi temma il Segner, averò ün tel. *J. B.* 82.

Che po ün s'imaginèr da pü terribel per ün crastiaun, co l'avarizia? Ün avar renda continuamaing la vita escha a tuots quels chi sun intuorn el. Ün avar nun po avoir üngün tranquil plaschair, ne üngün amih sincèr e chi in el interamaing as fida. Ün avar perda la stima da tuottas personas las pü degnas da stima.

Cur eau eira infaunt, tschantschaiva eau sco ün infaunt, m'impissaiva sco ün infaunt, güdichaiva sco ün infaunt; mo siand dvantò hom. he eau dismiss las chosas dad infaunt. *Menni, 1. Cor.* 13, 11.

Üna buna vacha do zieva fat vdè ün bun temp alla lungia dudedsch ün quindesch liters d'lat al di. III, 100.

Remarcha. Pü sovenz vain l'artichel determinò druvò in conneziun cun ün nom appellativ nel singular, chi sto per tuot la spezcha (§ 153); ün preferescha però l'artichel indeterminò cur cha l'individuo ais designò tres duos pleds (substantiv ed aggettiv), p. ex.:

Ûn crastiaun ozius, inimih della lavur, ais üna chargia a se ed ad oters. *Pr. cud.* 288.

Il misericordiaivel resainta pü grand dalet nel der cu nel artschaiver. *Pr. Cudesch* 288.

Ûn crastiaun vaun renda se stess ridicul e spredschabel a tuot tas personas radschunablas. *Pr. cud.* 280.

Al manzneder nun vain pü cret, eir sch'el zieva da que dschess la vardet. *Pr. cud.* 271.

† Ad ün hom auaritiuus nun cuuegnan las arichezzas, e à che perpoest dess hauair danaers l'g inuulgius? *L. P.* 129.

Ûn hom sabi vain saimper a tmair, & in l's dijs arandieus alg pchio vain el à s'parchiürer dalg fall, mu l'g narr nun fo sursenn sün l's temps. *L. P.* 165.

L'oegl delg auaricius nun s'sazgia cun üngüna part. *L. P.* 130.

In ün murtael ais ün cour murtael. *L. P.* 166.

§ 149.

Ils §§ 142—145 contegnan tuot las reglas fundamentelas davart l'adöver del artichel determinò ed indeterminò. A sarò tuottüna ütil da considerèr ils cas speciels seguaints:

1. La pü part dels **noms da materiels** druvòs in ün senso generel haun l'artichel determinò.

Il zuorpel e'l sel as chattan eir nell' ova. Il zücher nun eira cognuschieu dals vegls Romauns. Il caffè füt scopert tres ün Arab. La dürezza del plom nun ais uschè granda scu quella del fier. Il lat ais il meglder nudrimaint per infaunts.

L'argent viv ais l'unic metal liquid, chi s'indürescha pür in üna temperatura da —40° C. VII, 321.

Il chiss sumaglia a prüma vista fich alla chütschina ed ais effettivamaing ün prossem paraint della peidra chalcheraisa. VII, 314.

Scodün chi oda quaists mieus plds e nun ils observa, ais simil ad ün hom ignoraunt, il quèl fabrichet sia chesa sül sablun. *Menni, Matt.* 7, 26.

† L'g vin ho aruino bgiers. *L. P.* 277.

Remarcha. La radschun per quaist adöver del artichel ais, cha quasi tuot ils noms materiels druvòs in ün senso generel indichan chosas chi sun

las unicas da lur gener. Dalum cha nus avains ün materiel chi nun ais l'unic da sieu gener, drovains l'artichel determinô be scha las relativas condiziuns dels §§ 131—145 sun adempidas, otramaing l'artichel indeterminô, p. ex.:

Schabain ch'eu tshantschess tuot ils linguachs dels crastiauns e dels aungels, sch'eu nun he la charited, schi sun eu be ün metal chi suna ed üna s-chella chi clingia. *Menni*, 1. *Cor.* 13, 1.

L'or ais ün metal pü greiv cu'l plom. Il quinin ais üna puolvra alva fich amara. Il metal, chi eira il prüm cognuschieu dals umauns, pera d'esser sto l'aram (§ 145.) La puolvra dannagia sovenz considerabelmaing ils prôs. (Confrunta eir § 98, remarcha.)

§ 150.

Scha vulains indichêr üna quantited indefinida d'ün materiel, allura drovains il substantiv sainz' artichel, p. ex.:

Il chalgêr drova chüram per fer s-charpas. Quaist negoziant venda caffè, zücher, tè, cacao e tshieu-latta. Il stagnin e'l chüderel drovan zinc, plom, zigu ed aram.

Il müreder masda chütschina, sablun ed ova cun la pela da molta. II, 115.

L'or as chatta per part pür e per part unieu cun oters minerels, postüt cun zuorpel. VII, 321.

Ova netta nun ho ne gust, ne odur ed ais complettamaing transparenta. VII, 329.

Trafögl, salata ed ervas finas maglia la leivra il pü gugent. III, 111.

Las giuvintshellas imprudaintas pigliettan lur lampas, mo nun pigliettan öli cun se. Mo las prudaintas pigliettan öli in lur vas insemmel cun lur lampas. *Menni*, *Matt.* 25. 3—4.

† Nun sajast valurus cun baiver vin. *L. P.* 277

§ 151.

Ils **substantivs abstracts** (cfr. § 96), chi denoteschan üna qualited u ün stedi, vegnan generelmaing druvôs cul artichel determinô, quels chi denoteschan ün' acziun, haun l'artichel determinô u indeterminô tenor las reglas generelas precdaintas. (§§ 141—145) p. ex.:

Il curaschi, la timidited, la vardaivlezza, la misericordia, la stanglentüna, la noschdet, l'indolenza, la daschütliä, l'atenzium, l'intelligenza etc. (*qualiteds* u *stedis*).

Il cuolp u ün cuolp, la seduta u üna seduta, il viedi u ün viedi, la marcha u üna marcha, il permiss u ün permiss, il levatesta u ün levatesta, l'admonizium u ün' admonizium, la decisiun u üna decisiun, la vendita u üna vendita, il pcho u ün pcho etc. (*accziuns*, cfr. § 96.)

L'obediencia ais il prüm ed il pü natürel dovair del infaunt.
Pr. Cud. 269.

La modestia condüa all' ümilted. *Pr. Cud.* 279.

La nettaschia ais inseparabla da tuotta persuna bain educbeda.
Pr. Cud. 289.

Stè fermes nella liberted, tiers la quela Cristo ans ho liberòs, e nun laschè's metter darcho suot il giuf della servitüd. *Menni, Gal.* 5. 1.
Scodün chi fo il pcho, ais sclev del pcho. *Menni, Joh.* 8, 34.

Üna vusch clamet our dalla nüvla. *J. B.* 124

E continuand, als proponit Gesu üna sumaglia. *J. B.* 114.

Il colonel eira approfondieu in üna partida da schah. *Töndury* 67.

Ün sbragizi anguoschagius as fet udir da part dels disgrazios.

Töndury 71.

† La manzoegna in ün hom ais ün grand vici. *L. P.* 181.

E. B. Ilg Segner ha üna lite cü 'ls habitants dal pajais. *Trom.* 103.

Mo scha ün substantiv abstract exprima üna qualited u ün stedi, dals quèls sun püssas spezchas, allura vain el druvò cul artichel determinò u indeterminò, tenor las reglas generalas dels §§ 141—145, p. ex.:

La malattia u üna malattia (perchè a sun bgeras malattias).

La virtüd u üna virtüd (perchè a sun püssas virtüds. scu la charited, la vardaivlezza, la güstia etc.).

La qualited u üna qualited (perchè a sun fich numerusas qualiteds).

La colur o üna colur (perchè a sun bgeras coluors) etc., mo:

L'algebra (perchè ad ais be ün' algebra).

La güstia (perchè ad ais be üna güstia).

L'egualited (perchè ad ais be ün' egualited).

La sandet (perchè ad ais be üna sandet) etc.

La charited nun s'allegra dell'ingüstia, anzi s'allegra della vardet.

Menni, Cor. 13, 6.

Eau he üna forza in me chi observa cun interna sodisfacziun que ch'ais belg, vardaivel e bön: sco cha in virtùd della medemna forza, tuot que ch'ais trid, invardaivel e nosch, fo sün mieu intern üna disagreabla impressiun. *Pr. Cud. 144.*

Ûn auditor na prevgnieu nun avess tschertamaing cret, cha quaists discuors füssan l'eco d'üna cerimonia destinada ad inspirèr l'ümited. *Töndury, 113.*

† La sandet passa tuot l'g ör, & ün saun chüerp vela plü co grandas ariehezzas. *L. P. 267.*

Remarcha. Cur cha ün substantiv concret vain druvo seu object u sto zieva üna preposiziun, schi crouda l'artichel sovenz davent. Cunfrunta lo supra §§ 163—164. Mera eir § 168.

§ 152.

Exaimpels divers. Quel chi temma la mort, ho pers la vita (*Pallioppi*). L'occasiun fo il leder. — La civilisaziun dependa dalla moralited. — Il priivel metta il curaschi del hom alla prova. — Guardè e perchürè's dall'avarizia: perchè la vita d'ün crastiaun nun consista nell'abundanza da sia roba. (*Menni, Luc. 12. 15*). —

La nettaschia vo culla temma da Dieu. *II. 15.*

La cognuschentscha fo superbi, mo la charited edificha. *Menni, 1. Cor. 1, 1.*

Seu cha'l vout del tschèl as fuorma d'ün unic grand safir, uschè as fuorma la grandezza da character d'ün nöbel umaun be our d'üna (numerel) virtùd -- la bunted. *Tönd. 280.*

Beòs quels chi haun fam e said (§ 163) zieva la güstia, perchè els saron sadullòs (*Menni, Matt. 5, 6*). — Eau sun la glüsch del muond: quel chi'm seguitescha, nun chaminerà nella s-chürdüm, mo averà la glüsch della vita. (*Menni, Joh. 8, 12*). — Ils Fariseers s'attachaivan alla ricchezza e na a Dieu. — Üngün nun so cur cha la mort vain.

† Sco l'g ôr cun l'g foe vain appruo, vschea la lieud chi phescha à Dieu, in l'g fuorn da l'affliction. *L. P.* 34.

L'inuiglia e l'ira scurzunan la vita, & l'g pisèr maina la vilgdüna aunz temp. *L. P.* 269.

La superffgia ais mëlunghida à Dieu & à la lieud. *L. P.* 95.

E. B. La via chi maina in l'aeternitat ais cert cuorta; ma seis exit ais interminabel; ingio la finescha, non vain ma chiattà. *Abyss* 6.

Sco 'l soen à blers ais mortal, chi s'dormainzen via è nun sa sdrovaglien plü; usche ais als infidels la mort corporala ün mess dalla seconda mort. *Trom.* 27..

§ 153.

Sch'ün **nom appellativ** serva per denotèr tuot ils individus dell'istessa classe, schi vain el generelmaing druvò nel singular u nel plural cun l'artichel determinò, qualche voutas nel plural eir sainza l'artichel u nel singular cul artichel indeterminò (mera § 148 b).

Il chaun ais ün bun amih del umaun. Il bös-ch ais üna plaunta, chi ho be ün tronco da lain. L'alveterna prosperescha be süllas muntagnas. La maisa e'l s-chabè, la s-chantschia e la commoda, il baunch e'l pult sun möbels. Il chavagl ais üna bestia domestica. Il chameil as containta da pevel zuond inferiur. L'alimeri ais üna bestia fich asera. Il püf nun vezza bain da di. Ils uzölins sun bes-chinas fich dalettaivlas. Las vuolps vivan nel god in tannas; eir las leivras vivan nel god. Las muntanellas chevan lur fouras nel terrain. Las baselgias servan al culto divin.

Ils homens faun las ledschas, las duonnas ils costüms. *Pallioppi.*

Las vuolps haun tannas, e'ls utschels del tschël gnies; mo il figl del crastiaun nun ho, inua el pozza sieu cho. *Menni, Matt.* 8, 20.

Il tschierv ais üna dellas pü bellas bestias sulvedgias. *IV, 74.*

La fruongla dellarsch nun sto ün'ad üna intuorn las manzinas, seu quella del pign, u in tschinch insembel, seu tar il dschember, dimperse bgera fruongla, fin 50 aguoglias, staun unidas in ün püschel. *V, 209.*

Tuot las parts del aconit sun fich velenusas. *V, 199.*

Ün rich aintra difficilmaing nel reginam del tschel. *Menni, Matt.* 19, 23.

Quaunt fadiusamaing entreron ils richs nel reginam da Dieu. *Menni, Marc.* 10, 23.

Il gust as fo pcho da sia muaglia: ma il cour del empi ais im-
misericordiaivel. *J. B.* 80.

Richs e povers stöglan esser insembel. Dieu ais lur creeder. *J. B.* 81.

† La cumpagnia chi ho l'g luff cun l'g agne, tela ais eir fami-
cizia dalg nosch cun l'g prus. L'g consentimaint chi ais traunter la
zerp & l'g chiaun, quel ais traunter l'g rick & l'g pouuer. *L. P.* 124.

Faschè sur sen in che moel las gilgias sū la cutüra creschan.
Bifrun, Matt. 6, 28.

§ 154.

Sch'ün nom appellativ denotescha üna quantited in-
definida. schi vain el druvò nel plural sainz' artichel. p. ex.:

Il giardin zoologic contegna liuns, lufs, tigras, uors,
vuolps, tass, crocodils, dromedars, rinoceros,
hipopotams, schimgias, serps ed üna granda quantited
d'otras bestias. Intuorn la tegia creschan aconits, gian-
zaunas e ranunculs. Il falegnam fo maisas e s-chabels,
s-chantschias e commodas, haunchs e pults,
fnestras ed üschs. La biblioteca contegna eudeschs,
giazettas e manuscrits. A do dsechembers da 500 ün
600 ans.

Canaan eira dal temp dad Abraham ün pajais bel e früttaivel. Nels
gods eiran ruvers e fos in compagnia da cipressas. Eir olivèrs,
figèrs e palmas creschivan in abundanza. Sül Libanon eiran gods
intèrs da ceders. Ils pastuors giran con lur seossas per il pajais intuorn.
Quaistas consistan da bes-cha, chevras, muaglia bovina, esanse
chameils. Eir aviöls chattains allö. Nels contuorns del Mer Mort
prosperaivan da pü bod eir chavriöls, gazellas, leivras e cunigls,
schi eir lufs e liuns. III, 98 (seurznieu.)

§ 155.

Ils **noms propriis** vegnan generelmaing druvòs sainz' ar-
tikel, p. ex.:

Walter Fürst, Stauffacher ed Arnold da Melch-
tal gürettan la lia. Luther, Zwingli e Calvin sun stos

ils trais prinzipels reformatuors. Pestalozzi eira l'amih dels infaunts. Sigfrid admiraiva la bellezza da Crimhilda. Günter vulaiva maridèr a Brunhilda. Pasteur fet fìch importantas scopertas sùl champ della bacteriologia. Nelson eira ün celexer admiral inglais.

Remarcha. Eir ils noms dels mais e dels dis dell' eivna vegnan per il pü druvôs sainz' artichel.

In Lüg ed Avuost flurescha l'iva. Mia sour arrivet in dumengia e partirò darchè marculdi.

§ 156.

Excepziuns da quaista regla aintran però

a) scha'l nom propri vain druvò seu nom appellativ (cunfrunta eir § 95, rem. 1), p. ex.:

Cavour füt il Bismarck dell' Italia, Napoleun ais sto ün seguond Cesar. Benedict Fontana füt il Winkelried dels Grischuns. La povra duonna perdet il napoleun, ch'ell' avaiva arvschieu seu dachat.

b) Sch'ün discuorra da püssas personas chi haun l'istess nom, p. ex.:

Ils Salis e'ls Plantas staivan pü bod alla testa da differents parties politics. El ais impiegô tals Töndurys. (Confrunta § 95.)

c) Tals noms da pajais, flüms, muntagnas, merse lejs, p. ex.:

La Svizzra ais pitschna; l'Austria, la Frauntscha e l'Italia la circondeschan. L'En traversa l'Engiadina ed il Tirol, e s'unescha finelmaing cul Danubi. Il Mont Blanc ais la pü ota muntagna dellas Alps.

Il Nil ho üna cuorsa fìch lungia ed ais ün flüm fìch larg.

L'Egipto ais il magazin da granezza per tuots ils contuorns.

Il Munt Sinai ais situô sün üna penisla triangulèra del Mer Cotschen. III, 99.

Remarcha. Ils noms da citteds e vschinaunchas vegnan druvòs sainz' artichel. Cfr. però § 156 d.

Basilea ais la pü richa citted della Svizzra. Già ils Romauns haun fundò la citted da Cuira. Pü bod eira Zuoz la chapitela dell' Engiadin' Ota. Zürich ais üna bella citted. Hamburg ais il Liverpool della Germania. (Perchè il Liverpool?)

Il Piz Kesch vain sovenz ascendieu dalla vart da Tavo e Bravuogn. V, 98.

Sur Chamues-ch as preschainta il Piz Müsella, traunter Zuoz e Madulain il Piz Mezzaun e suot S-chanf s'adoza la bella piramida del Piz d'Ean. V, 99.

d) cur ch'ün nom propri ais accumpagnò d'ün aggettiv, p. ex.:

Il renomnò Simon Lemnius Marcadant ho stüdgìò al temp da Luther a Wittenberg. *Menni, Saluz*, 6.

Il resolut Gallicius nun s'laschet intimorir da quaistas persecuziuns. *Menni, Saluz* 7.

§ 157.

Cur ch'üna qualited corporela u spirituela (morela) vain attribuida ad üna persuna u bestia per mez del verb avoir, allora s'inserv' ün generelmaing del artichel determinò, p. ex. avoir il nes cuort, avoir la conscienza largia.

Il chamuotsch ho il corp pü cuort, las chammas pü otas e'ls peis pü gross cu la cheвра.

Mazzèr e desdrür repugna ad ogni hom chi ho il cour a dret lö. *Töndury*, 181.

Anna avaiva il nes cuort. III, 52.

Il dragun avaiva la pel uschè grossa e düra, cha'ls fermes cuolps da speda nun fütan in cas, da penetrèr in quella. III, 2.

Marchet Colani nun eira grand, ma giagliard, avaiva las spedlas largias, il pet ferm, la fatscha ovala e brüna, ils chavels nairs e' l nes aquilin. IV, 93.

L'utschè-mez-mür nun ho il gnif lung ed agüz scu la mür, dimpersè cuort e larg. V, 223.

Il cucù ho il pennam grisch scu la tshendra. VII, 259.

Las furmias haun il corp divis in trais parts, las quèlas sun unidas be tres ün filin. VII, 271.

† L'g signer ho tramis mè, per ch'èau guarescha aquels chi haun
l'g cour turblô. *Bifrun, Luc. 4, 18.*

§ 158.

Lectüras.

A.

Il Portugal gescha alla riva del Atlantic. L'Asia, l'Africa, l'Europa, l'America e l'Australia sun las tschinch parts del muond. Il Piz Bernina, il Languard, il Kesch, il Piz Linard, il Rigi, il Pilatus etc. vegnan an per an ascendieus dad indigens ed esters. Sur il Flüela, il Fuorn, l'Alvra, il Bernina, il Güglia, e'l Malöggia mainan straduns. Quauntas ovas vegnan giò da nossas muntagnas per fer ün lung viedi nel mer! Il Reno passa tres la Germania e'ls Pajais Bass e s'imbuocha nel Mer del Nord. Il Rodan percuorra il süd-ost della Frauntscha e condüa sias ovas nel Mediterran. L'En s'unescha cul Danubi e fo cun quaist il viedi nel Mer nair. Il Tessin s'imbuocha nel Po e cun quaist nel Mer Adriatic. La Reuss fuorma il Lej dellas Quatter Forestas, il Rodan il Lej Leman e l'Aare il Lej da Brienz ed il Lej da Thun.

B.

Vers la fin del saideschevel secul formet il raig Henri IV da Frauntscha il piano d'üna confederaziun dels stedis europeos. Ziev' avoir liberò sieu pajais dallas terruors della guerra da religion, volaiv' el vair asgüredas per tuot avvegnir la toleranza e la pèsch. El volaiva reunir ils saidesch stedis chi in quella vouta formaivan l'Europa (la Russia e la Turchia quintaivan auncha tar l'Asia) in üna confederaziun. Ogni ün da quaists stedis avess gieu da trametter duos delegiôs ad üna „dieta europea“; quaista dieta europea composta da 32 members, avess gieu l'incombenza da garantir la pèsch

religiusa e dad applanir tuots conflicts internaziunels. Scha ogni stedi s'obliaiva d'as suottametter allas decisiuns da quaista dieta, schi eira cotres sparieu ogni elemaint per üna futura guerra europea. Mo aunz cu podair metter in executiun sieu proget, füt Henri IV assassinò, il 13 Meg 1610, tres ün muonch dement.

Üngün da sieus successuors ed üngün oter sovraun nun ho pü repigliò quaiست glorius piano, a prò della felicitè delс pövels. Ils regnants e diplomats restettan fidels al vegl spiert guerresc: ma ils pensatuors da tuots ils pajais nun laschettan crudèr l'idea della pèsch. *Suainter Töndury.*

C.

Linguas e dialects dominants s'estendan dalöntschi e mainan alla graduèla suppressiun d'otras linguas. Üna vouta cha ün linguach ais extint, nun tuorna el mè pü. L'istessa lingua nun po avair duos lös nativs, ma differentes linguachs paun as masdèr insembel. Nus vzains mutabiled in immincha favella e continuamaing vegnan tiers plets novs: ma seo chi do ün limit per la vigur della memoria, uschè as stüzzan graduelmaing singuls plets seo intèrs linguachs. Max Müller (ün filolog tudais-ch all' Università d'Oxford, in Inghilterra) disch güstamaing: „Ün combat per la vita as succeda constantamaing traunter ils plets e las fuormas grammaticalas d'immincha linguach. Las megldras, pü cuortas e pü facilas fuormas s'acquistan adüna la supremazia ed ingrazchan lur success a lur egna persistente virtùd.“ *Clio, suainter Darwin.*

§ 159.

L'artichel determinò scu pronom demonstrativ.

L'artichel po servir da pronom demonstrativ, sch'ün nom geografic cun üna preposiziun al segua: ün il po in tel cas

rimplazzèr tres il pronom quel, quella, quels, quellas, p. ex. ils da S-chanf, ils dadour munts.

Ils da Zuoz sun buns agricultuors ed orticultuors. Ils della Val Schams s-chatschettan ils chastlauns e desdrüettan ils chastels. Nella guerra svabaisa as radunettan tuot las cumpagnias grischunas a Zuoz, mincha drettüra suot sieu egen chapitauni: Uchè cumandaiva Tomas Planta ils d'Engiadin' Ota, ün Schech ils da Surmuntfallun, ün Mohr ils da Suotmuntfallun, ün Putatsch quels della Val Müstair, ün Stampa ils Bergagliots, Benedict Fontana ils da Surset, Peter Guler quels da Tavo e del Partens, Heinrich Ammann ils da Cuira, Hercules Capaul ils da Flem, de Mont ils da Lugnezza e Dietrich Freuler ils da Schams.

E. B. Ils da Scuol dischan: „Aleh es alch, e nügli' es nüglia.“
Barblan, Parablas, 43.

† L's d'Bregaglia tgaiven Clavenna in lur maun

Ma cun zuond poick ardimaint bod s'achiataun. *Travers, Mäs* 57—58.

L's suot quo non fand dmura

Muessan sainza ls d'zura;

A Lavin ils da Sciamf tuotts

Aunz Chamues-ch, Madulain e Zuotz

In quella saira arrivenn.

Wietzel, Guerra da Vuclina 135—139.

§ 160.

Adöver distributiv del artichel determinò.

Cur cha'l substantiv exprima ün' imsüra da temp, pais, volumen, distanza o surfatscha, allura l'artichel determinò chi l'accompagna, ho ün senso distributiv e significa l'istess scu mincha, p. ex.:

Üna disonestà speculaziun s'impatrunit dals terrains intuorn vschinauncha, pròs chi eiran stos acquistos al predschi da 2 frs. il meter, muntettan in poeh temp a 25 frs. il

meter. Avaunt vainch ans il predsch del lat a Zuoz eira 14 raps il liter, uossa cuosta'l 28 raps il liter. Ils trenos rapids in Ingilterra, Frauntscha e Germania vaun cun üna sveltezza da 90 fin 100 kilometers l'ura, quels della Svizzra sün tsehertas lingias fin 60 kilometers l'ura, la Retica, causa il grand numer da punts e tunnels, las numerusas stüertas della via d'fier e la granda pendenza sülla pü granda part della lingia, arriva appaina a 30 kilometers l'ura, que vuol dir ün mez kilometer la minuta. Painch frais-ch cuosta fin passa 4 frs. il kilo.

Almain trais voutas l'eivna passantaivans nus las sairas nel teater. *Tönd.* 456.

La celerited del ajer importa 340 m la secunda. VII, 284.

Üna vouta cumpret la giuvna desch passa d'tafta cotschen per ün vstieu, ad ün raintsch e dudesch crüzers il pass. *Pr. Cud.* 43.

„Poh! dschet il Güdev, il tafta nun ais nosch; eau s'dun trentases crüzers al pass.“ *Pr. Cud.* 43.

§ 161.

Cas speciels.

Ils exaimpels seguaints illustreschan l'adöver del artichel determinò in alichüns cas speciels. chi meritan atenzium.

a) Suner il clavazin, la trombetta, la gĩa etc. (in tudais-ch: Klavier spielen, na: das Klavier spielen).

b) Der il bun di, giavüscher la buna saira, la buna not, der il bivgnaint (però: giavüscher bun viedi, bun arrivo, buna reuschida etc.)

c) Fer il schneder, fer il brav, fer il sabi, fer il vittürin, fer il portachartas etc. (ün disch però eir fer da schneder, da brav, da vittürin etc.).

d) La revoluziun francesa del 1789 (eir: dels 1789), la costituziun svizzra del 1874. La Guerra da Set Ans düret dal 1756 fin al 1763. Nel (nel an, l'an) 1493 gnit sül trun imperiel della Germania il valorus Maximilian.

e) Ils 24 Gün, ils 30 Settember, ils prüms d'Avuost. La Confederaziun svizra füt fundeda als prüms (al prüm) Avuost 1291. La charta della Lia dels 23 Settember 1524 constituescha la prüma constituziun della Republica Retica.

f) Duos voutas l'an leiva il solagl allas ses la damaun e tramunta allas ses la saira.

g) Davart l'adöver del artichel per drevèr aggettivs scu substantivs mera §§ 211—213.

h) L'artichel ais indispensabel nellas expressiuns la pü part, la granda part, ils püss, las püssas ed ils bgers, las bgeras (die meisten).

i) Davart l'adöver per la formaziun del superlativ mera § 223.

k) Davart l'adöver del artichel culs pronomi quèl e che mera chap. IV.

§ 162.

Exaimpels divers. Robinson stuvet exercitèr da tuottas sorts misters, el fet l'agricultur e l'allevatur, il chatscheder e'l pas-cheder, il cuschinunz e'l schneder. Quel chi fo da contin il brav perda sovenz sieu curaschi in preschentscha d'ün priovel. — Pochs saun sunèr l'orgel inandret.

Las Desch Drettüras fundettan üna lia als 8 Lügl 1436 a Tavò. Dal 1513 fin al 1798 consistiva la Confederaziun svizra da tredesch chantuns.

Nossa scoula cumainza allas och la damaun e glivra allas ündesch; il zievamezdi stuvains turner in scoula all' üna. Cur ch'èau entret in vschinauncha, Maister Peter am giavüschet la buna saira. Nos magister suna la gĩa e'l violontschè. Arthur leiva mincha di allas tschinch e vo in let traunter las och e las och e mez. Maria ais la megl'dra scolara. Ils daschütels impedeschan sovenz il progredimaint

da tuot la classa. Beòs ils misericordiaivels, perchè els chat-teron misericordia. Avaunt la battaglia da Chalavaina ils Engiadinais avaivan scrit als capos della lia per agüd, siand lur misiergia granda e grand il priewel pel Grischun inter: e promptamaing als eiran ils dadour munts gniesus in agüd.

Alla battaglia da Rossbach mettet Friedrich il Grand l'armada francesca tres üna fina manovra melamaing in spavent, da möd cha bainbod dals bgers Frances as vzaiva pü be ils chalchagns. *Chal.* 1911.

E. B. La granda part da noss comüns in Engiadina füssan in privel da lavinas, scha'ls gods spess sün las stippas spuondas non ils protegessan. V, 175.

La granda part da quaistas vals laterelas sun aintasom bellas e largias ed as dirameschan in püssas vals. V, 101.

Quaista ais la vaga e venerand' interpretaziun della guerra da vart dels püss umauns, la quela eira in la mia. *Töndury*, 27.

Tuots gettan; e siand entrôs in üna granda sela, observettan els üna pitschna maisa, plaina d'exquisitas spaisas, ed üna otra maisa granda, cun sü bgeras beslas, süllas quelas co e lo eira miss ün töch d'paun muosch, ün pom d'terra ed ün puognet d'erüs-chas; — ma süllas püssas nun eira da vair ünguotta. *Pr. Cud.* 25.

L'Engiadina formaiva fin l'an 1537 ün' unica vschinauncha politica u Comön. V, 101.

Cura cha Durich Champell ais naschieu, nun savains in möd tshert: in ogni cas ais el naschieu intuorn il 1510. *Gianzun*, D. Ch. 1.

L'ambaschadur veneziaun fet grands sforzs a Cuira. per cha l'allianza dels Grischuns cun sieu stedi, chi eira steda fatta nel an 1706 per 60 ans e dovaiva quindi dürer fin als 31 Dezember 1766, gniss per temp re-noveda. *Chal.* 1911, 44.

Il prüm traget da ferrovia in nos chantun füt quel da Maienfeld a Coira, chi gnit aviert nel 1857. VII, 116.

La Lia dels oach velgs chantuns avet da temp in temp, dal 1315 fin al 1415, dimena per il cuors da tshient ans, sanguinusas guerras cun ils düchias d'Austria. *Pr. Cud.* 238.

† Par que ün cusailg dals prosmauns füt clamò.

Et la plü part dals capitaunis lo congregiò. *Travers*, Mös, 13—14.

Da tres cun l'g Raig d'Francia ls plüs acusglien;

Da chiürer Chiastels et terras nun asügnen. *Travers*, Mös, 28—29.

L'ommission del artichel.

§ 163.

In stretta connecziun cun ün verb vain il substantiv sovenz druvò sainz' artichel. In quaist cas il substantiv ais adüna l'object, mè il subject. El fuorma sovenz insembel cul verb üna suletta idea, ed in bgers cas otras linguas espriman quaista be tres ün pled, p. ex.:

avair chüra	pflegen
avair compaschiun	bemitleiden
avair curaschi	
avair fam	hungern
avair fiduzia	
avair melavita	
avair nom	heissen
avair said	dursten
avair temma	sich fürchten

avrir buttia
avrir chesa

chargèr alp

chattèr albièrg (ricover)
clugir ögl

committer adulteri	
committer pcho	sündigen

der albièrg	beherbergen
der allogi	beherbergen
der bada	aufpassen
der ledscha	aufpassen
der ricover	
der tetta	säugen
der uorden	befehlen

fer agnè	
fer altschiva	waschen
fer bacheria	schlachten
fer baracca	
fer baruffa	raufen
fer beffa	spotten
fer collaziun	frühstücken
fer finta	sich verstellen
fer frunt	trotzen
fer guerra	
fer güramaint	schwören
fer marenda	vespern
fer menziun	erwähnen
fer penitenza	
fer quint	beabsichtigen
fer s-chagna	stricken
fer segn	winken
fer temma	ängstigen
fer trida faira	
fer uzöl	
fer vdè	kalben
fer viedi	reisen
as fer mel	
as fer pcho	bemitleiden
as laschèr gnir compaschiun	bemitleiden
metter fin	beenden
metter fö in pigna	einheizen
metter maisa	decken
metter nom	nennen
metter üert	

müder chesa	umziehen
müder colur	
müder cretta	
pigliêr cumgiô	sich verabschieden
pigliêr mugliêr	heiraten
pigliêr vendetta	sich rächen
render quint	abrechnen
s-chargêr alp	
tgñair chesa	haushalten
tgñair quint	berücksichtigen
tuchêr maun	

e. u. i.

Lascha ir il pövel, acciò ch'els gïajan in las vschinaunchas e nels vihs dintuorn, echattan albiêrg e da mangêr; perchê nus essans in ün lö desert. *Menni, Luc. 9, 12.*

Ils Güdevs provochettan ün tumult nella citted e gnittan in furia avaunt la chesa da Jason, chi avaiva do alloggi als apostels. *J. B. 154.*

La lutra fo trida faira cullas forellas. *VII, 154.*

Fer frunt alla furur del inimih. *Tönd. 381.*

Ils Israelits stovettan fer guerra e conquistêr il pajas con lur saung *J. B. 57.*

O do ledscha, eir scha tü ad oter nun badessast, do ledscha al lod della vardaivlezza. *Pr. Cud. 271.*

Intaunt cha Rico requintaiva dal viedi, Duonna Lina mettet maisa, per tschner. *III, 84.*

Ils homens pavlettan lur chavals, e zieva fettan els marena. *III, 66.*

Ed uschè las dispütas nun piglian fin. *Tönd. 246.*

Sur quella punt eira Rico sovenz passô cun sia chera mamma chi'l tuchaiva maun. *III, 69.*

Ils crastiauns da quaist muond piglian mugliêr, e's maridan. *Menni, Luc. 20, 34.*

E mera, lo eira ün hom, chi avaiva nom Zacheo. *J. B. 117.*

Ed els al mettettan nom Gesu. *J. B. 85.*

A scoula aise lungurus; allò ho que nom d'imprender. *IV, 107.*

E. B. El pigliet cumgià da seis patrun e get vers chasa. *Barblan, Parablas, 14.*

Ma cur els udittan dalla restàunza dels morts, faivan alchüns beffa, ed oters dschettan: Davart que at volains tadler üna vouta. *J. B.* 155.

Il Segner vrand la vaidgua, as laschet gnir compassiun d'ella e la dschet: Nun cridèr! *Menni, Luc.* 7, 13.

Hegiast chüra d'el e tuot què tû spendast da pü, at vögl eau render a mieu retuorn. *Menni, Luc.* 10, 35.

La buna duonna as fet pcho del pover mattin ester e det uorden al giuvnet, da mner a Rico nell' usteria del „solagl d'or. *III,* 71.

Ils dottuors della ledscha ed ils Fariseers mnettan tiers Gesu üna duonna chi avaiya commiss pcho. *J. B.* 118.

Ma ün Samaritaun, chi faiva viedi, gnit allò, ed il vrand, as fet el pcho d'el. *J. B.* 109.

Uchè vain ad esser pü algrezcha in tshèl per ün peheder, chi fo penitenza, cu per nonauntanouv güsts, chi nun haun bsögn da penitenza. *J. B.* 109.

Il mat faiva quint, da nun ster lönch al bel lej. *III,* 65.

Lur doctrina avaiya pigliò risch. *Pr. Cud.* 173.

L'ammalò fet segn alla nona da s'approssmèr. *III,* 61.

Gesu scumanda da piglier vendetta. *J. B.* 102.

† La sabgienscha ais zuönd da loensch da la superffgia e dalg ingian, e l's hommens manznaedars nnn vegnan à faer mètium da quella. *L. P.* 137.

Christus cumanda che nus daien tgnair quint dals pitsthens, per che da tals saja l'g ariginam da dieu. *Bifrun, pref.*

Mu uae allas purtaunzas & ad aquellas chi daun tetta in aquels dijs. *Bifrun, Marc.* 13, 17.

Da Clavenna a Mùs fenne Viedi,

A lo as cumanzet ad ir contredi. *Travers, Mùs,* 391—392.

Chi s'deas lascher gnir misericorgia dalg scungüraeder chi ais pizchio da la serp? *L. P.* 117.

§ 164.

L'omissiun del artichel ais particulermaing frequainta in connecziun cun preposiziuns, p. ex.:

a) cun substantivs abstracts:

a condiziun	esser a tir
condannèr a mort	gnir ad immaint
der ad imprast	gnir a pled

gnir a segn
 gnir a tir
 invidêr a nozzas
 ir a bal
 ir a chatscha
 ir a predgia (messa)
 pigliêr ad imprast
 trer ad immaint

 aunz bümaun
 aunz predgia

 cun condiziun

 esser d'avis
 esser da bun anim

 agir in nom da qualchün

alvêr in sez
 as metter in viedi
 avoir in immaint
 crudêr in aggravî a qehn.
 entrêr in servezzan
 gnir in agüd (succuors)
 gnir in svanimaint
 ir in fanzögna
 ir in guerra
 ir in svanimaint
 trametter qehn. in Avrigl
 ir our d'immaint

 suot vusch
 zieva bümaun
 zieva predgia
 e. u. i.

§ 165.

b) cun substantivs concrets:

as büttêr a culöz
 as tschantêr a maisa
 gnir a bröch
 gnir ad uraglia
 invidêr a caffè (a giantêr)
 ir a cour
 ir a cuz
 ir a maisa
 ir a pè
 ir ad ova
 ir a scoula
 metter a cour
 metter ad alp

dir in fatscha
 esser mel in chamma
 fer gnir l'ova in buocha
 guardêr in fatscha a qehn.
 in buocha del pövel
 in tschèl
 ir in let (ir i'let)
 metter fö in pigna
 metter in chamutschina
 metter in preschun
 metter qchs. in giloffa
 muntêr in chanzla
 ster in let

metter a tet
muntèr a chavagl
piglièr a cour
ster a chesa
ster a cuz
ster a mantun
turnèr a chesa

aunz collaziun
aunz giantèr
aunz marenda
aunz tschaina

fer cun fain
fer cun rasdiv

esser da chesa
smuntèr da chanzla
smuntèr da chavagl
piglièr giò d'maisa
as spagnèr giò d'buocha

ster davaunt chesa
as metter in schnuoglias
as metter qualchosa in testa
avoir il diavel in chüerp
avoir memma fiers in fō
avoir qualchosa in giloffa
der in maun
der in ögl (der in ögls)

ster in stüva
tgnair la laungia in frain
turnèr (returnèr) in patria

intuorn culöz

büttèr our dad üsch
esser our d'clocha
guardèr our da fnestra
metter our d'peis

büttèr per terra
ir our per ova
ir sū (giò) per s-chela

sün terra
ster sün fnestra
ster sün porta
ster sün üsch
avoir qchs. suot bratsch
metter qchs. suot clev
metter suot tet
piglièr qchs. suot bratsch
tgnair qchs. suot bratsch

ir vers chesa

zieva collaziun
zieva giantèr
zieva marenda
zieva tschaina

e. u. i.

Cun excepziun dellas mnadüras e vachas da chesa vain la muaglia
bovina missa la sted ad alp. III, 101.

Gesu pigliet ils infaunts in bratsch, mettet ils mauns sün els
ed ils benedit. J. B. 117.

Ma la vuolp nun ho pers la sprauza, da podair gnir a bröch ün' otra vouta cun ün pô pü astuzia. III, 109.

Inua sun eau da chesa? Mamma, chera mamma! III, 70.

O cha nus tuots piglians bain a cor tia vusch. *Lit.* 9.

Ils plets da sia buna cumpagna al gettan fich a cour. III, 86.

Allura Farao as tret our d'maun sieu anè ed il det a Giosef; el il fet vestir da saida alva ed al mettet üna collauna d'or intuorn culöz. *J. B.* 20.

Dadour muntstiran ils bouvs e las vachas eir a culöz. III, 101.

Ad eira güst il temp da fer cun fain. III, 143.

La buna nona als traiva imminchataunt ad imaint il bapnos. III, 53.

E dvantet, cur Gesu sezaiva a maisa in chesa, mera, cha bgers publichauns e pchaduors gnittan, e's mettettan a maisa cun Gesu e sieus discipuls. *Menni, Matt.* 9, 10.

Zieva gianter pigliet Anna giò d'maisa e güdet lavér giò. III, 56

Avrit la bibgia ed ün segn tscherchand

Leget il text, chi'l prüm la det in ögl. *Florian Grand, Chal.* 1911.

Il vegl magister staiva las sairas d'utuon auncha qualvoutas a plaz culla nona. III, 60.

Las fantschellas vaun sovenz a бүgl per ova. II, 15.

Lur adversaris nun ils laschaivan mè gnir a pled. *Menni, Saluz.* 11.

Udind la massera il lamentus bragizi del pullam, cuorra ella sün porta e vezza, cu cha l'impertinent leder svoula davent cun üna da sias giallinas. III, 112.

Rico ed Anna giaivan a scoula. III, 53.

Ed il mort alvet in sez e cumanzet a tschantscher; e Gesu il det a sia mamma. *J. B.* 99.

Üna pezza guardet el intuorn se cun ün' öglia interrogativa, allura as mettet el in sez e provet da tschantschêr. *Tönd.* 401.

Co s'insnuittan fich ils Galliers e clamettan ils Romauns in su-cuors. *Pr. Cud.* 169.

Dand ün sbreg da dolor ed anguoscha, get ella in svanimaint. III, 21.

In Engiadin' Ota ho imminch' alp sia stalla u almain sieu cuviert, per metter a tet la muaglia in dis da strasoras. III, 101.

Cha las ovas prodüan abundantamaing limargias, e cha'ls utschels svoulan sur terra e vi alla distaisa del tschel. *J. B.* 2.

Dominè sur scodüna bestia, chi chamina sün terra. *J. B.* 2.

Vo e venda tuot que cha tû hest, e dò que als povers, schi averost ün tesori in tschel. *J. B.* 113.

E che fo la granda part dels chatscheders? Basta cha vegnan a tir d'un chamuotsch, schi poch als importa. ch'el saja buoch u stech, chevra u sterniglia. VII, 152.

Nun dir our que chi per cas at ais gnieu ad uraglia e chi pudess nouscher a quel, chi ho dit. *Pr. Cud.* 291.

Elieser as mettet in viedi cun desch chameils. *J. B.* 10.

Els tschantschaivan suot vusch; tuottüna penetraiva qualchosa dal discuors del princip fin tar me. *Tönd.* 383.

† Siand a Com la saira arivos

L'g lantrichter d'la Part per havair pü pös

La Via incunter chiesa prandèt. *Travers, Mūs,* 422—424.

Tuot la cuolpa nun po ad els gnir daeda,

Siand stös d'las Lias Clamös à Chiesa. *Travers, Mūs,* 249—250.

Ad els salveondüt à buochia füt dō,

Et sün lg di d'Tavo füt que cussgliö. *Travers, Mūs,* 327—328.

Et schi uus daes at impraist ad aquels, che uus hauais sprauza dad arshaiver inauous da dels, che grō hauais uus? *Bifr., Luc.* 6. 34.

Sainza d'mura munt' el à chiavalg. *Travers, Mūs,* 75.

E. B. Per quai chia'l dormir in Baselia es comün, schi es eir da tmair ilg general castiamaint. *Trom.* 104.

§ 166.

L'artichel vain eir fich sovenz omiss in copulaziuns, que vuol dir, cur cha duos chosas similas u contrarias vegnan nomnedas insembel, p. ex.:

bap e figl

bap e mamma

bapsegner e mammaduonna

baselgia e scoula

caput e chapè

chart' e sagè

chüna e vaschè

corp ed orma

d'an in an

dì e not

(esser amihs scu) chaun e

giat

da buocha a buocha

da cho a pè

da di in di

da generaziun a generaziun

damaun e saira

† da s-chalun in s-chalun

† da schlatta in schlatta

da vschinauncha in vschi-

nauncha

peidra sur peidra

pel ed ossa

per mer e per terra

fil ed aguoglia
fö e flamma
frer e sour
glieud e muaglia
hom e chavagl
hom e duonna
ir da padell' in fö
launtsch' e speda
magister e scolar
manch e lamma
mez e möd
munt e val
nair sün alv
naiv e glatsch
† orma e chüerp
pajais e pövel
patrun e famagl

(piglièr) pè e risch
port' e fnestra
prò e god
rich e pover
spiert e corp
sted ed inviern
stüva e chambra
tint' e penna
traunter di e not
tschêl e mer
tschêl e terra
tuorp e vergogna
val e prò
vegl e giuven
vin ed ova
zapp' e badigl
e. u. i.

Obedescha a bap e mamma e nun ils spredschêr in lurvegldüna. *J. B.* 81.

E. B. Il cour d'infant ais uschè attachà a bap e mamma, ch'el nun craja facil alch mal d'els. *V.* 123.

E. B. Quels requints vivan nel pövel e van da bap e mamma a figl e figlia. *Barblan, Parablas*, 4.

A dvantet in seguit, cha Gesu giaiva da citted in citted, da vschinauncha in vschinauncha, predgiand l'Evangeli dal reginam da Dieu, ed ils dudesch cun el. *Menni, Luc.* 8, 1.

Chüna e vaschè. *V.* 291.

Vin, biera e pustüt vinars insembel a tuots liquors contegnan ün tössi, chi rovina, giodieu intemperantamaing, corp ed orma. *VII.* 291.

Taunt las rischs, cu las föglias e la flur dell' arnica contegnan substanzas salutiferas per gliend e muaglia. *V.* 195.

Schi, que ais ün miracul, cha hom e chavalg nun sun restôs sül cuolp. *Pr. Cud.* 110.

Nus mettains il piz della lamma d'ün curtè nella sfessa d'üna maisa dobla in maniera, cha'l manch e la granda part della lamma staun nel ajer. Allora ozains il manch e'l laschairs ir dandettamaing, che dvainta? Manch e lamma as movan fich spert sü e giò, fand üna viera bain ferma. *VII.* 283.

L'equiliber traunter mortalited e natalited as stabilescha da se. *Töndury*, 246.

Innatschand prievel, pensan las furmias in prüma lingia a lur pitschens: tschients e tschients cuorran dalum notiers per ils condür sur munt e val in sgürezza. VII, 274.

Il Meg rumpa la düra cravuosta da naiv e glatscha eir in nossa val e sclasda nouva vita in champagna e god. IV, 57.

Che fains nus? perchè quaiast crastiaun fo bgers signels. Il laschais nus uschè, schi vegnan tuots a crair in el; ed allura vegnan ils Romans, e'ns piglian pajais e pövel. *Menni, Joh.* 11, 48.

A gnaron dis sur te, cha tieus inimihs t'assedieschan e nun lascheron in te peidra sur peidra, perquè cha tū nun hest cognuschieu il temp, nel quèl Dieu as visitet in grazia. *J. B.* 125.

Telegraf e telefon transfereschon ils impissamaints dels umauns in pochass minutas süllas pü grandas distanzas. VII, 320.

Eivnas alla lungia nun vzet il viandaunt oter cu tschèle mer. V, 330.

Ils utschels da chaunt divertan con lur amablas melodias vegl e giuven. V, 208.

Ed els partittan, e gettan da vschinauncha in vschinauncha, predgiand l'Evangeli, e guarind dappertuot. *Menni, Luc.* 9, 6.

† La plaecia dalg pchio da sia natüra amazza oarma & chiorp. *L. P.* 191.

Et t'ün frer uain à dèr alla mort lioter frer, & l'g bap, l'g figl, & s' lèuan sü l's infauns incunter bap & mamma. & l's faun murir. *Bifrun, Marc.* 13, 12.

Et la sia misericorgia es da sclatta in sclatta sur aquels chi'l temman. *Bifrun, Luc.* 1, 50.

E. B. Sco'l sön vain al Crastian plan plan, infinna ch'el 'l surprenda, uschè eir ilg puchià, da scalun in scalun, à pak à pak. *Trom.* 12.

E. B. Scha è d'es jüst, chia tu procurasch per 'l Nudriamaint da teis armaint. chi t'serva pro tias lavurs corporales; schi jüdicchia quant plü jüst sea, da procurar per 'l nudriamaint da quels chi lavuren dy e not per tia orma. *Trom.* 123.

Nun foura que il cour a s'impissèr, cha tuot que cha nus homens della scienza ans avains sfadiôs da construir in tschinquaunta ans, crouda insemhel con ün sulet cuolp: las simpatias da pövel in pövel, las reciprocas bunas relaziuns, il profittabel lavurèr insemhel. *Töndury*, 482.

Il solagl da prümavaira rumpa la düra cravuosta e clama darchò l'amabel verd in pró e god. V, 187.

Ajer frais-ch nun cuosta ünguotta, il creatur da tuottas chosas l'ho spüert in grand' abundanza a rich e pover. a grand e pitschen. VII, 294.

Que nun ais zuond brich indifferent, cu cha nus giordains las spaisas e bavrandas; perchè la digestiun ais per nos spiert e corp d'ün eminenta importanza. VII, 290.

Il pichalain nun banduna il god ne sted ne inviern. V, 215.

Oragescha diligaintamaing stüva e chambra, scha tü voust conservêr tia sandet. — Il sön rinforza corp ed orma. VII, 295.

§ 167.

In proverbis vain l'artichel sovenz laschè davent. p. ex.:

Chaun müt morda stret. Or nun tira macla. Acha-vagl dunò nun as guarda in buocha. Peidra chi rodla nun fo müs-chel. Vacha vöda, bazzida vöda. Necessited nun ho ledscha. Scua nouva scua bain. Prescha nun ho fortüna. Concordia ais ün ferm chastè, discordia ches' in fö. Advocat chi nun vain clamò, clapp' üna schlepp' intuorn il cho. Buocha morta nun tschauntscha pü. Roba per forza nun vel' üna scorza. Alvo dür, paun sgür. Nüvel da Settember nun ho üngün chalender. Muos-cha spargna e tavan maglia. Chavagl da lain nun maglia fain.

§ 168.

Zieva negaziuns crouda l'artichel sovenz davent, p. ex.:

Rico nun avaiva mamma. III, 57.

Il mat nun savet proferir pled. III, 61.

Scha tü nun hest patria, schi volva't a Dieu. III, 85.

§ 169.

Scha duos u püss substantivs del istess gener as refereschan all' istessa persuna u l'istessa chosa ed as seguan immediatamaing, schi vain l'artichel del seguond substantiv omiss, p. ex.:

Il magister ed amih da mieu figl am voul fer sia visita. Que voul dir: Il magister da mieu figl, chi ais nel

istess temp sieu amih, am voul fer sia visita. Cunfrunta la frasa: Il magister e l'amih da mieu figl sun arrivòs.

Il bap ais il nudritur e protectur da sia famiglia. Quaist hom ais ün amih e benefactor dels povers. Dieu ais il creatur e conservatur del muond.

Quel chi ais sto obediain tün sia giuventüna, po quintèr stün la stima dels sabis e buns. *Pr. Cud.* 270.

Remarcha. L'artichel vain eir sovenz miss be cul prüm substantiv, cur cha duos chosas similas, chi as completeschan u fuorman insembel üna suletta idea, vegnan nomnedas.

D'üna revolta da mieus resentimaints cunter la guerra in generel nun eira üngüna questün, be da que soffriv' eau, cha eir mieu amö marid as stovaiva render nel priovel, e ch' eau avess da restèr inavous suletta nella solitudine ed anguoscha *Töndury*, 27.

Perchüra't da tuot que chi pudess eir be avoir l'apparenzia d'üna grobezza et indiscreziun. *Pr. Cud.* 290.

Ma Dieu eira cun Giosef nella preschun, e Giosef guadagnet bainbod l'amur e confidenza del inspectur. *J. B.* 18.

La naschentscha e giuventüna da Gesu. *J. B.* 85.

Que nun ais zuond brich indifferent, cu cha nus giödains las spaisas e bavrandas. VII, 290.

§ 170.

In enumeraziuns vain l'artichel sovenz miss be tal prüm substantiv: tuot ils oters del medem gener nun l'haun. p. ex.:

Chi vuless quinter tuot ils pigns, larschs, dschembers e tevs da quaist god! Las frejas, ampas. gi-glüdras ed uzuas sun früts pitschens, ma gustus.

Nel deschdochevel secul, passa set milli Grischuns guadagnaivan lur paun sül territori da Venezia, fand lö ils pastiziers, usters, chalgers, maisters, vaidrers, fachins, banquiers etc. (*Chal.* 1911.)

E. B. Avant var duamila ans, a l'epoca uschè ditta d'or (chi corresponda in circa al punct culminant da la possanza romana) ils poets-oratur e stories da Roma havaivan dat al latin cun sia fuorma definitiva „classica“ üna stabilitad chi sfida ils seculs. *Lansel*, M. L. IX.

§ 171.

Posiziun del artichel.

L'artichel ho sia piazza adüna avaunt il substantiv. Scha'l substantiv ais accumpagnò d'ün aggettiv, allura po quaist separèr l'artichel dal substantiv, p. ex.:

La vita economica della Svizzra orientela, la radunanza populera, ils amihs defunts. — La povra duonna, ils buns mats, l'odiern Savizzra, l'intera raspeda.

L'aggettiv tuot nun separa mè l'artichel dal substantiv, ad onta ch'el vain adüna piazzò avaunt quel; l'artichel vain dimena miss traunter tuot e'l substantiv, p. ex.:

Tuot il regimaint, tuot la chesa, tuot ils cudeschs, tuot las chevras, tuot la laina.

Da tuot las bestias domesticas as distingua il chavalg tres sia bellezza e forza. IV, 72.

Che güdess que al crastiaun, sch'el guadagness tuot il muond e fess perdita da si' orma? J. B. 123.

Urè tiers Dieu eir a chesa vossa per vus, per ils voss e per tuots ils crastiauns. Lit. 64.

† E tuotta la quantited del pövel eira our dadour, urand, nell'ura del profüm. Menni, Luc. 1, 10.

× **Remarcha.** L'istessa posiziun seu tar tuot avaiva pü bod l'artichel eir tar mez. P. ex. intaunt ch'ün disch uossa üna mezz'ura, dschaiva ün pü bod: mezza üna ura.

† Et cura chel aurit sül l'g setteuel sagilg, schi ès e duanto ün tashair quaid in schil bunamaing meza üna hura. Bifrun, Apoc. 8, 1.

Et cur l'agnè avrit il settevel sagè, as fet ün silenzio in tschel per circa üna mezz'ura. Menni, Apoc. 8, 1.

§ 172.

Repetiziun del artichel.

L'artichel determinò vain miss duos voutas cur' ün superlativ segua al substantiv, p. ex.: ils vstieus ils pü custaivels, ils pajais ils pü lontauus, las amias las pü fidelas.

Il remeidi il pü efficace. VII, 285.

La granda part dellas persunas sun persvasas, cha las discussiuns politicas sajan la conversaziun la pü adatteda e la pü degna per homens serius. *Töndury* 214.

Remarcha. Impè del prüm artichel chattains sovenz ün aggettiv possessiv.

Paulo pigliet cun se ün compagn cun nom Timoteo, al quèl ils frers daivan buna testimoniaunza e chi füt eir ün da sieus scolars ils pü fidels. *J. B.* 152.

§ 173.

Exaimpels divers.

A) La prüma streda d'fier del muond intèr füt avierta l'an 1825 in Ingilterra traunter Stockton e Darlington e get cun üna sveltezza da 10 miglias inglaisas (circa 16 km) l'ura. Ün reglamaint dels 1. Avrìgl 1902 per las principelas stredas d'fier della Germania fixa la sveltezza maximela dels trenos scu segua: Trenos da persunas cun frains simpels: 60 kilometers l'ura; medems cun frains comunicativs: 80 kilometers l'ura; medems, cur cha'l radio dellas stüertas ais almain 900 meters e cha la pendenza importa al pü 5‰: 100 kilometers l'ura; trenos da merchanzia ordinaris: 45 kilometers l'ura; medems cun na pü cu 60 aschigls: 60 kilometers l'ura; singulas locomotivas: 50 kilometers l'ura.

Bgers vittürins nun haun cumpaschiun culs chavals. La fertilited della terra variescha grandamaing in tuots pajais.

B) Ils genituors sun ils nudrituors, educatuors, protectuors ed amihs da lur infaunts. Il pur ho mno tuot il fain. Nus dschains l'utuon la stagiun richa: perche da quaist temp vain raccolt la granda part dels früts. La saetta crouda il pü chöntsch sün oggets ots. Adam ed Eva avaivan duos figls, Cain ed Abel. Noè fabrichet ün'archa, que voul dir üna granda chesa, chi podaiva nudèr sün l'ova. L'archa avaiva trais plauns ed in minchün bgeras staunzas. La porta eira d'üna vart, e süsom vers il tschèl avai' ella üna fnestra. — Dè al imperatur, que chi ais del imperatur, ed a Dieu, que chi ais da Dieu. (*Menni, Luc.* 20, 25.) Robinson instruiva

Venderdi mincha vouta cha l'occasiun as preschentaiva, davart la sapienza, omnipossaunza ed amur del bap celestiel.

§ 174.

Lectüras.

A.

Cur cha que as tratta dad ir ad üna festa d'infaunts, sun quaists fingiò ün temp ouravaunt in granda agitaziun ed aspettativa. Els as mettan in testa, cha tuot la chesa als stöglija esser a disposiziun per preparêr lur vstieus ils pü bels, lur s-charpas las pü finas, ün chapè nouv etc.. insomma tuot il necessari per ils infittèr da cho a pè pel dì da festa.

E pü inavaunt ch'ün vo vers quel, pü grand dvainta il fatschögn. Damaun e saira lur prüm ed ultim impissamaint ais la granda festa. Ma cur cha que ho nom, cha be aunch' üna not ils separa dal dì bramô, allura sun els mez our d'clocha dal dalet, smaunchan fam e said e la saira nun paun löneh elugir ögl dall' agitaziun. Cur chi spunta l'alva del grand dì, ils chatt' ella fingiò sdasdôs e nun ais möd da'ls fer ster in let fin all' ura solita. Que ais ün ir e gnir, ün as cussglièr ed as spievlêr, chi nun piglia fin. Finelmaing as mettan in viedi, smanchand perfin da piglièr cumgiò da bap e mamma. Per viedi chauntan e güvlan els da gust, cha munts e vals strasunan, e cul cour plain d'algrezcha ed aspettativa arrivan els al lö festel.

B.

Il pü grand stedi da nossa part del muond ais la Russia. Sieu territori, abitô da 106 milliuns d'ormas, imsüra 5½ milliuns km quadrats ed occupescha tuot la part orientela dell' Europa. Siand la surfatscha da quaist pajais uschè extaisa, ais eir sieu clima variô, però nun sun bruses confins traunter chod e fraid. El ais fìch crüj nella bassa planüra arctica in

massima part inculta e deserta e durante 8—9 mais l'an cuverta da naiv e glatscha. S'allontanand dal mer glacièl arriv' ün plaun a plaun a pros e gods ed eir champs da graun e chanv sun avaunt maun. Pür dal 60^{avel} fin al 48^{avel} grò da latitudine s'estenda vers mezdi la terra fertila, siand accò il clima pü temprò. Nella part settentriunela da quaista as rechattan gods immens. il prüm bos-cha da fruonzla e vduogn, allura bos-cha da föglia e nella part meridiunela extais champs da granezza. La zona della bassa planüra meridiunela ais vers occidaint cò e lò bain cultivateda, ma la granda part ais tuottüna terrain incult e serva da pas-chüra. Vers oriaint nun preschaint 'la oter cu ün desert da palüds, salinas e baunchs da sablun. Quaista zona ho 4—5 mais l'an inviern. da sted granda chalur e pocha plöygia. Grands e lungs flüms as dirameschan da tuottas varts del imperi; els sun la pü part navigiabels e favureschan in möd considerabel il commerzi intern. ma haun il disavantag d'esser tgnieus in fermaunza dalla glatscha per divers mais. *Clio.*

§ 175.

Artichel cumpost.

L'artichel determinò fuorma sovenz cun üna preposiziun ün sulet pled. p. ex.:

in il == nel (i'l)
da la == dalla
per ils == pels
cun las == cullas.

Tuot las composiziuns fattas cullas preposiziuns *de* (mera chap. VII), *a* e *da* sun indichedas nel § 129; las otras preposiziuns chi paun esser contractedas cul artichel determinò. sun tar, per, cun, in e sün, da maniera ch'avains las fuormas contractas seguaintas:

tal,	talla,	tals,	tallas
pel,	pella,	pels,	pellas

cul, culla, culs, cullas
nel, nella, nels, nellas
sül, sülla, süls, süllas.

Tuot què, ch'ais nel muond, il giavüschamaint della charn, e'l giavüschamaint dels ögls e la superbia della vita, nun vain dal Bap, mo dal muond. *Menni, 1. Joh. 2, 16.*

Izan eir vus nella vigna, ed eau as vögl der que chi ais güst. *J. B. 119.*

Già aint pella sted sun las muntanellas fatschendedas a fer lur preparativs per il lung inviern. *III, 113.*

Culla digestiun as transmüda la farina della granezza in zücher. *VII, 288.*

La nettaschia vo culla temma da Dieu. *Proverbi.*

Il chatscheder spetta uras cullas uras. *III, 113.*

Süllas pü otas spuondas e giandas dellas alps ho la muntanella si' abitaziun. *III, 112.*

Otras contracziuns vegnan generelmaing apostrofedas, p. ex.:

in il = i'l (mel i'l cho), cfr. § 85 b

in las = i'las (mel i'las lisüras)

pro il = pro'l (EB.)

pro ils = pro'ls (EB.)

Remarcha 1. Las fuormas contractas nel, nella, nels, nellas, sovenz drovedas in scrit, vegnan evitedas nel linguach d'imminchadì. Ün las rimplazza tres aint in cun u sainz' artichel, p. ex. aint i'l cho, aint i'la stalla, aint i'ls pros, aint i'las farlendas; — aint in murütsch, aint in stüva etc.

† Per che è s'uaia uisibelmäg, che aint ilg lur fafler da nos pled, chels impastrüglian aint à Latin u Tudaisthck. *Bifrun, N. T., pref.*

Albura l's sudôs dalg guernadur prandetten Jesum aint ilg palaz de la raschun. *Bifrun, Matt. 27, 27.*

Remarcha 2. Ils exaimpels seguaints exemplificheschan qualche contracziuns, cha nus chattains nella veglia literatura (cfr. eir § 130—131):

Vagliò dimè per che che uus nu sauais cura che l'g signer de la chiesa uain à gnir, illa saira, ù à meza not, u ilg chianter dalg gial, ù illa damaun. *Bifrun, Marc. 13, 35.*

Et in la festa sulaiua l'g guuernadur laschèr ir ün prashuniyr agli poeuel, quael che uulaiuen. *Bifrun, Matt. 27, 15.*

Protesi, epentesi, epitesi.

§ 176.

Per la pronunzia nun exista üngüna differenza traunter üna vaina ed ün' avaina, la vaina e l'avaina etc. da maniera cha bgers substantivs feminins chi cumainzan cun ün consonant as scrivan sovenz cun ün a inziel. Il dizionari Pallioppi manzuna uschea traunter otras las seguintas fuormas doblas:

l'arabgia	la rabgia
l'avaina (Ader)	la vaina
l'arisch	la risch
l'aroba	la roba
las arains	las rains

La veglia literatura ladina and cognuoscha però ün grand numer da pü, mo Z. Pallioppi cumbatta in sia „*Ortografia ed Ortoëpia*“ (Coira, 1857, § 119) „què a superfluo. chi comainza fich sovenz ün pled in cudeschs“ e nun l'ho dimena per il pü admiss in sieu dizionari. L'origine da quel a nun ais del rest adüna l'a del artichel feminin, ma po avoir differentas causas.

Üna tèla prolungaziun d'ün pled as nomna protesi, sch'ella ho lö tres l'aggiunta d'ün custab (u da püss custabs) nel cumanzamaint d'ün pled, epentesi, sch'ella ho lö immez ün pled, ed epitesi alla fin.

† Ma aquel chi ho udieu, ed nun ho fat aquel es inguael ad üni hum, quael chi ho fabrichio sia chiesa sü la terra, sainza fundamaint. in aquaela ho astumplo l'g flüm et adüntrat es ella tummèda giu. et la ruina da quella chiesa es fatta granda. *Bifrun, Luc. 6, 49.*

Vhè aquaist es mis in aruina & in aresüstaunza da bgiers in Israel. *Bifrun, Luc. 2, 34.*

Ad aquel chi prain à ti l'g mantilg, nu daiast hustèr er la rassa. *Bifrun, Luc. 6, 29.*

Schi füs ünqualchiün chi t'uules mnêr à dret, par t'prendre tia arassa, lascha agli er l'g mâtîlg. *Bifrun, Matt. 5, 40.*

Vus nu podais seruir à dieu & à la ricchezza. *Bifrun, Matt. 6, 24.*

Scha l'g arick tschaunscha, tuots taschen, & adozen seis plaeds infinna à las nüfflas. *L. P. 126.*

Nun t'fidaer sün tias arichezzas. *L. P. 58.*

Ûn schert hû ho hagienu duos filgs, & l'g giuüê da quels dis agli bab: Bab do à mi la part de la roba, quaela chim uain. Et els partit ad els la roba. Et dsieua brichia bgiers dijs, hauaiäd l'g filg plü giuuen tuot trat insembel, schies el tirouia dauêd in ün paais daloensth, & allò uiuäd el, sthlaschedamâg ho dsthfat sia aroba. *Bifrun, Luc. 15, 12—13.*

Vngüna aroba nun ais inguæla ad ün fideil amich. *L. P. 67.*

Auncha es l'ariginam celestiel inguel ad ün'arait bitteda ilg mêr. *Bifrun, Matt. 13, 47.*

A quels chi sun chiarnels, haun arinchiüra da quellas chioses chi sun da la chiarn, mu a quels chi sun spirituels, haun arinchiüra da quellas chioses chi sun dalg spiert. *Bifrun, Rom. 8, 5.*

A Sabiss da aquaist araginam. *Travers, Jos. 315.*

..... schient homens

Chi subit per di e not

Tressan sün ls posts ordinos

Et dal araig gnissen paos. *Wietzel, Guerra da Vutlina, 50—52.*

Aremischium dals pchios, aresüstaunza de la chiarn. *T. 3.*

Aradschun. *T. 15.* Arüfflênscha. *L. P. 62.*

Arimur. *Bifrun, Marc. 14, 2.* Araschun. *Bifrun, Matt. 25, 19.*

Arisposta. *Bifrun, 1. Cor. 9, 3.* Arisch. *L. P. 29.*

O gratius Dieu e bab, nus t'ruains da fuons dal cor, chia nus suot la chiüra da tieu pusaunt maun possens giudair la abbramêda paesch. *Form. 9.*

Remarcha 1. Il substantiv avaina (Ader) spordscha ün exaimpel da division verbela; perchê dasper quaista fuorma populera, prolungeda tres l'a del artichel feminin, avains eir fuorma „docta“ vena, culla significaziun Vene (cfr. §§ 51 e 52).

Las avainas, chi turnaintan il saung nel cour, sun las venas. Lur saung ais cotschen-schür e rich dad acid carbonic. VII, 298.

Remarcha 2. Pü reramaing cu l'artichel feminin ho l'artichel determinó masculin do andit ad üna protesi, augmentand ün nom dal custab l.

† Et l'g setteuel aungel ho spauns tia tazza ilg la er (= ajer), & es ieu oura üna granda uusth da schil dalg thrun, dschant: Elg es fat. *Bifrun, Apoc. 16, 17.*

§ 177.

Ils custabs chi vegnan il pü sovenz inserieus immez ün pled (epentesi) sun *b* e *d*, p. ex.:

combel	impè da comel	derivò da cumulum
trembler	" " tremler	" " tremulare
innumbrer	" " innumrer	" " enumerare
insembel	" " insemel	" " insimul
chambra	" " chamra	" " cameram
dschender	" " dschener	" " generum
meglder	" " megler	" " meliorem
ondrò	" " onrò	" " honoratum
tender	" " tener	" " tenerum
tshendra	" " tschenra	" " cinerem
render	" " redder	" " reddere
inviglia	" " invigia	" " invidiam
selev	" " slev	" " (slavum)
selavitüd	" " slavitüd	" " (slavitutem)

Que dimena cha Dieu ho miss insemmel. nun dess il crastiaun separêr. *Menni, Marc.* 10, 9.

Nus chattaivans la pü granda satisfacziun nel esser insembel. *Töndury, 205.*

Cun tindr' amur

Am' il filg sieu genitur. *Pr. Cud.* 21.

E perchè quaista tenera amur, quaist' affecziun indicibla? VII, 97.

In decasteris, tribunels

Ipocrisia chattains

Despot e selev, signur e chüz,

Fintaunt cha nus vivains. *Z. Pallioppi, Poesias,* 13.

Eir Schlarigna as complaschaiva da's mussêr al muond vstida dalla pumpa da sieu titel: „üna hundreda vschinauncha da Tschlarina“. *R. Gianzun (Ann.* 8, 216.)

Ais tieu ögl inviglius, perchè ch'èau sun bun? *J. B.* 120.

D'avair Conrad seu mieu gender desideraiv' èau già da löng. *Tönd.* 248.

Dieu condannet las citteds da Sodoma e Gomorra alla ruina, las redüand in tshendra. *Menni, 2. Petr.,* 2, 6.

Pü combla mia chascha,

Pü lung il plaschair. *Z. Pallioppi, Poesias, 14.*

Ma tü, cur tü urast, aintra in tia chambretta, e serra tieu üsch, e fò uraziun a tieu Bap, chi ais nel zoppò: e tieu Bap chi vezza nel zoppò, vain a't render publicamaing. *Menni, Matt. 6, 6.*

Chi so innumbrer tuot las stailas? II, 2.

† Megler ais ün laedar co ün chi continuescha in la mazoegna, mu l'g ün & l'g oter vain à s'cungüstar la ruina. *L. P. 181.*

Hunestamaint puartaed cun cuntanteza

Ais myldra co granda aricheza. *Travers, Filg, 5.*

Remarcha. Exaimpels dad epentesi spordscha eir ün tschert numer da plurals chi glivran in -els, inua l'l nun appertegna al tschep, scu cafels, canapels, trapels. Cunfrunta lo-supra §§ 89 e 90.

§ 178.

L'**epitesi** ais ün fenomen relativmaing rer nella lingua ladina, siand cha la tendenza generela del svilup da tuottas linguas neo-latinas ais püttost sto da laschèr crudèr d'avent ils ultims custabs del pled (cfr. § 181).

Ün cumön exaimpel d'epitesi spordscha però la desinenza -t della seguonda persuna del singular nella conjugaziun del verb (cfr. chap. V.).

Vò e venda tuot que cha tü hest, e dò que als povers, schi averost ün tesori in tschèl. *J. B. 113.*

Aferesi, sincopa, apocopa.

§ 179.

A.

Ils fenomens contraris, que voul dir il sparir d'ün custab, as nomnan aferesi, scha'l custab sparescha al principi d'ün pled, sincopa, sch'el sparescha immez ün pled ed apocopa, scha'l custab crouda d'avent l'ultim del pled.

Ün interessant exaimpel d'**aferesi** casiuneda tres l'artichel ais il substantiv feminin buttia, chi nun ais oter cu apoteca; la veglia fuorma da buttia eira l'abbuttia, ma

siand cha la buttia e l'abuttia, üna buttia ed ün' abuttia tunan l'istess, schi ais l'a inizieli ieu pers (cfr. § 176.)

Exaimpels similis sun:

la murdieu (l'amur Dieu)

la murdida

la marusa (l'amarusa)

seco eir las formaziuns analogas:

il murdieu

il marus

Bgers plets perdan al cumanzamaint üna silba intera, seu vierchel (impè da cuvierchel), sted (derivò dad aestàtem), s-chür (derivò dad obscurum) stüj (impè da fastüj) etc.

Eir la pronunzia in tshertas vschinaunchas per bgeras fuormas da vulair ed avoir füss cò da manzuner, seu nus lains (vulains), nus vaivans (avaivans) etc.

Oters exaimpel d'aferesi spordschan las particulas stra, dis ed ex in bgeras composiziuns: mera losupra § 67, Nr. 10—12 e § 222.

La granda part del fain, cha nus mnains aint in noss talvòs, provain dallas ervas da fastüj. Allas ervas da fastüj appartain eir la granezza. VII, 231.

Daresa pür allur tieus stüjs da spraunza. *Z. Pallioppi, Poesias*, 53.

La ledscha pretenda meglinaunt, cha las femnas gajan a chesa e stettan cul buonder, impè da pudair admirèr la sapientscha da baps, frers, marids e marus. *Ann.* 8, 291.

Il vierchel della gula impedescha, cha la spaisa aintra nella giargatta VII, 294.

Fingio am crajaiv' eau üna murdida, ed uossa eira eau üna milionaria da giojas. *Töndury*, 205.

† Nus aruain tuots par la mur da dieu.

Tu ens woelgiast parduner frer mieu. *Travers, Jos.* 746—747.

La Marusa. *Travers, Filg.* 845.

B.

Ün frequent exaimpel d'aferesi ais il sparir del custab h in ün grandissem numer da plets, seu:

abil (abilited etc. derivô da	habilem etc.
abit	„ „ habitum
armonia	„ „ harmoniam
avair	„ „ habere
avaina (Hafer)	„ „ habenam (cfr. § 176, rem. 2)
edera	„ „ hederam
Elvezia	„ „ Helvetiam
eredi	„ „ heredem
eroe	„ „ heroem
esiter	„ „ haesitare
eivna	„ „ hebdomadem
erva	„ „ herbam
ibrid (§ 80)	„ „ hybridem
inviern	„ „ hibernum
ippopotam	„ „ hippopotamum
ipoteca	„ „ hypothecam
istorgia	„ „ historiam
onest	„ „ honestum
onur	„ „ honorem
orologi	„ „ horologium
orrend	„ „ horrendum
orribel	„ „ horribilem
ospidel	„ „ hospitem
üert	„ „ hortum
umaun	„ „ humanum
ümil	„ „ humilem
ura	„ „ horam
e. u. i.	

Be in pochs plets indigens ais il h restô, sainza gnir però pronunziô scu her, hom, hoz; he, hest, ho, haun, hegia, hegiast etc.

Il h vain pronunziô be in alchüns plets esters, scu handlagêr, heller, hectoliter, husar, hui.

† Innua l'g prüm authur haegia fatt l'g cudesch, nun s'legia arsaluo chia s'po crair siand el da Hierusalem ch'el saja fatt allò. *L. P. 7.*

Et a Hierusalem es ün lauadoyr tiers la piazza de la muaglia, quael chi uain anumno in Hebreesth Bethesda. *Bifrun, Joh. 5. 2.*

L'hum craiet alg pled, quael chi hauaiua dit agli Jesus. *Bifrun, Joh. 4. 50.*

Mu el dumando ad aquels l'hura, in aquaela el füs stò ingiuro. Et dissen agli: Hyr a las set huras l'g abandonò la feuura. *Bifr., Joh. 4. 52.*

Eau nun hae l'g dimuni, dimperse eau hunur mes bap. *Bifrun, Joh. 8. 49.*

Et in aquella guisa es di me gio zuond l'g amanchamaint in uus, che hauais drachiüras traunter pèr. *Bifrun, 1. Cor. 6. 7.*

L'g matrimuni es traunter tuots hunuraiuel. *Bifrun, Heb. 13. 4.*

Cura che tū daes almuosna, schi nu uigna suno cun tūbas auuant tè, sco faun l's hypocrits illas lur synagogas, et per las uias, par ch'els uignen ludôs della gliend. *Bifrun, Matt. 6. 2.*

. . . l'herua . . . es hoz oura sù la cutura & damaun uain missa in fuorn. *Bifrun, Luc. 12. 28.*

Ûn hortulã zercla oura la claffa, & lascha las herbas bunnas restar. *Abyss, 2. 31.*

Hosanna ils hutischês. *Bifrun, Marc. 11. 10.*

Da quaist honur, in tota flur

Im pilgia la coruna

La sblaicha mort, cun grand horrur,

Ah! guarda che fortuna! *Abyss, 2. 150.*

Ilg Hustyr (= ustér). *Travers, Filg.*

Chia dieu cunserua uoassa hunur. *Travers, Filg, 1088.*

§ 180.

La **sincopa** (sparir d'ün u da püss custabs immez ün pled) ais ün fenomen fich frequent in nossa lingua. Ils exaimpels seguaints basteron per mussèr sieu operèr:

dbit	derivò da debitum
dvanter diventare
evdèr habitare
fer facere
hest habes
inclèr intellegere
ler legere
noschlet nocirritatem

orfna	derivò da	orphanam
pcho	„ „	peccatum
quint	„ „	computatum
sandet	„ „	sanitatem
spiert	„ „	spiritum
sgür (Beil)	„ „	securim
sgür (sicher)	„ „	securum
vschin	„ „	vicinum
vstien	„ „	vestitum
vdè	„ „	vitellum
e. u. i.		

§ 181.

La granda part da tuot il vocabulari ladin exemplifichescha il fenomen nomnò **apocopa**, que voul dir il sparir d'ün u da püss custabs alla fin d'ün pled. Uschè ils exaimpels dels paragrafs 179 B e 180 contegnan tuots l'apocopa; in avaina, armonia, edera, orfna, eredi, istorgia as limitesch' la alla dispariziun d'ün m, chi del rest nun gniva pronunziò nel latin vulgar. Ils oters plets haun tuots pers üna silba intera, da maniera cha'ls dissillabics sun dvantôs monosillabics, ils trissillabics disillabics e. u. i.

× § 182.

Origine del artichel.

L'artichel determinò ais derivò dal aggettiv (e pronom) demonstrativ latin illum, illam, illud (sing.) illos, illas, illa (plur.). Il ais dimena furmò dad illum tres apocopa (§ 181), la (las) dad illam, illa, illas, tres aferesi (§ 178—179), ils dad illos tres sincopa. Illum etc. avaiva nella lingua latina üna completta declinaziun (scu ils aggettivs, mera § 261) cun differentas desinenzas na be pels numers e cas, mo eir pels trais gener.

L'artichel indeterminò ün, üna nun ais oter cu'l numerel.

§ 182 bis.

Lectūras.

A. Il pirat.

Alexander il Grand eira gūsta per proferir la sentenzcha da mort sur ün pirat disfamò, ma el al dumandet auncha: „Perchè rendast ils mers melsgürs?“ — „Perchè“, replichet il pirat arditamaing, „rendast tū melsgür l'inter muond? Eau vegn cun ün' unica barcha a tscherchèr aventūras solitarias, ed ün am nomna perque pirat; tū fest guerra cun üna grand' armada cunter interas naziuns e vainst nomnò dominatur. A nun ais üngüna differenzcha traunter nus, oter cu nel nom e nel mez da cagionèr disaster“. Alexander, tuot oter cu da's sentir indegnò dalla risposta del melfattur, il licenziet sainza chastih.

B. La lezcha vicendevola.

Il decan Swift, ün renomnò scrittur inglais, nun eira fìch generus. El daiva da rer ün bunamaun als servituors da quels, chi'l tramettaivan regals; ma el survgnit üna vouta üna buna lezcha tres ün giuven servitur, chi al portaiva fìch sovenz leivras, pernischs ed otra sulvaschina.

Üna damaun gnit quaist giuven cun üna bain greiva chavagna plaina d'övs, frütta e sulvaschina. El pichet sün üsch, chi füt aviert dal decan svest. „Cò“, dschet il giuven brüscamaing, „mieu patrun Al trametta üna chavagna plaina d'roba“. Swift, tuot indegnò dalla groba maniera del servitur, al dschet: „Ve no, mieu mat, eau at vögl mussèr, scu cha tū dessast drizzèr our tias commischiums ün po pü amiaivelmaing. Fo tū üna vouta il decan ed eau vögl esser il servitur“. Allora alvet el cun granda politezza sieu chapè, ed as volvand vers il giuven, al dschet el: „Mieu patrun Al trametta cò ün pitschen regal e sperescha, ch'El al fatscha l'onur da

l'acceptêr". — „Ah, que vo bain, mieu mat", replichet il servitur, „di a tieu sar patrun, ch'èau al saja flich obliò, e cò sun duos schillings per te".

C. Pyrrhus e Cineas (l'an 283 aunz Cristo).

Vzand Cineas la resoluziun del raig Pyrrhus d'ir in Italia, al dschet el ün di: „Tü hest in sen da drizzèr las armas cunter ils Romauns; scha nus reuschins a'ls vainscher, che avantag ans spordscherò quaista victoria?" — Üna vouta vints ils Romauns, replichet Pyrrhus, sarò l'intèr Italia nossa". — „E cur cha nus and sarons patruns, che faregians?" „La Sicilia ans taundscha il maun". — „E la Sicilia suottamissa, sarò ella la fin da nossas champagnas?" — „Tschertamaing na. Cartago, l'Africa, la Macedonia, l'intèra Grecia dvanteron nossas conquistass". — „E cur nus averons tuot conquistò, che farons allura?" — Nus viverons in pos, nus passerons ils dis cun grands convivis, cun agreablas conversaziuns, cun festiviteds, e nun s'impisserons ad ünguott' oter cu da'ns divertir". — „Ebbain, Signur!" dschet allura Cineas, „che ans impedescha da viver d'hoz davent in pos, da'ns procurèr grands convivis, da celebrèr festas e da'ns der bel divertimaint! Perchè ir uschè dalöntsch a tscherchèr üna fortuna, cha nus avains in maun, e pajèr uschè cher, que cha nus podains avoir sainza paina?" — Quaistas radschuns nun fütan in cas da corrigèr a Pyrrhus.

TERZ CHAPITEL: L'AGGETTIV.

§ 183.

L'aggettiv (adjectiv) ais ün pled ch'ün drova generelmaing insembel cun ün substantiv e chi serva u per indichèr üna qualited da medem u simplamaing per il distinguer e disferenzchèr dad oters. Nel prüm cas avains l'aggettiv qualificativ, scu: prò verd, pom dutsch, bella saira, lingia dretta, brav hom, buna mamma: nel seguond l'aggettiv determinativ, scu: quist cudesch, nos pajais, l'oter di, la prüma classa, mieu frer.

Remarcha 1. Impè d'accompagner il substantiv, l'aggettiv po eir gnir druvo in connexiun culs verbs esser, gnir, ir, dvanter e parair e qualchevontas cun oters verbs, pustüt cun nascher e morir, scu eir culs passivs gnir fat, gnir nomnò, gnir chattò etc. Quaist adöver as nomna predicativ, quel, inua l'aggettiv accompagna il substantiv, as nomna percenter attributiv.

Amegldrè's, perche il reginam del tshèl ais ardaunt. *Menni*, *Matt.* 3, 2.

Unguotta non ais secret, chi nun vegna contschaint ed alla glusch. *Menni*, *Luc.* VIII 17.

Dieu dschet: „Cha la terra dvainta sùtta e prodüa plauntas, chi portan sco'lüna sieu sem“, e que dvanter. *J. B.* 1.

Eau stögl cumanzör da bel principi ad imprendder, abbain cha mieu chavels cumainzan a gnir alvs. *Töndury* 454.

Ils tshievi's pü vegls vaun gugent sulets. *IV* 75. •

Ils povers disfortünòs, chi naschan orvs u perdan la vzüda in lur tenera giuventüna, imprendan in instituts dad orvs a ler e scriver cun una scrittüra alveda e palpabla. *VII* 281.

L'apostel Paulo füt chattò innozzaint dal guvernatur romaun.

Ils früts dellas palmas vegnan mangiòs frais-ehs e sechs. *III* 98.

Remarcha 2. Ils aggettivs qualificativs haun üna graduaziun, ils aggettivs determinativs na (cfr. §§ 223—232).

La piazza del aggettiv.

§ 184.

La piazza del aggettiv determinativ (a) ais quasi adüna davaunt il substantiv (confrunta però § 252, rem.), quella del aggettiv qualificativ (b) ais bod davaunt, bod zieva il substantiv (mera remarcha 2).

a) L'intêra contredgia del Lej dellas Quatter Forestas as preschainta sül Rigi a nos ögl. IV 43.

La prûma patria dels Etruscs eira la bella Tuscia. V 9.

E. B. Nella seguonda mittà del 18^{avel} secul as fet valair eir nel Grischun il spiert da progress in differentas direcziuns. VII 78.

Qualunque minerel ho sieu pais particulêr. VII 304.

Dal solagl sortan bgers razs. III 90.

Sül Libanon eiran gods intêrs da cedere; quaist bös-ch sumaglia a nos larsch. III 98.

In Engiadin' Ota ho imminch' alp sia stalla u almain sieu cuviert, per metter a tet la muaglia in dis da strasoras. III 101.

Il crastiaun nun viva be da paun, ma d'ogni pled, chi proceda dalla buocha da Dieu. *Menni, Matt.* IV 4.

b) Omnipotaint Dieu, Bap celestiel. *Lit.* 21.

Il cravunêr e sia duonna s'avvicinettan rispettusamaing alla signura estra, perchè giò da sia nòbla statura, da sia dignited e da sieu vstieu alv lung, as podaiva güdichêr, ch'ella stuaiva esser d'ota condiziun. *Pallioppi, Örs* 5.

Üna vouta gnit ün giuven rich, s'inschnugliet avaunt Gesu e dschet: „Bun musseder, che stögl eau fer, per ertêr la vita eterna?“ *J. B.* 113.

Alveterna, tû nòbla, tû fina,

Tû juvêl della flora alpina,

O cu batta mieu cour da dalet,

Admirand tieu amabel aspet! VII 219.

S'avvicinand la stagion bella, vents lams alguaintan naiv e glatscha. V 208.

Remarcha 1. Ils aggettivs chi indichan üna color o üna fuorma vegnan quasi adüna, e quels chi indichan üna naziunalited, adüna miss zieva il nom.

Las fluors masculinas arduondas e melnaintas del larsch staun separedas dallas fluors femininas, chi haun üna fich bella color cotschna

da purpura. Las pitschnas puschas ovelas staun dret sü u dalla vart della ramma. V 209.

Il solagl ais ün aster arduond. III 90.

Il munt Sinai ais situô sün üna penisla triangulêra del Mer Cotschen. III 99.

La gianzauna puncteda vain nomneda uschè causa sias fluors, chi sun sgialvas e tuot cuvertas da punctins cotschens s-chürs. V 191.

La capsula trilaterêla della risch malam contain ils semins brüns cotschnaints. V 200.

Ils cristals del quarz fuorman tuots coluonnas exagonelas ed iminchüna porta süsom üna bella piramida, chi ho eguelmaing ses fatschas laterelas VII 304.

Metta sü tieu chapè nair. El scriva cun tinta cotschna. Voust vin cotschen u alv? La flur melna ho eir ün manch verd. La giallina sgiaglieda e la vacha tschecca.

La lingua francesa ais eir üna lingua romana. — Vienna ais üna citted austriaca. — La lira sterlina ais üna munaida inglaisa. — Que ais üna chanzun spagnöla. — El imprenda istoria greca e romauna. — L'imperatur russ vain nomnò zaar. — Ils prodots americans vegnan eir sül marchô tudais-ch. — La Toscana ais üna provinza italiauna (talianauna).

Remarcha 2. Sovenz ün aggettiv qualificativ indicha üna qualited già contgnida nell' idea del substantiv, p. ex. l'alva naiv, la s-chüra not, la verda val, l'hom mortel, il cravun nair. Tel adöver as nomna retoric, decorativ u explicativ. Aggettivs decorativs vegnan il pü sovenz plazzôs davaunt il substantiv, postüt in lingua poetica, aggettivs distinctivs quasi adüna zieva.

Las chesettas dels cravunêrs eiran nel bass della verda val, scu lo semnedas, saimper be duos o trais insembel. *Pallioppi, Övs 7.*

Non il smanchêr! In tschèl e terr' el regna,

Solagl e stailas con sieu maun el tegna,

Sa glüsch a te in s-chüra not fo cler.

Non il smanchêr.

G. Tramèr.

(Adöver decorativ).

Armaints giuvens drovan in proporziun da pü pevel cu armaints vegls, creschieus our. VII 252.

L'oxigen transmüda il saung s-chür in saung cler. VII 292.

A do ova düra ed ova lamma. VII 329.

(Adöver distinctiv).

Cunfrunta § 186.

§ 185.

Lectüras.

A.

Guarda lo il chöd superbi! Las pennas tortas della cua glüschan e sia bella crasta cotschna charnida port' el cun taunta dignited cu il raig sia coruna. Uossa ho el chattò ün bun baccun e lascha strasunèr sieu kikeriki. Las giallinas cognuoschan quaist clam e festinan notiers. La saira condüa el sieu tröp in sgüra stalla, inua la vuolp astuta, maligna e'l guis sanguinolent nun faun temma. Mo la damaun a bun' ura il leger pövelet banduna sieu maschun e sül prüvò „Pia. pia!“ della pisserusa massèra tuot accuorra per pielèr il bel graun, las föglias frais-chas e'l bun pastrügl, cha quaista ho preparò. La recompensa sün allura ils övs frais-chs, gustus e la charn sostanziusa e nudritiva, spaisa bainvisa postüt dal pover ammalò reconvalescent.

B. Errur d'ün contadin.

Ün di portet ün contadin üna chavagna plaina d'paira nel chastè d'ün grand signur. Entrand vzet el sülla s-chela duos schimngias, chi eiran vstidas scu'ls infaunts. Lur vestimainta eira fieh bella e guarnida cun bordüras d'or; ellas s'avaivan eir tschintedas üna pitschna speda dalla vart e portaivan ün chapè sün cho. Quaistas plaschaivlas bes-chettas saglittan dalum adöss alla chavagna del contadin, chi alvet cun tuot respet sieu chapè e las laschet piglièr üna buna part da sieus pairs. Vzand il signur la chavagna mez vöda, dumandet el al contadin: „Perchè nun hest impieu la chavagna?“ — „Stimatissem signur.“, respondet il contadin, „ell eira bainschi plaina, ma Sieus signurs figls l'haun svödeda a mittet. Els haun chattò la paira a lur gust, ed eau nun avet il curaschi da'ls refüsèr quella.“

§ 186.

Müdeda da significaziun tenor la piazza del aggettiv.

Sovenz la significaziun d'ün aggettiv as müda, tenor chiel ais plazzò avaunt u zieva il substantiv. Uschè p. ex. ün hom grand voul dir: grand da statura, ma ün grand hom significha ün hom benemerit e renomnò. Similmaing üna matta povra voul dir üna matta sainza faculted, ma üna povra matta ais üna matta disfortüneda, chi fo compaschium.

Ils exaimpels seguaints muossan che müdedas da significaziun ch'alchüns oters aggettivs paun avoir: Il mattet s'inservit d'ün crap per rumper la nusch düra. Da stovair s'adattèr a servir ais üna düra nusch per quel chi eira adüsò a cumandèr. Il cassier ais fùgieu culla cassa e la polizia nun il elappa, que ais üna bell' istoria! La nona quintaiva ün' istoria bella ed interessanta, e'ls iniaunts fadlaivan attentamaing. Tuot ais ün cher figl chi ans procura bger' algrezcha tres sia activited e sieu bun character. Quaist student ais ün figl cher per sieus genituors, el spenda facilmaing lur munaida düramaing guadagneda. Üna buna part della populaziun as musset propensa al nouv proget. La part buna della societad nun dess crajer d'eliminèr la noscha tres condannas e preschunia, quaistas nun faun l'umain pü bun. Il giantèr nun füss sto mel, ma la laungia noscha ho dazipò tuot. Üna noscha laungia ais ün' arma chi four' e taglia e sas feridas sun mel guarir. Tuot las bunas famiglias nun sun famiglias bunas.

Consonanza (concordanza) traunter aggettiv e substantiv.

§ 187.

1. Il gener e'l numer del aggettiv as drizzan ziev' il substantiv, per ex. Il pign ho ün troneo gualiv ed üna scorza gruoglia. Sias aguoglias sun cuortas, ag-

güzzas e haun la colur verd-s-chüra. Sia fraischa sumbriva spordscha brameda recreaziun al staungel viandaunt e nella ramma spessa chauntan e güvlan allegers utschels.

Remarcha 1. L'aggettiv determinativ tuot as drizza baineschi qualche voutas zieva il substantiv sün il quèl el as referescha, mo resta generalmaing invariabel, p. ex. (cfr. § 171):

Absalon pigliet possess del trun da sieu bap e da tuots ils tesoris regèls *J. B.* 55.

Già da qualche temp as mussaiva al orizont politic quel tschert „punct nair“, supra l'eventuèla creschentscha del quèl gniva discuss fìch animedamaing in tuottas las giazettas ed in tuots ils salons. *Töndury* 14.

Quasi tuottas las tschimas da quels vegls larschs sun sechas. *III* 94.

Da tuot las bestias domesticas as distingua il chavagl tres sia bellezza e forza. *IV* 72.

Traunter tuot las fluors ais il calamandrin bain üna dellas pü cheras. *IV* 84.

E. B. In tuot las cittats romanas eiran bagn public. *V* 21.

Il lat contegna tuot las materias necessarias d'üna spaisa sauna. *VII* 287.

† E. B. T'imaginescha impà chia tü vivas in ün temp d'aur, e tras üna vantüra excessiva haias raspà insembel tot las perlas dil mar. *Abyss*, I 61.

Remarcha 2. Las proposiziuns seguintas exemplificheschan alchüns cas pü rers d'inconcordanza traunter il substantiv e l'aggettiv.

Ils umauns sun plain d'admiraziun per ils champs da battaglia da nos temp. *Töndury* 290.

Els invidettan lur amias a tramegls da sot e vettan grand bella vita, e bundi Schuria! *Bundi, Parevlas* 17.

Quaista lavur ais greiv da fer.

Sia intenziun ais facil d'eseguir.

× **Remarcha 3.** Pü numerus exaimpels d'inconcordanza chattains nella litteratura veglia.

† Mastrel Larius cun alchüns fraischs dallas Lias

Arfschet murtel pleias in quelas vias. *Travers, Mös* 145—146.

Per aque bger dis et cusailgs fù fat.

Et da pertuot sün ls Cumöens trat. *Travers, Mös* 169—170.

In tel guissa fù Clavenna recupareda.

Et suot lg sieu Signuredi turnaeda. *Travers, Mùs*, 261—262.

Prést cun el fütt saldò partieu,

Ch'el cun sia Cumpagnia dess ir à Dieu,

Clavenna render in maun da Grischuns,

Et salver seis bun cumpagnuns. *Travers, Mùs*, 255—258.

Lg Capitauni Schimun cun alchün Cumpagnuns

S'fidet eir da quels grand pultruns. *Travers, Mùs*, 491—492.

Lg Chiaste savaiv' el, ch'eira mel spisagiò,

Et da bun Grischuns par tuot incrasò. *Travers, Mùs*, 521—522.

E. B. Mo l'eternitat ais üna cula: ün circul radont indret; chi nun ais cun ingiün terms. *Abyss*, I 12.

2. Sch'ün aggettiv as referescha a duos u püss noms nel singular. schi vain el miss nel plural. per ex.:

Il pom e'l pair sun dutschs. L'ampa e la freja sun cotschnas e gustusas.

Daspö ch'eu avaiava vis cun egens ögls ils stizis del sgrischus flagè, eiran mieu ödi e mieu dispretsch per la guerra dvantòs taunt pü intensiv. *Töndury* 359.

Remarcha. L'aggettiv resta però eir qualvoutas nel singular ed as drizza zieva il substantiv chi l'ais il pü ardaint. (cfr. § 187, 3, rem.)

L'Engiadin' Ota ais circondeda da muntagnas cun naiv e glatsch etern. III, 9.

† E. B. Gronda eira la cuvaida & desideri da David davo las Aguas dallas fontanas da Bethlehem. *Trom*. 144.

E. B. Uschè es desiderüs dal plaed da Dieu, dek quel chi cognoscha sia spirituala ignorantia è mangel: seo l'AUR vain desidera è stimà, permur da seis pretsch e valor. *Trom*. 44.

3. L'aggettiv. chi vela per noms da different gener, ho ün plural masculin, p. ex.:

Il cluchèr e la baselgia sun ots. Il pom e l'üja sun gustus. Bap e mamma as tegnan buns, scha lur figls e figlias sun bravs ed obediants.

Da tuotta sort dubis e difficulteds füttan ventilòs. *Töndury* 307.

Que nun am volaiva darchò ir per testa, cha tuottas tratativas, l'ultimat e la declaraziun da medem füssan arrandschòs da Dieu. *Töndury* 25.

Ed amenduos eiran güsts avaunt Dieu e vivaivan suainter tuots ils cumandamaints ed ordinaziuns del Segner sainza blesem. *Menni, Luc. 1,6.*

Tieus figls e figlias mangiaivan e bavaivan nella chesa del primogenit. *J. B. 83.*

Il tschervè e la gnierva in generèl paun gnir irritòs tres passius, pissèrs, grands displaschairs ed excessivas lavuors intellectuâlas. VII, 279.

Remarcha. L'aggettiv concorda qualchevoutas eir cul substantiv il pü prossem. (cfr. § 187, 2, rem.)

Darchò tramettet il raig oters servaints, dschand: Dschè als invidòs: Mera, eau he preparò mieu past, e mieus bouvs e mia muaglia in-grascheda ais mazzedà. *Menni, 22,4.*

El ramassa spassagiand be il pü trid, implind sia tas-cha cun spinas. urtias, verms e ruos-chels, e laschand dvart tuottas fluors e splers. *Töndury 11.*

Il ler ais necessari per as preservèr da tauntas nardets, fals e vicis. *Pr. Cud. 290.*

† E. B. Vegnen missas las raschuns & Argumaints, da persvader quels chi dormen in Baselia da non far plü quai. *Trom. 51.*

Fuorma feminina dels aggettivs.

§ 188.

Nella formaziun del feminin spordschan ils aggettivs granda variaziun. Nus podains disferenzchèr las seguaintas classas:

1. Aggettivs, chi nun as müdan brich nel feminin:

a) Ils aggettivs

audace	felice	mite
capace	feroce	rapace
efficace	funebre	terrestre

ed ün pèr oters culla desinenza -ce haun l'istessa fuorma pel masculin e pel feminin.

Il guis ais üna bestia rapace; l'uors ais eir ün armaint rapace. Que ais ün hom felice! Üna sort del tuot felice nun ais concessa ad üngün. Ün scolar (üna scolara) capace. El ais capace a qualunque acziun.

Il chavriöl ais la bestia la pü vivace nel god. III 108.

Be nel god s-chür as chatta il pichalain containt e felice. V 215.

Il guvernatur Felix cumandet da tegner Paulo in mite preschunia.

J. B. 160.

E. B. Il clima ais in Engiadina Bassa adonte della grand' otezza. sur mar fìch mite. V 114.

E. B. Il mez il plü efficace cunter las lavinias ais saimper il god V 175.

E. B. Il poet sto in prüma lingia avair üna fantasia ed imaginaziun vivace. *Barblan* 3.

Üna vouta cha la said d'atrocited ais sdasdeda, schi nun ho ün pos. fin ch'ella nun ais stüzzeda tres la chosa la pü atroce. *Töndury* 316.

Chi non stu rispettèr il caracter d'ün hom, e pace da supportèr las pü grandas fadias. *Menni, Saluz* 35.

Nus s'avains chantó üna chanzun funebre, e vus nun avais cridó. *Menni, Luc.* 7,32.

Ils sudòs auncha vivaints, chi assistivan a quaista festivited funebre.... eiran promts da seguir a lur camerads sainz' esitèr. *Töndury* 52.

Nun sest, cha tü est miserabel ed infelice. *Menni, Joan* 31,17.

Per Puntraschigna as conservet quaist üs tenacemaing (mera chap. VI) fin in quist secul. *Annalas* VIII 227.

Guida'ls cun tieu spiert in ogni pass da lur peregrinaziun terrestre. *Lit.* 120.

† E. B. Et scha tü non inlegiessas nianc ün plaed, schi non desch per quai star or d'Baselgia, mo ir ad orar cun 'ls oters, perche quellas oratiuns sun plü efficaces. *Trom.* 113.

Remarcha 1. Intaunt cha'ls aggettivs culla desinenza -ce glivran adüna l'istess nel masculin e feminin, chattains alchüns dels oters qualvoutas culla desinenza feminina -a. L'aggettiv terrestre exista eir nella fuorma terrester, terrestre (mera § 195 d). Cunfrunta eir § 205.

Tuots as saintan eguèls in mez al prievel, auncha pü eguèls cu avaunt la ledscha, e da pü cu avaunt la mort, siand cha quella recognuoscha, auncha in sias ceremonias funebras, differenzas della condiziun socièla. *Töndury* 508.

Bain avaiva eir la prüma lia ordinaziuns per il servezzan divin ed il santuari terrester. *Menni, Heb.* 9,1.

× **Remarcha 2.** Culs aggettivs invariabels pel gener avains eir da classifichèr ün tshert numer d'aggettivs verbèls (aggettivs particips del preschaint). Quaists vegnan però be reraimaing druvòs hozindì e piglian del rest uossa generèlmaing la desinenza feminina -a-. Cunfr. chap. V.

Arno non avaiva artô da sieu bap oter co ün chastè cadente da vegldüna. *Pr. Cud.* 115.

Taunt ais tschert cha scha Srs Cuvihs ed incombenzôs . . da principi 9 hommens, pü tard be il Sr Mastrel Regente ed ün hom per minch' üna dellas 4 alps vessan neglet da's reunir aunz il decuors dels 5 resp. 10 ans schi Tschlarigna ün bel di vess pudieu restèr sainza schantamaints. *Annalas* VIII 221.

Ushè sovenz, ch'èau conversaiva cun l'ün u l'oter, as faiva sentir, per uschè dir, be ün register, l'intera restante claviatura restaiva per-cunter mütta. *Töndury* 96.

La chosa la pü sorprendente eira, cha'l pitschen magister nun faiva mê sentir sieu dret d'maggiorited d'eted. *Pr. Cud.* 57.

† E. B. Siond in las antecedentes editiuns eran inseridas 2. vel 3. canzuns ngiond pac chiantadas et üsadas, ha partü per bön d'inserir in lö da quellas autras. *Mart. Philomela*, Motiv.

E. B. Cuntot vivain da indubitata spranza chia lur Sgnrs. Illust. rmas vegniâ cü lur benevolentia melginavant vers no à continuar, & no & l'praesent noss lavuret à conservar in lur patrocínio, Restand eir no saimper cun fervente oration vers noss Omnipotent, & misericordiaivel Dieu. *Abyss*, pref.

E. B. La presente ovra non ha da bsöng pür hossa da ngir recommendada. *Mart. Philomela*, Motiv.

L'mond vergente a sia fin. *Abyss*, pref.

b) Ils aggettivs

attach	inandret	ogni
bummarchô	mincha	qualche
EB. alch	lur	qualunque

sun tuottaffat invariabels, nun as müdand brich neir nel plural.

Quaists cudeschs sun bummarchô. La chesa ais attach alla baselgia: l'üert ais attach al prô. Que ais ün mat (üna matta) inandret. Be cha nun capita qualche disgrazia! Il magister ho plaschair vi a scholars inandret e bger displaschair cun scholars daschütels. Nus avains be mincha duos dumengias predgia romauntscha. El ho cumprô qualche poms per sia sour.

Intuorn mezzanot udittan ils mats a tschantschêr nella chambra attach. *Pr. Cud.* 27.

Il vicepresidente currit our dad üsch per artschaiver dovutamaing la nöbla visita al pe della s-chela, ma ella eira fingiö, entreda nella sela attach. *Töndury* 41.

Hozindì la muaglia nun ais pü uschè bum marchò scu pü bod.

Per taxèr ils pròs nun basta da savair be lur numer e lur areal. V 179.

E. B. Ils troglodits as viventaivan dalla pomma, ch'els chattaivan nel god e sül pas-ch, e dalla charn, dal saiv e dal miguogl dellas bestias, ch'els tschüffaivan e mazzaivan sün lur chatschas. V 2.

Ogni bös-ch, chi nun porta bun früt, vain tagliö giò e büttö nel fö. *J. B.* 89.

Daspö qualche ans s'implaunta an per an plauntinas giuvnas traunter las veglias. III 94.

E. B. Perchè non podessan eir nus in qualche maniera... arrondir nossa prada? V 116.

Zieva qualche uras udit eau darchò mieus cumpagns. *Pr. Cud.* 61.

Que ais dvantö moda d'avrir sieus salons eir a qualche rappresen-tants dell' arte e della scienza. *Töndury* 64.

Las cornas del tshiev sun compactas e lur sostanza sumaglia pü al lain cu a qualunque otra materia. IV 75.

Cun polenta e chaschöl sun ils lavuraints italiauns sauns e robusts e fich resistibels a qualunque lavur corporèla. VII 288.

§ 189.

2. Aggettivs, chi survegnan la desinenza -a sainza müdèr lur tschep:

a) La granda part dels aggettivs, chi glivran con ün consonant (cfr. però §§ 193 e 195):

attent -a	exclusiv -a	quart -a
bletsch -a	facil -a	sblech -a
civil -a	grand -a	seguond -a
corrent -a	güst -a	simbolie -a
crüj -a	immens -a	simil -a (simla)
diligiaint -a	malign -a	terz -a
difficil -a	obediaint -a	ultim -a
direct -a	prüm -a	vair -a

In nossas valledas alpinas l'allevamaint da muaglia fuorma la prinzi-
pêla occupaziun dels abitants. V 179.

L'exercit d'Absolom füt battieu ed avet üna granda perdita. *J. B.* 55.

Ils cravunêrs eiran perfettamaing sauns. tres lur dūr, sfadius
möd da viver, tres greiva lavur e granda sobriedad. *Pallioppi, Örs* 3.

Üna sencha cumöna, cristiauna baselgia. *Lit.* 115.

† Chiamêl es ün alimeri grand cun üna hôta goba, quael chi uain
adruô par purtêr. *Bifrun, Matt.* 19, annot.

Tü nû dajast dir fosa pardütta incunter tieu prossê. *T.*

§ 190.

b) Aggettivs chi glivran cun -i, precedieu dad r.

accessori -a	assertori -a	propri -a
accusatori -a	necessari -a	sedentari -a
admonitori -a	notori -a	secundari -a
agrari -a	obligatori -a	solitari -a
alimentari -a	primari -a	voluntari -a
etc.		

Procedura accusatoria. *Pallioppi.*

Bainbod comperan süllas spuondas multifarias flurinas. V 192.

Tres la respiraziun as sviluppa in nos corp la chalur necessaria
da circa 37° Celsius. VII 293.

Duos mats d'üna citted as perdettan in ün sgrischus god e restettan
allò in üna misera solitaria usteria. *Pr. Cud.* 27.

Florinus operaiva multifaris miraculs. *Pr. Cud.* 197.

Nun rir më da chosas serias. *Pr. Cud.* 285.

Scha eir da nus, umauns civilisôs, s'impossessa aunch' uossa ii plaschair
vi al combat, schi ais que üna reminiscenza ereditaria. *Töndury* 374.

Ils ambaschadurs fettan alla dieta raduneda a Coira als 7 Gün da
tuotta sort insinuaziuns e pretaisas cuntrarias alla liberted religiusa e
civila per la Vuclina e Clavenna. *Menni, Saluz* 30.

Ils chantuns pissereschon per l'instrucziun primaria, chi sto suot la
direcziun del stedi. Ell' ais obligatoria e gratuita per tuot las scoulas
publicas. VII 190.

E. B. Brail ais üna fracziun da Zernezh, ma ha sia propria baselgia
e scoula. V 117.

† E. B. Quel chi cun temeraria curiositat vuless perscrutar la majestat da Dieu quel ngiss a ngir travus da sia gloria. *Abyss* I 2.

† La Virtüt da ls Grischuns nun pos'n els sufrir.*

Mu tuots böd as matten â fugir.

La lur fortüna fü contraria da Soart.

(hia granda part rumagniet sur alg poart *Travers, Mäs* 229—232.

Remarcha. L'unica excepziun ais airi, aira.

Il s mauns sun airis dal fraid. *Pallioppi*.

§ 191.

Exercizi.

Metta il feminin:

- a) Il quint ais güst. La resposta ais —. Il giat ais malign. La vuolp ais —. Il cluchèr ais ot. La muntagna ais —. Il Marz ais il terz mais. L'atuon ais la — stagion. L'ultim di del an ho nom Silvester. L' — saira del an as vo in baselgia. Il lavuraint ais diligiaint. La fantschella ais —. Ün bun figl ais obediaint. La brava scolara ais —. Il scolar stu esser attent. Eir la scolara stu ster —. Quaist quint ais difficil. Mia lavur in scrit ais eir . Blasmèr ais facil. Buna vöglija renda ogni lavur pü —.
- b) Il servezzan militèr ais obligatori. La scoula ais per tuots infaunts —. Il schneder stu avair il pan necessari per il vstieu. Il lavuraint stu avair la spaisa —. Sieu nom propri ais Gian. L'amur — ans dess preservèr della manzögna. Spassagiand la prümavaira bod, ho ün sovenz ils mauns airis dal fraid. La chamischa deda amid ais —.

§ 192.

Lectüra.

Il pais etern.

Il calif Hakkam, chi amaiva fich la pumpa, vulaiava imbellir ed ingrandir ils zardins da sieu palazzi. El cumpret perque tuot ils champs attach e pajet als proprietaris tuot

que ch'els dumandettan. Be üna povra vaidgua, chi our da pia conscienziusited nun volaiva alienèr l'ierta da sieus antenats, refüset tuottas spüertas. Quaist chaprizzi irritet il guardiaun dels edifizis regèls; el usurpet il pitschen champ della povra vaidgua e quaista get cridand tal güdisch.

Ibn Beschir eira güst cadi della citted. El as laschet portèr avaunt il cas ed il chattet critic; perchè schabbain cha la ledscha daiva tuot dret alla vaidgua, schi nun eira que tuottüna chosa facila, da fer respettèr ad ün princip, adüsò a resguardèr sia volunted per güstia perfetta, üna ledscha antiqueda. Che fet dimena il güst cadi? El sellet sieu esan, al mettet ün grand sach intuorn culöz e chavalget dalum nels zardins del palazzi, inua cha'l calif as rechattaiva güst nel bel edifizì, ch'el avaiva fabrichò süll' ierta della vaidgua.

Il calif füt tuot stupefat, vrand a rivèr il cadi cun sieu esan e sieu sach, ma el as müravgliet auncha dapü, cur cha Ibn Beschir as büttet in schnuoglias avaunt el e dschet: „Permetta'm, Signur, ch'èau impla quaist sach cun terra da quaist terrain!“ Hakkam acconsentit. Cur cha'l sach füt plain, rovet Ibn Beschir il calif da güdèr ozèr il sach sül esan. A Hakkam paret quaist giävüsch auncha pü curius cu l'oter. Ma per gnir our dal buonder, che cha l'hom vöglia, clappet el aint. Ma da smuantèr il sach, gniaunch' idea, ed il calif dschet: „Il sach ais memma greiv, cadi, el ais memma pesant“.

„Signur“, respondet Ibn Beschir cun nöbel ardimaint. „Tü chattast quaist sach memma greiv, ed el contegna tuottüna be üna pitschna part della terra, cha tü cunter dret hest pigliò dalla vaidgua. Cu voust tü portèr l'intèr champ usurpò, cur al ultim güdizi il güdisch del muond at pozzero quel sün tias spedlas?“

Il calif füt perplex; el lodet l'animusited e la prudenza del cadi e restituit alla vaidgua l'ierta cun tuot ils edifizis, ch'el avaiva fat fabrichèr süsur.

§ 193.

3. Aggettivs, chi survegnan la desinanza -a e raddobleschan lur consonant finèl.

Glivra ün aggettiv cun ün consonant simpel (na compost). al quèl vo ouravaunt ün vocal cuort ed accentuò, schi raddoblains il consonant finèl avaunt la desinenza -a.

a) Aggettivs dad üna silba:

bel	bella
dret	dretta
fop	foppa
lam	lamma
müt	mütta
nar	narra
quel	quella
strac	stracca
stret	stretta
süt	sütta etc.

Il cho della lutra porta uraglinas cuortas, muottas, quasi tuot zop-pedas nel pail. VII 255.

L'utuon as retiran las furmias nellas pü foppas chambras sotter-raunas. VII 270.

Nus non udins dalla forella il minim tun; perche ella ais mütta. VII 263.

La signura s'arüvlet, d'avair tres sia narra ambiziun e superbia fat displaschair ad ün brav hom. *Pr. Cud.* 25.

b) Aggettivs da duos u püssas silbas:

antedit	anteditta
chafuol	chafuolla
dandet	dandetta
imperfet	imperfetta
medem	medemma
perfet	perfetta

predilet	prediletta
rebel	rebella
solen	soleinna
suottascrit	suottascritta etc.

Ûn pitschen h  tel nell'avenue de l'Imp  ratrice, eira dvant   vnel in seguit alla partenza dandetta d'  n American. *T  ndury* 467.

L'aconit ais   na plaunta perenna. V 198.

Ais per   na furmia suletta la chargia memma greiva, dalum vegnan compagnas in ag  d. VII 271.

Ûn'istoria soleinna, ceremoniela e nojusa. *T  ndury* 76.

Mantel blovain semn   da stailas vivas,

Spand' in la val soleinna p  sch e pos. *Caderas, Sorrirs* 20.

Remarcha 1. Ho percunter l'ultima silba   n consonant debil u   n consonant sonor (q. a. lung ed accentu  ), schi nun vain il consonant duplich  , neir brich scha alla fin del pled staun duos differents consonants o   n consonant compost.

a) L'ultima silba contegna   n vocal debil:

difficil -a	odorifer -a
eroic -a	pacific -a
facil -a	simbolic -a
magnific -a	ultim -a
nubil -a	��mil -a

etc.

Salomon edific  t   n taimpel magnific. *J. B.* 57.

Ils richs nel oriaint portan magnifica vestimainta.

La nona quint'   na parevla.

O magic pled, o grand dalet! Chal. 11. (*Clementina Gilli*)

Il solagl t'indor' ad  na

Cun sia magica splendor,

La grand' gl  sch ais ta coruna,

O band  ra da valor!

V 253 (*Caderas*.)

b) L'ultima silba contegna   n vocal sonor:

amar -a	eventu��l -a
anonim -a	pisserus -a
chantun��l -a	radical -a
crappus -a	sonor -a
cristallin -a	subtil -a

etc.

La terra eira sula e vöda. *J. B.* 1.

Eau vögl desdrür la sapienza dels sabis, e render vauna la prudenza dels prudaints. *Menni* 1. *Cor.* 1, 19.

La prüma condiziun per tuotta vita animèla e vegetèla ais l'ajer. VII 243.

L'iva ais üna plaunta officinèla. V 192.

c) L'ultima silba glivra cun duos consonants u con ün consonant compost:

arduond -a	sech -a
fix -a	spert -a
frisch -a	stupend -a
grand -a	tard -a
malign -a	tuct -a
etc.	

L'ouvra da Dieu, chi pera absurda, ais pü sabgia co'ls crastiauns. *Menni* 1. *Corr.* 1, 25.

Nella planüra del Giordan florivan las richas citteds da Sodoma e Gomorra. *J. B.* 8.

Sovenz vain il tass disturbó dalla maligna vuolp. IV 70.

† E. B. Che ais l'aeternitat? l'ais üna staila fixa, la cua dalla-quala sa stenda, in infinitum. *Abyss* I 9.

Remarcha 2. -z vain duplichò adonte ch'el ais un consonant compost, p. ex. agüz, agüzza, melnüz, melnüzza, mez, mezza.

L'aguoglia ais agüzza.

Bun di, Gian Pitschen del chapè agüz. *Bundi, Parevlas* 7.

Melnüzza gianüra. *Ann.* II 48.

Remarcha 3. Pleds scu grass, anness, tmuoss, slegnuoss, pass, schlass etc. haun il consonant dobel già nella fuorma masculina, be nos e vos as scrivan con ün sulet s nel singular. Confrunta § 252.

La risch brüna, bain grossa della flur d'icicoria crescha perpendicu-
lärmaing ingiò. V 183.

E Gesu dschet a sieus discipuls: „Perchè essas uschè tmuoss?“ *Menni, Marc.* 4, 40.

Glieud da quella sort nun servan a nos Segner, mo a lur vainter. *Menni, Rom.* 16, 18.

§ 194.

Exercizi. Metta il feminin:

Il paun frais-ch ais lam. La spungia ais —. Il queder ais bel. La chanzun ais —. El ho mangiò ün mez paun ed

üna — liangia. Quel cudesch e — penna sun mieus. Il baunch ais memma stret. La semda ais —. Il lej ais fop. La fossa ais —. Il sel ais amar. La masdina ais —. Il curtè ais agüz. L'aguoglia ais —. Il chavagl ais zop e la vacha ais —. Ils mauns stöglan esser nets e las fatschas —. Il blastmêr ais trid e la manzögna ais —. Quaist hom ais grit. Mia mamma vain darêr —. Il muond ais arduond. La balla ais —. Quaist pover mat ais müt e quaista matta ais —.

§ 195.

4. L'e debel dell' ultima silba crouda davent.

Contegna la fuorma masculina nell' ultima silba ün e debel (na accentuô), schi crouda quaist davent nella fuorma feminina,

a) sch'el glivra cun -el; p. ex.:

ampel	ampla
crettaivel	crettaivla
daschütel	daschüttla
(daschüttel)	(daschüttla)
debel	debla
deschevel	deschevla
flaivel	flaivla
imaginabel	imaginabla
inclegentaivel	inclegentaivla
innumerabel	innumerabla
miserabel	miserabla
nöbel	nöbla
paschaivel	paschailva
serviziaivel	serviziaivla
sesevel	sesevla
settevel	settevla etc. (mera § 240)

snuaiVEL

snuaiVLA

visibel

visibLA

etc.

Dallas 49,000 personas nel Grischun, chi sun ablas alla lavur, sun 10,000 u 21 % industriels u misterauns. VII 166.

La randolina non s'inserva dels gnies d'oters utschels, per metter aint sieus övs, scu fo il daschütel cucù. V 211.

Üna figlia eira bella e brava, l'otra trida e daschütla. II 11.

Cu podessan quaistas bestias deblas portèr ün pais uschè grand? IV 104.

In innumerabla quantited uondra la grusaidda quell' intèra spuonda cun ün tapet d'incomparabla bellezza. V 196.

Eau vögl esser paschaivel, amiaivel e serviziaivel invers mieuvs chantunais. *Pr. Cud.* 152.

Ah, mieu Signur, respondet l'amaleda, mias circonstanzas füssan auncha bger pü miserablas, sch'EAU nun avess quist infaunt, chi con tuot la chüra imaginabla tschercha d'am sligerir quellas. *Pr. Cud.* 137.

† E. B. Mo sco tachiads via d'ün spait da roasts vegnè l's condemnats ad arder, üna miserabla spaisa dal foe in aeternum. *Abyss*, IV 97.

El ho arfschieu Israel ses famailg, par chel füs algurdaivel de la misericorgia. *Bifrun, Luc.* 1, 54.

L'g spiert es schert praist, mu la chiarn es flaivla. *Bifrun, Marc.* 14, 38.

Très aquaists humens es fat üna uisaifla isana. *Bifrun, Act.* 4, 16

Prain ün hū da quella guisa uia de la terra: perche è nū es apussaiuel chel uina. *Bifrun, Act.* 22, 22.

Tuottas chiosas sun à mi licias, mu brichia tuottas chioses sun nūzzaiules. *Bifrun, 1. Cor.* 6, 12.

Sco üngün chio nū ais plü nuschaiuel co l'g chio da la zerp, uscheia nun ais üngüna ira plü nuschaiula co quella dalg inimich. *L. P.* 226.

Saias incligentaiuels. *Bifrun 1, Petr.* 1, 13.

b) Sch'el glivra cun -em, p. ex.:

bellissem (bellischem)

bellissma (bellischma)

prossem

prossma

richissem (richischem)

richissma (richischma)

etc. (cunfrunta § 226 b).

Qualvoutas essan sforzôs, dad udir tuns fermes in prossma vicinanza. VII 285.

Il chüderêl portet il güdev dscheat nella prossma vschinauncha. *Pr. Cud.* 128.

Üna vouta l'an, alla festa della Reconciliaziun, entraiva il grand-sacerdot nel senchissem e reconciliaiva il pövel cun Dieu fand ün' offerta. *J. B.* 35.

Nus avains eir il tschertissem pled profetic. *Menni* 2, *Petr.* 1, 19.

c) scha l'aggettiv glivra cun -en, p. ex.:

cotschen	cotschna
egen	egna
giuven	giuvna
pitschen	pitschna etc.

Traunter ils imperaturs della Svevia s'haun particolarmaing distincts sco eroes Frideric I overo Barba Cotschna, e Frideric II. *Pr. Cud.* 198.

Dapertuot, inua la grusaïda florescha, spordscha ella a sia vicinanza ün' egna attracziun. V 196.

Uschè vo que cun tuots quels chi faun il mel; ... els fügen da lur egna sumbriva. *Pr. Cud.* 31.

La flur d'cicoria riva fin sün las alps, inua ella ais però bger pü pitschna. V 183.

Remarcha. L'aggettiv mellen perda nel feminin ün l.

La gianzauna puncteda ais ün pô pü pitschna cu la melna. V 191.

Chammas e griffas del cucù sun melnas. VII 259.

d) Sch'el glivra cun -er, p. ex.:

aiver	aivra
alleger	allegra
alpestre	alpestra
celeber	celebra
champester	champestra
chazzer	chazzra
ester	estra
fallamber	fallambra
illuster	illustra
liber	libra
malenker	malenkra

meger	megra
meglder (melder)	megldra (meldra)
miser	misra (misera)
oter	otra
queder	quedra
terrester	terrestra (mera § 188)
veidre	veidra

etc.

Chi nun cognoscha la grusaida, la celebra e taunt inavaunt de-
chanteda flur alpina! V 196.

Süsom l'Engiadina ais situò Segl, consistent da Segl-Baselgia alla via
maistra e da Segl-Maria ourasom la Val Fex. V 102.

Fixa suenz tieus imaints sün persunas, chi sun stedas megldras co
tū. *Pr. Cud.* 272.

Il drett dellas vschinaunchas eira üna vouta melder. *Ann.* VIII 217.

Üna dellas megldras e dellas pü sostanziusas ervas ais l'espersetta.
V 179.

Las cornas del tshierv sun tuottaffat differentas da quellas d'otras
bestias. IV 75.

Üschè ans memorizeschan las ruinas dels superbs chastels alla caducited
da tuottas chosas terrestras. IV 86. (Cunfr. § 188.)

† La sabgiönscha ais fick aspra als ignorants, perchè üngün narr
düra oura tiers ella. *L. P.* 68.

† L'g cour dalg hom müda sia fatscha: suainter chia l'g cour ais, legiar
ü gramezchius, schi ais la fatscha eir legra in prosperitaeds, e gramez-
chiusa in l's cuntraedis. *L. P.* 128.

† Müdaer da l'una chesa in l'otra ais üna misra vita. *L. P.* 261.

† L'g amich nouff ais sco l'g vin nouff, l'g quael tū vainst à baiuer
cun dalett, pür cura el ais gnieu veider. *L. P.* 90.

Remarcha 1. Alchüns aggettivs glivrand in er (cun e debel) retegnan
però l'e nella fuorma feminina; tels sun:

tener	tenera
miser	misera (misra)
fruttifer	fruttifera
odorifer	odorifera
salutifer	salutifera

Eau nun he da fer ünguotta in tia misera baracca. *Pr. Cud.* 24.

Mo Maria eira quella, chi avaiva undschieu il Segner cun öli odori-
fer. *Menni, Joan.* 11, 2.

La mamma demuossa per sien uzöl üna tenera amur. III 107.

Taunt las rischs dell' arnica, cu las föglias e la flur contegnan substanzas salutiferas per glieud e muaglia. V 195.

E. B. La fantasia e l'imaginaziun non sun in ingün stadi da svilup usche vivaces, usche fruttiferas co nell' infanzia. *Barblan* 3.

Remarcha 2. Irregulêr ais:

as-cher asera

El ais bel e bain as-cher in sias pretaisas. *Pallioppi*.

L'alimeri ais üna bestia fich asera. III 105.

Remarcha generêla. Ho l'ultima silba l'e sonor, schi nun crouda quaist davent, p. ex.:

a)	artifiziel	artifizîela
	cordiel	cordîela
	crudêl	crudêla (crudella)
	fidêl	fidêla (fidella)
	generêl	generêla
	liberêl	liberêla
	natürêl	natürêla
	principêl	principêla
b)	extrêm	extrêma
	suprêm	suprêma
c)	homogên	homogêna
	indigên	indigêna
d)	angulêr	angulêra
	intêr	intêra
	ligêr	ligêra
	milîtêr	milîtêra
	singulêr	singulêra

Milli vuschs chi strasanun insembel nun significhan l'expressiun da milli ideas omogênas, dimpersè ünguott' oter cu la manifestaziun del impuls natürel all' imitaziun. *Töndury* 276.

In bgers pajais l'industria indigêna vain protetta, a dan dels consumatuors, tres otas tariffas da dazi.

Nus sperains da revair noss chers, cha nus affidains cun larmas al sain della terra, ün di nella gloria celestiêla. V 187.

Il legüm podaivan els eivnas intêras condir be cun sel. *Menni Saluz* 15.

Per perseguitêr sia preja s'inserva l'utschè mez-mür da sias singulêras elas. V 222.

Il tribunel federel ais la suprém' autorited giudiciaria in Svizzerà,
 † Ls buns uaun alla uitta Caelestiaela,
 Alls maels uaun alla moartt infarnaela. *Dysch aeteds* 22—23.
 Ilg num da Jesu s'plaia scodün schnuoigl da las chiosas celestieles,
 & chioses terregnes & inferneles. *Bifrun, Phil.* 2. 10.

Dumanda: Che ais il feminin da solen, da maggioren, da rebel? Perchè?
 (Confrunta § 193).

§ 196.

Exercizi.

Metta il feminin:

Quaist mat ais pitschen. Sia sour ais —. Il saung ais
 cotschen. L'ampa ais —. L'abiedi ais giuven. La mattina
 ais —. El ho ün egen frer. Ais quaista tia — lavur? Il
 lavuraint ais staungel. Mias chammas sun —. Que ais ün
 signur nöbel. Il chavagl ho üna statura —. L'incendi eira
 snuaivel. Her avettans ün' ora —. Prossem mardi vegn
 eau davent. Quaist' eivna — cumainza la scoula. Il ram ais
 queder. La maisa ais —. Do'm megllder paun e — charn!
 L'Italia ais per nus ün pajais ester. Eau imprend üna
 lingua —. Gianin ais ün chazzer mat. Spetta, tü — bizza-
 runa! Nun fer discuors as-chers e nun ir cun fatscha —
 a scoula. Que ais ün pover mat malenker. Ella ais adüna —.
 Dieu ais il suprém regent. Suottametta't a sia — volunted.
 El ho ün dun specièl per la musica. El ho fat que cun mia
 — permissiun. L'October ais il deschevel mais. Nun at fer
 dir tuot per la — vouta. Tü hest ün maun addester pel
 disegn. Quaista duonna ais üna schnedra —.

§ 197.

Lectūra.

Il Sahara ais il pü grand desert da nossa terra. Sia
 surfatscha ais varieda d'immensas planüras cuvertas da sablun
 u crapschella, d'elevaziuns da chadagnas spelmusas e blöchs

massivs e da baunchs da sablun cha'l vent adoza a considerablas otezzas e chi occupeschan spazis sainza fin, pustüt in sa part occidentêla. Tres il clima arsaint, ils vents sùts dominants e la mancanza d'ova ais quaista vasta regiun priveda da tuotta vegetaziun. Però in mez a l'aridited e desolaziun del desert incuntr' ün eir co e lo qualche isla verda munida d'ova chi prodüa üna vegetaziun exuberanta e cufforta il viandaunt culla sumbriva dellas palmas, stüzza sia said cun ova da fontauna ed il ristoresha cun richs prodots vegetêls. Quaistas islas verdas in mez al mer da sablun nomn' ün oasis. L'oasi po be exister in abassamaints del terrain inua l'affluir d'ova sotterauna renda possibel la vegetaziun. Sovenz sun las vainas d'ova uschè profuondas ch'ün stu las trer alla surfatscha artifiziëlmaing per mez da puozs artesiauns. Ma inua cha l'ümidited vivificanta po penetrêr, lo as sviluppa üna richa produenziun da datlas, frütta, granezza, verdüra etc. L'oasi la pü importanta ais quella da Sinah nel desert Libic, 18 dis d'marcha davent da Cairo. Ell' eira in temps antics la sede del Oracul Ammon, il taimpel del quèl exista auncha al di d'hoz.

Las condiziuns climaticas varieschan nel desert sco in oters lös. Ün ho chattô bgeras chosas provenientias dalla pü recent' eted della peidra chi comprovan cha'l desert eira quella vouta abitô. Dallas scopertas del temp dels Romauns resulta cha l'arsüra s'ho daspö augmenteda nel nord del desert, ma cha nel süd al incunter, la vegetaziun s'ho avanzeda qualchosetta vers l'intern. Da que arguesch'ün cha col ir da seculs e millennis quaist immens spazi dvanterò darchò früttaivel ed abitabel.

§ 198.

5. Particips del passô ed oters aggettivs chi glivran l'istess.

a) La desinenza -ieu as müda in -ida:

aggradieu	aggradida
bainvgnieu	bainvgnida
charnieu	charnida
contschieu	contschida
sburflieu	sburflida

etc.

b) La desinenza -ò as mûda in -e da :

allignô	alligneda
ammalò	ammaleda
antiquò	antiqueda
attempò	attempeda
bainturnò	bainturneda
beò	beeda
disfortünò	disfortüneda
fortünò	fortüneda
indemuniò	indemunieda
melagguardò	melagguardeda
melfundò	melfundeda
melprüvò	melprüveda
prüvò	prüveda
sfatschò	sfatscheda
sgiagliò	sgiaglieda
strupchò	strupcheda

etc.

La puonna della minchületta d'utuon nun consista scu la tschiguolla da cuschinèr u l'agl da föglias grossas, charnidias, creschidas insembl, dimpersè fuorma ün corp alv, compact, chi ais plajò aint da püssas pletschas brúnas, sumgiauntas al chüram. V 186.

Dieu ho taunt amò il muond, ch'el ho do sieu sulgenuieu figl, acciò cha scodün, chi craja il el, nun giaja a perder, ma hegia la vita eterna. *Menni, Joh. 3, 16.*

Bainvgnieus mieus amihs. *Ann. II 53.*

Gesu... fet ouvas da misericordia vi ad ammalòs e disfortünòs. *J. B. 106.*

Guarda, cher figl, da pisserér già in tia giuventüna per üna vegldüna fortüneda. III 143.

L'istoria muossa... cha ogni instituziun da podair monarchic ho agieu per basi guerras fortünedas. *Tönd.* 476.

Splerins grischs mettan milliards d'övins, e landroura naschan quaistas rassulaunas melprüvedas, chi sun in cas da desdrür intèrs gods. V 210.

Que ais ün gust a vair giallinas nairas, brünas, alvas e sgiagliedas cun bellas craistas cotschnas. II 9.

Ma cur cha füt gnieu saira, al presentettan els bgers indemuniôs. *Menni*, Matt. 8, 16.

Mia figlia ais melamaing indemuniada. *Menni*, Matt. 15, 22.

† La superffgia ais meluuglida à Dieu & à la lieud. *L. P.* 95.

Bio ais quel chia sieu cour nû cundanna, e nun crouda our da la sprauza ch'el ho schanto in l'g Segner. *L. P.* 129.

L'oarma da quel chi temma l'g Segner ais biaeda. *L. P.* 297.

Guari Ps amalôs. *Bifr.* Matt. 10, 8.

Üna duonna era stêda amalêda duesth ans. *Bifr.* Matt. 9, 20.

§ 199.

Exercizi.

Metta il feminin :

La stüva da scoula ais ün lö prüvò. Il prò s'infitta cun — fluors. Que ais ün discuors bainfundò. Que ais üna pretaisa —. Tell ais ün hom contschieu in noss' istoria. L'Engiadina ais hozindì — in tuot il muond. L'influenza ais ün giast melprüvò. Be ch'ell' ans schinagia cun sia — visita. Tieu agüd m'ais fieh aggradieu. Sia charta am füt bain —. L'infaut ais ammalò. La persun' — ais melcontainta.

L'utuon cun sias ricchezzas ans ais bainvgnieu, ma eir la prümvaira ais a tuots umauns —. Que ais ün hom già bain attempò. Duonna Nuttina ais uossa fieh —. O tû pover, disfortunò crastiaun! Che — stagiun ch'avains gieu. Ün bun scolar ais allignò in tuottas sias lavuors. Lina ais üna mattetta zuond —. Il pom ais ün früt charnieu. Las megltras tschireschas sechas fo ün our da tschireschas nairas bain —. Dadour las fnestras da giunfra Clementina

sun bels groffels sgiagliôs. Nels chantuns della Svizzra occidentêla allev' ün muaglia bovina —. Quel melaggnardò mat s'ho ars la dainta cun ün fier chod. Quaista matta — ho cupichò il vas cullas fluors. Umauns strupchôs sun da complaundscher. Hest vis quel pover hom cullas chammas —? Que sun fortünòs ans quels dell' infanzia. Persunas cointintas sun eir —. Sieu dubi ais tuottaffat melfundò. Sias argumentaziuns sun —. Mats sfatschôs sun melvis da tuot; neir vi a mattas — nun ho ün üngün plaschair. „Parzura“ ais ün pled antiquò chi significha soprastant. L'üsaunza dad involèr chandailas per fer bavania ais —. Amih, sajast bain-turnò! Sajast —, chera figlia! Sar Gian ho già infaunts creschieus. Mattas — nomna ün generèlmaing „giuvnas.“

§ 200.

Il s aggettivs del § 198 represaintan quasi tuots il tip regulèr da particips del passò della 2.—4. u della 1. conjugaziun regulèra. Il s oters aggettivs-particips nun haun da bsögn d'esser consideròs separedamaing per la formaziun da lur feminins, siand ch'els seguan las reglas generèlas dels §§ 189 e 193.

Tèls particips del passò — saja que da verbs chi existan aunch' hozindì nella lingua, saja que da verbs otramaing extints — sun :

a) cun formaziun del feminin tenor § 189 :

cognit	cognita
concret	concreta
defunt	defunta
devot	devota
diffus	diffusa
direct	directa
dispers	dispersa
dispost	disposta
distinct	distincta
dovut	dovuta
exact	exacta
exquisit	exquisita
extint	extinta
immens	immensa

incult	inculta
infinìt	infinita
precis	precisa
resolut	resoluta
unigenit	unigenita
etc.	

Eir in quaiet reguard paraiva signura (Cornelia sumaglièr a sia sour defunta. *Tënd.* 145.

Mo il mercenari, chi nun ais pastur, ed al quèl nun appertegnan las nuorsas, vezza a gnir il luf e banduna las nuorsas e fùgia; ed il luf las sdrappa e fo esser dispersas las nuorsas. *J. B.* 124.

Tuot dvantet precis, scu cha Gesu avaiva predit. *J. B.* 19.

Las lavuors finas, exactas e custavilas, cha l'uralogeria prodüa, meritau noss' admiraziun. VII 163.

11,500 km² sun in Svizzra terrain steril u incult. VII 141.

Per nossa reconciliaziun tieu unigenit figl ho sacrificò se stess in Golgata. *Lit.* 82.

O cha la regordaunza da tia infinit' amur paternèla commovess nos cors. *Lit.* 38.

La consolabla nova della naschentscha del Salveder del muond, o ch'ella ans inflamma al dovut ingrazchamaint ed amur invers te. *Lit.* 38.

b) cun formaziun del feminin tenor § 193:

complet	completta
dilet	diletta
perfet	perfetta
perinclet	perincletta
predilet	prediletta
soddisfat	soddisfatta
stret	stretta
stupefat	stupefatta
etc.	

(Cumfrunta eir §§ 13—19.)

Per la terza e quarta vouta tuorna la vuolp sün quel lö, ed ogni vouta chatta ella ch'arn brasseda. Che fortüna! Uoss' ais ella propi soddisfatta. III 110.

Be ün amih po fer simils regals, s'impaisa la vuolp, pigliand darchò sia via prediletta. III 110.

Il singul lavuraint nun construescha ün'ura completa, dimpersè be parts da quella. VII 163.

Devots e diletts nel Segner. *Lit.* 21.

Comparta'ns la ferma persuasiun, cha la perfetta güstia da Gesu
aus saja deda per egna. *Lit.* 49.

† Las inguoschas da mieu cour aquellas creschan, par tael maina me
our da quastas strettas mias fadias. *T.* 16.

× § 201.

Dasper ils particips del passô avaius eir ün grand numer da particips
del preschaint (a) u del futur (b) dvantôs aggettivs, seu

a) competent	competenta
florizant	florizanta
indulgent	indulgenta
innozaint	innozainta
insolvent	insolventa
transparent	transparenta
vacant	vacanta
valent	valenta

(per oters exaimpels mera § 17.)

Indubitabelmaing sun las fluors compostas nels ôgls dels insects las
pü perfettas: perchè cò chattan els in üna vouta ün' intèra champagna
florizanta, inua els as paun recreèr ed inua els paun daffat pernottèr.
VII 221.

Il viers del alimeri ais tuottaffat contrastant. III 105.

Aunz cu sortir dall' Engiadin' Ota, ho l'En aunch' üna vouta da büttèr
sias uondas s-chimantas tres spelma. III 96.

Eau at cussagl perquè da't proveder d'ün hom intelligiaint e
sabi. *J. B.* 19.

La sted ais già ardainta. *Menni, Luc.* 21, 30.

Intaunt cha Gesu uraiva, gnit el transformô in lur presenza, e sia
fatscha splendoriva seu'l solagl, e sieu vstieu gnit alv e glüschain scu la
naiv. *J. B.* 124.

Il ceder ais fich grand e furnescha ün excellent lain da zember.
III 98.

Quaunt cha nos cors tardants e renitents al bôn, inclinan ad
abüsèr tia grazia. *Lit.* 99.

† Eau sun abundaunt d'algrezzchia in scodüna mia fadia. *Bifrun,*
2. Cor. 7, 4.

La stêd es ardaint. *Bifrun, Luc.* 21, 30 (mera § 187, 1, rem. 3).

Aquel chi giura... aquel es culpaunt. *Bifrun, Matt.* 23, 16.

L'etaed dalg hom ais sumgiaunta alg fain, e flurescha seo la flur in la cutüra. *L. P.* 449.

Eau pchiaunt christiaun m'arend culpaunt à ti ò buntadaiuel Dieu nos bap celestiael. *T.*

b) futur	futura
moribund	moribunda
orrend	orrenda
stupend	stupenda
ventur	ventura

etc.

(cunfrunta § 13).

In furibunds orcans ün spelm da fè. *Z. P.* II, 29.

Otto, mieu frer ais furibund da vendetta. *Tönd.* 304.

Quel chi dal fuonz da sieu cour ama la guerra e giavüscha da la mantegner, quel tschertamaing nun fo que per reguard al bainesser da generaziuns futuras. *Tönd.* 245.

Il moribund Ulrich de Marmels, predicatur evangelic, ... recomandet Gallizius per sieu successur a Scharans. *Menni, Saluz* 14.

Al fer del di füt Franz sdasdò d'ün orrend bragizzi. *Pr. Cud.* 21.

L'ova do la megladra restoraziun al amalò e sitibund. *Pr. Cud.* 153.

Che ipocrit sitibund da guerra, averò mè inventò quaista vöda frasa d'„equilibri europeo“? *Töndury* 471.

Sül cluchêr della baselgia da St. Martin a Coira as giod' üna stupenda vista sur la citted e l'intèra contredgia. *IV* 50.

Ils esters spereschan da's podair darchò rinforzêr la sted ventura per qualche dis nel ajer frais-ch e pür da nossas contredgias alpinas. *VII* 180.

E. B. Las lavinassas precipiteschan dallas montagnas con üna velocità tremenda. *V* 174.

† Chi nun ho muglieir suspira, e ais vagabund. *L. P.* 313.

† E. B. Ils sclavs da danêrs s'paderschen sves las armas; chi à seis temp vegnen lur horrends vicis à chiasciar. *Abys* I, 58.

§ 202.

Aggettivs, chi piglian nel feminin -ia:

Nels seguaints aggettivs ün *i* vain inserieu per der al *g* e *gl* il tun lam:

a) larg	largia
lung	lungia

b) gruogl	gruoglia
stigl	stiglia
vegl	veglia

La flur d'icoria porta piassas föglias lungias, strettas, chi as sledan our a fuorma d'üna rosetta in tuottas direcziuns suravi la terra. V 183.

Quellas parts, chi nun haun per il mudrimaint della vacha üngüna valor, passan inavaunt tres la böglia largia e vegnan allontanedas dal corp. VII 254.

E. B. L'emigraziun nel ester ais in Engiadina fingià bain veglia ed amò hozindì considerabla. V 117.

† L'g lung pös ais megler co la lungia malatia. L. P. 267.

La surfatscha del vadret ais dschiet e gruoglia. V 108.

Zieva nots cleras as preschainta l'utuon nels bügls ogni damaun üna stiglia cuverta da glatsch. IV 63.

§ 203.

7. Aggettivs, culla desinenza -i, chi as müda nel feminin in -gia (cha).

La pü part dels aggettivs glivrand in -i na precedieu dad r piglian nella fuorma feminina la desinenza -gia u cha.
p. ex.:

† contredi	contredgia
sabi	sabgia
sulvedi	sulvedgia
superbi	superbgia (superbia)
(superb	superba)
stüffi	stüffcha
tevi	tevgia
† ubedi	ubedgia
	etc.

La minchületta d'utuon as chatta in granda quantited a preferenza in pros moliervis. V 186.

Quel chi ais debel avuonda, per as crair pü sabi co oters, o memma superbi, per as laschèr instruir da quels, chi sun pü sabis cu el, quel ais chaprizius. Pr. Cud. 278.

Eau eira superbia da mieu bel uffizièl husar. *Tönd.* 10.

Ils convents gnivan per il pü fabrichôs in lös sulvedis. *Pr. Cud.* 177.

La pü part dellas muntagnas eiran sulvedgias ed infrütaivlas.
Pr. Cud. 161.

In cas da velenaziun tres vegetêls vain recomandô, d'allontanér pü promptamaing possibel la substanza velenusa our dal corp, bavand ova tevgia cun aint ün pô d'painch, ôli u savun. V 199.

† Uus mugliêrs saias ubedgias à uos marids. *Bifrun* 1, *Petr.* 3, 1.

Bio chi ho üna duona sabgia. *L. P.* 224.

L'g boen ais cuntraedi alg mael, e la vitta ais cuntredgia à la mort. *L. P.* 288.

Per taunt s'inchüra inminchün,

Chia cuntanter nun s'pô scodün;

Sch'la Soart vain ad ün contredgia,

Cun quaunt bain ch'aquel fat hegia,

Lg pöevel cumainz' a s'ruversêr,

Et sias ouras à condannêr. *Travers Mûs* 631—636.

In summa saias tuots par üna, nun arendiant mêl par mêl, ne mêl plets, par mêl plets: dimperse l'g cuntredi, dschand bain. *Bifr.* 1. *Petr.* 3, 8—9.

Remarcha. Daspêr superbi superbgia (superbia) chattains hozindi pü suvenz las fuormas superb, superba. L'aggettiv zart; zarta ho qualchevoutas eir la fuorma masculina zarti. Empi ho nel feminin empia.

O guarda be, dschet la cravunêra suot vusch a sieu hom..... quels fins manizins, our dals quêls ils zartiê mauns as muossan be a mezzas. *Pr. Cud.* 83.

L'ün dels infaunts, üna zarta, fich bella mattina, eira tschanteda sün sieu bratsch. *Pr. Cud.* 83.

Ils empis faun snöss da tuot ed in lur malignited tschauntschan els superbamaing. *J. B.* 77.

.... El ama.

Sieus infaunts taunt dutsch e zart. *Z. Pall. Poesias.*

Quella pitschna plaunta porta superbs grands früts. *Pr. Cud.* 11.

Dieu condannet las citteds da Sodoma e Gomorra alla ruina, las redüant in tschendra e statuind ün exaimpel a quels, chi gnissan a viver empiaamaing. *Menni*, 2 *Petr.* 2, 6.

Ma, dschet Fridolin, vzend... il vestieu da tauntas superbas bellas coluors, co gniss vus... in quist orrend precipizi? *Pr. Cud.* 110.

§ 204.

Exercizi.

Metta il feminin:

Il prò ais lung e larg. La champagna ais —. Il fil ais stigl. La corda ais —. Il lat ais tevi. L'ova — non gusta. Il tor sulvedi ais prievlus. La leivra ais üna bestia —. Il mür ais gruogl. Sülla tevla — non as po scriver. Il babsegner ais vegl. Il scolar imprenda l'istoria —. Nun est bod stüffi da giovèr? L'ammaleda ais — da piglièr masdinas.

Il pur ais superb (superbi) da sia bella muaglia. La matta — nun gioda simpatia. — L'hom sabi nun tschercha l'approvaziun della massa. Quaista scolara ais — e modesta. — Il servezzan militèr ais obligatori per immincha cittadin svizzer. Las scoulas da perfecziun non sun — in nos chantun. — Ün moliervi tschaint da müs-chel in mez al god invida a reposèr. La preda palüdainta ais —, ma nun do bun fain. — Ün solitari eremit passet sa vita in quella contredgia inospitèla. Ils pövels meridiunèls nun s'adattan ad üna vita —. Mistèrs sedentaris nun sun sauns. Il scrivaunt ais obliò ad üna vita —. Il lusso nun ais necessari, ma la ricreaziun ais — a mincha lavuraint. — L'agüd voluntari ais il pü efficace. La bun' ouvra füt inizièda tres contribuziuns —.

§ 205.

8. Aggettivs, chi piglian nel feminin -a, ma vegnan eir drovòs culla desinenza -e.

Ils aggettivs seguaints gnivan pü bod be drovòs culla terminaziun -e nella fuorma feminina: hozindì aise però la desinenza -a pü üsiteda:

difficil	difficila (-e)
facil	facila (-e)
funebre	funebra (-e)

giovenil	giovenila (-e)
infantil	infantila (-e)
primaveril	primaverila (-e)
simil	simila (-e)
terrestre (-ter)	terrestra (-tre)
viril	virila (-e)

(cunfrunta § 188.)

Sieus duos figls costruittan üna portantina simila. IV 88.

Aint in tieu sguard, giuvnetta, brilla

Ûn raz dorô, primaveril,

Ta vista pûra e tranquilla.

Ais sco ün sommi giovanil. *M. L. (l'aderas).*

E. B. Ma la vita nun ha facila gloria. *M. L. (Lansel).*

Questiun difficila. *Pallioppi.*

Natan dschet cha sia intenziun eira facile d'eseguir.

Pr. Cud. 68.

Preserva'ls nels dis dell' infanzia, sco nels ans dell' inesperienza giovanile, d'ogni prievel, chi pudess dvanter funest a lur vita. *Lit.* 120.

Ushè passantet Rodolf da Rothenbrun sia giuventüna e la granda part da sia eted virile. *Pr. Cud.* 191.

E. B. Nus avain eir nella vita del pövel ün' età infantila, ün' età da pubescenza, ün' età virila e poi üna senila. *Barblan* 3.

El eira uossa quia in superba unifuorma in or e purpura, in bellezza giovanile, plain d'forza e vita. *Pallioppi, Ovs* 42.

Nun aviand Carlo il Grand imprains in sia giuventüna a scriver, schi's mettet el in sia eted virila ad imprendet a fer custabs. *Pr. Cud.* 63.

† Una odor simile a quella del suorpher. *Ann.* III 244.

§ 206.

9. Aggettivs sun formaziun del feminin irregulêra.

Alchüns aggettivs preschaintan aunch' otras irregulariteds, p. ex.:

ambiguo	ambigua
(conspicuo)	(conspicua)
contemporan	contemporanea
contin	continua

erroneo	erronea
europeo	europea
(idoneo)	(idonea)
(iniquo)	(iniqua)
medio	media
momentan	momentanea
perpetuo	perpetua
pio	pia
rozzo (roz)	rozza
spontaneo	spontanea
superfluo	superflua

Il sen da quaista charta ais ambiguo. *Pallioppi*.

E. B. Erasmus ha giòvà ùna rolla ambigua. *And.* 150.

Nel butasch del armaglieder nun vain il pevel be allamgiò in uorden, dimpersè eir bain masdò insembel, siand la pel da quaist stomi in contin movimaint. VII 254.

Spera las continuas cumbattas per la reformaziun, scrivaiva Galilzius eir bgeras chartas ad amihs e promoturs della refuorma. *Menni Saluz* 31.

Nus stess eirans uschè fortünòs, cha nus avessans volieu podair procurèr tesoris da felieited a tuots noss contemporans. *Tönd.* 150.

Per eseguir la perforaziun del Gotthard pü spert e pü facilmaing, as cumanzet contemporaneamaing da tuottas duos varts a perforèr la muntagna. IV 38.

In nos secul nun vegnan ipotesas scientificas, per erroneas cha sajan, pü confutedas dal punct da vista dell' ortodoxia, ma da quel della scienza. *Tönd.* 85.

Tü comprendast dunque, cha nus agins per motivs meramaing politicas nel interess del equilibri europeu. *Tönd.* 33.

Voltaire ho declarò: „Ogni guerra europea ais ùna guerra civila.“ *Tönd.* 430.

L'Engiadin' Ota ais elevada in medio 1730 m sur mer. V 98.

Nell' elevaziun media ais il corp del aconit alpin pü inforzò, las fluors staun però pü reras. V 198.

Las chambras da tortura del teter medio evo inspiran als umauns orrur — ma sün lu egens arsenals sun els superbis. *Tönd.* 290.

Eau l'asgüret, cha mieu indeblamaint momentan eira be la consequenza della chalur. *Tönd.* 316.

Cu cha quel cudesch cotschen reprodüa fidëlmaing ogni trista posi-
ziun, nella quela eau momentaneamaing am rechattaiva, mentre cha
nels temps felices ils fögls restettan vöds. *Tönd.* 11.

Per render las trais lias fermas tres concordia, avet ün pissêr da fur-
mêr alliaunzas fermas e perpetuas. *Pr. Cud.* 227.

Saja cha l'ambiziun pigliet il suramaun e ch'ün' alliaunza con la chesa
principesca al lusingiaiva, saja que cha l'amur del giuven pèr, chi's mani-
festet uschè dandettamaing e romanticamaing, hegia comoss il bap, taunt
ais, ch'el pronunziet ün „schi“ passabelmaing spontaneo. *Tönd.* 385.

Füss quaiet hom roz sto ün vittürin, condüand üna chargia da sassa
da fabrica, schi ogni polizist l'avess arrestô. *Tönd.* 298.

Taunt inavannt co nus savains eiran ils Svizzers primitivs ün pövel
incultivô e bainischem roz zo. *Pr. Cud.* 162.

Que füss bain eir bun per Anna, da podair guir davent da quella
gliעד rozza nellas muntagnas. III 79.

Ilis confederôs eiran accurrieus in agüd dels Grischuns, ma lur assi-
stenza paret superflua. *Pr. Cud.* 233.

Scopos pios, pia memoria. *Pallioppi.*

Violina, violina,

Pia sour dell' ümilted!

Vögl chantêr da tia vitina

Ün vardaivel, intim pled. *Z. P. Poesias* 3.

† E. B. Ilis beats in cel vegnen ad havair üna continua beatis-
sima vita. *Abyss* I 9.

E. B. La rumur in quel trid, & schnuaivel cuvel l'infern ns maina
eir in memoria quella dutscha; & amabla musica; chi vain à strasuner; &
strasuna da continuò in quel coelestial munt zion. *Abyss* I 23.

L'amur in cel sara illustra & conspicua in tota perfetta jüstia.
Abyss III 101.

Remarcha. La püpart da quaists aggettivs sun pigliôs our dal italiaun;
quels miss in parentesi vegnan be reramaing druvôs u sun hozindî daffat
inüsitôs.

Exercizi.

§ 207.

Metta il feminin:

Fortünô quel, chi auncha nella vegldüna s'ho conservô
ün cour infantil. La respost' — contegna sovenz profunda
vardet. Curaschi giovenil nun cognuoscha prievel. Impuonda

bain ti' eted —. Il coro viril ho chantô üna bella chanzun. Forza — superescha bgeras difficulteds. Ils mels senils sun mel curêr. Ils pchôs comiss da giuven as svindicheschon sovenz pür nell' eted —. El chaunta da bel contin. La lavur — stanglainta. Nun spander plds superfluos! Quaista lavur ais —. La litteratura della Frauntscha ho agieu üna grand' influenza sün quella dels oters pövels europeos. Ils lös da da cura dell' Engiadina haun üna renomina —.

La Svizzra ais ün stedi europeo. Ad ais da giayüşchêr, cha la pèsch — vegna per saimper mantgnida. L'ova dels flüms da muntagna ais in contin movimaint. Las randolinas sun dalla damaun alla saira in — activited. Nel medio evo applichaiv' ün sovenz la tortura. Il chamuotsch ais üna bestia da — grandezza. Terratrembels, per momentans cha sajan, paun occasiunêr sgrischus disasters. La saetta ais ün' appariziun —. Que ais impossibel. da construir üna machina, chi tres egna forza resta in movimaint perpetuo. Traunter ils chantuns della veglia Confederaziun non re-gnaiva pèsch —.

§ 207 bis

10. Cas dubius.

Da alchüns cas la pronunzia d'ün aggetiv variescha, da maniera cha tscherts scriptuors fuorman il feminin tenor § 193, oters tenor § 189 (§ 195, d. remarcha generêla); uschè chattains p. ex. dasper las fuormas femininas crudela, fidela, secreta, stipa, etc. eir crudella, fidella, secreta, stipa, etc.

La muaglia sütta pasculescha süllas blais, chi sun sovenz fich stipas, fin sper ils vadrets. VII. 141.

Immez la grippa stipa s'evra üna granda chavorgia. *Chal.* 1911, 19.

Be duos schlattas, quella da Giuda e da Bengiamin, restettan fidelas als descendents da David. *J. B.* 60.

Eau dumand uossa eir a vus N. N., scha vulais pigliêr vos spus N. N., acquia preschaint e restêr ad el fidella fin alla mort. *Lit.* 154.

Josef as volaiva separêr da Maria secretamaing. *Menni, Matt.* 1, 19.
Üna vusch secreta il clameva in quist lö. *And.* 149.

† Secrettamaing. L. P. 180.

Crudela Mort. *Pallioppi*.

E. B. O meis char Ulrich, co m'allegra la novella cha tü sajast fügi dalla gulla della crudella mort. *And.* 168.

Üna bunna posseschiun. L. P. 375.

Bgierras choses. L. P. 223.

Formaziun del plural.

a) Plural ordinari.

§ 208.

Il plural ordinari (cfr. §§ 86 e 101) del aggettiv vain formô aggiundschand al pled, saja que la forma masculina u feminina, il custab -s.

Aggettivs, chi glivran nel masculin singular cun -s, restan nel masculin plural invariabels.

Masculin		Feminin	
sing.	plur.	sing.	plur.
agüz	agüzs	agüzza	agüzzas
bel	bels	bella	bellas
bger	bgers	bgera	bgeras
bun	buns	buna	bunas
chafuol	chafuols	chafuolla	chafuollas
egen	egens	egna	egnas
fix	fixs	fixa	fixas
giuven	giuven	giuvna	giuvenas
glisch	glischs	glischa	glischas
grand	grands	granda	grandas
güst	güsts	güsta	güstas
intèr	intèrs	intèra	intèras
lung	lungs	lungia	lungias
madür	madürs	madüra	madüras
malign	maligns	maligna	malignas
mel	mels	mela	melas

melnet	melnets	melnetta	melnettas
nosch	noschs	noscha	noschas
nouv	nouvs	nouva	nouvas
oter	oters	otra	otras
plain	plains	plaina	plainas
propri	propri	propria	proprias
prüm	prüms	prüma	prümas
quaist	quaists	quaista	quaistas
queder	queders	quedra	quedras
quel	quels	quella	quellas
rich	richs	richa	richas
sech	sechs	secha	sechas
tuot	tuots	tuotta	tuottas
vair	vairs	vaira	vairas
vaun	vauns	vauna	vaunas
vegl	vegl	veglia	veglias
vöd	vöds	vöda	vöd

Passand sün sieu mül suot vi ün ruver restet Absalom cun sieus bels chavels lungs. pendieu vi ad ün ram. *J. B.* 55.

Sülla pü otas muntagnas, al ur della naiv e glatscha eterna, florescha ün ranuncel cun fluors alvas cotschnaintas, il ranuncel glacièl, üna dellas plü bellas fluors alpinas. *V.* 183.

L'espersetta spordscha al ögl ün agreabel aspet cun sias föglias verd-s-chüras e'l cotschen rösin da sias fluors. *V.* 180.

Il manzneder ocasionescha bgers mels e disuordens, disuniuns e continuas inimicizias. *Pr. Cud.* 271.

Tuots ils infaunts vegnan sül muond fich debels. *Pr. Cud.* 140.

anguschagius	anguschagius	anguschagiusa	anguschagiusas
bandus	bandus	bandusa	bandusas
crappus	crappus	crappusa	crappusas
curius	curius	curiusa	curiusas
fadius	fadius	fadiusa	fadiusas
fos	fos	fosa	fosas
furius	furius	furiusa	furiusas

grass	grass	grassa	grassas
gustus	gustus	gustusa	gustusas
impetuous	impetuous	impetuusa	impetuusas
insus	insus	insusa	insusas
lungurus	lungurus	lungurusa	lungurusas
misterius	misterius	misteriusa	misteriusas
ombrus	ombrus	ombrusa	ombrusas
pass	pass	passa	passas
premurus	premurus	premurusa	premurusas
prievlus	prievlus	prievlusa	prievlusas
prus	prus	prusa	prusas
religius	religius	religiusa	religiusas
rispettus	rispettus	rispettusa	rispettusas
sassus	sassus	sassusa	sassusas
schlass	schlass	schlassa	schlassas
serius	serius	seriusa	seriusas
sgrischus	sgrischus	sgrischusa	sgrischusas
spelmus	spelmus	spelmusa	spelmusas
spess	spess	spessa	spessas
stramentus	stramentus	stramentusa	stramentusas
tmuoss	tmuoss	tmuossa	tmuossas
valurus	valurus	valurusa	valurusas
vigurus	vigurus	vigurusa	vigurusas
zūjus	zūjus	zūjusa	zūjusas

La sted as nudria la bes-cha süllas otas muntagnas dad ervas *zūjusas*.
III 103.

Eir ils chameils giuvenns haun da fer ils stentus viedis, per s'adüsêr
gia bod als strapatschs. III 105.

Beôs ils bandus, perchê els erteron la terra. *Menni, Matt. 5, 5.*

L'exercit da David s'ammuntaiva be a deshmilli homens, ma que
eiran homens valorus. *J. B. 55.*

Evenimaints misterius. — Queders grandius. — Armaints prus.
— Sbregs lamentus.

In dis chods vegnan las vachas sovenz tormentedas da muos-chas.

Non sun ellas bunas da's d'ostèr, schi cumainzane a cuorrer vi e no scu mez rabgiusas. *III* 101.

Vents impetuus cumanzettan a tshüvlèr tres la val. *VII* 222.

Infra tshient crastiauns dvantôs viziùs saron per il main nonaunta, chi sun dvantôs que per nun as avair adüsôs in lur giuventüna ad üna lavur regulèra. *Pr. Cud.* 287.

Gulus sun ils Frances da dutscharias. *M. L. (Caderas).*

„Vivaiv' auncha“ — que co ais ün stedi chi nella guerra involva in se ils pü sgrischus e smisurôs patimaints. *Tönd.* 293.

Co gniva luttô bruost cunter bruost, ils chavals dvantôs ombrus e furius precipitaivan a terra sburfland, as drizzand dret sü e sbattand cun lur chammass. *Tönd.* 294.

Il coleric saglia sü e prorumpa in impetuus movimaints. *Pr. Cud.* 282.

Davent dimena cul's ödiùs instrumaints da disciplina! *Mag. Am.* 4.

Scha' tesori nun ho da avantèr cravuns, schi stögliaun aunz co avrir la chascha gnir applichôs mezs del tuot particulèrs e misterius. *Pr. Cud.* 30.

E. B. Misterius ils ögls glüschivan.

Cun un fraid riflèss d'atschal. *Lansel, M. L.*

Remarcha 1. Ils aggettivs possessivs nos e vos haun nel plural masculin noss e voss. Confrunta § 252. Pels aggettivs invariabels mera § 188 b.

× **Remarcha 2.** Per ils aggettivs chi glivran cun -ce (mera § 188, 1), chatta ün dasper il plural regulèr qualchevoutas eir ün plural irregulèr, inua la silba -ce dvainta -eis.

Feliceis nus, cha tü our d'paterna grazia ans asgürast cha'ls pietus . . . sun beôs. *Lit.* 176.

Sun ils richs tuots feliceis? *Pr. Cud.* 149.

Umauns feliceis nun paun sentir dispretsche per la mort. *Tönd.* 232.

Ünguotta non ans renda pü incapacis all' amicizia co il chaprizi. *Pr. Cud.* 278.

Nels temps feliceis ils fögls del cudesch cotschen restettan vöds. *Tönd.* 11.

Els nun vöglian pü cognoscher ne's dedichèr alla pü sublima occupaziun, della quèla nus infaunts della puolvra essans capaces. *Lit.* 204.

Dis importants, feliceis, senchs sun quists dis. *Lit.* 203.

† Quellas oraziuns sun plü efficaces. *Trom.* 113.

× **Remarcha 3.** Nella veglia litteratura chattains las irregularitèds seguaintas:

a) Ils aggettivs (e substantivs, cfr. § 94 a) chi glivran cun -aint u -aunt perdaivan generëlmaing il *t* finël nel plural.

† Nus chi ischen pusa uns daiens purtêr las flaivezzas da quels chi sun debils. *Bifrun, Rom.* 15, 1.

In àquel guisa nus ischen cun l'g plêd trêš las chartas, cura che nus ischen dauend, tals ischês êr cura che nus ischen preschains ilg fat. *Bifrun, 2 Cor.* 10, 11.

b) Ils aggettivs (e substantivs, cfr. § 94 b) chi glivran cun *c* u. *k* survgnivan 'nel plural qualvoutas *x*.

Ûn saine taimpel. *Bifrun, Eph.* 2, 21.

Christus nun êš lascho assauair in otras æteds als figls de la lieud, sco huossa êš appalantô a sæs sainx apostels. *Bifrun, Eph.* 3, 5.

§ 209.

Lectûras.

A.

Otas muntagnas serran aint nossas vals alpinas. Lur spuondas solaglivas sun ornedas da gods s-chûrs e spess, da bellas pas-chûras cun ervas zûjusas, sostaziusas e pom-pusas fluors da varias coluors. Lur tschimas superbas e lur grandius vadrets glûschan da dalöntschi. Ils svelts chamuotšchs saglian süllas blais stipas, quasi inaccessibleas al umaun e las allegras muntanellas laschan udir lur tschüvels agüzš e penetrants. Leivras tmuossas percuorran ils gods sumbrivaints. Be ch'ellas nun dvaintan la preja dellas vuolps malignas ed astutas e şanguinolents. *A. Vital.*

B.

Las müravgliusas construcziuns dellas bestias preschain-tan bain grandas varieteds. E quaistas dvaintan auncha pû evidentas tres ün smembrêr anatomic. Che differenza p. ex. traunter ils animêls antedeluviauns d'üna cella e'ls animêls lattants furmôs da bgers milliuns d'cellas da diversas fuormas e destinedas a multifarias funcziuns. Che differenza traunter ils pitschens insects, sustgnieus da lur pel a guisa da skelet,

e'ls animèls a spondil (vertebròs) cun lur complichedas ossa-düras. Ün po congualèr las bestias d'üna cella cullas povras chamannas chi contegnan be ün ambiaint per püssas persunas e lur differentes bsögn, e las bestias da bgeras cellas culs grands fabricats cun numerusas staunzas, murütschs, magazins, s-chelas e crapendas. Eir traunter las creatüras da bgeras cellas regnan auncha differenzas considerablas. Uschè varie-schan ils simpels corps dels polyps d'ova dutscha dals corps artistics dels animèls lattants proporziunèlmaing bger pü cu p. ex. la miserabla chamanna dels eskimos e noss doms superbs chi s'adozan vers il tschèl, ed ils insects bger pü dals molluses cu p. ex.: las chesas dels proprietaris germanais dallas abitaziuns dels nöbels türchs. Scu cha quaists fabricats muossan differentas architectures, uschè eir la construcziun dellas bestias ho per basi differentes pianos.

C.

La not ais passeda. L'aurora stüzza plaun plaun las stailas splenduraintas e sdasda ils legers utschelllets, chi faun strasunêr il god cun lur amablas chanzuns. Ils clêrs razs del solagl comperan e penetran fin nellas pü s-chüras fouras sdasdand sü tuot ils essers vivaints. Las bestias bandunan lur tannas profuondas e s'alleggran del nouv di. Ils umauns activs as leivan e vaun zieva a lur multifarias lavuors. *Clio.*

b) Plural collectiv.

§ 210.

S'accordand l'aggettiv adüna cul numer e gener da sieu substantiv, survain el tar plurals collectivs (§§ 101—117) scu quaists la desinenza *-a*, per ex.:

Il früt — la frütta — buna frütta — frütta madüra.

Il muagl — la muaglia — bgera muaglia — il bös-ch — la bos-cha — bella bos-cha.

Vi della part d'immez del aviöl vzains dua pera d'elas e traja pera d'chammas. VII 265.

A tnotta la famiglia da Gallizius mancaiva sovenz la vestimainta necessaria. *Menni, Saluz* 15.

Dieu nun ans do be frütta gustusa, ma la fo eir bella e pla-schaivla al ögl. *Pr. Cud.* 98.

Tuotta la boscha e frus-chaglia sun sainza früts. *Pallioppi, Övs* 19.

† Mu maria cunsalueua tuotta aqnaista uerua, la cuschidriant in sieu cour. *Bifrun, Luc.* 2, 19.

El impla la giagliooffa da Rudelin cun frütta secha. *Pr. Cud.* 79.

Remarcha 1. Eir in connexiun culs plets milli e tschient survain l'aggettiv generëlmaing la desinenza collectiva -a. Cunfrunta § 235.

Avaunt duamilli ans eiran ils Romauns il pü possaunt pövel della terra. — In noss gods do que bgers boscha da dua- e trajatschient ans. — Duamilli e trajatschient (2300). — Quanta milli francs ho el pajó per quaista chesa? Per taunta milli voless eau fabrichêr üna pü bella. — Quaunts millis cuosta quel terrain? — Già avaunt bgera milli ans eira nossa terra abiteda. — 203,000 — duatschient e traja milli.

Nella citted da Santen vivaiva avaunt bgera tschient d'ans il raig Sigmund cun sia mugliêr Sigelinda. III 1.

In tuot il contuorn gnivan fattas bgera milliera d's-charpas per l'armeda. *Pr. Cud.* 45.

† Ün'hierta da blera milli renschs. *Abyss* IV 39.

Remarcha 2. Eir il plural töchs (tocs) po esser accompagnô d'ün aggettiv nella fuorma collectiva p. ex.: L'armatura della punt in Val Mela ais ida in taunta tocs.

E. B. Qua dà la giatta üna colla cua cunter la chambretta, e quaista va in tantatocs. *Barblan* 5.

L'aggettiv druvô scu substantiv.

§ 211.

1. Tscherts aggettivs as müdan in substantivs abstracts, mettand avaunt il singular l'artichel determinô masculin; lur significaziun correspuonda allura sovenz al neutro tudais-ch (cfr. § 139), per ex:

il bel	das Schöne
il bun (bön)	das Gute

il chod	die Hitze
l'essenzièl }	die Hauptsache
il principèl }	
il fraid	die Kälte
il meglder	das Beste
il mèl	das Übel
il nüzzaivel	das Nützliche
il passô	die Vergangenheit
il pès	das Schlimmste
il preschaint	die Gegenwart
il pü greiv	das Schwierigste
il pü simpel	das Einfachste
il trid	das Hässliche
il cotschen della damaun	das Morgenrot
il cotschen della saira	das Abendrot

Seu ils oters substantivs abstracts, nun vegnan els in quaist senso drovôs nel plural.

Ch'ün tuorn' als temps d'la veglia Mastralia
Scha l'Engiadina per il begl ho sen. *M. L. (Caderas).*

Cumainza cun il pü greiv e nun suspender ünguotta da que cha tû dessast fer. *Pr. Cud. 292.*

Dieu, il Segner ans comparta sia grazia, cha nus fortifichôs tres la forza del sench spiert in tuot bôn parvegnans alla celestièla vardet. *Lit. 24.*

Il pü singulêr del möd da viver del cucù ais, ch'el non cuva ed alleva svesse sius pitschens. *VII 259.*

A che nüzzagia il chod? *Pr. Cud. 159.*

Il marchadaunt as fet ün dovair da fer sieu possibel cha'l mat arriva a sieu destin. *III 67.*

Eir ils predichants fettan lur possibel per sclarir il pövel. *Menni, Saluz 30.*

Nun at laschèr vainscher dal mèl, anzi vainscha il mèl tres il bôn. *J. B. 102.*

Ils peschs drovan pü poch ajer cu las bestias, chi vivan sül sût. *VII 263.*

La devota oraziun adoza l'orma sur il visibel. *Pr. Cud. 268.*

E. B. Evitond da tor sü vōdas rimarias diletantīcas, il compilatur as sforzet da tscherner il melder da nossa litteratura poetica. *M. L. (Lansel.)*

Aint in stüva, sper il let,
 Dad anguoscha plain il pet,
 Tschaint' al debel cler da glüna
 Giuvna mamma sper la chüna. IV 108. (*A. Bezzola.*)

Eau savaiva, cha Friedrich nun revelaiwa cun sieu requint ün muond intêr da sentimaints ed impissamaints, cha'ls evenimaints requintôs avaiwan sdsadô nel profuond del anim del requintadur. *Tönd.* 217.

Provê tuottas chosas, e salvê il bön. *Menni*, 1. *Tessal.* 5,21.

Tü saintast il dūr della paraid, della maisa, del s-chabè; il lam della naiv, il bletsch dell' ova, il chod della pigna. *Pr. Cud.* 142.

L'intern del chastè (furmier) ais traversô da bgers sulêrs e divis in numerosas chambras. VII 270.

Il combat al liber ais sgrischus avuonda; ma il combat in mez ad abitaziuns umaunas ais auncha desch voutas pü sgrischus. *Tönd.* 292.

Ils daschüttels mē nun vezzan il cotschen della damaun. III 90.

Il Mastrêl Schimun procuret per Rico tuot il necessari, sainza acceptêr dad el nemain ün bluozer. III 69.

Vo or' al liber. *M. L. (Lansel.)*

† Aquei chi es fidel ilg plü pitschen, aquei es er in bgier fidel; et aquei chi es chiatif ilg plü poig, aquei es er chiatif ilg.bgier. *Bifrun*, *Luc.* 16, 10.

La cumpaschiun ais sco las nüfflas da la ploeffgia, in l'g tēmp dalg sütt. *L. P.* 307.

Gloria à Dieu in'ls Otissems & in terra paesch, in la glieud da la buna vögliä. *Form.* 41.

Hosanna ils hutichês. *Bifrun*, *Marc.* 11, 10.

§ 212.

2. Quasi tuot ils aggettivs as paun müdêr in substantivs concrets, mettand avaunt il singular l'artichel u ün aggettiv determinativ u ils drovand nel plural sainza u cun l'artichel determinô, u cun ün aggettiv determinativ, per ex.:

L'ammalô, il pover, ün rich, ün avar, ün richun, ün suord, la giuvna, la giuvnetta, la veglia, ils pitschens, richs e povers, mieu prossem.

Il mellen d'öv; l'alv del ögl: mieus contschaints, quaists povers: l'ester 1. = ils pajais esters (das Ausland), 2. = üna persuna estra (der Ausländer).

Nun invilgêr il superiur, ne spredscher l'inferiur. *Pr. Cud.* 293.

Giob dschet: „Eau eira la guida del orv e la pozza del zop, ün bap dels povers e l'assistent dels orfens“. *J. B.* 84.

Tscherchain da sligerir la trista sort dels suords ed orvs cun amur e bainvuglienscha. VII 284.

Il diligiaint imprenda tuot que ch'el ho da savoir a dret temp. *Pr. Cud.* 288.

Tuots guardettan attentamaing il cler cristallin, nel quel il mellen d'öv nudaiva seo üna balla. *Pallioppi, Örs* 15.

E nus s'exortains, frers admoni ils dissoluts, confortè ils pusillanims, gni in agüd als debels, sajas pazchaints vers tuots. *Menni, 1. Tessal.* 5, 14.

Ils sauns nun haun bsögn del meidi, mo ils ammalôs. *J. B.* 92.

Vos Bap in tschèl fo alvèr il solagl sur noschs e buns, e plover sur güsts ed ingüsts. *J. B.* 95.

Cun quaists plets la buna veglia tuchet maun alla matta e la condüet fin avaunt üna granda porta. II 13.

E. B. In las relaziuns tranter Romanschs, in l'intimitad da nossas chasas, ans reservains l'adöver exclusiv del linguach da noss vegls. *M. L.* 5.

E. B. Quai füss puchà da non salvar, quai chi's resguarda per caracteristic e da valur per esser salvà a noss posteriurs. *Barblan* 92.

E. B. Üna fontana da guadagn bain considerabla per nossa popola-ziun ais l'affluenza d'esters. V 117.

E. B. Al ester, singularmaing in pajais germanais, ün segua cun gronda simpatia nossa lingua e nossa litteratura. *M. L. (Lansel).*

† E. B. Che podess ün orb giavüschar auter, co quai chi deside-
reva quel. Luc. 18 v. 41 chel arfsches la vezüda. *Abyss,* IV 40.

L'g parr improepchia maelamuraiuelmaing, & l'g dun d'ün iuil-
gius cusüma l's oegls. *L. P.* 163.

Uos bab in schil lascha aluer l'g sullailg sur l's mèls e sur l's
buns, & trametta la ploeffgia sur l's güsts, & sur l's nòsths.
Bifrun, Matt. 5, 45.

Ungüna chiosa ais plü maelgiüsta co ün auaritijs, perche el ho
eir sia oarma vvnaela. *L. P.* 95.

Sacuorra à tieu prossem suainter tieu pudair. *L. P.* 260.

Exaimpels divers. Ün sto pisserèr pel nüzzaivel aunz cu s'occupèr del bel. Il bapnos glivra culs peds: „Spendrans dal mèl.“ Nun smanchèr il principèl, t'occupand cun bagatellas. L'essenzièl per minchün ais da giodair buna sandet. Chi ais fidèl nel poch, ais eir fidèl nel bger. Ogni chosa ho sieu bun e sieu mèl.

Il scort ceda. Il nar ria da que cha'l scort disch. Il rich stu güdèr al pover. Beòs ils nets da cour! Güda al debel e bsögnus! L'ester prodüa bger pü automobils e biciclettas cu la Svizzera. Il paster chüra ils süts (la mua-glia sütta). Quaist hom ais ün süt (chi fo pochs peds). L'am-malô eira süls ultims (= in den letzten Zügen). Dieu fo plover sur güsts ed ingüsts. Tü fest il daschütel. Sajast tü il scort. El fo scu ün desperò. Nun fèr il stuorn (scu ün stuorn)! (cfr. § 161 c.)

Lectüras.

§ 213.

La vaira religiun as masda col sentimaint della vita ex-teriura, rinforza nossa dignited e nossa brama da bön ed ans furnescha las armas per combatter il mèl.

Fand resortir il pü greiv e'l pü trist della vita, schman-chains sovenz d'accoglier cun cour recognuschaint il bel e l'agreabel ch'ella ans spodscha.

Il simpel e'l natürèl pleschan generèlmaing il pü bain.

Nossa pizza illumineda dal cotschen della saira ans offra üna vista d'incomparabla bellezza.

In chesa del pover chatt' ün sovenz tesoris d'amur e d'abnegaziun ch'ün tschercha invaun in chesa del rich e potent.

Ün avar nun po esser ün bun umaun, perchè la bunted dumanda ch'ün metta in servezzan del prossem ils duns ch'ün ho arvschieu.

Ils pitschens vöglian in tuot imitèr ils grands, perquè ais que zuond important cha quaists giaian avaunt cun bun exaimpel.

Il diligiaint reuschirò a's render ütil nel muond, il daschüttel (daschütel) sarò a charg dels oters.

Seo cha'l preschaint ais inrischieu nel passò, uschè ils antenats exerciteschan üna granda potenza, con lur vita e lur ouvras, süls preschaints, e quaists süls posteriours.

Noss vegls giaivan nel ester a's guadagnèr lur paun e sovenz returnaivan cun üna bella faculted.

L'activ tegna quint da sieu temp, il pultrun nun so che fer d'el ed il mazza.

Il prepotent reuschirò a fer valair sa volunted, ma nun acquisterò la stima del prossem.

Ün temporel da sted transmüda sovenz ün chod soffocant in ün frais-ch bain sensibel.

L'essenzièl da nossa vita ais da'ns render ütils a noss similis.

§ 214.

A.

Ün ingrat fo dan a desch povers.

Nella schlatta da Neggde in Arabia eira üna vouta üna puledra, chi eira fich renomneda, ed ün Beduin d'ün' otra schlatta, nomnò Daher, eira gnieu mez naz dal desideri da la posseder. Aviaand offert invaun per ella tuot sieus chameils e tuottas sias ricchezzas, al gnit ad immaint da's taindscher la fatscha cun süj d'erva, da's vestir cun sdratscha, da's lièr sü il culöz e las chammas seu ün murdieu strupchò e dad ir allura a spettèr Nabec, il patrun della puledra, sün üna via inua ch'el savaiva, ch'el stovess passèr. S'approssmand quaist, al disch el cun vusch debla: „Eau sun ün pover ester; daspö trais dis nun am ne podieu smuanter davent da cò per

ir a'm tscherchèr nudritura; eau stögl bod murir, o gni'm in agüd; Dieu as recompenserò.“

Il Beduin al propuona da'l piglièr sün sieu chavagl e da'l mnèr in chesa sia; ma il furbaz respuonda: „Eau non sun in cas da'm alvantèr, eau nun he pü la forza lotiers.“ L'oter, plain da cumpaschiun, smunta, maina sia peledra sper il murdièu e cun granda fadia il güda sul chavagl. Appaina ch'el as chatta in sella, Daher do al chavagl üna culla staffa e parta dschand: „Que sun eau, Daher, chi l'he piglieda e chi la main d'avent.“ Il patrun della puledra al clama da'l tatlèr. Sgür da nun podair gnir perseguitò, el as volva ed as ferma ün po da dalöntschi, perchè Nabec eira armò cun sia launtscha. Quaist al disch: „Tü hest involò mia puledra. Scha que plescha a Dieu, eau at giavüsch prosperited, ma eau at suplich da nun dir ad üngün'orma, cu cha tü est gnieu in possess d'ella.“ ... „E perchè?“ respuonda Daher. ... „Perquè ch'ün oter podess esser vairamaing ammalò e restèr sainza succuors; tu sarost la cuolpa, cha üngün nun farò pü ün act da charited, per temma d'esser ingiannò scu eau.“ Tuot smort da quaists plets, Daher refletta ün momaint, smunta dal chavagl e'l renda a sieu proprietari l'abbratschand. Quaist il pigliet cun se. Els restettan insembel trais dis ad as gürettan fraternited.

(Suainter Lamartine, Voyage en Orient.)

B.

Da mèls e malattias.

Scha l'armonia in nos organismo vain disturbada gnins nus ammalòs. Que do mèls da mincha di, cha minch' ün fo tres. Chi da nus per exaimpel nun ho fingiò gieu ün brav dafraid cun starvera e tuoss e nun ais mè stò roch? Chi nun avess da cognuoscher il mèl i'l cho ed il mèl i'ls daints? Chi ais adüna stò uschè prudaint da nun mangèr chosas chi faun mèl i'l vainter e nun ho mè fat tres ün' indigestiun

chi'l fet cuorrer o gnir da render (vungias)? La contentezza d'ün umaun cun benefizi da chüerp (u andamaint da corp = Stuhlgang) normèl so appredschèr be quel chi soffrit da constipaziun cronica. Eir ils inconveniaints dels öglis d'giat e dellas buganzas cognuschains in granda part our d'egna esperienza.

Ün dels cas ils pü simpels da malattia ais la pleja, chi suot bunas condiziuns guarescha laschand inavous üna natta. S'inflammand (u rebüffand), suot l'influenza del fraid per exaimpel, as transfuorma ella in ün' ulceraziun (Geschwür). Sch'ella vain infecteda tres ascria chi aintra, fuorm' la matergia. OTRAS fuormas da supuraziuns (Vereiterungen) localas, chi tuottas as manifesteschan sco iffladüra dolorusa cun la tendenza da rumper our, sun bignuns, franguellas (Umläufe, Panaritien) ed abscess. Prievlusa dvainta la chosa, scha l'infecziun locala as generalisescha e'l saung vain töss-chentò. Il resultat ais allura üna feivra vulneraria (Wundfieber), chi pö mner alla mort. Il pü contschaint exaimpel d'üna tèla savess esser la feivra da lat dellas paglioulaintas. Tuottaffat spezièla ais l'infecziun vulneraria ch'ün nomna rosapilla (Erysipel), chi parta da pitschnas plejas invisiblas ad ögl e vain avaint il pü sovenz vi dalla fatscha. Per fortuna la chirurgia moderna cun sieu trattamaint antiseptic dellas plejas chattet la via per evitèr quasi con sgürezza las greivas infecziuns. Quaista part della medicina, chi fin lò s'occupaiva quasi be cun mèls externs sco stüertas (Verrenkungen), slovadüras (Ausrenkungen, Luxationen), ruottadüras (Knochenbrüche), arsas etc. e per la quèla fingiò l'amputaziun d'ün member eira combineda cun ris-ch da vita, ais uossa arrivada ad ün tël grò da perfecziun ch'ell' operescha in mincha profuondited del corp umaun. Intèrs organs sco gnirunchels, spletschas (Milzen), stomis e töchs del bögl, del fiò, dels pulmuns e perfin del tschervè paun uossa gnir allontanòs tres operaziuns asepticas. Sainza

dubi la chirurgia moderna guariss tuot las malattias seguond il princip da trêr our il daint chi fo mèl, scha tscherts organs nun füssan indispensabels per viver. Melavita ais que però il cas, uschè cha reistan aunch' adüna avuonda da quellas ch'ün sto as cuntentêr da curêr cun masdinas ed oters mezs. Ouravaunt tuot ais que necessari tar las affecziuns del cour (Herzaffektionen) e tar las inflammaziuns, dellas quêlas las pü contschaintas sun: la puoncha (Brustfellentzündung), la puoncha zuppèda (Lungenentzündung), il mèl dellas lisüras, la guotta (Gicht), l'inflammaziun del bassvainter. Otras malattias chi vegnan avaunt tar nus e meritan perquè menziun sun il mèl marsch (Schleimfieber), il mèl cotschen o flüss (Ruhr), il mèl della peidra (Steinkrankheit), il mèl gialv (Gelbsucht, Gallenstein), il cuolp apoplectic (Hirnschlag), la sdrinèra (Hexenschuss), la guotta d'inafaunts (Zahnkrämpfe) ed otras granfchas. Grand' importanza eir socièla haun las malattias contagiusas ed ertaivlas, principèlmaing l'etisia cun sieus sbuochs da saung, las viroulas nairas, gnidas Dieu ludô fich rèras daspö ch'ün metta las viroulas als infaunts pitschens, las viroulas sulvedgias (Windpocken), il viruos-chel, la difteria, la feivra s-charlatina e la tuoss chanina, tuottas giasts prievevus per noss infaunts. Fortünedamaing füttans daspö seculs preservôs dallas pü terribblas malattias epidemicas, chi sun vairs flagels dell' umanited: la pesta e la colera. Na smanchêr volains la cancrena o il canker (Krebs), chi as muossa cò e lò, la natüra del quèl ais auncha bain poeh scelarida.

Main prievevusas, ma na main dolurusas e socièlmaing importantas sun las malattias da gnierva. Na be quels povers orvs e suordmüts, gobs, zops e schirôs (Lahme) chi and resultan, sun da cuschidrêr, ma postüt eir quella povra glièud, chi ho l'imaginaziun ammaleda e chi's turmainta a se stess ed al prossem cun sias ideas fixas e sia ipocondria. Da noss temps agitôs e sainza risguards per la vita interna del umaun

ais que dei rest püttost rër da chattèr glièud na gniervusa. Per avoir ün' idea quauant cha l'ammalò d'obsessiun soffra as sto be s'algordèr del dischöl (Alpdrücken), cha bgers da nus cognuoscherons. Pü impressiun sül observatur exterior faun las malattias da gnierva chi's manifestan in convulsions. sco chi demuossa il nom da „mèl trid“ pel mèl da crudèr vi. La pü terribla malattia ais bain quella da spiert. rendand l'umaun tuottaffat inabel alla vita socièla. Da quists povers disgrazchès dò que adüna dapü e lur unica masdina ais l'amur cristiauna, chi ho savieu fèr our dallas veglias chesas da narramainta asils da filantropia, chi faun pü onur a nossa civilisaziun co tuots ils grands progress della scienza. *Suainter Dr. Bezzola.*

§ 215.

Aggettivs cun desinenza feminina druvôs da per se.

Sovenz ün aggettiv cun desinenza feminina vain druvò da per sè ed independentamaing da tuot substantiv determinò al quèl el as podess referir. A füss tuottüna meglder da na interpretèr quaist adöver del aggettiv scu substantiv. perchè originariamaing l'aggettiv s'averò referieu ad ün substantiv feminin. chi ais ieu pers cul ir del temp.

L'alva della damaun.

O bella! — Tü fest da bellas.

Que ais üna buna! — Eau non sun in bunas cun el.

La chüzza ais ün nosch giast. La clera d'öv.

Gnir alla cuorta. — Trer la cuorta.

Dir grossas.

Viver all' ingranda, alla granda.

Cumprêr all' ingrossa.

La megldra da tuottas ais da taschair.

Quaista lavur ais fatta be a mezzas.

La pèra da tuottas ais da nun giodair sandet.

Bella quaista!

Ad arrivan da quellas chi faun ster ils chavels dret sü.

El vo alla veglia e nus gains alla nouva.

Fêr alla svelta.

Nus volains baiver üna. Tü am fest crajer üna!

La Prussia fo las bellinas cun la Frauntscha. *Tönd.* 241.

Cur ils leders dian: Pêsch e sgürezza! allura ils surprena all' improvista la perdizun. *Menni* 1. *Tessal.* 5, 3.

A dretta ed a schnestra del Nil s'elevan munts. III 99.

.... Ed a schnestra el

La mamma vzet cun ögls glüschaints guardand sül mat ... *Chal.* 1911, 29 (*Flor. Grand.*)

Tü stoust inclêr que tü tschauntschast, e na pronunziêr plets all' orva, sainza savoir que tü disch. *Pr. Cud.* 272.

Que giarò auncha bain lung temp, fin cha'ls stedis arrivan a quella da fêr decider lur questions tres tribunêls d'arbiters internaziunêls. *Tönd.* 156.

Arrivôs a Golgota, crucifichettan ils Güdevs Gesu, e cun el insembel eir duos melfattuors, l'ün alla dretta e l'oter alla schnestra. *J. B.* 137.

Esau preferiva las occupaziuns all' avierta. III 30.

Ils pastuors da Canaan abiteschan tuot an all' avierta suot lur tendas e giran con lur scossas per il pajais intuorn. III 98.

Be cun l'Anna eira Rico saimper in bunas. III 52.

Non vuliand ils Rätiers as suottametter cun las bunas, pigliettan ils Romauns bgers dels pü ostinôs ed ils plazettan in diversas contredgias allontanedas. *Pr. Cud.* 170.

La Dumengia sül spuntêr dell' alva gnittan las duonnas alla tomba cun las spezchas per imbalsamêr il corp da Gesu. *J. B.* 138.

L'amda bugliva dal feil e sbragit: „Fest tü da quellas?“ III 63.

„E cu ais 'la passeda?“ dumandet la vuolp al luf. III 132.

Bap, tü ans voust dêr da crajer üna. IV 105.

Ed eau lagnet sül nouv schluppet,

Al dschand: „Tü m'hest fat üna!“

E requintet be cler e net

A tuot ma disfortüna. *G. P. Balastêr.*

Ils Glarunais e Grischuns s'avaivan pigliôs sùls corns, e sch'els as po-daivan fer üna, schi nun spargnaivan. IV 89.

Üngüna da quaistas tesis, ne las consequenzas ch'ün and tira, nun as laschan sustegner, cur ch'ün las metta allas strettas. *Tönd.* 244.

Ma per nun at tgnair sü pü lösch, schi't rov eau, da'ns tatlêr alla cuorta. *Menni, Act.* 24,4.

E. B. In nos Grischun regnettan seculs alla lunga üna quantità da signurs ecclesiastics e seculars. V 64.

† Perche è uain ad aquella ch'Herodes uain à scherschier l'g mattel, par l'g amazêr. *Bifrun Matt.* 2, 13.

Felix hauaiua er cun que spranza che gnis ad aquella che gnis agli do daners da Paulo. *Bifrun Act.* 24, 26.

E. B. Ilg Apostel PAULUS pradjiond treiva eir el à la lunga, tenor chia l'occasiun s'praeschâteiva. *Tromm.* 128.

§ 216.

Substantivs chi dvaintan aggettivs.

In bgers cas, per cumpartir ad ün substantiv ün attribut verbèl, la lingua ladina s'inserva d'aggettivs chi contegnan l'idea d'ün verb, scu per ex.:

spaisa gustusa = spaisa chi gusta

chantunais invilgius = chantunais chi invilgescha

famagl laborius = famagl chi lavura gugent

hom profetic = hom chi profetisescha

matta rispettusa = matta chi rispetta

aspet sgrischus = aspet chi fo sgrischir

effets stramentus = effects chi faun stramentèr

mür tmuossa = mür chi temma

delinquent vergognus = delinquent chi as verguogna etc.

In oters cas, cura non existan vairs aggettivs chi podessan designèr üna qualited d'activited, ün impuonda aggettivs verbèls (originariamaing particips), p. ex.:

l'ova correnta = l'ova chi cuorra

ün affèr important = ün affèr chi importa bger

ün scolar obediaint = ün scolar chi ais adüsö ad obedir

ün hom perseverant = ün hom chi ais adüsö a perseverèr

il fögl precedaint = il fögl chi preceda

uondas s-chimantas = uondas chi s-chiman

ün füm suffocant = ün füm chi soffochescha

ün umaun tolerant = ün umaun chi ais adüsö a tolerèr

pass vacillant = pass chi vacillescha

la lingua vivainta = la lingua chi viva

etc.

Cura però non existan pel scopo indichö ne aggettivs ne particips, ün s'inserva in bgers cas da tscherts substantivs (derivôs da verbs) chi dvaintan allura aggettivs, scu:

ün mat bajaffeder }	
ün mat bajeder }	= ün mat chi bajaffa gugent
la missiun civilisatrice	= la missiun chi civilisescha
il luf sgiarbeder (s-charpeder)	= il luf chi s-charpa
la chüra protettrice	= la chüra chi protegia
Cartago triumfatrice	= Cartago chi triumfescha
etc. (Cunfrunta §§ 23—25.)	

Pustüt la litteratura veglia ans spordscha ün ampel numer d'exaimpels da quaiſt' ultima qualited, p.ex. hommens manznaedars, amich schgiägiaeder, hom tschantschaeder, duonna tschäschaedra etc.

Richamaing ans ho Dieu recompensôs per nossa hospitalited, e tschernieu te, tü bun hom nair, per nos aungel protettur. *Pr. Cud.* 49.

Eau al tramet nel istess temp qualche cudeschs:

„L'infant pietus e sieu aungel custode,“ e „Eroes patriotics.“ *Tönd.* 234.

In dis da grandas plövgias ais il god l'aungel tutelêr del pajais. VII 206.

Quel chi sorta victorius d'üna guerra, vezza crudêr in schnuoglias avaunt se l'intêr corp dels istoriografs, chi l'exalteschan sco l'agent d'üna „missiun civilisatrice.“ *Tönd.* 263.

La serp traditura. *M. L. (Jaeger).*

Al debitor suottascrit aspetta l'impegu, da pajêr per il chapitel soprazifrô il fit annuêl da quatter % e que franco a maun della Vschinauncha creditrice. V 399.

Circa $\frac{4}{5}$ dellas fabricas in Svizzra s'inservan dell'ova scu forza motrice. VII 156.

Las randolinas non sun scu tschertas mattettas bajedras, chi staunuras cullas uras a der del battagl, impê da fer lur lavuors. V 211.

A tia chüra protettrice e benigna raccomandains nus uossa ed assaimper nossa comunitê e baselgia. *Lit.* 212.

Tuottas comunicaziuns postêlas sun interruttas; be tres colombs messagêrs e tres balluns sto ün in relaziun cun il rest del muond. *Tönd.* 510.

† Elg es dime che l'g huasthg saia da sort chel nu possa gnir arprais custümô, hunest, albergeder. *Bifrun* 1. *Tim.* 3, 2.

Vhê ün hum maglieder. *Bifrun, Luc.* VII 34.

La sabgiênscha ais zuôd da loensch da la superffgia, e dalg ingian, e l's hommens manznaedars nun vegnan à faer mêtium da quella. *L. P.* 137.

Ün amich schgiägiaeder ais sco ün pulêdar chi schguigna suot iminchia chiaualgiaunt. *L. P.* 287.

Ûn hom tschantschaedar ais da tmair in sia cittaed. *L. P.* 92.
Que chi ais la muntaeda sablunainta als peis dalg vél, que ais üna duonna tschanschaedra ad ün hom quaid. *L. P.* 227.

E. B. La fick nomnada citat d'Athen: la triumphatrice Cartago: la stolza Troja, sun usche chiauvol sepulidas in lur ruina. *Abyss*, I 29.

Remarcha 1. La desinenza feminina -trice als ün' infiltraziun italiauna e füss meglder d'adoptèr la desinenza -tura pü romauntscha, seo nel exaimpel: La serp traditura. *M. L. (Jaeger)*.

L'exaimpel *Abyss* I 29: la triumphatrice Cartago, muossa cha l'infiltraziun italiauna -trice ais fich veglia.

Remarcha 2. Eir ils substantivs maister e maistra, amih ed amia, inimih ed inimia vegnan drovôs da voutas scu aggettivs.

Ûn oter dragun inimih piglia mieu cumpagn e'l stordscha uschè vigurusamaing inavous sün la sella ch'el as rumpa il spinèl. *Tönd.* 300.

E fraidamaing quel marmel bain demuossa,

Cha pü splendur transpira d'üna fossa,

Chi d'pochas fluors ün maun amih ornet. *Caderas, Fluors* 34.

Pü bod las vias maistras giaivan in parte tuot otramaing co uossa.
Pr. Cud. 199.

L'aggettiv drovô scu adverb.

§ 217.

L'aggettiv vain eir sovenz drovô impè d'ün adverb, p. ex.:

El chaunta fos. Tü tegnast dür. El am guarda fiss.
Il chavagl vo zop. El mira dret e tira tort. Que vo pulit!

Davart quaist adöver del aggettiv confrunta il chapitel VI.

Que boffa taunt ferm, cha il vent m'ho bod cupicheda. *Ann.* II, 255
(*Caderas*).

Che bella coruna cha'l chödt (chöd) ho sül cho e co begl glüschan las pennas brünaintas e melnas! *Pr. Cud.* 89.

Il cour da quaist pövel ais indürieu, e con lur uraglias odan els greiv.
Menni, Act. 28, 27.

L'hom il guardet fiss. *J. B.* 151.

E. B. Ils Reziers traffichaivan particularmaing con meil chi rim-plazzaiva quella vouta il zücher, con chaschöl, con muvel e pels, e sgür eir con laina d'larsch per la fabricaziun da barchas. V 8.

E. B. Scha volaivat gnir scorts e da bain, schi stovais imprender brav.
Porta Mag. 19.

E. B. Chod arda il mezdi da stà. *Lansel (M. L.)*.

Remarcha. In connexiun cun preposiziuns servan eir bgers aggettivs alla formaziun da locuziuns adverbieilas, scu

da contin
da rer (darêr, d'inrêr)
da strusch (dastrusch)
dad ot
in vaun (invaun)
per sgür
del sgür
etc. (mera chap. VI).

Discuorra dad ot!

Il plat ais ieu per mez.

Guardè cha vus nun spredschas ün da quaists pitschens; perchè eau di a vus, cha lur aungels vezzan da contin la fatscha da mieu Bap in tshêl. *J. B.* 116.

Nus savains per sgür cha nus nun vivains zuond löng. *Pr. Cud.* 283.

Il bastimaint ais pers, ais pers del sgür. *Chal.* 1911, 24 (*Florian Grand*).

L'adverb druvò scu aggettiv.

§ 218.

Qualvoutas chattains eir il fenomèn contrari da quel manzunô nel paragraf precedaint, cioè ch'ün adverb dvainta aggettiv, u vain druvò scu tel, p. ex. la part la pü aintasom = der innerste Teil, la part davaunt = der vordere Teil, las chammas davous = die hintern Beine (Hinterbeine) etc. cfr. chap. VI.

Ma els s'imbattettan in ün baunch da sablun; e la part davaunt (della nev), ficheda lo, staiva sainz' as mouver, mo la part davous as rumpet tres la violenza dellas uondas. *Menni, Act.* 27, 41.

Ils duos prüms mais del an et il davous (= der letzte) sun mais d'inviern. *Pr. Cud.* 157.

Desinenzas augmentativas e diminutivas del aggettiv.

§ 219.

La significaziun dels aggettivs po subir tshertas modificaziuns tres las desinenzas augmentativas e diminu-

tivas. Las prūmas, seu cha disch lur nom. augmaintan, que voul dir ingrandeschan o rinforzan la qualited indicheda dal aggettiv, sovenz espriman ellas eir ün' idea da spredschi: las seguondas diminueschan o impitschneschan la qualited expressa per l'aggettiv e combinan sia significaziun qualchevoutas cun ün' idea d'affecziun, d'attachamaint u da compassiun.

Ils aggettivs cun desinenzas augmentativas u diminutivas dvaintan suvenz substantivs. (cfr. § 212.)

a) Las pü üsitedas desinenzas augmentativas sun -un e -atsch, p. ex.:

bun		bunatsch
gross	grossun	grossatsch
inguord	inguordun	inguordatsch
melscort	melscortun	melscortatsch
pover		povratsch
rich	richun	
trid	tridun	tridatsch
tuct	tuctun	tuctatsch

„Tü meritast tuot!“ dschet la vuolp al luf, „perchè est uschè ün inguordun?“ II 34.

Cur infaunts non faun da scorts sovenz las mammas ils lagnan, dschand cha sajan melscortuns.

Ad umauns fich greivs, grossuns arcumanda il meidi sovenz bger movimaint per ch'els vegnan pü megers.

Masdinas patentadas haun na darèr rendieu lur inventur richun, sainza però güdèr bger alla gliעד, chi las drovan.

b) Las pü üsitedas desinenzas diminutivas sun -in e -et, p. ex.

bella	bellina	belletta
blond	blondin	
bluord	bluordin	bluordet
cher	cherin	cheret
frais-ch	frais-chin	frais-chet
grand	grandin	grandet

grass	grassin	grasset
pover	povrin	povret

Dürezza col povret. *Z. Pall. P. 7.*

Eau füt quella povretta stravestida e vulaiva in quists temps, usche dürs als povrets, metter vossa charited alla prova. *Pr. Cud. 25.*

Eau vez ir la veglietta

A sieu prüvó tramegl. *M. L. (Caderas)*

Quella vusch m'ais tant charina. *M. L. (Cloetta)*

Tu però, bassin creschida

Traunter müs-chel frais-ch intuorn,

Spandast ün'odur chi mûda

In elisio tieu contuorn. *Z. Pall. P. (Viola)*

Romauntsch, romauntsch! favella d'Engiadina

Füss eau dals mieus eir il pû lontanô:

Udind tieu sun, tia rim'uschè simplina,

Stuvess eau cuorrer in lur bratsch darchò! *Z. Pall. P.*

Nos chalgêr ais ün hom deblet.

„Övs?“ dumandet Marta, tuot surpraisa, „ed a che adöver?“ — Bluoordetta, dschet la duonna, „a che adöver?“ — per cuschinêr. Vo pür e guarda da turnêr bainbod“. *Pallioppi, Övs 8.*

Zieva qualche temp arrivettan trais giuvnets nella citted. *Pr. Cud. 20.*

Nus non udins ünguotta, scha moventains ün curtè be plaunin tres l'ajer (adöver adverbîel) VII 283.

.... Ils infaunts, lur baderlêr cherin *Chal. 1911 (Florian Grand).*

E. B. Scha vo faivat quai, schi eschet gia uossa scortets. *Porta Mag. 19.*

... Stupenda la damaun

E solagлива, ma fras-chetta eira. *Chal. 1911 (Florian Grand).*

Que ais uschè beglin. *Pr. Cud. 91.*

Remarcha. Probabelmaing l'unic exaimpel d'üna considerabla müdeda da significaziun spordscha l'aggettiv diminutiv sulet, chi significha *unic*, da per sè, intaunt cha sul ais sinonim da *trid* e *grisclus*. La combinaziun sul sulet significha *tuot sulet*, *sulischem* (cfr. § 220).

Nel principi creet Dieu il tschêl e la terra. Mo la terra nun avaiva üngüna fuorma; ella eira sula e vöda. *J. B. 1.*

Che sul badaint

Che greiv momaint! *M. L. (Flor. Grand).*

Eau vögl tös-chantêr mieus duos compaigns, schi resta la ricchezza a mi sulet. *Pr. Cud. 27.*

La glüsch suletta fo containt,
 La vaira glüsch del tschêl. *M. L. (Pallioppi).*
 Perchè get el davent dalöntschi da te,
 T'laschand suletta qui? *Chal. 1911, 23 (Flor. Grand).*
 E sieu cumpagn restò
 Cun imprudenza fö battand nel möd
 Dels Indiauns, crodet d'ün cuolp d'solagl,
 Ed Enoch sul sulet restet. *Chal. 1911, 26. (Flor. Grand).*
 Be sul sulet in ma chambretta
 Eu stun pensand e sainza glüm. *M. L. (Cloetta).*

× Nella litteratura veglia chattains numerus exaimpels chi muossan cha pü bod sul avaiva l'istessa significaziun seu hozindì sulet. Eir sulet ais però fich vegl.

† Da quel di & da quel tijmp nu so üngiün, niauncha l's aungels quael chi sun in schil, nêr el filg, dimperse s'ül l'g bap. *Bifrun, Marc. 13, 32.*

Et sco Jesus hauet udieu aque pled, quael chi gniua dit, schi dis el agli parzura de la synagoga: Nu tmair, sulamang craia. *Bifrun Marc. 5, 36.*

Et è nu es scrit sulletamang parmur da quel, che saia agli araschunò, dimperse er parmur d'nus. *Bifrun Rom. 4, 23—24.*

L'almousna nattagia l'g pchio. Que nun vain ditt per amussaer chia nossas bunas houres, chi nun sun perfettas, n's pardunan l's pchios, l'g quael duainta sullamaing traes Jesü Christum. *L. P. 47.*

Renuntiand diména ad iminchia sprauza humauna, piglains ardimaint da tia sula misericordia, & comparains avaint tia facia per obtegner gratia. *Form. 12.*

E. B. Eug n'haj clamà tuots crastians alla cognoschenscha da lur aignas plajas, eug m'haig s'fadià da'ls manar al sul vair Dieu et a Jesu Christo, seis Filg. *And. 173.*

c) Üna desinenza diminutiva quasi exclusivamaing droveda pels aggettivs indiehend üna color ais -aint, p. ex.:

alv	alvaint
blov	blovaint
brün	brünaint
cotschen	cotschnaint
grisch	grischaint
mellen	melnaint
nair	nairaint
verd	verdaint

Dellas voutas vain la marella, pustüt tar gliend veglia, intransparenta e ho allura üna color grischa alvainta. VII 280.

La femna del cucù ais suotvart brüna cotschnainta. VII 259.

Il miguogl del spinèl ais üna massa grischainta. VII 278.

Il feil, üna fluidited verdainta e fich amara, cula our dal fiô ed as ramassa in üna vschia. VII 289.

Co begl glüschan las pennas brünaintas e melnas del chöd. *Pr. Cud.* 89.

Ed üna figlia

.... con chavels blondaints. *Chal.* 1911, 29 (*Flor. Grand*).

Il fluid verdaint, chi resta nella chüdera zieva chaschô, ais la scotta. III 100.

E. B. Cun las grischaintas nûvlas chi passan sü nel tschêl

Lasch'ir teis spiert, retschercha sulet il god fidel. *Lansel (M. L.)*

Aggettivs cumposts.

§ 220.

La significaziun d'ün aggettiv ais sovenz completteda u modificbeda tres l'aggiunta d'ün seguond aggettiv, d'ün particip u d'oters plets, scu cha muossan ils exaimpels seguaints:

alv—grischaint	bel e mort
bel e fat	bletsch elitsch
brün—cler	bletsch cregn
cotschen—brün	blov—cler
cregn—bletsch	blov—nairant
fat e spüdô	dür mort
marsch pittoc	grisch—nairant
nouv—naschieu	grass tais (tais gross)
naschieu mort	mellen—verd
pü mort cu viv	nouv—arrivô
sul sulischem	nouv rischaint
sul sulet	rat e ferm
sulischem sulet	saun e salv
	staungel lass

Iuua ais il novnaschieu raig dels Güdevs? *Menni, Matt.* 2, 2.

Intuorn la tshima del aconit alpin staun grandas fluors blov-s-chü-ras. V 198.

Ogni manchin del calamandrin port'ün calisch verd-cler. IV 82.

La scorza cotschna brünainta ais pustüt tar larschs vegls fich grossa e gruoglia. V 209.

Vers l'utuon vegnan las muntanellas, grazia a lur bun appetit, gras-sas taisas. III 113.

Nouvnaschieus infaunts, chi peran ardaints a lur ultima uretta, dajan gnir dalum battagiôs dal minister e d'üngün oter. *Menni Saluz* 23.

Intaunt cha mangiaivan, gnittan notiers da tuot las chesas grands e pitschens, staivan in circol intuorn ils nouvs arrivôs ed ils guardaivan sco üna müravaglia. *Pr. Cud.* 84.

Dalla cella sorta ün aviöl intêr ed intrat. VII 268.

La forella non drova masslêrs, per motiv ch'ella travuonda la preja intêr'ed intratta. VII 262.

Staungel lass as mettet il prinzip la saira suot ün bös-ch e s'in-drumenzet. IV 100.

In sieu lettin lam metta la randolina 4—6 övins alvs con punctins brüns-grischaints. V 212.

Il saung nellas venas ais cotschen s-chür. VII 298.

E. B. Ma cur l'es in piertan e riva avant üsch stüva, schi dà la matta giò avant üsch ed es düra-dscheta. *Barblan*, 32.

E. B. Quatter assas, duos assettas

Fuorman üna chüna,

Chi ils nouvnaschüts accoglia

E'ls fa vair fortüna. V 291.

E. B. Ognüna dellas quatter föglias della corolla della flur da sön ha in fuond üna crusch nair-violetta. VII 200.

E. B. Dimena, eu il stram am büt stais e lung sur la val via, e vus giàis lura via per mai. *Barblan* 6.

Aggettivs da significaziun contraria.

§ 221.

A) Aggettivs da significaziun contraria sun aggettivs dels quêls l'ün designescha üna qualited contraria u opposta a quella designeda tres l'oter (cunfrunta §§ 75 e 76a). Têls aggettivs sun:

bel	trid
bger	poch
bletsch	süt
chod	fraid
convex	concav
dret	schnester
glisch	gruogl
grand	pitschen
greiv	ligêr
gross	stigl
interiur	exteriur
larg (led)	stret
lung	cuort
nair	alv
ot	bass
rich	pover
saun	ammalô
s-chür	cler
sulvedi	domestic

etc.

Nos passaggio da quel sulvedi a quaist pajais domestic ho per nus auncha üna otra significaziun pü granda. *Pr. C.* 50.

Cun tieus mauns poust sentir scha qualchosa ais dūr o lam, gruogl o glisch, chod o afraid. *Pr. Cud.* 142.

Nus tuchains culla dainta il palperi, il pan, las föglias dellas plauntas etc. e savains dalum, scha quaistas chosas sun glischas u gruoglias, stiglias u grossas. VII 286.

Mo bgers dels prüms saron ils ultims, ed ils ultims ils prüms. *Menni, Marc.* 10, 31.

Nus avains in nus üna conscienza da que ch'ais güst o ingüst, bun o nosch. *Pr. Cud.* 146.

Nun aspirêr ne ajer memma chod, ne memma afraid! VII 295.

Cur tū fest almousna, schi nun sapcha tieu maun schnester que chi fo il dret. *J. B.* 95.

Che vulessas esser pü gugent, richs o povers. *Pr. Cud.* 149.

La marella del ögl as strapatscha, fixand saimper ils oggets in proximited e dvainta fich convexa. A telas persunas arcumanda l'oculist da portèr öglièrs concavs. A quels chi vezzan fich bain da dalöntschi, ma fich mèl daspèr, faun öglièrs convexs fich buns servezzans. VII 281.

† Scha l's infaunts sun bain tratts schi ais è signael chia l'g bab saia sto bñ, scha sun tratts mael ch'el saia sto mael. *L. P.* 113.

L'g amich nouff ais sco l'g vin nouff, l'g quael tñ vainst a baiuer cun dalett, pür cura el ais gnieu veider. *L. P.* 90.

Ilg Segner Christus ludet plü l'offerta pitschna dalla Vaidgua, co las grondas dals Richs. *Tromm.* 36.

Tottas 10 Juvantschellas, tant las Narras, co las scortas sa s'druevagliettan alla vgnüda dal spus. *Tromm.* 26.

B) Cur cha nun existan plets distints, allura as po in bgers cas formèr aggettivs da significaziun contraria cun las particulas negativas u contrarias in-, mel- e dis-. Cumainza però il pled cun *m-*, *p-*, *r-* u *l-* schi's müda la particula in- in im-, ir- u il-. La particula dis- dvainta dif- in dif- ficil. In tscherts cas ün as güda eir cul adverb negativ *na*.

a) abel	inabel
crettaivel	increttaivel
direct	indirect
felice	infelice
fidel	infidel
organic	inorganic
palpabel	impalpabel
possibel	impossibel
prudaint	imprudaint
pür	impür
memorabel	immemorabel
mobel	immobel
morèl	immorèl
legal	illegal
lecit	illicit

legitim	illegitim
limitô	illimitô
radschunabel	irradschunabel
raziunêl	irraziunêl
regolêr	irregolêr
religius	irreligius
resolut	irresolut

(cunfrunta § 72 e 73)

Perchè dimena non's laschess la pronunzia romauntscha, render pü armoniusa e pü concisa, scha ils cults s'acordessen? *Flugi* 4.

O sencha ledscha, figlia benedida

Del tschêl, chi tuot applaunast, fest eguêl,

Chi ferm uneschast tuot suot ti'egida;

D'citteds fondô hest tû ün craunz zuond bel;

Dals champs incults la gliend a te clameda. *Caderas, Fluors* 176.

Las trais pels del ôgl rinserran püss organs transparents. VII 280.

Dallas varts del ôgl as müda l'iris in üna pel intransparenta, chi contain üna color naira e bgeras avainas da saung. III 280.

Üna part dels muscels, ils muscels voluntaris, obedeschan a nossa voluted. VII 277.

Ils movimaints del cour e dels intestins dependan dals muscels involuntaris, ils quêls funcziuneschan eir durante il sön. VII 277.

Il svilup del spiert ais dependent da quel del corp. *Fögl* 49, 39.

E. B. Ils signurs ecclesiastics e seculars, chi regnettan in nos Grischun, eiran quasi independents. V 64.

Richezza nun fo felice, e poverted nun fo infelice. *Pr. Cud.* 140.

Nus nun essans be composts d'ün visibel e mortêl corp, dimpersê eir d'ün Esser invisibel ed immortal. *Pr. Cud.* 143.

Francisca . . . survgnit il pü pitschen paun, chi restet nella chavagna e get quietamaing e modestamaing a chesa. *Pr. Cud.* 17.

Ün infaunt immodest ais in ün stedi innatürêl e ridicul. *Pr. Cud.* 279.

Nus stovains cultivêr il god raziunêlmaing e l'üttilisêr sabgiamaing. VII 209.

In Spagna ed in Grezia causet l'explotaziun irraziunêla dels gods dans incalculabels. VII 208.

Renda'ns tres tia forza abils a crucifichèr in tia imitaziun la charn
Lit. 83.

L'intemperanzia renda inabil a bger bain. *Pr. Cud.* 285.

Ümilted ans renda radschunabels. *Pr. Cud.* 280.

Petulanzia ais ün' allegria indominabla, molestusa ed irrad-
schunabla. *Pr. Cud.* 277.

Da l'eloquenza da Gallizius disch Champell, ch'ella eira irresistibla.
Menni Saluz 32.

Ünguotta nun ais pü irrecuperabel co il temp. *Pr. Cud.* 284.

La raccolta da frejas, ampas, amuras, uzuns e giglüdras porta a
bgeras famiglias ün discret guadagn, chi per lur circostanzas nun ais irre-
levant. VII 228.

Quel medem signur, chi fin acquia avaiava demanò üna vita irre-
prehensibla, crudet per inviglia nella pü terribla intrapraisa. *Pr.*
Cud. 66.

Tuot m'ais lecit, mo na tuot ais tüil. *Menni, I. Cor.* 6, 12.

Nus avains profanó quist di cun pissèrs et affèrs vauns et illecits.
Lit. 205.

Las giuvintschellas imprudaintas pigliettan lur lampas, ma nun
pigliettan öli cun se. Mo las prudaintas pigliettan öli in lur vas insem-
mel con lur lampas. *Menni, Matt.* 25, 3—4.

† Eu non hai volü concedar ch'als increduls mängen il corp da
Christi. *Martyr.* 383.

Ls infidels. *Form.* 12.

Ün chi amma l'g ör nun vain tgnieu innozaint, e chi vo dsieua
la corruptiun, vain cun quella à gnir sadulo. *L. P.* 271.

Tü'ns hest fat taunts duns partìcolaers, chia l'ais impossibel dals
pudair radschunaer. *Form.* 13.

b) containt	melcontaint
madür	melmadür
net	melnet
prüvò	melprüvò e. u. i.
saun	melsaun
scort	melscort

(cunfrunta § 82)

Rico avaiava reposò fich bain e gnit containt e da bun anim giò da
s-chela. III 73.

Avarizia o irradschunabl' amur per il danér ans renda melcontaints da nossa sort. *Pr. Cud.* 286.

La bunanimited ans fo pü paziaints cun las deblezzas da noss similis. *Pr. Cud.* 276.

Andrea, chi eira dūr cun glieud e cun muaglia e passantaiva las mezzas nots nell' usteria, gnit melpazchaint cha las randolinas il disturbavan la damaun in sieu sön, e perque sdrüet el lur gnieus. *Pr. Cud.* 40.

Perchè sün bella maisa, bain polida

Glüschivan coppas ed ils sduns d'argient;

Uscchè prüveda la stüvetta eira. *Chal.* 1911, 29.

E. B. Id eira üna malprüvada naiv quaint in Tasna. *Barblan* 51.

Ün spüdatössi melprüvö, nel quël

Ils mels impissamaints tachaivan a

Mantun scu'ls övs d'ün nosch serpaint, affat

Da pèras chosas giaiva bajaffand. *Chal.* 1911, 25.

Ün crastiaun recogniuschaint chatta saimper benefacturs e persunas chi'l stiman e'l portan amur. *Pr. Cud.* 271.

E. B. Irrità da quaistas respostas, piglia il grobulan la fuorcha e perfoura la diala, chi lamentand e bragind per agüd as po allontanar ün toccet dal malfattur uschè malrecognoschaint. V 266.

Stüdi ed oraziun

Faun l'umaun scort e bun. *Pallioppi, Övs.* 25.

Quel chi ais melscort e nun obedescha, nun poderò neir gnir a quella festa; perchè que ho d'esser üna festa be per infaunts prus. *Pallioppi, Övs,* 28.

Els eiran perfettamaing sauns, tres lur dūr, sfadius möd da viver, tres continua, greiva lavur e granda sobrieted. *Pallioppi, Övs,* 3.

Il terz infaunt melsaun da di in di

As consümaiva. *Chal.* 1911, 22 (*Flor. Grand*).

E. B. Las ladas soulas dellas vals eiran dal temp dels troglodits in buna part grandas palüds dallas qualas sortivan vapuors malsanas, chi rendavan bleras contradas inabitablas. V 1.

× Alg temp ch'eis huossa da Servir

A Cummöens s'di eau, chia'l eis mel sgür. *Travers Mūs* 629—630.

O, tū mel fidiel seruaint,

Cho ist sto uschia melarcunschaint. *Travers Joseph* 257—258.

Nun t'cuffidaer sün las maelgiüstas arichezzas, perche e nu vegnen á nüzzagiaer ünguotta. *L. P.* 60.

Nun aggiaüschaer abundaunza da bgiers maelnüzzauiuels infaunts, e nun t'allegraer dals figls noschs. *L. P.* 141.

L'g ariek mael saun vezza la spaisa e plaunscha ch'el nun la po mangiaer. *L. P.* 270.

In cel non po intrar ingüna chiaussa malnetta. *Abyss* 67.

No stuvain inzacura render quint, sco da tots Malnüz plaeds. *Tromm.* 77.

e) favorabel	disfavorabel
fortünô	disfortünô
obediaint	disobediaint
onest	disonest
passiunô	dispassionô
plaschaivel	displaschaivel e. u. i.

(cunfrunta § 67. 10)

„Chi avess cret,“ dschaiva la signura, „ch'èau, naschida in ün palaz, avess auncha da'm chattèr fortüneda, d'esser accolta in üna tela chesetta.“ *Pallioppi, Övs,* 7.

Hegias compaschiun d'üna disfortüneda mamma e da sieus duos pitschens infaunts. *Pallioppi, Övs,* 6.

O cu cha ils infaunts della val gnittan scorts ed obediaints! *Pallioppi, Övs,* 28.

Tü bundragiusa, disobediainta matta! *Pr. Cud.* 13.

La chesetta del muliner eira be d'lain, ma plaschaivla da vair. *Pallioppi, Övs,* 6.

La bunanimited spargnia a nos prossem tuot ramaric, trupagiamaint e displaschaivlas sensaziuns. *Pr. Cud.* 276.

Ün favorabel attestat. *Pall.*

L'utilited dell'industria dels esters prevalescha tuottüna per bger allas consequenzas disfavoraivlas. *VII* 184.

Nus nun resentins be l'agreabel e disagreabel, il begl, vardai-vel e bun, e que chi ais contrari a quaist tuot; nus meditains eir que cha vains vis o udieu, e tscherchains d'inclèr que: nus avains intellet. *Pr. Cud.* 144.

d) curaschus	na curaschus (incuraschus)
grischun	na grischun
nöbel	na nöbel (innöbel)
svizzer	na svizzer
scrupulus	na scrupulus

velenus na velenus
 vergognus na vergognus (svergognus)
 (cunfrunta § 75, B, remarcha)

Be la colur generêla nun bastess, per cognuoscher la vipra e la dis-
 ferenzier dad otras serps na velenusas. V 224.

Nossa solita societad s'avess chatteda fîch disagreabelmaing surpraisa,
 da vair tar me persunas na nöblas. Tönd. 64.

Ils umauns nun as laschan partir aint nschè facilmaing in curaschus
 e na curaschus. Tönd. 363.

Da noss temps agitôs ais que püttost rër da chattêr gliעד na gnier-
 vusa. Dr. Bezzola.

× § 222.

Observaziuns complementarias.

a) La particula contraria dis — appera sovenz
 scurnida, scu simpel s —, p. ex.:

charnieu	s-charnieu
favorabel	sfavorabel
fortünô	sfortünô
vantagius	svantagius
	etc.

E. B. Savais, infants, che que es: pâr e spâr? Schi, no savain! Ün
 es spâr, e duos es pâr; trais es spâr, e quatter es pâr, e uschè ina-
 vant. Porta, Mag. 19.

O guarda, cu s-charnida

Ais l'ossa da sieu maun. Z. Pall. P. 7.

Föglias charnidas. VII 186.

.... E sieus infaunts in ans taunt fortünôs

Naschittan.

Chal. 1911 (Flor. Grand.)

O sfortüneda, matta sainza cour! Caderas, Sorrirs.

Que nun ais il cas be culs aggettivs, ma eir culs oters
 plds cumposts cun quella particula, traunter ils quêls ils verbs
 sun particulêrmaing numerus, p. ex:

chargêr	s-chargêr
comparair	scomparair
concertêr	sconcertêr

confortèr	sconfortèr
cumandèr	scumandèr
cusir	scusir
cussglièr	scussglièr
cuvrir	seuvrir
fer	sfer
figürèr	sfigürèr
flüjèr	sflüjèr
güzzèr	sgüzzèr
lièr	slièr
luvèr	sluvèr
mascrèr	smascrèr

etc.

Ils infaunts accompagnettan il servitur infin avaunt la porta della duonna.
chi. tuot consolèda, gnit dalum our eun sieus duos pitschens ed il sa-
lùdet. *Pallioppi, Œrs, 14.*

Taunta chūra ho Dieu per quists giuvens pulsechains!

E nus volessans esser sconsolòs. *Pallioppi, Œrs, 14.*

La barcha giaiva lentamaing incunter a quella massa d'ova smisù-
reda. VII 382.

..... a mistèr

Qualunque el savaiva s'adattèr.

..... chargèr las nevs

E las s-chargèr. *Chal. 1911, 30. (Florian Grand)*

Tres buna, amiaivla chūra vain il chavagl annöbliu, ma tres nosch
trattamaint e greiva lavur sfigurò e sformò. IV 74.

b) La müdèda da significaziun d'alchüns plets
merita atenziun, scu:

chatschèr	s-chatschèr
cognuoscher	scognuoscher
cummetter	scummetter
different	indifferent
ferm	inferm
güner	sgüner
sos	insus

tremblèr	stremblèr
ütìl († ütìtìl)	daschüttel (= disütìl)
vivaint	melvivaint
etc.	

L'aggettiv ütìl ho duos fuormas contrarias, dallas quèlas l'üna (inütìl) ho la significaziun contraria da ütìl, l'otra (daschüttel) ais il contrari da diligiaint.

Sosas larmas. *Pall.*

La buna figlia turnet cridand sosamaing a bügl e nun savaiva che piglièr a maun. II 11.

Üna buna chosa ais il sèl; mo scha'l sèl dvainta insus, cun che sarò'l condieu? *Menni, Luc. 14, 34.*

E. B. La medema glüm del solai splendura dapertuot, et tantüna forma differentas colurs, tenor ils ogets, süls quals ella crouda. *And. 233.*

E. B. El eira indifferent per la consideraziun personala et la propria gloria, et penseva sulamaing a consolidar la reforma. *And. 216.*

E. B. L'amur per il bön et il desideri da dvantar ütìl a seis conhumans, fon ils unics motifs pro sias acziuns. *And. 216.*

Nus essans famagls inütìls, perchè nus avains fat què nus eirans obliós da fêr. *Menni, Luc 17, 10.*

Tü mèl e daschüttel famagl. *J. B. 121.*

La vuolp ais memma daschüttla da's chavèr svesse sia tanna e s'inserva pü gugent da quella del tass. IV 70.

† Et sch'èau cösümàs tuotta la mia aroba in nudrièr l's pouuers. & sch'èau des mieu chioerp, par ch'el gnis àrs, & ch'èau nun haues chiari-taed, schi nun hae eau üngiün ütìtìl. *Bifrun, 1 Cor. 13, 3.*

L'g dasüttel famagl. *Bifrun, Matt. 25, 30.*

Ilg filg dasutal. *Travers, Filg, 1651.*

c) Bgers aggettivs (eir noms u verbs) existan be culla particula contraria, il pled simpel ais u ieu pers tuottaftat u gnieu rimplazzò tres üna composiziun cun ün'otra particula; sovenz eir ün relativ aggettiv, nom u verb simpel nun ho probabelmaing mè existieu, seu per insolent, sbadiglièr, s-chapelleda

inadvertent
inaudit
indolent

inexauribel	(exauribel)
inexorabel	
infam	
immens	
immot	
insipid	
insolent	
instancabel	
intact	
intrepid	
melaguardò	
melnüz	nüzzaivel
sbadiglèr	
sbarchèr	imbarchèr
s-chapellèr	
sferrèr	inferrèr
sglatschèr	inglatschèr

Sia mamma, alla quèla inadvertentamaing fut nutifichò la disgrazia successa, crudet in svanimaint. *Pr. Cud.* 135.

Tü ans fest udir chosas inauditas. *Menni, Act.* 17, 20.

Quaist ais üna chosa inudida. *Pallioppi, Övs* 12.

Indolents füttans chattôs nell'oraziun. *Lit.* 102.

E. B. Il latin classic, as demussond plü dürabel co marmel e bruonz, havaiva conservà tras ils seculs üna juventüm eterna ed üna vitalitad inesauribla. *M. L. (Lansel)*

O mort inesorabla! *Flugi* 21.

Inquietò da sieu infam proget. *Pred. Cud.* 69.

Grisch sco la grippa da noss munts

Alb sco la naiv, chi cuverna lur frunts,

Blau sco il tschel, chi immens ils coruna,

Viva tü saimper, bandèra grischuna. VII 355 (*Ch. Poo*).

Sül lejet ch'immot as chatta,

Glüna bella brilla cler. *Caderas, Fluors* 148.

Un'insipida versiun. *Z. Poll. P.*

La charited nun ais insolenta, non's scufla sü. *Menni, I. Cor.* 13, 4.

Tia ineffabla amur. *Lit.* 74.

Instancabelmaing e cun admirabla assiduited sun ils lavuraints
dellas furmias dalla damaun alla saira in movimaint. VII 272.

L'intrepida constanza dels reformaturs. *And.* VI.

Instancabels tagliettan mieus cumpagns las strivlas auncha üna
vouta per mez e slungettan cotres la coarda. *Pr. Cud.* 62.

E. B. Nus havains tut la ferma resoluziun d'annunziar l'Evangelì cun
üna perseveranzia infatigabla. *And.* 176.

E. B. Lur scopo ais da conservar intacts lur beneficis. *And.* 177.

† E. B. Nus eschen malnûza famaglia. *Biblia V. D. Luc.* 17, 10.

Ün predichant zieva la streda

Per cas ün di vzet ün stredin,

Il quel fet üna s-chapelleda

Ed ün profuond e grand inclin. *M. L. (Caratsch)*

La venerabla quel (cudaschet) sovenz sfögliava. *Caderas, Fluors* 40.

Ad ais arrivò avaunt la fuschina ün famagl cun ün chavagl, chi ho
da gnir inferrò. Ün dels lavuraints il sferra cun martè e zaungia.
III 115.

d) In bgeras composiziuns l's nun pera d'avair üngüna
significaziun, scu nels peds seguaints:

blech	sblech
clarifichèr	sclarifichèr
clingèr	sclingèr
cumanzèr	scumanzèr
	sbassèr
	scongürèr
	slargèr
	sligerir

e. u. i.

E tuot quels chi udittan que as müravgliettan. *J. B.* 86.

E tuots quels, chi udittan, as müravgliettan da què, chi eira sto
dit ad els dals pastuors. *Menni, Luc.* 2, 18.

Ils frers as smüravgliettan grandamaing. III 44.

Ils circonstants as smüravgliettan della costanza del mat. *Pr.*
Cud. 135.

Üna sulett'ouvra he eau fat, e vus tuots as müravgliais da que.
Menni, Joh. 7, 21.

E. B. Eu ha fat üna ouvra, et tuots s'avais smüravgliats. *Biblia E. B., Joh. 7, 21.*

Infina cura, o Segner, non güdichast tû e non vindicheschast nos saung vi als abitants della terra? *Menni, Apoc. 6, 10.*

Uossa poss eau am svindichêr cunter il Mastrêl. *Pr. Cud. 36.*

† Vna houra he eau fat, & tuots s'astmüravgliaes. *Bifrun, Joh. 7, 21.*

E. B. Eug nhai fat ün' ouvra, é tuots s'havais müravgliads. *Vulpus & Dorta, Joh. 7, 21.*

Maledir l'idealist. *Z. Pall., Poesias.*

Allura cumanzet el a smaledir ed a gürêr. *Menni, Matt. 26, 74.*

Vegl e lass e blech scu ch'el ais. *Z. Pall., P.*

Sblecha dvainta sia tschera,

A cadaver ais eguêl. *Caderas, Fluors 121.*

Remarcha. In tscherts cas quaist s iniziêl avrò sia origine nel pronom reflexiv della terza persuna; uschè probabelmaing in sfadiêr, smüravgliêr, svindichêr:

as fadiêr = as sfadiêr

as müravgliêr = as smüravgliêr

as vindichêr = as svindichêr

e) L's iniziêl ais qualchevoutas eir ün' abbreviaziun della particula *ex*, p. ex.:

s-chüsêr (cunfrunta achüsêr)

scomunicêr (u excomunicêr)

scuder (cunfrunta discuter)

spedir (u expedir)

squisit (cunfrunta § 67. Nr. 11)

Grazia all' industria dels esters, las massêras haun tuot lur dalet da cultivêr lur üerts pû bain possibel, rechavand ün considerabel guadagn dalla squisita verdûra e dallas pompusas fluors. V 101.

Siad entrôs in üna granda sela, observettan els üna pitschna maisa, plaina d'exquisitas spaisas. *Pr. Cud. 25.*

f) L'unic exaimpel del adöver della particula extra- (stra-) per la formaziun d'ün aggettiv da significaziun contraria chattains in extraordinari (straordinari).

Roba ordinaria. *Pall.*

Da contin al gniva relatô qualchosa d'nouf e d'extraordinari.
Pr. Cud. 66.

E. B. L'Evangeli l'haveva deliberâ dalla melancolia, il compartind üna serenita extraordinaria. *And.* 231.

E. B. In sias versiuns or da differentes linguachs e nel adöver da las plü difizlas fuormas metricas, ha Pallioppi comprovâ in möd magistral la straordinaria facilitad d'adaptaziun da noss ladin. *M. L.* XVIII.

§ 222 bis.

Exercizi. a) Nomna ils aggettivs chi haun la significaziun contraria dels seguaints aggettivs:

bun	accessibel	addester
calm	credibel	agreabel
diligiaint	druvabel	amiaivel
dür	leêl	fortünò
grass	logic	grat
intêr	materiel	onest
larg	offensiv	plaschaivel
spess	paziaint	saun
sten	prob	sgür
tort	reprensibel	sulet
trist	solvibel	tudais-ch
tuet	voluntari	vantagius

b) Indicha üna qualited essenziêla da minchün dels substantivs seguaints e nomna ün oter substantiv chi ho la qualited cuntraria; che ais quaista qualited?

ampa	furmia	murütsch
agnè	gilgia	müstaila
balla	imperatur	naiv
bapsegner	leder	not
bastun	leivra	palperi
chavorgia	lindorna	penna
cluchêr	lintscherna	plom

cravun	lingèr	solagl
cumgiò	manzögna	spievel
elefant	masdina	vipra
eter	mat	vuolp
fontauna	muntagna	zücher

Graduaziun del aggettiv.

§ 223.

Congualand l'istessa qualited da duos u püssas persunas u chosas chattains, ch'ella nun as muossa tar tuottas nel medem grô.

Üna semda po p. ex. esser bella largia; ma la via da champagna ais tuottüna pü largia cu la semda, e'l stradun ais auncha pü larg cu la via rurêla: El ais la via la pü largia. Nus avains co trais differents grôs:

Positiv.	Comparativ.	Superlativ.
larg	pü larg	il pü larg
largia	pü largia	la pü largia
largs	pü largs	ils pü largs
largias	pü largias	las pü largias

Il positiv ais la fuorma simpla del aggettiv. Nel comparativ preceda al aggettiv il pledin pü e nel superlativ preceda al pled augmentativ pü auncha l'artichel determinô. Quaista ais la graduaziun regulêra del aggettiv.

§ 224.

1. Il positiv.

Nus disferenzchains il positiv absolut ed il positiv da congualaziun (u comparativ d'egualited). Taunt il prüm scu il seguond po esser affirmativ u negativ. Nel positiv da congualaziun ais l'aggettiv generêlmaing precedieu

dals adverb taunt u uschè e seguieu dalla conjunziun scu (sco).

Positiv absolut:

L'orma ais immortêla.
La coruna del dschember ais largia.
La fruonzla ais verda.
L'inviern nellas muntagnas ais lung.
Il god ais s-chür.
L'orma nun ais visibla.
La coruna della papla nun ais largia.
La sted in Engiadina nun ais lungia.
Il di da plövgia nun ais clêr.
Sia abitaziun nun ais amiaivla.

Granda füt l'algrezcha a Worms. III 10.

Nöbel ais il chavagl; sgür e fraunch ais sieu pass. IV 72.

Beôs ils afflicts perchè els saròn confortôs. J. B. 95.

La risch dell' esparsetta ais lungia e ferma. V 180.

Positiv da congualaziun:

Il chaschöl ais taunt nudritiv scu la charn.
Quaist larsch ais uschè ot scu quel pign.
Ils ans sun lungs ün scu l'oter.
In dis serains sun noss lejs uschè blovs sco il tsehèl.
Tieu famagl ais uschè abel alla lavur sco'l mieu.
Zuoz nun ais taunt grand sco Samedan.
Las aguoglias del pign nun sun uschè lungias sco
las aguoglias del dschember.
Las vias da god nun sun taunt largias sco il
stredun.

Tia chavagna ais uschè greiva sco la mia. *Pr. Cud.* 9.

Niaunch' ün nom da bestias nun ais taunt discreditô, taunt
dis famô, scu quel della serp. V 224.

E. B. Gnanc' üna vallada svizzera abitada tuot an non ais uschè
isolada sco la vallada da Samignun. V 141.

Il larsch crescha quasi taunt ot cu'l dschember. V 209.

La pü granda muaglia da razza tschecca ais la friburgaisa, mo na cun uschè bellas fattezzas scu la bernaia. VII 142.

Las vachas da razza brüna non sun taunt pesantas cu las vachas tscheccas. VII 142.

Ils öss del pè non sun uschè movibels scu quels del maun. VII 276.

† Eau jülich chi sea uschè grond dalet à morir sot ün tet dstrom d'üna schlehta chiamona: co sot custaivlas tablas d'ün splenduraint palazi. *Abyss* 1,66.

§ 225.

2. Il comparativ.

Nus disferenzchains il comparativ da superiurited, quel d'inferiurited, quel da coordinaziun e quel d'inversium.

a) Il comparativ da superiurited indichescha ch'üna persuna, bestia u chosa posseda üna qualited in pü ot grò cu ün'otra persuna, bestia u chosa.

D'inviern las nots sun pü lungias cu'ls dis.

La Germania ais pü granda cu l'Italia.

Anna ais pü diligiainta cu tü.

Ils mats sun pü fermes cu las mattas.

Las muntanellas hann chavò lur fouras nel terrain, üna per la sted ed üna pü foppa per l'inviern. III 112.

Ils guis non laschan viver niaunch'üna bestia pü debila cu els. IV 70.

La peidra da fö ais pü düra cu l'atschèl. VII 303.

Ils ögls del utschè mez-mür sun debels e na pü grands, cu il pomìn d'ün'agnetta. V 221.

× Che vulains pü grandas arichezzas cu la sabgienscha divina? L. P. 10.

× Üngüna chiosa ais plü maelgiüsta co ün auaritus, perche el ho eir sia oarma vynaela. L. P. 95.

b) Il comparativ d'inferiurited indichescha cha

üna persuna, bestia u chosa posseda üna qualited in main ot grô cu ün'otra persuna etc.

Da sted las nots sun main lungias cu'ls dis.

Ils gods in Engiadin'Ota sun main spess cu quels d'Engiadina Bassa.

La raccolta ais main richa cu quella del an passò.

Il misteraun chi fo sia lavur bain e conscienziusamaing nun ais main respettabel cu il doct chi impuonda sieu savair a benefizi dell'umanited.

Tres similas chosas: da relaziuns pü u main amicablas traunter regents e diplomats vain il destin dels pôvels decis. *Tönd.* 475.

Remarcha 1. Nels exaimpels precedaints sun ils duos terms da comparaziun express tres substantivs u pronom:

La Germania ais pü granda cu l'Italia.

Anna ais main diligiainta cu tû.

Inua il seguond term da comparaziun vain express na tres ün substantiv u pronom, dimpersè tres ün'intèra frasa, vain druvò impè della conjuncziun cu. la preposiziun da. Be excepziunelmaing chattains quaiست adöver da *da* avaunt ün substantiv u ün pronom.

L'ora ais pü bella da que ch'eau avaiva previs.

La via eira main noscha da que cha crajaivans.

Quaiست hom ais pü vegl da que ch'el pera.

Dr. Bresser scrivaiva, cha la misiergia zieva la battaglia da Königgrätz saja indescrivibla, pü granda da que cha mè ün possa s'imaginèr. *Tönd.* 304.

La vegetaziun in Engiadina ais pü richa da que chi s'aspettess in quaiست'otezza. III 93.

Il bombardamaint da Paris eira però üna chosa main orrenda da que ch'ella paret il prüm momaint. *Tönd.* 509.

Lur numer ais pü grand da que cha's crajess. *Fögl* 49, 39.

Al muond ünguotta ais pü cher d'ün frer. *Caderas, Fluors* 26.

Remarcha 2. Taunt tar il comparativ da superiurited cu da quel d'inferiurited po il seguond term da congualaziun qualchevontas gnir laschò davent, s'inclegiand el da per sè.

Ünguotta nun ais pü facil. *Pr. Cud.* 20.

Durante ils pasts . . . gniva per il solit politisò; que eira il tema da conversaziun favorieu dels signuors pü vegls. *Tönd.* 214.

Fradlaunza pü avanzeda in eted dess esser nûzaivla a quels pü

pitschens, avoir chüra d'els, ils instruir ed als demuossêr la pü cordiela attenziun possibla. *Pr. Cud.* 58.

Remarcha 3. Ils comparativs da superiurited e d'inferiurited vegnan suvenz accompagnôs d'ün adverb da grô, scu bger. bgerum, ünguotta auncha. u d'ün adverb compost (u locuziun adverbicla), scu bgeras voutas, viepü, ün töch etc., p. ex.:

Tü est ün töch pü grand, cu tieu frer.

Ils övs sun bgerum pü nudritivs cu'ls ardöffels.

Tia chesa ais ün po pü granda cu la mia.

La Frauntscha ais tredesch voutas pü granda cu nos pajais, la Germania e l'Austria sun auncha pü grandas.

Tü non est ünguotta pü ferma co eau. *Pr. Cud.* 9.

Nel sômme da Farao set vachas megras travundettan set vachas grassas e nun dvantettan tuottüna ünguotta pü grassas. III 40.

Ils prôs ans daun cò in Engiadin'ota pel solit be üna raccolta: ma taunt pü buna ais la qualited del fain. III 92.

Potifar concepit viepü granda affecziun per Giosef. *J. B.* 17.

Ils principêls sacerdots e dottuors della ledscha s'oppuonivan a Gesu cun viepü granda veemenza. *J. B.* 122.

Chattand quasi saimper mèl'accoglienza nellas sinagogas dels Güdevs, schi as dedichettan Paulo e Barnabas cun viepü grand zeli alla missiun traunter ils pajauns. *J. B.* 151.

c) Il comparativ da coordinaziun stabilescha tëla relaziun traunter duos u püssas qualiteds dell'istessa persuna. bestia u chosa (u da differentas persunas, bestias u chosas). cha l'üna qualited crescha nell'istess'imsüra cu l'otra u las otras.

Pü cha las nots sun cleras e pü ch'ellas sun fraidas.

Pü cha'ls dis dvaintan lungs e pü cha las nots dvaintan euortas.

Pü cha'ls scolars sun indifferents e daschüttels e pü cha'l magister vain melcontaint e verzagiò.

E. B. Plü bass cha nus gnin, e plü extaisa cha la cultivaziun da granezza vain. V 114.

Pü granda ch'ais la miseria e pü cha crescha la forza da mia volunted. *Tönd.* 331.

(que ais: pū cha mia volunted dvainta granda)

Pū combla mia chascha

Pū lung il plaschair. *Z. Pall. P.*

Pū s-chūra cha la colur prinzipêla della vipra ais e pū difficil cha que ais da la cognuoscher. *V 224.*

d) Il comparativ d'inversiun indichescha cha duos u püssas qualiteds creschan oppositamaing (contrariamang).

Pū cha'ls umauns dvaintan richs e main ch'els sun containts.

Pū cha'l tschël ais cuvert, e main cha la not ais fraida.

Pū ch'ün ais giuven, e main ch'ün ais in generèl misericordiaivel.

§ 226.

3. Il superlativ.

Nus diferenzchains il superlativ da congualaziun e quel absolut.

a) Il superlativ da congualaziun exprima ch'üna persuna, bestia u chosa posseda üna qualited in pū ot grò u in main ot grò cu tuot las otras personas, bestias u chosas dell' istessa categoria.

Il Mont Blanc ais la pū ota muntagna in Europa.

Il Bernina ais la pū ota muntagna del Grischun.

Zug ais il pū pitschen chantun della Svizzera.

Ils pū buns cudeschs nun servan ünguotta, sch'ün nun ils legia.

Las lavuors las pū ütilas per la societad umauna sun sovenz las main profittablas e las main lucrativas. (mera rem. 3.)

La prüma frasa ais taunt scu:

Il Mont Blanc ais pū ot cu tuot las otras muntagnas in Europa.

Abbain cha la congualaziun as referescha dimena sainz'oter a tuot las persunas, bestias u chosas dell' istessa spezcha, schi vain tuottüna, per der pü forza al superlativ, il genitiv da tuots, da tuottas, qualchevoutas miss tiers: Giachem ais il meglder scolar da tuots.

Quaista chanzun ais auncha la pü bella da tuottas.

E vhe, fingiö il di zieva observet il maister chia'l manchaivan duos dellas pü bellas peidras. *Pr. Cud.* 15.

Eau he laschö metter quella munaida aint in il pü pitschen paun per te. *Pr. Cud.* 17.

A la pü rera flur della champagna.

S'podaiva congualër quaiet degn ogget. *Flugi* 21.

Gesu, mussand sün ün infaunt, dschet a sieus discipuls: „Chi s'abbassa seo quaiet infaunt, ais il pü grand nel reginam del tshél.“ *J. B.* 116.

Da Pontresina giains nus in ün' ura a Samedan, la pü granda e la pü populeda vschinauncha e la chapitèla del circul d'Engiadin' Ota. *V* 103.

Süillas pü otas spuondas e giandas dellas alps ho la muntanella si' abitaziun. *III* 112.

L'obediencia ais il prüm ed il pü natürel dovair del infaunt. *Pr. Cud.* 269.

E. B. Quai es tshert, cha'l pövel es il plü vegl ed eir il meglder poet. *Barblan* 3.

E. B. Seis discuors depingeva cun las plü cler as et vivas colurs la posiziun criticusa, nella quall' ils Svizzers as rechattevan. *And.* 146.

E. B. Per amur della fantasia e dell' imaginaziun vivaces sun noss infants sainza dubi ils plü fruttifers poets. *Barblan* 3.

† E. B. Usche stoven jls Infants da Dieu, murir gio iminchady, eir als plü pitschens vicis & puchiats, sch'els non voeglen far rottadüra da Barchia. *Tromm.* 99.

E. B. Eir ils plü diligiaints, chi voeglen esser ils plü attents dormen suvent in la chiasa da Dieu. *Tromm.* 116.

La prümavaira in Engiadina ais, causa l'alguentèr della naiv, la main agreabla e la main sauna stagiun del an. *Clio.*

Il Chantun Grischun ais, in proporziun da sia surfatscha, il main populö da tuot la Svizzra. *Clio.*

Bgeras voutas vain fat la pü granda canèra per las chosas las main importantas. *Clio.*

Remarcha 1. Il superlativ vain generêlmaing formô cul artichel determinô eir scha drovains ouravaunt ün aggettiv possessiv, p. ex.:

Tia la pû granda satisfacziun saja, d'avair fat tieu dovair.

Per ir ad üna festa trains aint noss ils pû bels vstieus.

Tü est mieu il pû cher amih.

Genituors e fradgliaunza sun tieus ils pû struschs paraints.

Ils vizis sun noss ils pû noschs e prievlus inimihs.

Artschaiva mieus ils pû cordiêls salüds.

A dretta dell' Engiadina avains la chadagna del Bernina, usche nomneda zieva sia la pû ota sommited, il Piz Bernina. III 93.

Que ais mieu il pû grand plaschair. III 76.

Seu cha la locomotiva, construida da materiêl fich solid, drova nouv materiêl per sia reparatura e combustibels per sieu movimaint, uschè eir il corp umaun, perfin in sia la pû granda vigur. VII 287.

Ils peschins sun exposts a bgers prievels; lur il pû nosch inimihs ais la lutra. VII 264.

Per via pigliet Paulo a Listra cun se ün cumpagn cun nom Timoteo, al quèl ils frers daivan buna testimoniaunza e chi füt eir ün da sieus scolars ils pû fidels. J. B. 152.

Eir la regina porta, seu sieu il pû bel ornamaint, la corona sül cho. IV 80.

O Dieu, que ais mieu il pû terribel inimihs! Övs 36.

Quetaunt nun farò Ella sgür; perchè uschigliö stu vess eau renunzièr a mia pû granda fortuna. Tönd. 142 (cfr. Vell., Rem. 63).

× E. B. Quai ais üna dutscha lavur, cur ün cerchia saimper da chiattar seis il plü aut boen. Abyss, I 50.

Remarcha 2. Il superlativ attributiv (§ 183. rem. 1) po prece-der u seguir il substantiv, al quèl el as referescha; mo siand cha l'artichel determinô ais indispensabel per la formaziun del superlativ, schi vain l'artichel miss üna seguonda vouta, cur cha l'aggettiv vain zieva il substantiv.

Quaista ais la pû veglia chesa in tuot la vschinauncha.

Quaista ais la chesa la pû veglia in tuot la vschinauncha.

La granda part dellas persunas sun persvasas, cha las discussiuns politicas sajan la conversaziun la pû adatteda e la pû degna per homens serius. Tönd. 214.

E. B. Remuosch ais il lö il plü süt da tuot la Svizzra. V 116.

Aviand l'imperatur da fer guerra, schi eira ün tschert numer d'els homens ils pû valorus obliö da'l accompagnèr. IV 3.

Il di il pû trist durante la construcziun del tunnel tres il Gotthard füt il 19 Lülj 1879. IV 87.

Remarcha 3. Nel adöver predicativ (mera § 183, rem. 1) d'ün superlativ constatains sovenz, cha l'artichel resta invariabel: uschè p. ex. podains dir indifferentamaing:

Las lavuors las pü ütilas per la societad umauna sun sovenz *las* main profittablas e *las* main lucrativas, ovvero:

Las lavuors las pü ütilas per la societad umauna sun sovenz *il* main profittablas ed *il* main lucrativas.

Dinviern sun las chevras il main productivas. *Clio.*

Il pü lungs sun ils dis nel mais Gün. *Clio.*

Las nots serainas sun il pü fraidas. *Clio.*

Il main sviluppeda ais l'industria nel Vallais (12%) e nel chantun Uri (14%). VII 166.

b) Il superlativ absolut vain formò cullas desinenzas -issem, -issma (-issima) u -ischem, -ischma. El exprima ch'üna persuna, bestia u chosa posseda üna qualited in fieh ot grò, sainza però congualèr quaista qualited cun quella d'otras persunas, bestias u chosas dell' istessa categoria.

Sadulòs e dispostissem s leivan tuots... *Flugi* 12.

Nel sain s-chürissem della sencha terra

Nus confidains, que chi s-chafit nos maun. *Caderas, Fluors* 174.

E. B. Mo Dieu vagleva cun amur sur l'ovra da seis dilectissem Filg. *And.* 7.

E. B. Il spiert sonch vain a gnir sur tai, e la virtüt del Autischem vain at sursumbrivar. *Mag. Am.* 85.

E. B. Il prüm e principalischem dovair da mincha commember (dell' Union dels Grischs) es quel, da tgnair assaimper in onur seis linguach matern. *Lansel, tschant.*

E. B. Il public naïv da quels temps as divertiva ün mond via da quellas cumedgias e lur spass trivials fin trivialischems, la prova es l'immens numer da talas „istoargias“ eir pro nus. *M. L.* XVI.

E. B. Quists duos viadis nella terra transalpina exerciten üna grandissima influenza sün Zwingli, et il preparen sülla vocaziun da reformatur. *And.* 146.

L'Otissem nun evda in taimpels fats cun mauns da crastiauns. *Menni, Act.* 7, 48.

Cha tres tia prudenza sun introdüttas bunas instituziuns per quaist

pövel, recognuschains nus saimper e dappertuot, excellentissem Felix. *Menni, Act.* 24, 3.

Fich bain as preschainta la Val Tavò cun sias plaschavlas vschinaunchas, sieus grandius stabilimaints e sieu bellissem lej. V 113.

E. B. Il plü zelang promotur dell' idea d'ün' invasiun in Gallia eira Orgetorix ün giuven e richissem nöbel. V 13.

† Eir l'g hutischem voul mael als noschs, e chiastia cun meritaiulas painas, aquels chi nun temman Dieu, ü ch'el l's salua in l'g di da la dürischma vandetta. *L. P.* 115.

O chiarissem frars, nun hauaitz udieu,

Cò cun nos cumpaing és ieu. *Dysch aeteds* 216—217.

Nus ludain te & ingrazchain ó Deus bab celestiael, per l's teis san-chischems & grandischems duns cun quaels che tū haest nus usche gracijsamaing spisagiós & assadolós. *T.* 11.

Pochischem poeuel insemmel cun sieu prinzip auanzet in la chaesa da David. *L. P.* 408.

Bain bgiers sun ammis ad urdir l'g araschunamaint da quellas chioses, quèlas chi sun traüter nus d'üna schertisthma fè. *Bifrun, Luc.* 1, 1.

L's tscheps da la sabgiënsha vegnen à t'esser ün fermischem agtùd & ün soeli fundamaint. *L. P.* 70.

E. B. Las virtüts exaltain no cun grondischems tituls. *Abyss,* I 137.

E. B. Avant ls oegls dal' humana generatiun, ha'l gräd Deis propöti la grâda fabrica da tot 'l mond, & in quel üna delineatiô, & figüra dal cel, 'l aeterna beatissima citat da Dieu & da tots S. Angels. *Abyss,* II 3.

Claudias Lysias agli (mera § 131) pusauntisch è guuernadur l'elice salüd. *Bifrun, Act.* 23, 26.

Üna grandischma plaieia ais la gramezchia dalg cour, & üna grandischma malicia la malicia da la duonna. *L. P.* 225.

Chiaristhems ns' amain liün lioter, perche la chiaritaed es da dieu. *Bifrun* 1, *Joan.* 4, 7.

Remarcha 1. Daspèr las desinenzas -issem, -issma etc. chattains nella litteratura veglia eir las desinenzas -errim, -errima, las quèlas gnivan qualchevoutas druvós per aggettivs glivrand cun -er, p.ex. celebr, celeberrim.

† E. B. questa lavuretta praesentand ils celeberrims Noms da lur Sgrs. illustrissimas tant plü reccommendâ & acceptâ eira blers auters... *Abyss, pref.*

Remarcha 2. Ün nomna superlativ absolut eir qualchevoutas la

combinaziun d'ün aggettiv cun ün adverb indichand intensited, scu zuond trist, fich nutritiv, terribelmaing avar etc.

Da tieu rimèr zuond dutsch, bain cler transpira.

D'ün grand e verd talent l'emanaziun. V 518 (*G. F. Caderas*).

E. B. Üna fontana da guadagn bain considerabla per nossa populaziun ais l'affluenza d'esters. V 117.

E. B. Il paura po vender nels hòtels lat, painch, ouvs e vdels grass a fich bun predsch. V 117.

Il guis ais fich rapace e sanguinari. IV 70.

Zacheo eira ün publichaun zuond rich. J. B. 117.

E. B. Üna peidra, chi crouda gio d'ün' otezza fich considerabla non vain a terra nel lö, chi ais precis perpendicolarmaing suot il punct dal qual ella ais sortida. VII 131.

§ 227.

Graduaziun irregulêra d'alchüns aggettivs.

Alchüns aggettivs haun sper la graduaziun regulêra eir üna irregulêra, cioè:

Positiv: bun

Comparativ: megllder, meglldra (pü bun)

Superlativ: il megllder, la meglldra (il pü bun).

Pos.: mel (nosch)

Comp.: pès (pü mël)

Sup.: il pès, la pèra (il pü mël)
il pessim, la pessima.

Pos.: bger

Comp.: dapü, pü (pü bger)

Sup.: il pü (il pü bger).

Pos.: poch

Comp.: da main, main (pü poch)

Sup.: il main (il pü poch).

Pos.: grand

Comp.: maggiur, mèr (pü grand)

Sup.: il massim, la massima (il pü grand).

Pos.: pitschen

Comp.: minder, mindra (pü pitschen)

Sup.: il minim, la minima (il pü pitschen).

Gian ais ün bun mat. Peider ais pü bun cu Gian; ma il pü bun ais Nuot. Maria ais üna buna scolara. Mengia ais megl dra cu Maria. La megl dra quintista ais però Anna.

Nun commetter mêlas acziuns! La calumnia ais pèra cu l'invöl. La pèra (il pès) da tuottas malattias ais da perder il güdizi.

Landenberg eir' ün nosch chastlaun; ma Gessler eira pès cu el.

Eau he guadagnô bgera munaida. Tü hest guadagnô da pü (pü bgera munaida) cu eau. Il pü (la pü bgera munaida) ho però guadagnô Emil.

In proporziun cun sieu areal ho il Valais pochs abitants. Uri ho main (pü pochs) abitants sün ün km quadrat cu'l Valais. Il main (ils pü pochs) abitants ho però il Grischun.

L'aspettativa eira granda. La rappreschentaziun nun podet avair lö per forza maggiura. La mèr part dels actuors füt colpida d'ün' influenza al massim grò perniciusa.

Il pitschen infaunt ho plaschair vi dalla minima bagatella. Merchanzia chi vo a mèl facilmaing vain sovenz vendida a minder pretsch.

E. B. Oswald Myconius dovet bandunar quist' ingrata cità, chi per completar l'ovra haveva surdat allas flamas il retrat da seis melder ami. *And.* 181.

In terra ais la sprauza

Sco ais in tschèl l'iris;

Ell' ais sco punt immensa

Chi'ns guid' a megl ders dis. *Caderas, Sorrirs* 43.

Tu hest regalô a mieu velg camarad 12 bazs; qui hest per quels tauntas pezzas d'or; ma la megl dra peja e remuneraziun at spetta in cel. *Pr. Cud.* 35.

El vzet que, chi'el bger meglder (adverb) fat avess.

Dad evitêr, scha ün tel mel seu'l sieu

Ûn „meglder“ ed ün „pês“ podess avoir. *Chal.* 11,29.

Il lat ais il meglder nudrimaint per infaunts. III 100.

Sch'ün nun po ir in persuna a vair ed admirêr Schlarigna, schi una fotografia da pochs rapps farò melder servezzans cu üna descripziun da bgers plds. *Annal.* VIII 216.

Scha quels, chi tres la cognuschentscha del Segner e Salveder Gesu Cristo eiran fügieus dals vizis del muond, vegnan danövmaing illatschôs da quels e vandschieus, schi ais lur ultima condiziun përa co la prûma. *Menni 2 Petr.* 2, 20.

Uschè giaiva que per il pü da mel in pês. *Pr. Cud.* 182.

Cur las chosas sun arrivadas al pessim punct, cumainzan ellas as megliorêr. *Tönd.* 523.

La repartiziun della lavur ais inevitabla tar qualunque fabricaziun, cotres as spargna bger temp ed as lavura cun main cuost. VII 163.

Pü cha la plaunta crescha e pü nudrimaint, pü glüsch e pü ajer chi'ella drova. VII 213.

L'uralogeria svizra occupescha las pü bgeras persunas nel Jura bernais e nel chantun Neuchâtel. VII 162.

Uossa iminch'an pü poch fain e graun üngün. *Ann.* III 255.

Ils peschs drovan pü poch ajer cu las bestias chi vivan sül sût. VII 263.

† Hunestamaint puartaed cun cuntanteza

Ais myldra co granda aricheza. *Travers, Filg Pertz*, 4—5.

Et üngiün quael chi baiua ün uêder, uol bain bod baiuer nuuel, perchè el disth, l'g uêder es megliêr. *Bifrun, Luc.* 5, 39.

Megler ais ün laedar co ün chi continuescha in la manzoegna. *L. P.* 181.

O, wuss chiatiffs et noschs pultruns,

Vuss yschas bain pirs cho spiuns. *Travers Joseph* 680—681.

Eau pisaua, ad esser tiers buns cumpagnions,

Mu uus ysches pirss cho ladruns. *Travers, Filg Pertz* 1314—1315.

E. B. Da taj non haja nom, chi vegna melg, cur tü dormasch in Baselgia & in teis puchiats, mo è vain in vardat plü vie peer cû taj. *Tromm.* 168.

Be per ils uffiziêls da stedi maggiur füttan drizzedas sü ün pèr tendas. *Tönd.* 288.

Ils vegls Confederòs, chi vandschettan las superbas armedas austriacas e burgognaisas, eiran in maggior part ün pövel da pastuors. VII 155.

Ils detagls davart il svilup della Confederaziun svizra saron bain vis dalla maggior part dels magisters. IV pref.

E. B. Il magiur don a nossa lingua nun han fat ni'l tudais-ch, ni l'italian, ma bainschi la massa gronda comoditad e l'indifferenza d'üna part dels Romanschs svesa. *M. L.* IV.

E. B. Meis referat ha da che far . . . con requints, dels quals ingün non cognuoscha l'autur e chi in magiur part non sun scrìts inglur. *Barblan* 4.

Anna ho gia glivrò la mër part da sia lavur. *Clio*.

E. B. L'externa cultivaziun, almain üna certa politezza, deriva la maggior parte dalla comunicaziun cullas naziuns plü civilisadas. *And.* 187.

Davart dumandas da maggior rileiv gnarò vuscho nominelmaing u per scrutin. *Tschant. Zuoz* 5.

Pitschnas reparaturas urgentas po il depütò ordinèr, zieva avair passò pled cul president, saimper premiss, cha quellas nun occasiuneschan spaisas maggioras allas competenzas da quaist. *Tschant. Zuoz* 15.

Ün pitschen hôtel nell' Avenue de l'Impératrice, be mez terminò, eira dvantò vnèl in seguit alla partenza dandetta d'ün American, e que per ün pretsch poch magiur da que chi avaivan custò ils indrizs ed ornamentals interns del effet. *Tönd.* 467.

Alla fin d'üna charta d'affèrs chatt' ün sovenz ils plets seguaints: „Cum massima stima as segna Sieu dispositissem“ etc. V 396.

Vendaiva eir suvenz in temps da bsögn

E grand iffich la rob'a minder predsch. *Chal.* 1911, 22.

Immincha silvicultur conscienzius integra energicamaing sieus lavuraints, ch'els smerdschan las plauntas sül mender dan. VII 212.

Ils minerèls nun as nudrian e nun creschan da se our, mindir da volair discuorrer da sentimaint e movimaint. VII 301.

E. B. Rich nun vol dir felizi, mindir san! *M. L.* 142 (*Lansel*).

Ils gods non stavan pü bod suot survaglianza, e'ls intraprendents tagliaivan laina sainza fundamaint per las fundarias, causa ch'ella als gniva concessa gratuitamaing u be per ün pretsch minim. VII 150.

Ils achüsaduors aviand udieu ils plets da Gesu gettan our ün zieva Pöter, cumanzand dals seniuors fin als minims, e Gesu füt laschò sulet cun la duonna. *J. B.* 118.

Passò il confin della naiv ais la chalur taunt minima, cha ella perfin a mezza sted nun po sdrieglèr la naiv. V 170.

Perchè eau sun il minim dels apostels, e non sun degn da gnir nomnô apostel, perchè eau he perseguitô la baselgia da Dieu. *Menni, 1. Cor. 15, 9.*

Scha vus non podais dimena la minima chosa, perchè pigliais pissèr per las otras? *Menni, Luc. 12, 26.*

E. B. La minima part da quistas chanzuns sun traducziuns. *M. L. XXV.*

Lo per minima causa

Cha eau nun suos-ch quintèr,

Spert transportôs tres ira

Savettans questionêr.

Caderas, Fluors 150.

E tû Betlehem, terra da Giuda, non est zuond bricha la minima traunter ils conductuors da Giuda. *Menni, Matt. 2, 6.*

† Stoici eran d'üna upiniun, che la mër beadynscha füs, à uiuer hunestamaing & indret, & nu piglier pissyr da las chioses da quaist muond, dimperse las lascher passer uia. *Bifrun, Act. 27 annot.*

Perche eau disch à uus: che traunter l's ifaüs d'las dunaüs nun es üngiün naschieu l'g mër profet co Johanne Baptista. *Bifrun, Luc. 7, 28.*

Alla dauous es el uis, plü co à schinc schient frars chi eran insemmel: da quaeli chi sun la mër part infina alg di d'huoz: & qualchiuns er sun adrumentôs. *Bifrun, 1. Cor. 15, 6.*

La mër part dailg poeuel udiuen gugient à Iesus. *Bifrun, Marc. 12, 37.*

L's Iudeaus dissèn à Iesus: Ist tû forza mër co nos bab Abrahâ quel chi es mort? *Bifrun, Joan. 8, 53.*

E. B. Ls condemnats in infern usche daloensch davêt dal cel, vegnen eir à cognoscher. (à lur major paina) quels chi sun in cel. *Abyss III 97*

Graduaziun defectiva.

§ 228.

Alchüns aggettivs da graduaziun irregulêra existan be nellas fuormas comparativas e superlativas, oters haun unicamaing la fuorma comparativa, oters darchò be la fuorma superlativa. Têls sun:

a) aggettivs cun fuormas comparativas e superlativas:

exteriur, -a	extrêm, -a
inferiur, -a	infim, -a
interiur, -a	intim, -a
superiur, -a	suprêm, -a
ulteriur, -a	ultim, -a

In püss cas il sen del superlativ nun correspuonda pü a quel del comparativ, da maniera cha la connexiun traunter las duos fuormas ais püramaing istorica. Que ais pustüt il cas per interiur — intim e superiur — suprêm. Intaunt cha las fuormas comparativas interiur e superiur indicheschon in prüma lingia üna relaziun da lö, schi vegnan per-cunter las fuormas superlativas intim e suprêm druvedas be in ün senso figürativ. Per la relaziun da lö s'inserv' ün nel superlativ dels adverbs süsom ed aintasom chi paun dvanter aggettivs. (cfr. § 218 e § 230, rem. 1).

Il plaun superiur d'üna chesa (oberes Stockwerk, relaziun da lö).
Las virtùds superiuras (figürativ).

Il plaun süsom d'üna chesa (oberstes Stockwerk, relaziun da lö).

L'Esser Suprêm (das höchste Wesen, figürativ).

Il tribunêl suprêm (der oberste Gerichtshof, figürativ.)

L'uraglia interiura (der innere Gehörgang, relaziun da lö).

Ün' intima amicizia (innige Freundschaft, figürativ.)

L'uraglia exteriura artschaiva il tun e'l maina cun facilitèd nel condot acustic. VII 284:

Fariseer orv! nettagia il prüm il dadains del bachêr e della besla,
acciò ch'èir lur exteriur dvainta net! *Menni, Matt.* 23, 26.

Gesu blasmaiva l'ipocrisia e la pieted fosa dels Fariseers e dottuors della ledscha, chi non eira üna chosa del cour, dimpersè be ün fêr exteriur. *J. B.* 104.

E. B. Sco factura exteriura ils vers da Joan Rosius à Porta sun exacts, las strofas as seguan üna sün l'otra, sainza intop da rima o metrica, però in ultim nun laschan ellas lönch bricha l'impreschiun profunda dels poets, formalmaing main corrects del secul anteriur. *M. L. XXIV (Lan-el.)*

E. B. Qua pro l'extrem cunfin, sün l'ur del god,
ingio'l stradun vers estra terr' as volva
am ferm guardond, sco chi foss massa bod
da tor cumgià il cor nun as risolve. *M. L.* 138. (*Lansel*).

Ûn pled, chi fo la rouda

Fin al extrêm sudo. *Z. Pall. P.*

Ad eira not, e cler e s-chür s'masdër

Paraivan auncha nel extrêm tramunt. *Caderas, F'lours* 138.

† Che stramizi & angoscha non vaine à surprender ils infidels ad udir
tras bocca da Deis adirà peramur da lur extrema impietat, non ngarai
plü in meis conspect. *Abyss* 4,42.

E. B. Jlg SATAN operescha'l dormir in Baseligia tras METZS
EXTERIVRS 'ls quals causeschan & promovent 'l soen in 'l Crastian.
Tromm. 38.

La prüma part della regiun alpina, la regiun alpina inferiura, ais
prinzipelmaing cuverta dad erva. *V* 168.

L'aconit alpin ais postüt in sia part inferiura provist da bgeras
föglias da tsebinch laungias dentelledas, scu quellas del ranuncul. *V* 198.

Il chameil as containta da pevel zuond inferiur. *III* 104.

Continuand nos viedi da Tusauna davent sü per la val del Reno in-
feriur avains da passer üna grandiusa strettüra. *IV* 54.

E. B. Inferiur sco artist ma bain otramaing popular es dvantà Jon
Martin cun sia Philomela sortida nel 1684. *M. L.* XX.

Perchè a mi pera, cha Dieu hegia destinò nus apostels per ils infims
scu condannòs alla mort, perchè nus essans dvantòs ün spectacul al muond.
Menni, 1. Cor. 4, 9.

Il timpan separa il condot acustic dall'uraglia inferiura. *VII* 284.

Mieus vers sun be intims affets

Chi comovettan l'orma mia: *M. L.* 76, *Caderas*.

E. B. La cretta da Luther ais intima, profonda. *And.* 231.

E. B. Nel circul da desch intims, fet il reformatur la proposiziun
da dumander pro'ls cantuns et l'ovaisch la libra predicaziun del Evangeli.
And. 175.

Nella regiun alpina superiura, traunter 1800 e 2400 m. ho finieu,
la creschentscha da bos-cha. *V* 169.

Disposiziun del imperatur merito la giurisdicziun ota nella Rezia
superiura. *V* 432.

Nun invilgër il superiur, ne spredscher l'inferiur. *Pr. C.* 293.

Las virtüts superiuras da Nathan fettan, ch'el l'ödiaiva sco inimihi.
Pr. C. 66.

Eir eau sun ün crastiaun subordinô ad üna autorited superiura.
Menni, Luc. 7, 8.

Il flüm principêl, chi percuorra l'Engiadina, e chi in sia cuorsa
superiura as nomna la Sela, ais l'En. *III* 95.

A noss peis vzaivans las vschinaunchas Samedan, Schlarigna, Crasta,
St. Murezzan e Champfêr, e'ls lejs dell' Engiadina superiura. *III* 95.

Il persunêl da chüra sto suot la survaglianza d'üna diaconissa
superiura. *Stat. Osp.* 17.

E. B. In tots risguards superiur es ün oter poem. *M. L.* XXI.

Sün immincha charitataivel dun riposa saimper la benedicziun del
suprêm. *Pr. Cud.* 123.

Bap in tshêl, suprêm' essenza. *J. B.* 7.

Libramaing obedins be al regent suprêm. *Z. Pall., P.*

E. B. Perquê volv' eug, alla fin da mia lavur, meis cor et ölgs vers
il Suprêm. *And.* XI.

† E. B. Non cerchiar tia aeternitat; & suprem boen in l'auteza
da dignitats: & honuors mundanas. *Abyss* I 49.

Appaina ch'el as ho drizzô in pè vain el clamô tar Soubise per
discutêr davart las ulteriuras imsûras. *Chal.* II, 43.

E. B. Ün nun sbaglia bler attribuind a revarendas del 17^{vel} secul eir
l'ulteriura masseria da rimas sün fögls volants ingio ils auturs o traduc-
turs nun han oter merit co quel da la modestia, restond nempè anonims.
M. L. XXI.

Our dals ulteriurs plets, cha Gesu tshantschet cun ella, cognuschet
la duonna, ch'el saja ün musseder da vardet divina. *J. B.* 101.

Vers saira e mezzanot avains la part ulteriura del chantun Grischun,
nomnedamaing il Surset, la val d'Alvra e Tavò. *III* 91.

Nella planüra del Giordan sun ils prôs pü grass, ils ers pü früttaivels,
ils üerts pü florizants cu nell'ulteriura part da Canaan. *III* 97.

Siand gnieu saira, dschet il patrun della vigna a sieu factur: „Clama
ils lavuraints e dò'ls la peja, cumanzand dals ultims irffin als prüms“.
J. B. 119, 19.

E. B. Amihs, pigliai's majos, quella zopada

Larma dal tschaigl, eu's rov nun süantai,

Fat ün impringias per l'ultima jada

E l'ultim got sün il terrain spondai! *M. L.* 144 (*Lansel*).

Possa la vegldüna
 Cun serenited
 Vair gnir l'ultim' ura
 In sa tard' eted. *Sorrirs* 15.

Remarcha. Impè dad ultim chatt' ün in eudeschs vegls quasi aduna davous (u il pü davous), qualchevoutas eir il feminin davousa; ultim ais ün' infiltraziun italiauna entreda pür pü tard nel romauntsch.

La damaun gnit l'ustèr, avrit l'üsche del son, güzzet sieu curtè e clamet: „Uossa, buzers, our! vossa davous ura ais riveda!“ *Pr. Cud.* 28.

O füss quista saira la davousa da noassa disfortüneda separaziun. *Pr. C.* 120.

† E. B. Ils bavaders solen dir, amo ün bachaer, quaist sea ilg plü davo & repeteschan usche spess cun la zaena, infina chi sun plains, chi ston ngir manads à chiasa. *Abyss* IV 251.

E. B. Piglià à cör chia quella Praedgia chia tü audesch be in quell' hura, po esser la pü davo chia tü hasch la gratia da dudir. *Tromm.* 86.

Ed uschia l's plü dauous uignen ad esser l's prüms, & l's prüms l's plü dauous. *Bifrun*, Matt. 20, 13.

§ 229.

b) aggettivs cun unicamaing la fuorma comparativa:

anterior, -a	
junior, -a	(pü giuven)
posterior, -a	
senior, -a	(pü vegl)

Vus avais udieu da mieu contegn anterior nel Giudaismo, ch'eu perseguitaiva cun vehemenza la baselgia da Dieu e la desertaiva. *Menni*, *Galat.* 1, 13.

A Reichenau s'uneschon il Reno anterior e'l Reno inferior, per fer ün lung e bel viedi insembel fin al mer. IV 52.

Quanto a mieu bap, u ch'el avaiva surmuntò sia antipatia anteriura, u bain, ch'el la savet zoppantèr. *Tönd.* 141.

Zieva l'abdicaziua del benemerit Signur Reverendo Peider Caderas senior füt schelt seu predichant sieu figl, Signur Peider Caderas junior.

„Junior“ vain suvenz drovò per disferenzièr duos firmas chi appartegnan a bap e figl, pustüt scha haun tuots duos il medem prenom. *Chio.*

... „La liberted, obtgnida
A nus dals valorus antecessuors,
Ho scu'l pü ot tesor da gnir mantgnida
Intacta eir a noss posteriurs. IV 91 (*Balastèr*)

Cumbain cha il lej separaiva ils abitants dellas Trais Forestas, schi restettan els tuottüna saimper buns amihs e fermamaing unieus in tuots temps posteriurs. *Pr. Cud.* 165.

L'evitaziun della guerra, cha'l posteriur Friedrich III, Friedrich il Nöbel, ho declaró il pü grand dovair, füss con buna vöglia saimper possibla a quels chi dirigian ils pövels. *Tönd.* 443.

Udind da Gesu, tramettet il chapitauni seniuors dels Güdevs tiers el e l'arovet, ch'el gniss a guarir sieu famagl. *J. B.* 99.

§ 230.

c) aggettivs cun unicamaing la fuorma superlativa:

prossem,	prossma
prüm,	prüma
(som,	somma)

Ama tieu prossem scu te stess. *J. B.* 113.

Mettè davent la manzögna e tehantschè la vardet scodün cun sieu prossem *J. B.* 17.

Qualvoutas essans sforzós dad udir tuns fermes in prossma vicinanza. VII 285.

Ils bsögn prossems da noss' administraziun. *Tschant. Zuoz* 11.

Uschè saron ils ultims ils prüms, ed ils prüms ils ultims. *J. B.* 47.

E. B. Eug predgiara il prüm da tuot l'Evangeli segond Matheus. *And.* 162.

E. B. Tras sia predicaziun e sia collaboraziun a las prümas publicaziuns ladinas füt Philipp Saluz il plü zelant promotur da nossa lingua. *M. L.* XVI.

Jlanz ais la prüma citted allas rivas del Reno. IV 56.

In cas da somma urgenza, l'ospidèl dess gnir sapchantò per telegraf u telefon del arrivo del pacient. *Stat. Osp.* 13.

Remarcha 1. La fuorma masculina som nun vain pü druvô scu aggettiv, ün chatta quaist be auncha nels adverbs-preposiziuns cumposts: aintasom, ourasom, süsom,

giosom, visom, nosom ed in qualche noms locals, scu Summa Prada. Somvix, Somvih etc. La fuorma femina somma, suot l'influenza del italiaun, vain però qualchevoutas druveda eir scu aggettiv: la somma beadentscha (mera exaimpel supra, ziffra c).

Il contrari da som ais infim. Quaist superlativ (mera supra. § 228, ziffra a) vain avaunt scurznieu scu im (d-im) nel adverb giodim ed in qualche noms locals.

Il prenomnô Padruot Felix ceda in môd da vendita a Chasper Moeli sia chesa situada in Somvih in Zuoz cul numer 117. V 400.

Il stil della minchületta da prümavaira porta sūsom ün choin mellen-cotschnaint, sungiaint ad ün padriölin. IV 80.

Il cucù appartain al gener dels utschels chi saun as rampchêr, aviand la griffa ourasom movibla. VII 261.

Sūsom la val cumainzan a's rammassêr nūvlas. VII 222.

E. B. La part sūsom del stram ha d'ambas duos varts pitscheus givgöls. VII 197.

E. B. Il füs dell'avaina ha manchs plü lungs, ils plü lungs sun giosom. VII 198.

E. B. Ourasom Martina, inua la strada as volva a dretta, ais la chasa del dazi federal. VII 119.

La part la pü aintaso l'uraglia ais il labirint. VII 284.

E mera, la tenda del taimpel s'fendet in duos parts, da sūsom infina giodim, e la terra tremblet, e la spelma s'fendet. *Menni, Matt.* 27, 51.

Mo la rassa eira sainza cusdūras, totêlmaing tessida da sūsom infina giodim. *Menni, Joh.* 19, 23.

Clamaint in Dimvih giosom ils üerts etc. *Tschant. Zuoz* 109.

Remarcha 2 (ad a—c). Ad onta cha tuot las fuormas trat-tedas in quaists paragrafs sajan gia in sè comparativas u superlativas, schi vegnan tuottüna ils adverbs da graduaziun (pü, il pü) qualchevoutas no tiers. Uschè prossem significa il pü ardaint ed ais gia ün superlativ, ma ün chatta tuottüna na darêr eir la combinaziun il pü prossem, que chi poss'gnir nomnô ün superlativ dobel.

In oters cas po ün dir cha la fuorma comparativa u superlativa nun vain pü interpreteda e sentida dal pövel scu têla,

da maniera cha ils respectivs aggettivs vegnan graduòs scu qualunque oter aggettiv qualificativ, p. ex. intim, pü intim, il pü intim.

Dellas voutas s'inserv' ün eir della combinaziun d'üna fuorma comparativa cul adverb superlativ *il pü*, per formêr la fuorma superlativa, p. ex. la part la pü superiura, las creatüras las pü inferiuras.

Minder sainz' artichel ais comparativ, cul artichel ho minder generêlmaing üna significaziun superlativa. p. ex. cumprêr roba da mindra (= inferiura) valor, avoir pla-schair vi dalla mindra (= minima) chosetta.

Ils pü prossems paraints del chavriöl sun ils tshiervs. IV 74.

Tres las vibraziuns del curtè u della corda d'ün instrumaint l'ajer il pü prossem vain squitschô dalla vart, tuocha darchô oter ajer, ed uschè as transplauta il movimaint. VII 283.

Cul sacerdot cattolic del lö vivaiva Caspar Champell in discordia, e'l pü prossem predichant evangelic abitaiva almain ün' ura dalöntschi. *Menni, Saluz* 16.

Els sun ils plü intims amis da noss adversaris. *And.* 222.

La pü intima amur. V 392.

Quêls sun ils puncts ils pü extrêms da nos pajais? *J. U. Campell.*

Ils desperôs recuorran sovenz als mezs ils pü extrêms. *J. U. Campell.*

La part la pü superiura della giargiatta ais il nuf della gula, consistent da püss scruoschs. VII 294.

Perfin las bestias las pü inferiuras muossan structura e funcziun organica. VII 301.

† E. B. Deis ha fat il Crastian pauc plü inferior cols Angels. *Abyss*, I 22.

E. B. Vaira es chia ls beats in cel saran bliers, ils quals haun da lur ils plü prossems da saung, chi in 'l mond als eiran ls plü chiars, brich in cel pro ells, mo in infern. *Abyss*, III 101.

§ 231.

Exercizi 1. a) Fuorma frastas culs seguints aggettivs nel positiv absolut:

amar	giuven	pitschen
bummarchò	glisch	planiv
cler	greiv	pover
debel	gross	s-chür
dür	lung	stret
dutsch	meger	svelt
ferm	necessari	tort
fidel	nutritiv	ütil
fraid	ot	vegl

b) Transfuorma las frsas antescritas in möd cha'l positiv absolut dvainta positiv da congualaziun.

c) Tschercha aggettivs chi denoteschan qualiteds eguèlas u diseguèlas traunter ils substantivs seguaints e fuorma frsas affirmativas u negativas cun il positiv da congualaziun.

chevra	vacha
fam	said
pom	pair
scolar	scolara
stalla	talvò
baselgia	scoula
maisa	chadregia
glatsch	ova
penna	rispli
alveterna	grusaida
chaun	giat
bouv	vacha
tass	vuolp

§ 232.

Exercizi 2. a) Cols seguaints aggettivs fuorma frsas cul comparativ da superiurited.

bel	scort
bun	stigl
dret	ümid
frais-ch	vegl
sech	verd

b) Tschercha per minchün dels seguaints pèrs da substantivs ün aggettiv chi indicha üna qualited cha ün dels substantivs posseda in main ot grô cu l'oter e fuorma ses frsas cul comparativ d'inferiurited.

bap	bapsegner
chaun	chavagl
lej	mer
mat	matta
plom	fier
collina	muntagna

c) Tiers il seguaints aggettivs tschercha aunch ün e fuorma frsas cul comparativ da coordinaziun.

containt	lavurius
crudel	nosch
fraunch	prompt
ingrat	pover

d) Cullas seguaintas gruppas d'aggettivs fuorma frsas chi contegnan ün comparativ d'inversiun:

avar	containt
fraid	chod
lung	cuort
sabi	superbi
tuct	modest
rich	charitataivel

§ 233.

Exercizi 3. a) Fuorma frastas cun il superlativ da con-
gualaziun drovand ils seguaints aggettivs:

ardit	dürabel
brav	ferm
conscienzius	ot
curaschus	prezius

b) Fuorma frastas cols seguaints aggettivs nel super-
lativ absolut:

bel	gruogl
cher	lung
dür	prus
fraid	vegl

c) Tiers ogni substantiv seguaint tschercha ün aggettiv
and formand il superlativ absolut cun metter tiers
ün adverb:

chavagl	mat
desert	mêr
lavor	prô

Exercizi 4. Fuorma cun ogni ün dels seguaints aggettivs
duos frastas, üna nel comparativ, l'otra nel superlativ.
drovand la fuorma da graduaziun irregulêra:

bun	poch
mêl	grand
bger	pitschen

Aggettivs determinativs.

§ 234.

Ils aggettivs determinativs vegnan uschè nomnôs perchê

els servan a determinèr u disferenzchèr ün nom sainz' and indichèr üna qualited u almain sainza indichèr que cha nella vita d'imminchadì ün nomna üna qualited:

quaist rispli, quel chalamèr, bgeras fluors, mincha sudò, trais mürs, tuot la classa, mieus amihs, etc.

Tscherts grammatikers s'oppuonan però alla classificaziun (scumpart) dels aggettivs in aggettivs qualificativs e determinativs, dschand cha eir ils aggettivs qualificativs determineschan u disferenzcheschan ün nom, p. ex.: Ils scolars diligiaints gnaròn recompensòs. Quaista asserziun nun ais güsta, perchè, scu ch'ais stò explicchò nel § 145, schi determinescha ün aggettiv qualificativ ün nom be cun agüd dellas *circonstanzas del adöver*. Tres bel p. ex. il nom chavagl nun ais minimamaing determinò, perchè a pudess esser ün grandischem numer da bels chavals, ma dalum ch'èau m'inserv d'ün aggettiv demonstrativ, schi ais il nom determinò: *quaist* bel chaval; in quaist cas l'aggettiv qualificativ dvainta perfin superfluo, siand cha eir quaist chavagl ais complettamaing determinò, e designescha sainz' üngüna ambigüited ün tschert individuo.

Nella frasa supra „ils scolars diligiaints etc.“ il nom scolar pera bainschì disferenzchò e determinò tres l'aggettiv diligiaint, ma scha reflettains ün momaint, schi chattains, cha que ais be il cas, perchè cha'l nom sto nel plural e significha dìmèna taunt scu tuots buns scolars, u tuot ils buns scolars, u mincha bun scolar; scha nus avessans la frasa nel singular „il bun scolar etc.“ podessans dumandèr „*che bun scolar?*“ — perchè nus cognuscherons probabelmaing bgers u almain püss buns scolars e vulessans savoir il quèl averò la recompensa.

Üna suletta fuorma del aggettiv qualificativ determinescha complettamaing ün nom, que ais il superlativ da congualaziun: il meglder scolar, il pü daschüttel scolar.

Ils aggettivs numerèls cardinèls nun determineschan ün nom nel istess sen scu ils oters aggettivs determinativs, cioè individuèlmaing, mo and indichan be il numer u la quantited; els vegnan perquè qualchevoutas classifichòs intèramaing da per sè.

Nus disferenzchains tschinch sorts d'aggettivs determinativs! ils aggettivs numerèls, ils aggettivs demonstrativs, ils aggettivs possessivs, ils aggettivs indefinieus e'ls aggettivs interrogativs.

Aggettivs numerêls.

§ 235.

Els as dividan in numerêls (u numers) cardinêls, numerêls ordinêls e numerêls multiplicativs.

a) ils numers cardinêls.

Els indichan üna quantited positiva, precisa:

1 ün, üna	24 vainchaquatter
2 duos (duas), dua	25 vainchatschinch
3 trais, traja	26 vainchases
4 quatter	27 vainchaset
5 tschinch	28 vainchoch
6 ses	29 vainchanouv
7 set	30 trenta
8 och	31 trentün
9 nouv	32 trentaduos (dua)
10 desch	33 trentatrais (traja)
11 ündesch	34 trentaquatter
12 dundesch	35 trentatschinch
13 tredesch	36 trentases
14 quattordesch	37 trentaset
15 quindesch	38 trentoch
16 saidesch	39 trentanouv
17 { deschset	40 quaraunta
{ dischset	50 tschinquainta
18 { deschdoch	60 { sesaunta
{ dischdoch	{ sessaunta
19 { deschnou	70 settaunta
{ dischnouv	80 { ochaunta
20 vainch	{ uchaunta
21 vainchün	90 { nonaunta
22 vainchaduos (dua)	{ nunaunta
23 vainchatrais (traja)	100 tschient

101 tschientedün	1000 milli
102 tschienteduos (dua)	2000 duamilli
104 tschientequatter	3000 trajamilli
200 duatschient	1,000,000 ün milliun
300 trajatschient	2,000,000 duos milliuns
	1,000,000,000 ün milliard (üna milliarda)
	2,000,000,000 duos milliards (milliardas)

L'eivna ho set dis. Il di ho vainchaquatter uras, l'ura ho sessaunta (sessaunta) minutas e la minuta sessaunta secundas.

$$1 \times 1 = 1$$

üna vouta ün fo ün

$$12 - 8 = 4$$

dudesch main och fo quatter

(dudesch main och resta quatter)

$$7 + 3 = 10$$

set e trais fo desch

$$100 : 5 = 20$$

tschient partieu tres tschinch fo vainch

(tschient partieu tres tschinch do vainch)

Hoz avains ils quindesch Marz. Tü completeschast tieus ans ils deschnouv Gün. El ais del milliochtschientsettaunta. Quaist hom ais aint pels sessaunta (ho traunter sessaunta e settaunt' ans). Uossa aise las dudesch. Damaun averons ils dudesch. Eau vegn a dormir allas desch e leiv allas tschinch. Il guiteder vo cullas desch (cullas uras). A batta l'üna; ad ais las ses. Set ais la mitted da quatterdesch. Och ais la quarta part da trentaduos.

§ 236.

Remarchas complementarias.

a) Fuorma feminina ho be il numer ün; plurals collectivs haun ils numers duos e trais (dua, traja), e tuots quels chi glivran cun -duos u -trais;

scu 22 e 23, 32 e 33, 42 e 43, 102 e 103 e. u. i.

Ün sudô, üna forsch. Dua pêra, dua- traja tschient, dua- traja milli, vainchadua pêra, trentatraja milli francs e. u. i.

b) Ils numerèls composts cun -ün sun invariabels. Ün disch dimena: vainchün vachas (na: vainchüna vachas).

In nossa scoula sun trentün scolaras.

Sün quaista chesa ais ün'ipoteca da quarauntün milli francs.

In nossa vschinauncha sun milliduatschientedün chevrass.

c) Plural culla desinenza -s haun be milliun, milliard (milliarda), billiun, trilliun, e. u. i.

Drovôs scu substantivs haun però eir tschient e milli ün tel plural.

Üna guerra cuosta bgers milliards.

D'ün censimaint cha William I il conquisteder fet fer nel an 1085 resulta cha la Grand' Bretagna eira quella vouta populeda da duos milliuns d'abitants, uossa sia populaziun ammunta a trentaset milliuns, quella dell' Irlanda ais da tschinch milliuns.

Desch tschients faun ün milli.

Già da millis e millis ans innò exista nossa terra.

d) Impè dellas fuormas vaincheduos, vainchatrais, e. u. i. trentados, trentatrais e. u. i. quarauntados, tschinquaintados e tuottas similas fuormas compostas vain eir qualchevoutas scrit e dit:

vaincheduos, vainchetrais e. u. i.

E. B. Vaincheduas finas reproducziuns in colurs da costüms vegls cullian las contribuziuns dels singuls chantuns. *Fögl*, 58, 5.

e) Siand cha'l numerèl ün, üna serva eir scu artichel indeterminô (§ 138), schi vain el suvenz cumbinô culs aggettivs singul, sulet u unic, u substituieu tres quaists aggettivs per fêr ressortir ch'ün managia il numer.

Ogn' ün savaiva ch'el avaiva ün unic filg, chi eira absaint, viaggiand. *Pr. Cud.* 20.

Que ais bain singulêr, cha be il pign vain dechantô sco l'unic bös-ch saimper verd. *V* 207.

Perche eau vulesse pü gugent murir d'fam, co pigler ün sulet bluozer ch'eu nun pudess avoir cun buna consciencia. *Pr. Cud.* 34.

Üna suletta naziun s'po divider in püss pövels. *Pr. Cud.* 155.

Quaunt poch quinta üna singula furmia. *VII* 270.

f) Impè da duos s'inserv' ün eir del numerèl cardinèl determinô amenduos (m. & f.), ambas (f.), ma be nel cas cha la totalited dellas persunas, bestias u chosas in questiuu nun surpassa il numer da duos. Ün disch allura eir tuots duos etc.

Sainza superbia e deblezza da spiert nun po ün esser chaprizius. Il chaprizi ais compost d'amenduos. *Pr. Cud.* 278.

Il governatur Felix aviand udieu ambas parts suspendet la decisiuu. *J. B.* 160.

Tuots duos, Cain ed Abel, fettan ün di offertas al Segner. *J. B.* 4. E. B. Ün tractat da pasch gnit segnà d'ambas parts. *And.* 220.

g) In connexiuu culs numerèls cardinèls s'inserv' ün sovenz dels adverbs var, intuorn, circa u incirca, per indichèr cha'l numer nun ais tuotaffat determinô, dels adverbs passa ed ultra, per dir cha'l numer ais surpassô, e dels adverbs quasi, s-chars u bod, per dir ch'el nun ais tuotaffat complettô.

La reparaziun da quaist tet custerò var duamilli francs.

El get our intuorn las ses e las nouv. *J. B.* 119.

Siad ieu our intuorn las ündesch, chattet el oters chi staivan lo. *Menni, Matt.* 20, 6.

Ün pövel da circa 368,000 ormas. *Pr. Cud.* 168.

Ed eira üna vaidgua da circa ochaunta quatter ans, la quèla nun bandunaiva mè il taimpel. *Menni, Luc.* 2, 37.

Il giuven podaiva avoir incirca saidesch ans. *Övs* 28.

Ün vzaiva in quistas povras chesettas homens chi avaivan passa tschient ans. *Övs* 4.

A sun già bod las ündesch. *Chal.* 1915, 31.

Bod quatter eivnas sun co suot las armas. *Chal.* 1915, 32.

La cassa d'ammalôs per l'Engiadin' Ota pajet l'an passô subsidis nel import da frs. 3,645.45, üna summa mè arrivada durante sia bain lungia existenza da bod 40 ans. *Fögl* 58, 3.

La pitschna vschinaunchetta da Brail quinta s-chars 80 ormas. *Fögl* 58, 3.

E. B. Il numer dels commembers dell' U. G. ais creschü a passa 2000. *Chal.* 1915, 75.

La conferenza düret quasi duos uras. *Clio.*

Il domini romaun nella Schvizera düret ultra quattertschient ans.
Pr. Cud. 171.

h) Ils numers cardinèls vegnan druvôs impè dels ordinèls nels cas seguaints: Per indichèr il millaisem: l'an millinouvtschient; per indichèr ils dis del mais ourdvart il prüm: ils 2 (duos) Gün, ils 4 (quatter) Avuost, ils 20 (vainch) November etc. (mo ils prüms Schnër, u il prüm Schnër); per dir l'ura del di: ad ais las dudesch, a batta las quatter e mez.

Ulrich Zwingli naschet a Wildhaus nel Toggenburg als 1. Schnër 1484. VII 19.

Nel 1519 füt Zwingli clamà sco minister della baselgia catedrala a Zürig. VII 19.

Il cussagl administrativ da Zürig ordinet üna disputaziun publica pels 29 Schnër 1523, onde confruntar la doctrina da Zwingli con quella da seis adversaris. VII 20.

Allas 7 erans partieus da Susch ed allas 2 zieva mezdi arrivettans a Davos-Dorf. IV 46.

§ 237.

Exaimpels.

Cur il magister dschaiva qualchosa, schi erane tuots at-tents sün el, sco ün ölg (= ögl) et üna uraglia. *Pr. Cud.* 148.

Guarda! duos. trais, set, dudesch pulschainins cuorran notiers. IV 78.

La risch del maun consista dad och össins arduonds, quatter a quatter in lingia. VII 276.

Las föglias dell' arnica staun in opposiziun, cioè saimper duos a duos nell' istessa otezza, üna visavi all' otra. V 195.

E. B. Las duas fuormas, dialect e lingua litteraria, vi-vaivan üna daspera l'otra nel medem temp. *M. L.* IX.

Gideon deliberet con ün tröpet da trajatschient homens curagius la patria da sieus inimihs. Il prüm avaiva el ün

exercit da trentaduamilli homens our da quasi tuottas las schlattas. Ma cur ch'el sün cumand da Dieu fet clamèr our: „Quel chi ho temma, ch'el tuorna a chesa, acciò ch'el nun corrumpa eir ils oters,“ cò il bandunettan vainchadua-milli. Uossa dschet il Segner a Gideon: „A sun auncha memma bgers, eau ils vögl provèr.“ Uschè returnettan a chesa tuots fin a trajatschient valorus. *J. B.* 39.

Allas ses gnit üna s-chürdün sur tuot il pajais e düret infin allas nouv. *J. B.* 137.

Poh! dschet il Güdev, il tafta nun ais nosch; eau's dun trentases crüzers al pass! *Pr. Cud.* 43.

„Quindesch övs!“ exclamettan els, „ils culombs and faun be duos, oters utschels be tschinch. *Pall. Övs* 12.

Ella dschet ad ellas, cha üna giallina faiva in ün an tshient fin tschient e tschinquanta övs, e tuottas as smüra-vgliettan. *Pall. Övs* 17.

Ad ogni ün da sieus frers det el ün vstieu da festa, mo a Bengiamin tschinch ed auncha trajatschient sicals d'argient. *III* 47.

Malgiaretta

La povretta

Gnit ad anns ochauntasett. *M. L.* 11.

Giacob partit da Canaan cun sieus infaunts ed abiedis, nel numer da sessauntases ormas. *J. B.* 25.

Giacob vivet auncha dischset ans in Egipto. *J. B.* 25.

A sun fingio ochaunta ses anns, ch'eau serv a mieu Salveder, e saimper m'ho el fat del bain infin a quist preschaint momaint. *Pr. Cud.* 54.

El cummanzet a plaundscher e dschet, ch'el gia quindesch dis eira tormentô d'ün grand mèl nels daints. *Pr. Cud.* 29.

Perro allas ündasch dalla noat füten sdasdôs per quels chi vaglaiven. *Ann.* *III* 244.

E. B. Que avains nus constatô
In ün möd fichun perfet,
Nel Avuost di vainchaset. *M. L. (Caratsch.)*

E. B. Che ma dschess ün da noss buns vegliets d'avant
var 200 ans, sch'el podess tuornar darchè in vita e verar
co chi guard' ora in Engiadina da noss temps? *Chal.* 1912, 39.

E. B. Avaunt var 20 ans gnittan duos inglaisas tar ün
predichant in Engiadina con l'insinuaziun, da combatter cunter
l'adöver del vinars tras absoluta abstinenza da tal. *Chal.*
1914, 63.

Ils mats da scoula chattettan per bön dad accompagnêr ün
töch lur amihs da Zuoz, ils tentand e tizchand, fin cha det
traunter terms üna battosta del trenta. *Chal.* 1913, 26.
(mera § 238).

Il mardi saira intuorn las 8 Tönet as struozechaiva tres
las pichardellas. *Chal.* 1914, 34.

Padruotin fo bacharia gia prossem marcaldi, ils 27 No-
vember. *Chal.* 1914, 34.

Visitas a pazients da I e II classa sun admissas mincha
zievamezdi dallas 2 allas 6. *Stat. Osp.* 22.

Alchüns dettan fosa testimoniaunza cunter Gesu, dschand:
„Nus l'avains udieu a dir: Eau vögl demolir quaist taimpel.
chi ais fat cun mauns, ed in trais dis edificchèr ün oter,
chi nun ais fat cun mauns. *J. B.* 134.

Il termin accordò alla Danimarca nun eira cu da vaincha-
quatter uras. *Tönd.* 166.

Vainchaset dis düret il viedi da Marco sül mer. VII 376.

E. B. Ils magls interra grands vegnen tagliats in trais
et quater tocks. *Chal.* 1823.

Flissagia't da't acquistèr ün bun nom, perchè quel at
resterò e sarò pü stabel cu milli grands tesoris. *J. B.* 82.

Gesu dschet als Fariseers quaista sumaglia: Quèl da vus,
aviand tschient nuorsas, e perdand üna da quellas, nun

lascha las nonauntanouv nel desert e vo zieva la persa.
infin ch'el la chatta? *J. B.* 109.

Il barba dad Arno avaiva uossa sesauntases ans.
Tönd. 150.

Las fluors compostas fuorman üna numerusa famiglia,
chi compiglia nouvmilli differentas spezias. *V* 195.

Il di dell'effusiun del spiert sench füttan missas tiers
alla comunitèd cristiauna circa trajamilli ormas. *J. B.* 144.

La regina dels aviöls viva 4 fin 5 ans e fo in quaiet
temp passa ün milliun d'övs. *VII* 269.

Setmilli fin ochmilli furmias vivan insembel in ün
furmier. *VII* 270.

Ils grandius, bels hotels da St. Murezzan alloggian passa
2000 giasts d'inviern e que 3—4 mais alla lungia. *V* 105.

Zieva 60—80 ans ils pigns sun creschieus, ed üna hec-
tara da god rappresainta allura üna valur da passa 10,000 frs.
V 206.

Il pü grand inimih del larsch ais üna pitschna rassulauna
da circa 1 cm lungezza (tortrix piniculana). *V* 210.

Cur Gesu avaiva circa trent' ans, bandunet el sia
chesa paterna e get a Capernaum. *J. B.* 91.

Coira ais situò al pè del Mittenberg, circa 20 minutas
distant dalla riva dretta del Reno. *IV* 50.

Els eiran intuorn tschinch milli homens. *Menni,*
Luc. 9, 14.

Gallicius componit üna confessiun da cretta. la quela,
zieva esser adopteda dalla Synoda, gnit preschanteda nella
dieta raduneda a Coira als Capos d'ambas confessiuns.
Menni, Saluz 29.

Al temp da Herodes eira ün sacerdot cun nom Zaccaria
e sia muglièr ed amenduos eiran güsts avaint Dieu. *Menni,*
Luc. 1, 6.

El cumandet da fermèr il char. ed amenduos gettan giò nell' ova. e Filippo il battaget. *J. B.* 149.

La construcziun della ferrovia tres la spelma e las numerusas chavorgias d'ambas varts della muntagna füt ün' ar dita intrapraisa. *IV* 38.

Per eseguir pü spert la perforaziun della muntagna as cumanzet contemporaneamaing da tuottas duos varts. *IV* 38.

El zoppet sia fatscha in amenduos mauns e scuiffondet ad ota vusch. *Tönd.* 33.

† Mu l'g uin muost s'daia metter in uders noufs & amanduos uignen cusaluos. *Bifrun, Luc.* 5, 38.

Et acquaista uaidgua era intuorn uchiaunta quater ans. *Bifrun, Luc.* 2, 37.

Et l's Judeaus dissen dime à Iesus: Tü nu haes auncha schinquanta ans & haest uis Abraham. *Bifrun, Joan.* 8, 57.

E. B. Ilg prüm ais avonda havair fat ilg mal deck üna suletta vota. Lura vegnen ils fals indublits, schi repetits desch, vaing, tschient votas. *Abyss* *IV* 251.

Alhura l'g ariginâ dalg schil uain ad esser inguel à disth giuuin-schellas, las quèlas haun prais lur aumpullas, & sun idas oura incunter agli spus. Et las schinc da quellas eran narras, & schinc eran sabgias. *Bifrun, Matt.* 25, 1/2.

Seo ün schert hum quael chi uuliand ir in uiedi, ho clamò ses famagls & l's ho do la sia aroba. Et ad aquaisti det el bain schinc talens, & ad ün oter duos, & ad ün oter ün & à scodüni suainter sia aegna pussaunza, & impostiaunt es el tiro uia. Et es tirovia aquel chi hauaiua arfschieu schinc talens & ho fat merchantia cun aquels, & ho auanzo oters schinc talens. Sumgiauntamang er aquel chi hauaiua arfschieu duos, ho guadagnò er duos oters. Ma aquel chi ho arfschieu ün, tirād uia schi l'g ho el asutarò, & ho azuppo l's daners da ses signer. *Bifrun, Matt.* 25, 14—18.

§ 238.

Numerêls cardinêls in expressiuns idiomaticas.

La lingua ladina drova tscherts numers cardinêls per la formaziun dad expressiuns idiomaticas (que vuol dir na cumōnas ad otras linguas), p. ex.:

Nun am fer gnir las vainchaquatter (= nun am fer gnir grit).

Que ais ün affêr del trenta (= complichô e spinus).

Tü est ün figl del trentamilli (= del malam).

Eau he agieu ün bel trentases (= üna bella trücha).

El ho fat da vainchaquatter (u da vainchaduos) ündesch (= ho speculô mël, fat noschs affêrs).

Tü fest tieus affêrs cha que ais ün milli dalet.

Dir set e quatter (= Der ün bun levatesta).

Dir las quauntas chi'd ais (= lagnêr qualehün).

Lectüras.

§ 239.

A. Il tunnel del Gotthard.

La perforaziun del coloss del Gotthard ais üna dellas pü grandiusas oubras del temp modern. La lungezza del tunnel importa quatordeschmilli nouvtschient edudesch meters. Ün pedun ho trais uras da'l passêr tres. Il treno direct passa in vainchatrais minutas, ün solit treno in vainchaset minutas. Il tunnel ho la larghezza dad och meters e spordscha uschè piazza avuonda per duos binaris. Si' otezza importa ses meters. Que fo üna canèra ed ün ramadam, cur duos trenos s'incuntran immez la muntagna!

Il tunnel as rechatta milli tschinchtschient fin duamilli meters suot il cuolm del Gotthard e traja-tschient meters suot la soula della val ad Andermatt.

La perforaziun della muntagna gnit surdeda l'an milli ochtschient settaunt' ün al indschegnêr Louis Favre da Genevra. Quaist det prinzipi alla lavur als dudesch Settember milli ochtschient settauntaduos. Per l'ese-

guir pü spert e pü facilmaing, as cumanzet contemporanea-
maing da tuottas duos varts a perforèr la montagna.

Duamilli tschinchtschient lavuraints eiran di per
di occupôs nel tunnel.

Finëlmaing, als vainchoch Favrer milli ochtschient
ochaunta la saira, penetret dalla vart meridionèla il piz del
tareder nel tunnel settentrionèl. Ils vainchanouv Favrer
crudet l'ultima paraid, e güvels d'algrezcha strasunettan immez
il munt. Zieva och ans da continua, greiva lavur eira ripor-
teda la bella victoria.

Quaista grandiusa lavur custet eir immensas summas.
Il grand tunnel sulet travundet tschinquaintaset milliuns
francs. In tuot custet la ferrovia del Gotthard duatschient
trentoch milliuns.

Suainter IV.

B. Ils lavuraints nella vigna.

Gesu dschet: Il reginam del tschèl ais sumgiaint ad ün
patrun d'chesa, chi get our la damaun mamvagl per iffiner
lavuraints. E siand gnieu perüna culs lavuraints per ün
denar al di, ils tramettet el in sia vigna. El get our intuorn
la terz' ura e vzet oters, stand sün la piazza laschantivs.
Eir a quaists dschet el: „Izan eir vus nella vigna, ed eau as
vögl der que chi ais güst.“ Ed els gettan. Darchò get el
our intuorn las ses e las nouv e fet l'istess. Finëlmaing
sortit el auncha intuorn las ündesch, e chattand oters chi
staivan lo, als dschet el: „Perchè stais vus quia tuot il di
laschantivs?“ Quels respondettan: „Üngün nun ans ho iffinòs.“
El dschet: „Izan eir vus nella vigna, e vus arvscheròs que
chi ais güst.“

Siand gnieu saira, dschet il patrun della vigna a sieu
factur: „Clama ils lavuraints e dòls la peja, cumanzand dals
ultims infin als prüms.“ Cò gnittan ils ultims, quels

dellas ündesch ed arvschettan ün denar per ün. Ma cur ils prüms gnittan, s'impissaivan els d'artschaiver da pü; ma eir els arvschettan ün denar per ün. Perquè marmugnettan els cunter il patrun d'chesa, dschand: „Quaists. ils ultims, haun lavurô be ün' ura e tûls hest fats eguêls a nus, chi avains portô il pais del di e la chalur.“ Ma il patrun respondet ad ün d'els: „Amih, eau nun at fatsch tüert; nun est tü gnieu perüna cun me per ün denar? Piglia il tieu e vò! Mo eau vögl der a quaists ultims scu a te. O nun poss eau fer cul mieu que ch'eau vögl! U ais tieu ögl invilgius, perchè ch'eau sun bun?“

Suainter J. B.

C. Davart la divisiun del temp.

Nus quintains nos millaissem dalla naschentscha da Cristo. Que voul desch seculs per fer ün millaisem etschient ans per fer ün secul. Ün an ais partieu aint in dudesch mais, in tschinquaintaduos eivnas u in trajatschient-sessauntatschinch dis. Ün mais ho trenta u trentün dis, il mais Favrer and ho be vainchoch.

Dis trent' ho il mais November,

Avrigl, Gün e Settember,

Da vainchoch aise be ün,

Tuots ils oters haun trentün.

Ogni quatter ans vain ün an bisest, chi ho ün di dapü eu ils oters. La terra cioè fo sieu viedi intuorn il solagl in trajatschientsessauntatschinch dis e ses uras. Quai-stas ses uras, chi, suainter il quint a trajatschientses-sauntatschinch dis, restan inavous, faun ogni quatter ans ün di, il quèl vain miss tiers al mais Favrer, uschè cha quaist nel an bisest ho vainchanouv dis. Ün' eivna ho set dis, ün di vainchaquatter uras, ün' ura sessaunta minuts, ün minut sessaunta secundas. Duos ans nomn' ün bienni, trais ans trienni, desch ans decenni.

Ils numers ordinêls.

§ 240.

Ils numers ordinêls indichan il rango e dian cu cha las chosas sun lovedas aint u as seguan üna zieva l'otra.

1. il prüm	25. il vainchatschinchevel
2. il seguond	26. il vainchasesevel
3. il terz	e. u. i.
4. il quart	30. il trentevel
5. { il tschinchevel	31. il trentünevel
{ il quint	32. il trentaduosevel
6. { il sesevel	33. il trentatraisevel
{ il sessevel	40. il quarauntevel
7. il settevel	50. il tschinqauntevel
8. l'ochevel	60. { il sesauntevel
9. il nouvevel	{ il sessauntevel
10. il deschevel	70. il settauntevel
11. l'ündeschevel	80. l'ochauntevel
12. il dudeschevel	90. il nonauntevel
13. il tredeschevel	100. il tschientevel
e. u. i.	200. il duatschientevel
20. il vainchevel	1000. il millievel
21. il vainchünevel	2000. il duamillievel
22. il vainchaduosevel	1000000. il milliunevel
23. il vainchatraisevel	
24. il vainchaquatterevel	
(quattrevel)	

Remarcha 1. Ils numers ordinêls haun fuorma feminina e plural.

Il terz di. La sesevla part. Il quart plaun. Las prümas eivnas. Las seguondas plazzas.

Remarcha 2. Per formêr ils numers ordinêls aggiundschains da tschinch d'avent al numer cardinêl la desinenza -evel resp. -evla, dimena cir vainchünevel (na vainchaprüm); vainchaduosevel (na vainchaseguond); vainchatraisevel, vainchaquatterevel, vaincha-

tschinchevel, trentünevel, trentaduosevel . . . quaraunt-ünevel, quarauntaduosevel e. u. i.

William I. da Normannia nomnô il Conquisteder morit nel sessaunt-ünevel an da sia vita e nel vainchaduosevel an da sia regenza.

Remarcha 3. Pü bod druvaiva ün impè da terz, quart, quint eir qualchevoutas las fuormas terzevel, quartevel, quintevel.

Tearzevel Chapitel. *Pr. Cud.* 93.

Quartevel Chapitel. *Pr. Cud.* 97.

Remarcha 4. Cur cha duos u püss numers ordinêls as seguan in stretta connexiun, schi piglia qualchevoutas be l'ultim la desinenza -evel (-evla), ils oters restan nella fuorma dels numers cardinêls.

In püss stedis europeos, chi haun armedas permanentas, sto mincha hom valid fer servezzan militêr activ da sieu vainch fin a sieu vainchatraisevel an.

§ 241.

Exaimpels.

Gian ais il prüm in sia classa. Nuot ais il terz, Anna ais la quarta ed Emil l'ultim. Eau sun in quinta classa e mieu frer vo in seguonda. Chalanda ais il prüm di del mais. Mardi ais il terz di dell' eivna. Gün ais il sessevel mais. Tü tschaintast nel quart baunch. Nus vivains nel vainchevel secul. Quaista stüva ais nel seguond plaun. Nouv ais la sesevla part da tschinquantaquatter. Desch ais la deschevla part da tschient e milli ais la millievla part d'ün milliun.

Il chantun Grischun ho üna surfatscha da 7113 kilometers quadrats, cioè circa la sesevla part del areal da tuot la Confederaziun, ed ais populô da 116,500 ormas, que chi fo our la trentaduosevla part della populaziun svizzra. Basilea Citted al incunter ho üna surfatscha da be 37 kilometers quadrats, que ais la tschientedünevla part da nossa patria, ma ho üna populaziun da 135,000 ormas, di-mena la vainchochevla part da tuot la Svizzra.

La prüma part dell' istoria ais pü bella cu la seguonda.
Nos cudesch da scoula ho las seguaintas parts:

- I. (prüma) Istoria.
- II. (seguonda) Geografia.
- III. (terza) Istoria natürela.
- IV. (quarta) Materièl accompagnatori.
- V. (quinta) Materia diversa.
- VI. (sesevla) Oraziuns.
- VII. (settevla) Ingiovinêras.
- VIII. (ochevla) Lecziuns per exercizis in scrit.

Il terz viedi del apostel Paulo traunter ils pajauns. *J. B.* 156.

Poch temp zieva inchaminet Paulo in compagnia da Silas sieu seguond viedi. *J. B.* 152.

E. B. La daman per la segunda vota s'presentet Luther. *And.* 34.

E. B. Luther affirmet la prüma questiuon dschand d'esser l'autur da tuots quels scrìts, ma quant' alla segunda retschercha, continuèt el: Siand cha meis cudeschs concernen la crett' et il salüd, i fos fìch imprudaint da risponder uschè precipitusamaing. *And.* 58.

Eau sun ün zelus Dieu, chi chastia l'iniquited dels baps vi als infaunts fin al terz e quart grô da quels chi m'ödieschan. *J. B.* 33.

La terza damaun ch'els eiran allô, il munt as surtret d'üna nûvla grossa. *J. B.* 33.

Ma tuot quels, chi podaivan, marchettan in Engiadina, chi chi podaiva portar arma, dal quattordeschavel an insü. V 87.

E cur complit sieu vainchünevel an

S'cumpret el sia nev e fabrichet

La baita, sco'n gnieuin prüvô per l'Anna,

Inu' la via munta al mulin. *Chal. Ladin* 1911, 20.

Nella Svizzra sun var 400 vadrets, chi covernan in tuot circa la du-deschevla part del pajais. V 173.

Scha vus vulais der a mi la deschevla part da medem, schi völg eau chavêr il tesori. *Pr. Cud.* 30.

La commissiun ed in sieu nom l'uffizi circuitèl rappreschainta la societè del ospidèl invers terzas persunas. *Stat. Osp.* 7.

Al ochevel figl üngün nun s'impissaiva. *J. B.* 47.

Immincha Svizzer ais obliò a fer servezzan militèr e que dal vainchevel (20 evel) fin al quarauntatschinchevel (45 evel) an, ils uffiziels fin al quarauntochevel (48 evel) an. VII 184.

Dal trentaduos al quarauntatschinchevel (dal 32 al 45 evel) an vain l'imposta militera redotta alla mittet. VII 185.

L'armeda svizzra vain partida aint nella milizia dal vainch al trentaduosevel an, e nella reserva dal trentatrais al quarauntaquat-revel (20 al 44vel) an complieu. VII 185.

Ils sudòs nel landsturm sun obliòs da servir fin al tschinquantevel an e'ls uffiziels fin al tschinquantatschinchevel an. VII 185.

Noss antenats stovettan melavita fer tristas experiencias alla fin del deschdochevel ed in principi del deschnouvevel secul. VII 188.

E. B. Mo haviand Dieu compli si' ouvra, schi ha el il settavel di pussà. *Porta, Mag.* 39.

E. B. Davo quai, cioè nel sesavel di, diss Deis: Fain il crastian a noss' imaigna. *Porta, Mag.* 39.

† Nun tmair eau sun l'g prüm & l'g plü dauous, & uif & sun sto muort, & uhè eau uif saimper & saimpermae. *Bifrun, Apoc.* 1,8.

E. B. In quest mond es datt la blierüra da linguack 'l prüm per ün castiamaint. *Abyss, III* 94.

E. B. Paulus il Apostel dals pövels cur el fo retrat infina in terzavel cel, ha viss usche grondas chiaussas, chi non pon avonda ngir descritas. *Abyss, I* 105.

In la fortezza füt el grammamaing condüt,

Et da sias dunaus plaunt alg postüt,

Aque dvante in Jener lg di otaeval,

L'ann milli tschingtschent vaing et tschingaval.

Travers, Mös 53—56.

Eau sun l'g segner tieu Dieu ün ferm dschiglius Dieu, quael chi chastich l'iniquitaed dals Babs via als infaunts infinna l'g teartz & quart gró da quael chi m'voeglian mael. *T.* 4.

Sès dijs daiast tü lauurer, & fer tuotta tia laur: ma l'g settaeval di ais l'g Sabbath dalg Segner tieu Dieu: sün quel nun daiast fèr üngiüna laur. *T.* 5.

Et qualchiüns da quels craietten, & s'accompagnaun cù Paulo & cun Sila, & bgiera lieud dals deuots Grecs, & da las inauannt (= las prüm as) dunauns brichia pochas. *Bifrun, Act.* 17, 4.

§ 242.

A. Ruots (Fracziuns).

Cu's numers ordinèls nomuains eir ils ruots (las fracziuns) u las parts d'ün intèr. fand be tar il numer duos ün' excepziun, p. ex.:

- $\frac{1}{2}$ ün mez, üna mezza. la mitted,
- $\frac{2}{2}$ duos mezs.
- $\frac{1}{3}$ ün terz
- $\frac{2}{3}$ duos terzs.
- $\frac{1}{4}$ ün quart.
- $\frac{3}{4}$ trais quarts.
- $\frac{2}{5}$ duos tschinchevens.
- $\frac{3}{10}$ trais deschevels,
- $\frac{4}{100}$ quatter tschientevens.
- $\frac{1}{1000}$ ün millievel.

Trais sesevels e duos settevels faun trentatrais quarauntadusevels ($\frac{3}{6} + \frac{2}{7} = \frac{33}{42}$).

Ün gram ais ün millievel kilogram.

Quaist cudesch cuosta quatter francs e mez.

La mitted della multa vain inflitta a scodün, chi aintra in radunanza zieva il temp fixò nel bigliet da bannida. *Tschant. Zuoz 5.*

As trattand eventuèlmaing da revgnir sün deliberaziuns pigliedas, occuorran duos terzs dellas vuschs dels votants preschaints bannieus suot falla. *Tschant. Zuoz 6.*

La regina dels aviöls ais per ün terz pü granda cu'ls lavuraints. VII 267.

L'ova coverna circa trais quarts della surfatscha della terra. VII 329.

E. B. Circa trais tschinchavels ($\frac{3}{5}$) del Grischun eira dvantà reformà, e pro que restette circa fin al di d'hoz. VII 41.

Circa quatter tschinchevens ($\frac{4}{5}$) dellas fabricas in Svizzra s'in-servan dell'ova scu forza motrice e be ün tschinchewel ($\frac{1}{5}$) della vapor. VII 156.

E. B. E vain pretais, chia pigliand davent la flur de la magl' in terra, schi chia la rendita da quaist frütt sèa per ün terz plü considerabla. *Chal. 1823.*

B. Lectūra.

Teoria e quints cun ruots.

Üna u püssas parts eguêlas d'ün intèr nomn' ün ruot. Per scriver ün ruot s'inserv' ün da duos numers, ün suot l'oter, separòs d'ün strich orizontêl. Il numer suot il strich ais il nomneder e notificha in quantas parts eguêlas cha l'intèr füt divis, il numer sur il strich ais il dombreder ed indicha quantas da quaistas parts ch'ün piglia u chi sun auncha avaunt maun*). Scha dividins ün intèr in tschinch parts eguêlas, schi ais ogni singula part ün tschincevel ($\frac{1}{5}$), scha pigliains duos u trais da quaistas parts, ais que duos tschincevels ($\frac{2}{5}$) u trais tschincevels ($\frac{3}{5}$) e. u. i. Scha üna quantited vain divisa cun 389, q. v. d. in 389 parts eguêlas, schi's nomna minchüna da quaistas parts ün trajatschientochauntanouvevel ($\frac{1}{389}$). Sch'ün piglia 76 parts, schi's nomna quaist ruot: settauntases trajatschientochauntanouvevels ($\frac{76}{389}$).

La valor d'ün ruot non müda sch'ün multiplicha u divida il dombreder e'l nomneder cul istess numer. In multiplichand vain il ruot amplifichô u ingrandieu. Ün mez ($\frac{1}{2}$) amplifichô cun quatter ais quatter ochevels ($\frac{4}{8}$); ün terz ($\frac{1}{3}$) amplifichô cun duos ais duos sesevels ($\frac{2}{6}$). In dividind il dombreder ed il nomneder cul istess numer vain il ruot scurznieu. Ses deschevels ($\frac{6}{30}$) scurznieu cun duos ais trais tschincevels ($\frac{3}{6}$). Och dudeschevels ($\frac{8}{12}$) scurznieu cun quatter ais duos terzs ($\frac{3}{6}$). La valor però ais adüna la medemma.

Per addiziunêr (summèr) u subtrahêr (trèr gio)

* Impè da dombreder oda ün eir nombeder, mo ils duos plets nombeder e nomneder sun pü facil da disferenzchêr sch'els cumainzan cun differents custabs; a füss dimena vantagius da druvêr püttost la fuorma dombreder.

duos ruots del istess nomneder, basta d'addiziunèr u da subtrahèr lur dombreders, p. ex.

$$\frac{1}{5} + \frac{2}{5} = \frac{3}{5}$$

$$\left(\frac{1}{5} \text{ ed auncha } \frac{2}{5} \text{ istess } \frac{3}{5} \text{ u } \frac{1}{5} \text{ pü } \frac{2}{5} \text{ istess } \frac{3}{5} \right)$$

$$\frac{92}{100} - \frac{3}{100} = \frac{89}{100}$$

$$\left(\frac{92}{100} \text{ main } \frac{3}{100} \text{ istess } \frac{89}{100} \right)$$

Mo sch'ün vuol addiziunèr u subtrahèr duos ruots da differents nomneders, schi stu ün il prüm als dèr l'istess nomneder. Que as fo cun trais differentas operaziuns:

- 1° Ün tschercha il pü pitschen (il minim) multipel cumön da tuots nomneders.
- 2° Ün do quaist numer scu nomneder generèl a tuot ils ruots.
- 3° Ün multiplica il dombreder da mincha ruot cul quotient ch'ün obtegna in dividind il nomneder generèl cul nomneder da mincha singul ruot; p. ex.

$$\frac{2}{3} + \frac{3}{4} + \frac{4}{5} + \frac{11}{12}$$

Nus avains co quatter ruots da differents nomneders. Il pü pitschen multipel cumön da 2, 4, 5 e 12 ais 60.

60 dvainta dimena il nomneder generèl da tuots quatter ruots.

Per chattèr ils nouvs dombreders, stovains divider il nomneder generèl tres il nomneder da mincha ruot e multiplichèr il quotient obtgnieu cul dombreder da mincha ruot. Allora obtgnins:

$$\frac{2 \times 20}{60} + \frac{3 \times 15}{60} + \frac{4 \times 12}{60} + \frac{11 \times 5}{60}$$

$$\frac{40}{60} + \frac{45}{60} + \frac{48}{60} + \frac{55}{60} = \frac{188}{60}$$

Il resultat da quaista addiziun, $\frac{188}{60}$, aviand il dombreder pü grand cu'l nomneder, as nomna fintaruot. In dividind 188 cun 60, obtgnins il quotient 3, cul rest 8. Que vuol dir cha la valur del fintaruot $\frac{188}{60}$ ais eguèla a trais intèrs e $\frac{8}{60}$

$$\frac{188}{60} = 3 \frac{8}{60}$$

L'expressiun $3 \frac{8}{60}$, as componind d'ün numer intèr e d'ün ruot as nomna numer fracziunèl. Ün po dimena transformèr mincha fintaruot in ün numer fracziunèl.

Il ruot $\frac{8}{60}$ as lascha auncha seurnzir cun 4, ed uschè obtgnins scu resultat definitiv da nossa addiziun $3 \frac{2}{15}$.

Ün multiplichà ün ruot cun ün oter in multiplichand ils dombreders l'ün cun l'oter ed eir ils nomneders l'ün cun l'oter, p. ex.

$$\frac{3}{4} \times \frac{5}{7} = \frac{3 \times 5}{4 \times 7} = \frac{15}{28}$$

Per divider ün ruot trèrs ün oter, sto ün volver (intervertir) il divisor ed allura proceder scu per la multiplicaziun, p. ex.

$$\frac{7}{8} : \frac{5}{7} = \frac{7}{8} \times \frac{7}{5} = \frac{49}{40} = 1 \frac{9}{40}$$

Lectüras.

§ 243.

Munaida, pais ed imsüras.

A. Impè da quaists trais plets pudess bainischem stèr ün sulet: imsüras. Perchè eir la munaida ais ün' imsüra, quella della valur commerzièla, ed ils pais sün imsüras, quella della gravited dels corps. La valur d'üna chosa, imsüreda

cun francs e raps. ais sieu pedsch; la gravited d'ün corp. imsüreda cun kilograms e grams, ais sieu pais. *)

Ils artichels 38 e 40 della Constituziun federèla del 1874 reservan alla Confederaziun il dret exclusiv da batter munaida e da fixèr ils pais e las imsüras per tuot la Svizzra. Quaistas disposiziuns sun relativmaing novas, as chattand ellas per la prüma vouta nella Constituziun federèla del 1848. Aunz quaist' epoca, ün grandischem numer da differentas munaidas avaivan cuors in nos pajais ed ils pais e las imsüras variaivan suvenz d'ün chantun al oter. Per facilitèr als marchadaunts ed industrièls ils quints cun tuot quaistas multifarias imsüras e munaidas avaiva ün allura complichedas tabellas e tariffas nellas quèlas las differentas valuors gnivan congualadas traunter pèr. Uschè p. ex. gnit publichò à Zürig auncha nel 1850 (que ais duos ans zieva la Constituziun del 1848) ün *Memorièl per marchadaunts ed homens d'affèrs* („Handbuch für Kaufleute und Geschäftsmänner“), il quel, sün 134 paginas, nun contegna oter cu tabellas da congualaziun traunter las differentas munaidas chi circulaivan quella vouta in Svizzra e chi gnivan be ün po alla vouta substituidas tres las novas munaidas federèlas. Cha'l quint eira sovenz propi difficil. muossan las tabellas chi as refereschän alla munaida grischuna e chi staun süllas paginas 72 fin 87.

Lo chattains adüna trais coluonnas l'üna daspera l'otra. La prüma cumainza cun ün bluozer e vo inavaunt fin 1342 bluozers u 13 florins e 42 bluozers; zieva as chattan nella prüma coluonna be florins, fin deshmilli. La seguonda coluonna contegna approximativamaing la valor correspondent da munaida svizzra-francesa, la terza contegna ün ruot chi muossa che fracziun del import nu's po pajèr cu a dan u del dbiteder u del crededer causa l'incommensurabilitèl dels duos sistèms da munaida.

*) Che duos differentas significaziuns ho dimena il pled pais?

Ecco las prümas tschinch lingias dellas trais coluonnas da bluozechers:

Munaida grischuna	Munaida svizzra-francesa	
Bluozechers	raps	ruot
1	2	38/77
2	4	76/77
3	7	37/77
4	9	75/77
5	12	36/77

e. u. i.

Nellas coluonnas cun florins chattains las ziffras seguaintas:

Florins	Frances	Raps	Ruot
10	17	45	35/77
20	34	90	70/77
30	52	36	28/77
40	69	81	63/77
50	87	27	21/77

e. u. i.

Nus essans hozindì taunt adüsòs ad avair da fêr be cun ün sulet sistèm da munaida, cha que voul qualche imaginaziun per ans render quint dellas difficulteds da pü bod. Eir scha giains in oters pajais, nun poderons pü experimentêr las condiziuns del passô. Scha giains in Italia u in Frauntscha, nossa munaida metallica d'or e d'argient vain sainz' oter da minchün accepteda, be las pitschnas valuors, munaidas da nickel e d'aram, stovains provêr da spender aunz cu passêr il confin.

Nossa munaida svizzra gnarò perfin accepteda in pajais lich lontauns, scu in Rumenia, in Grecia, in Belgia, in Spagna ed in Portugal, perchè tuots quaists pajais conclüdettan nel 1865, sün l'iniziativa della Frauntscha, ün' alliaunza nomneda „Uniun Monetaria Latina“, per reglêr ed uniformêr

lur sistèm monetari. Siand cha püss da quaists pajais possedan eir grandas colonias, pustüt in Africa, ma eir nell' America meridiunèla ed in Asia, schi ais il domini dell' Union Monetaria Latina fìch extais, e nossa munaida conserva sia valur per las relaziuns commercièlas cun üna populaziun d'incirca duaschient milliuns.

Al incunter scha passains in Austria u Germania, averons forsa bainschì qualche difficulted cun noss francs e raps svizzers, pustüt scha volains fer cumpras in pitschnas vschi-naunchas nel intern del pajais, ma nun poderons tuottüna gnir a savoir que cha'l viandaunt in Svizzra experimentet fin la mitted del dischnouvevel secul. Perchè cur cha nus averons üna vouta s-chamgiò nossa munaida svizzra per munaida tudais-cha u austriaca, schi puderons traffiehèr cun üna populaziun da 70 milliuns Tudais-chs u 60 milliuns Austriacs sainza pü avair da recuorrer ad ün banquier.

B. Las munaidas sün tuot il Continent dell' Europa ed in quasi tuot il rest del muond sun basedas sül sistèm decimèl, cioè cha il franc, il marc, la corona, il florin etc. sun adüna divis in pü pitschnas munaidas della valur d'ün deschevel u d'ün tschientevel. Uschè per exaimpel il marc consista da desch groschens, ed il groschen ais subdivis in desch pfennigs, da maniera cha'l marc contegna 100 pfennigs. Per il franc nun avains pü in Svizzra üna subdivisiun officièla in 10 parts, mo avains tuottüna üna munaida da nickel chi rappreschainta la deschevle part della valur d'ün franc e cha'l pövel, pustüt della champagna, nomna aunch' hozindì baz. Nossa la pü pitschna munaida ais il rap, chi ais üna munaida d'aram ed ho la valur d'ün tschientevel franc.

Nossas munaidas d'or haun la valur da desch e da vainch francs, quellas d'argient sun da tschinch francs, da duos francs, dad ün franc e d'ün mez franc u da tschin-quaunta raps. Las munaidas da nickel sun da vainch, desch

e tschinch raps, quellas d'aram da duos e d'ün rap. In temps ordinaris avains bancnotas da 50. 100. 500 e 1000 francs, ma in cas da bsögn po la Confederaziun eir emetter bancnotas da mindra valur.

C. L'unica munaida europea, chi nun saja basada sül sistèm decimèl, ais la munaida britannica. La glivra sterlina, chi ho la valur d'ün po pü cu 25 francs, ais divisa in 20 shillings, il shilling ais divis in 12 pence u pennies, il penny ais divis in 4 farthings u quattrins.

Neir las otras imsüras inglaisas nun sun decimèlas; uschè il yard (pass u bratsch, = 914 mm) chi ais l'imsüra fundamentèla da lungezza, ais divis in trais peis, il pè in 12 zols. La miglia inglaia, chi serva scu nos kilometer ad imsürèr distanzas pü grandas, ais divisa in 1680 yards. Per imsüras da surfatscha s'inserv' ün dellas imsüras da lungezza in quadrat. L'imsüra fundamentèla per liquids in Ingilterra ais il gallon (= 4,54 l.); quast ais divis in quatter quarts, il quart ais subdivis in 2 pints, il pint in quatter gills, da maniera cha'l gallon contegna $4 \times 2 \times 4 = 32$ gills. Trentases gallons faun ün barrel (buot u barigl). Quaist ho dimena 163,44 liters.

Ils principèls pais inglais sun la tonna e la glivra. La tonna inglaia ais divisa in 2240 glivras e correspuonda exactamaing a nossa tonna da 1000 kilogramms u 10 quintals metrics, la glivra as divida in 16 untshas, l'untscha in 16 drams.

D. Tuot quaistas imsüras ans daun ün' idea dellas complicaziuns chi stovaivan resultèr pü bod eir in nos pajais dalla diversited dellas imsüras, perchè na be las imsüras stess eiran differentas in bgers cas, ma eir lur divisiuns e subdivisiuns.

Uossa, ad onta della diversited chi subsista auncha traunter las munaidas sül continent d'Europa, avains almain dappertuot üna subdivisiun decimèla, da maniera cha que basta da savair cha ün marc ais eguèl ad 1,23 francs, per inclèr dalum ch'ün pfennig stu esser eguèl ad 1,23 raps, ch'üna banenota da 100 marcs stu avoir incirca la valur da 123 francs.

Mo l'imperfecziun (la defectusited) dellas imsüras inglaisas, cioè il maungel da relaziun traunter dad ellas e la diversited da lur subdivisiuns nun ans do auncha üna completa idea dellas spinusas e difficilas condiziuns del temp passò in nos pajais, perchè noss chantuns (e chantunets) sun da pitschna extaisa, mentre cha l'imperi britannie ho üna populaziun d'intuorn 270 milliuns, cioè ch'el contegna la sesevla part da tuot l'umanited ed eir incirca la sesevla part della surfatscha sütta da nossa terra.

Già cha las imsüras na metricas vegnan hozindì drovedas tar nus be excepziunèlmaing, schi volains be per memoria manzunèr, cha pü bod avaivans eir nus passa e zols, glivras ed untschas, mezzas e coppas e bgeras otras imsüras, chi eiran ils multipels u las subdivisiuns da quellas.

§ 244.

E. A tuot quaistas complicaziuns mettet fin l'adopziun generèla, in quasi tuot il Continent dell' Europa ed in bgers oters pajais, del sistèm frances d'imsüras, cioè del sistèm decimèl u sistèm metric. Quaist ais tres sia simplicited e clarezza, e postüt eir tres las relaziuns stabilidas traunter las differentas categorias d'imsüras, üna invenziun propi stupenda, e nus stuvains savair grò al müravglius indschegn da Napoleon per ans avoir deliberòs cotres da taunts obstaculs superfluos chi impedivan fin allura las relaziuns economicas traunter ils pövels ed ils pövlets da nos vegl Continent.

Ün po dir cha'l sistèm decimèl d'imsüras ais il sistèm natürel. Nus avains desch dainta, que s'inclegia dimena, ch'in quintand nus ans basains sül numer da desch. E daffat scha examinains noss plets per nomnèr ils numers, schi vzains cha'l sistèm decimèl ais almain uschè vegl seu nossa lingua. Schi, perfin nels pü vegls linguachs, cha nus cognuschains, chattains ün sistèm numerèl decimèl. Nus avains plets distints be per ils numers

dad ün fin *desch*, e darchò per *vainch*, *trenta*, *quaraunta*, *tschinquainta*, *sestaunta*, *settaunta*, *ochaunta*, *nunaunta*, per *tschient* e per *milli*.*)

Ündesch, *dudesch*, *tresdesch* etc. as compuanan cleramaing dad ün, *duos*, *trais* etc. e *desch*. *Vainchiün*, *vainchaduos* etc. dad ün, *duos* etc. e *vainch* e. u. i.

Eir per scriver noss numers, ans inservins, alla differenza del sistèm romaun, basò sull' addiziun e la subtracziun, d'ün sistèm nel quèl mincha ziffra po avair u la valur dell' *united* u quella da *desch* voutas l' *united*, u da $10 \times 10 = 100$ voutas l' *united*, u da $10 \times 10 \times 10 = 1000$ voutas l' *united* etc. Nos sistèm da scriver ils numers ais dimena eir decinèl.

F. 1. L'imsüra fundamentèla del sistèm metric ais il meter.***) Quaiست ais la deschemillionevla part ($\frac{1}{10,000,000}$) della distanza dal pol al equator, ed ais dimena ün' imsära da lunghezza. Las divisiuns e subdivisiuns del meter e da tuot las otras imsäras del sistèm metric, vegnan indichedas culs plets latins *deci-*, *centi-*, *milli-*, p. ex.:

decimeter (dm = $\frac{1}{10}$ m)

centimeter (cm = $\frac{1}{100}$ m)

millimeter (mm = $\frac{1}{1000}$ m)

Ils plets per ils multipels percunter vegnan formôs culs elemaints grecs *deca-*, *hecto-*, *kilo-*, nempe:

decameter (Dm = 10 m)

hectometer (Hm = 100 m)

kilometer (Km = 1000 m)

*) Be rêramaing chattains in üna lingua plets per multipels da *desch* pü grands cu *milli*. Uschè la lingua greca posseda ün pled per *deschmilli*; il sauserit percunter, la veglia lingua dell' India, ho plets distincts per tuot las potenzas da *desch* fin 10,000,000,000,000,000 (*deschmilli* billiuns). Nos pled internaziunèl million vain avaunt per la prüma vouta nel 1494 tar ün matematiker italiaun, *Luca Pacioli*. Ils plets *billiun*, *trilliun* etc. sun formaziuns modernas e dateschan be dal 17^{avel} secul, eir *milliarda* ais ün pled tuot modern d'origine francesa.

**) Meter ais ün pled grec e nun significha oter cu imsära.

2. Per insürer surfatschas servan las insüras da lunghezza in quadrat, dimena

il meter quadrat ($m^2 = 1 m^2$)

il decimeter quadrat ($dm^2 = \frac{1}{100} m^2$)

il centimeter quadrat ($cm^2 = \frac{1}{10,000} m^2$)

il millimeter quadrat ($mm^2 = \frac{1}{1,000,000} m^2$)

Per duos multipels del meter quadrat, cioè per il decameter quadrat ed il hectometer quadrat existan eir plets distints, nempe

l'ara = 100 m^2

e l'hectara = 100 aras = 10,000 m^2

Per surfatschas pü grandas s'inserv' ün del Kilometer quadrat

$Km^2 = 1,000,000 m^2$

3. Per insürer volüms s'inserv' ün del meter cubic (m^3) e da sias subdivisiuns e multipels, nempe

del decimeter cubic ($dm^3 = \frac{1}{1000} m^3$)

del centimeter cubic ($cm^3 = \frac{1}{1,000,000} m^3$)

del millimeter cubic ($mm^3 = \frac{1}{1,000,000,000} m^3$)

del decameter cubic ($Dm^3 = 1000 m^3$)

del hectometer cubic ($Hm^3 = 1,000,000 m^3$)

e del kilometer cubic ($Km^3 = 1,000,000,000 m^3$)

Quaistas insüras paun eir servir per liquids, scu l'ova, il vin, la biera, l'aschaid, l'öli etc., mo per quist scopo dains generelmaing al decimeter cubic ün nom specièl, nempe liter. e formains del liter ün nouv multipel, nempe il

hectoliter ($hl = 100 l = \frac{1}{10} m^3$)

e duos novas subdivisiuns, cioè il

deciliter ($dl = \frac{1}{10} l = 100 cm^3$), ed il

centiliter ($cl = \frac{1}{100} l = 10 cm^3$)

4. Eir las insüras da gravited, nempe ils pais, sun in stretta connexiun cul meter. L'insüra fundamentèla della

gravited ais nempe il gram (g), cioè il pais d'ün cm³ d'ova püra d'üna temperatura da 4° Celsius. Il Kilogram (= 1000 g) ais consequentamaing il pais d'ün dm³ d'ova püra, e la tonna (= 1000 kg) ais il pais d' 1 m³ d'ova püra.

Dasper quaists pais vain bger druvò eir il quintal metric chi ais eguèl a $\frac{1}{10}$ tonna u 100 kg.

§ 245.

Aggettivs numerèls multiplicativs.

Ultra ils numers cardinèls ed ordinèls sun da nomnèr ils aggettivs numerèls multiplicativs, nempe singul (simpel, saimpel, sem), dobel, tripel, quadrupel, quintupel, multipel.

Desch ais il dobel da tschinch e dudesch il tripel da quatter.

Il singul lavuraint nun construescha ün'ura completa, dimpersè be parts da quella. VII 163.

Scha vossa senchited m'imprasta

Desch milli talers, schi que basta;

Bain' bod rend eau il dobbel. *Flugi* 28.

E. B. Vus eschet et dovais esser units tras il triplie liam della nazionalità, della lingua et della cretta. *And.* X.

Tuots ils vschins da cumön giodan nellas singulas vschinaunchas da quel ils medems benefizis da pas-chüras, gods e similis bains publics. *Stat. E. O.* 21.

Intervgnind circonstanzas tuot specièlas, ho il meidi il dret da conceder in singuls cas excepziunèlmaing cuortas visitas. *Stat. Osp.* 25.

Il nöbel sentimaint d'umanited victoriserò supra la veglia barbaria in principi tar singuls homens, in seguit tar ün numer pü grand e finèlmaing tar tuots. *Tönd.* 206.

Per metter anè al alimeri as tira sur las fouras d'nes ün fil d'fier dobbel e trippel tres il nes. III 106.

Las culturas süllas spuondas dellas ovas haun ün trippel avantag. VII 208.

Restituir il quadrupel. *Pallioppi* II.

Quintupel. *Pallioppi* II.

Vainch, trenta, quaraunta, sessaunta, settaunta etc. sun multipels da desch. *Clio*.

Ad onta della quadrupla taxa da licenza avess la Societed da pescheters grischuna gugent aderieu alla nouva ledscha. *Fögl* 58, 6.

E. B. Da Bravuogn fin a Preda ha il stradun be üna lungezza da 6 km. Ma la ferrovia sto far ün gir circa il dubel plü grand. VII 114.

Scha tü hest da scriver poch piglia ün simpel fögl, uschigliö ün dobel. *Clio*.

Dals groffels semnôs vegnan bgers sems. *Clio*.

Dal ot riport' ün culombin prüvò

Imrincha di ün tripel fögl in buocha. *Z. Pall. Poesias*.

Remarcha. Da ses davent maunchan ils numerêls multiplicativs. Mo eir quadrupel e quintupel vegnan be reramaing druvôs. Ün drova in lur pè quatter voutas taunt e tschinch voutas taunt, seo ch'ün rimplazza eir ils numerêls multiplicativs chi maunchan nella lingua ladina, cun ses voutas taunt, set voutas taunt e. u. i.

Perfin impè da dobel e tripel chattains sovenz duos voutas taunt, trais voutas taunt.

La mitted da mia roba dun eau als povers e sch'eu he ingiannò alchün in qualchosa, schi rend eau quatter voutas taunt. *J. B.* 117.

Eau as vögl fer ün contraregal, chi m'ho custò almain trais voutas taunt. II 52.

† E. B. Segner, eug dun la metà da tuot mia raba als povers: è sch'eug nhai ingianà alchün, schi'l restituesch eug quatter voutas dobel. *Vulpius & Dorta, Luc.* 19,8.

Vhè signer meza mia roba dun eau als pouers, & sch'eu hae ün qualchiosa frudagiò alchiün, schi tuorn eau quater uotes taunt. *Bifrun, Luc.* 19,8.

§ 246.

Substantivs ed adverbs numerêls.

Per complettèr ils numerêls, stögljan gnir manzunedas auncha duos categorias, chi nun tuochan propri in quaiست chapitel, siand ch'ellas sun u noms u adverbs, cioè ils numers collectivs ed ils adverbs numerêls.

A. Ils numers collectivs (substantivs) sun:

Ün pèr (duos, u eir trais u da pü),

üna deschina (10 u ün numer approssimativ a 10).

üna vainchina (20 u circa 20),
 üna trentina,
 üna quarauntina,
 üna tschinquaintina.
 la tschientina,
 la tschientinera (il tschintinêr),
 la milliera.

Desch unteds daun üna deschina e desch deschinas üna tchien-
 tina. La fantschella ho servieu üna trentina d'ans tar l'istess patrun.
 A sarò circa üna vainchina d'ans, ch'el ais mort.

Las föglias della gianzauna tiran ün pô sül blov e staun duos a duos
 in opposiziun, il pèr sur saimper in crusch cun quel suotvart. V 190.

Nella gianoscha suot as rechattan traja pera d'glandulas, dallas què-
 las provain la saliva. VII 289.

Eliseo araiva ün champ con dudesch pèra d'bouvs. J. B. 65.

Benedieus sajan quels duos infaunts, chi t'regalettan que peer d'övs.
Pr. Cud. 111.

E. B. Cur ch' ün pèr spols eiran plains, schi gnivan els splajats.
 V 267.

Quauntas decinas d'ans del dischnovevel secul sun gia passedas?
Pr. Cud. 157.

E. B. Nossa patria eira abitada dad umans fingià da millieras e
 millieras d'ans avant la naschentscha dà Cristo. V 1.

Avaunt bgera tschientinera d'ans vivaivan in üna pitschna val
 alchüns povers cravunêrs. *Pr. Cud.* 81.

S'aviand intaunt radunò il pövel a milliera, in möd ch'els as chal-
 chaivan l'ün l'oter, cumanzet el a dir a sieus discipuls. *Menni, Luc.* 12,1.

Frer, tü vezvast quaunta milliera d'Güdevs, chi sun dvantôs cret-
 taivels; ma tuots sun zelants per la Ledscha. *Menni, Act.* 21,20.

Da tschient a tschientaneras d'ans fin al di d'hoz. *Pallioppi.*

Milliera da vermiglia dannaiyla viva sovenz in ün' unica plaunta.
 V 216.

Bainschi udiva el il viers d'utschels

In millieras circoland intuorn

Il mer.

Chal. 1911, 26.

Remarcha 1. Davart il numer collectiv dunzaina aise da remarchêr
 ch'el significha be dudesch, na eir incirca dudesch. Dunzaina
 vain eir druvò nellas expressiuns idiomaticas esser in dunzaina tar
 qualchün, ir in dunzaina tar qualchün (bei jemand in Kost sein,

in Kost gehen), avoir qualchün in dunzaina (jemand als Kostgänger haben). Roba da dunzaina significha roba da mindra valor.

Que voul duos per fer ün pèr e dudesch per fer üna dunzaina.

Quia vögl eau paschantèr la gilina adascus ed ün po alla vouta sur-veng qualche dunzaina d'övs. *Pr. Cud.* 39.

Ils duos giarsuns da Maister Clo vaun in dunzaina tar giunfra Maria.

Las serradüras in quaista chesa sun noschas; que ais roba da dunzaina. *Clio.*

Remarcha 2. Dasper ils numers collectivs supra, sun auncha da manzunèr ün pèr, chi nun indicheschun püramaing ün numer (saja determinó saja approximativ), ma nomnan eir la chosa quinteda. Ils principèls da quaists sun:

il bienni (spazi da duos ans)	
il trienni (spazi da trais ans)	
il quinquenni (spazi da tschinch ans)	
il decenni (spazi da desch ans)	
il secul (spazi da tschient ans)	
il millaisem	} (spazi da milli ans).
(il milleuni)	

Millaisem significha eir: 1) *Jahreszahl*, 2) *Zeitrechnung*.

Dasper secul vain eir druvo tschintinèr nel sen da spazi da tschient ans.

Dal grembo dels cussglièrs comunèls vain in prinzipli da mincha bienni nomnò dalla radunanza comunèla il substitut del president comunèl. *Tschant. Zuoz* 9.

Actuar e cassier vegnan tschernieus per la düreda da duos ans.

Tschant. Zuoz 9.

Il sistèm da fer las iedschas be per ün tschert temp limitò, per ün quinquenni o ün decenni, contrasta in möd singulèr cun nossas ideas modernas da legislaziun. *Annal.* VIII 221.

La prüma dumengia d'Meg da mincha bienni vegnan tschernieus ils uffiziants e rapreschentants del circul. *Stat. E. O.* 6.

Inua s'adoza hozindi il grand Waldhaus a Vulpera, staiva amo avant pacs decennis üna chasetta modesta. *Barblan, Par.* 23.

E. B. El ha occupà seis post da meidi divers decennis alla lunga. *Fögl* 58, 5.

E. B. La scoula naschit pro nus pür nels prüms decennis del secul passà. *Chal.* 1914, 70.

Nels ultims decennis sun ils uors gnies pü s-chars in Svizzra.
IV 68.

E. B. L'emigraziun dels Engiadinais pigliet seis origin fingià nels
seculs passats. V 162.

E. B. Vers la fin del seguond secul avant Cristo comparittan dan-
dettamaing al Reno ils Cimbers e Teutons. V 11.

Nus quintains noass millaisem dalla naschentscha del Salveder.
Pr. Cud. 156.

La questiu d'adoptar l'italian nun as es mà brich preschantada als
Romanschs del 16^{vel} tschientinêr. *Lansel, Ni It. ni Tud.* 8.

L'oriaintaziun vers l'Italia ha manà nel cuors del 18^{vel} tschientinêr
ad üna sensibla italianisaziun del ladin. *Lansel, Ni It. ni Tud.* 9.

§ 247.

Adverbs numerêls.

C'o sun da trattêr be pochs plds, perchê la lingua ladina, differenta
in quaist rapport da püssas da sias sours neolatinas, nun fuorma üna
completta seria d'adverbs numerêls ordinêls. Que chi correspuonda als ad-
verbs frances *premièrement, deuxièmement, troisièmement* etc. sun, per ils
prüms duos numers, ils adverbs primariamaing e secundaria-
maing; per ils oters disch ün: interz lö, in quart lö, in tschinchevel
lö etc. Eir impè da primariamaing e secundariamaing po ün
dir: in prüm lö (u: il prüm, u be: prüma) in seguond lö.

Ün fuorma eir adverbs culs numerêls multiplicativs: simplamaing,
doblamaing, triplamaing.

L'êr recompensa doblamaing la fadia, ch'ün as do per il cultivêr.
El am renda triplamaing que ch'ëau fatsch per el.

Il bouv ans nüzzagia primariamaing cun sia lavur e secundaria-
maing ans do'l sia charn.

Il cussagl comunêl stabilescha la zegla d'impostas. A tël scopo repassa
el primariamaing il cudesch d'estim. *Tschant. Zuoz* 13.

Il Segner det a Giob doblamaing da que ch'el avaiva da principi.
J. B. 84.

Qualunque revisiun da statüt ho, per entrêr in vigur, da gnir prüma
delibereda dalla radunanza generêla e da gnir indi suottamissa tiers defini-
tiva sanzeziun al Cumön d'Engiadin' Ota. *Stat. Osp.* 10.

Eug predgiara il prüm da tuot l'Evangeli seguond Matheus. *And.* 162.

§ 248.

Exercizi 1. a) Scriva in plds ils seguaints numerêls!

1	11	21	80	1,000
2	12	22	90	1,050
3	13	28	100	1.804
4	14	30	101	2,000
5	15	31	102	2,500
6	16	32	120	3,000
7	17	40	200	10,000
8	18	50	204	1,000,000
9	19	60	212	42,000,000
10	20	70	300	1.000.000.000

b) Eguêlmaing ils seguaints quints:

$$\begin{array}{ll}
 7 + 8 = 15 & 2 \times 6 = 12 \\
 8 + 6 = 14 & 4 \times 4 = 16 \\
 7 - 3 = 4 & 15 : 3 = 5 \\
 9 - 7 = 2 & 48 : 6 = 8
 \end{array}$$

c) Scriva in plds ils ruots seguaints:

$$\begin{array}{cccccccccc}
 \frac{1}{2} & \frac{2}{3} & \frac{3}{4} & \frac{4}{5} & \frac{5}{6} & \frac{3}{7} & \frac{5}{8} & \frac{6}{9} & \frac{7}{11} & \frac{9}{12} & \frac{15}{21} \\
 5\frac{1}{3} & 8\frac{1}{5} & 15\frac{1}{4} & 12\frac{5}{16} & 8\frac{5}{6} & 7\frac{2}{5} & 9\frac{7}{31} & 24\frac{2}{48}
 \end{array}$$

Cu nomn' ün il numer sur il strich e cu il numer suot il strich d'ün ruot?

Cu as nomn' ün ruot, la valor del quèl ais pü granda cu ün intêr?

d) Copcha las seguaintas frastas, scrivand però in plds tuot las ziffras contgnidas in quaistas.

Napoleon I. naschit als 15 Avuost 1769 e morit als 5 Meg 1821.

Suainter il censimaint federèl del 1900 eiran quella vouta in Svizzra 2,319,105 abitants da lingua tudais-cha, 733,220 da lingua francesca, 222,000 da lingua italiauna, 38,677 Romauntschs e 14,087 chi discurrivan otras linguas. Dimena ammuntaiva la populaziun totèla della Svizzra a 3,327,089 abitants.

In üna scoula sun 45 scolars nella I classa, 52 nella II, 58 nella III, 60 nella IV e 73 nella V, in tuot 288 scolars.

L'Europa ho ca. 390,000,000 d'abitants, l'Asia 905,000,000. l'Africa 150,000,000, l'America 145,000,000 e l'Australia 8,000,000. La populaziun totèla della terra ais dimena da 1,598,000,000 abitants.

§ 249.

Exercizi 2.

Quints.

Che multipel da nouv ais 27?

Nomna tuots multipels da 12 fin 12×12 , da 13 fin 13×13 , da 14 fin 14×14 , da 15 fin 15×15 .

Üna pezza d'taila imsüra $35\frac{1}{6}$ m. Quaunt resta sch'ün taglia davent $18\frac{4}{5}$ m?

Quaunts liters d'vin contegnan 235 buttiglias da $\frac{2}{3}$ l. l'üna?

La Svizzra ho ün' imsüra da 4,129,827 hectaras. Sieus 600 vadrets cuvernann $\frac{1}{20}$ da sieu areal. Quauntas hectaras imsüra lur surfatscha?

Duos masseras haun cumprò üna chavagna cun 36 dunzainas d'övs ed haun pajò 32 fr. 40. Üna ho pigliò 72 övs dapü cu l'otra. Quaunt tuocha a minch'üna da pajèr?

Al quaunt % stu esser plazzò ün chapitèl chi ho da gnir triplichò in 26 ans ed 8 mais, tgnand quint be del fit simpel?

Eau cumpr 3 m 80 d'stoffa a 9 fr. 75 il meter, 3 chamischas a 6 fr. 05 l'üna e üna maglia. Eau dun 60 fr. e survegn inavous 1 fr. 25. Quaunt am cuosta la maglia?

Ûn marchadaunt venda a 0.60 fr. al liter vin ch'el ho cumprò a 0.45 fr. In ùn' eivna ho el guadagnò 37.50 fr. Quaunts liters ho el vendieu?

§ 250.

Aggettivs demonstrativs.

Ils aggettivs demonstrativs determineschan ùna u püssas persunas, bestias u chosas in mussand vi sün ellas per las fer ressortir dad otras (quaist, quel) u in las con-qualand cun se stess (medem, istess) u cun otras persunas, bestias u chosas (tèl, simil).

Singular		Plural	
masc.	fem.	masc.	fem.
quaist	quaista	quaists	quaistas
(quist)	quista	quists	quistas)
que, quel	quella	quels	quellas
medem	medemma	medems	medemmas
istess	istessa	istess	istessas
(stess)	stessa	stess	stessas)
tèl	tèla	tèls	tèlas
simil	simila (simila)	simils	similas (similas)

Quaista chesa ais pü bella cu nossa. Da chi ais quaist cudesch? Quaist an sort, eau dalla scoula.

Metta la roba in quella s-chantschia. Sün quella sbaiaffa nun stoust tatlèr.

Nus druvains nella sesevla classa ils medems cudeschs scu nella tschinchevla.

Fradgliunzs haun il medem bap e la medemma mamma.

Que ais adüna l'istessa chanzun.

Ûn tèl di nu's po smanchèr. El sto in tèl' e tèla

chesa. Regals simils po fer be ün rich signur. Nun gnir pü cun similas dumandas. Têlas istorgias s'oda gugent.

Nus volains tuots giavüschêr a quaistas persunas felicitè e benedicziun. *Lit.* 13.

Herodes confermet quaista impromissiun cun ün güramaint. *J. B.* 112.

Vus nun moriros zuond bricha; anzi quel di cha vus mangeros dals früts del bös-ch in mez il zardin, voss ögls s'avriron. *J. B.* 3.

O fortuna, co ais gnieu quist nöbel armaint giô in que precipizi? *Pallioppi, Övs* 30.

La duonna musset a s-chapellêr ils övs, e cu as smüravgliettan tuottas, cu cha que transparent cler d'öv eira dvantô alv sco il lat. *Pallioppi, Övs* 16.

Cun quaist' algrezcha incorunet Dieu la lungia e pietusa vita dad Abraham. *J. B.* 12.

Eau vögl scriver a quella glieud lò, cha els As sbandagian aunch' üna vouta, acciò cha restas nel cussagl dels sabis e bricha nel cussagl della narramainta. *Chal.* 1911, 47.

E. B. L'Engiadina bassa eira quella vouta in ün stadi da far compassiun. *Chal.* 1911, 38.

E. B. Magister! voust lavurar in tia scoula con dallet e success, schi metta teis scolars in classas e cha ogni classa haia il medem cudesch. *Mag.* 6.

Perchè che ais pü venerabel e nel medem temp pü salüdaivel per nus co imprendet at cognoscher e't venerêr. *Lit.* 204.

E. B. La ledscha ais la medema nella natüra sco nella religiun. *And.* 233.

Nel istess temp proibet el a quaist et a tuotta sia servitüt, ch'üngün nun s'lascha innacoardscher, chi el saja. *Pr. Cud.* 68.

Il chaveder da tesoris as mettet in viedi auncha quella stessa not, — ma nun turnet pü inavous. *Pr. Cud.* 30.

In quel istess di gnittan alchüns Fariseers, ed al dschettan; Vo davent, perchè Herodes at vout mazzêr. *Menni Luc.* 13, 31.

Quaunt bgers nun saun appreciêr la granda salüdaivla destinaziun da têts dis, ne quista tia graziusa instituziun. *Lit.* 204.

E. B. Mâ nun am eira success üna chosa simla! *Chal.* 1911, 51.

(Il reginam del tschêl ais simil ad ün crastiaun, chi semnet bun sem in sieu er. *J. B.* 103. — Ais *simil* co demonstrativ?)

Ils pajauns s'impaissan da gnir exodieus per la quantited da lur plets. Nun sajas simils ad els (= têts scu els, dumanda sco supra). *J. B.* 96.

Ogni simil ama sieu simil. (Gleich und gleich gesellt sich gern.)
Pall. 685.

Tuots s'instupivan, e glorificaivan Dieu dschand: qualchosa d'simil nun avains mè vis. *Menni, Marc.* 2, 12.

El pövel as müravgliet dschand: Têlas chosas nun ho ün mè vis in Israel. *Menni, Matt.* 9, 33.

Izan in la citted tiers têt e têt e dschè ad el: Il musseder disch: Mieu temp ais ardaint, tiers te vögl eau salvèr la Pasqua cun mieus discipuls. *Menni, Matt.* 26, 18.

† Uos bab sò da che chioses che uos hauais bsüing auns co che uos las aggiauüschàs da del. Et par acque schi urè in aqua ist moed. *Bifrun, Matt.* 6, 8.

Quaist Jesus ais sto l'g filg da Sirach, abiedi da Jesus, anüno cun l'g medeschem nom. *L. P.* 12.

Aquaist frer uoas wöelg eau lier,

In fina uos turnes cun lg hoter frer. *Travers, Jos.* 33.

Vhè taüt äs serf eau a ti, ne mae hae sur passò tieu cumâdamaint, ne gio haest mae do à mi ün uzoel, ch'èau possa ster leed cù mès amichs, mu sco aquaist tes filg es gnieu. schi haest tû amazò aquel uidilg in-graschò. *Bifrun, Luc.* 15, 29/30.

Duonna walarusa, chierra patrunna mia,

Eau arou, wuss abandunass aquella wia. *Travers, Jos.* 24.

Scodün quel chi disch ad aquaisti (cfr. § 131) munt t'lèua dauèd, & t'metta ilg mèr, & nu s'dubitta ilg sieu cour, schi uain ad esser agli tuot aquè chel ho dit. *Bifrun, Marc.* 11, 23.

In aquel di uennè no tiers alchiüns dals phariseers. dschât agli: Tira uia, & uatten da qui, per che Herodes t'uuol amazèr. Et dis ad els: Izen & dische ad aquegli (cfr. § 131) uuolp: Vhè eau d'schiatsst dimunis. & dun sandaed. *Bifrun, Luc.* 13, 31/32.

Üna talla taunt granda terra trimbla. *Bifrun, Apoc.* 16, 18.

Traunter pèr purtò liün la chiargia da lioter, & in aquella guisa cumpli la lescha da Christi. *Bifrun, Gal.* 6, 2.

Et in aque timp es aluo sù ün sthguardin bricha pitschen tres aquella uia. *Bifrun, Act.* 19, 23.

Et hauiand cumplieu tuotta aquaista sia uerua udiant l'g poeuel, schi es el ieu aint in Capernaum. *Bifrun, Luc.* 7, 1.

Perche in aquels dis uain ad esser üna tal fadia, che da quella guisa nun es sto dalg cumanzamaint da las chiosas schiafidas innò. *Bifrun, Marc.* 13, 19.

E. B. Guarda qui impà co la natūra mossa ingualmaing cun l'daint co chi vegnia chiattà in ella tal chiaussas, las qualas eir in l'foe non han mort. *Abyss* I, 21.

Remarcha 1. La fuorma medesim, medesima, ch'ün chatta qualche-voutas per medem, medemma ais italiauna e füss meglder da l'evitèr.

Aquia po il minister medesim fer sieus catecumèns attents allas vardets essenzièlas della doctrina cristiauna. *Lit.* 128.

Remarcha 2. Cul aggettiv demonstrativ tël ais eir da manzunèr la combinaziun tël e quèl, tël' e quèla, tèls e quèls, têlas e quèlas; quaista rinforza la significaziun da tël e nun vül dir simpla-maing simil, mo simil nel pü ot grô, u perfin sainz' üngüna müdeda.

Gian ais il bap tël e quèl.

Maria ho la pronunzia della mamma tël' e quèla.

L'hom onest l'asgüret, d'avair remiss il sach tël e quèl, scu ch'el l'ho chattô. IV 101.

E. B. Disgraziadamaing sot il chatsch da sia activitad giornalistica ha Caderas spess publichà poesias amò imperfettas, las stampond in seguit talas e qualas in seis volums. *M. L.* XXIX.

§ 251.

Aggettivs possessivs.

Ils aggettivs possessivs servan na be, scu ch'ün disch generèlmaing, per indichèr il possessur d'üna chosa o d'üna bestia, mo eir per exprimer numerusas otras relaziuns persunèlas. Cur ch'èau di p. ex. cha'l Maister Caffisch ais mieu patrun o tieu cusdrin etc., schi nun poss eau managèr ch'èau saja il possessur da quaist patrun o cha tü sajast il possessur da quaist cusdrin. Il gener da relaziun existind traunter nus e Sig. Caffisch ais definieu pü exactamaing tres ils substantivs „patrun“ e „cusdrin“, e l'adöver dels aggettivs possessivs serva be per precisèr cha la prüma da quaistas relaziuns tuocha me, la segunda te.

Ille aggettivs possessivs sun:

		Singular.	
		Masculin.	Feminin.
Sing.	1. persona	mieu	mia (ma)
	2. persona	tieu	tia (ta)
	3. persona	sieu	sia (sa)
Plur.	1. persona	nos	nossa
	2. persona	vos	vossa
	3. persona	lur	lur
		Plural.	
Sing.	1. persona	mieus	mias
	2. persona	tieus	tias
	3. persona	sieus	sias
Plur.	1. persona	noss	nossas
	2. persona	voss	vossas
	3. persona	lur	lur

L'aggettiv possessiv as drizza nel gener e nel numer zieva sieu substantiv. Lur ais invariabel (cfr. § 188 b).

L'adöver del aggettiv possessiv po esser taunt attributiv seu predicativ (cfr. § 183. rem. 1).

Quaist ais mieu cudesch e mia penna. Inua hest tū tien rispli? Ais quaista tia s-chacla? Sieu bap e sia mamma sun arrivôs.

Nos frer e nossa sour sun auncha pitschens. Eau he vis vossa chesa e voss üerts. Ellas nun haun auncha glivrô lur lavur. Lur magister nun sarò containt.

Eau am mieus genituors e mias sours. Hest tū fat tieus quints? Tias respostas nun sun tuottas gūstas. Ille genituors pissereschan per lur figls e lur figlias.

Onura tieu bap e tia mamma! J. B. 113.

Nun sajas cun ranchiura pisserus per vossa vita, che vus vegnas a mangér ed a baiver, ne per vos corp, cun che vus vegnas a's vestir. J. B. 97.

Ûn pür ed immaculô servezzan avaunt Dieu, il Bap, ais quaist: da visitêr ils orfens e las vaidguas in lur afflicziun, e da's conservêr immaculô dal muond. *J. B.* 99.;

Il ler saj' a te ùn nudrimaint per tieu spiert e cour. *Pr. Cud.* 290.

Da tuot las bestias domesticas as distingua il chavagl tres sia bellezza e forza. *IV* 72.

Perduna a nus noss dbits, scu eir nus perdunains a noss debituors! *J. B.* 96.

Tü'ns hest conservô nossa liberted seguond tia granda fidelited. *Lit.* 62.

Scha vus salüdais be voss frers, che granda chosa fais vus? *J. B.* 95.

Il led am suffochaiva cur tü gnittast,

Ed uoss' am suffochescha ta bunted. *Chal.* 1911, 23.

Cun dispütêr e lagnêr negligivan els lur lavur. *Pr. Cud.* 19.

Onura tieu bap e mamma. *Menni, Marc.* 10, 19. (cfr. § 187,2, rem.)

Tieu pled saja üna chandaila a nos peis et üna glüsch sün nossas vias. *Lit.* 206.

Exoda lur oraziuns, sùjainta lur larmas cun tieu cuffort, e tras-müda in algrezcha lur cordöli. *Lit.* 94.

E. B. Et, scha la cuortezza da sia vita non il permettet da finir l'edifizi pro l'erecziun del qual el haveva formà il plan, el mettet almain la fondamainta, surdand a seis successurs d'exequir sias ideas et da terminar l'ovra. *And.* 208.

Mieus vers sun be intims affets,

Chi comovettan l'orma mia;

Mas rimas plets sincêrs e s-chets,

Sainza pretaisa d'poësia.

Caderas, Sorrirs 3.

E. B. Vers l'otavel secul, Carl il grond, reunind sot seis scepter buna part del antic imperi roman, as sforzet eir da far reviver in sia classica pürezza il latin, cha squasi ningün nun inlejaiva plü. *Lansel, M. L. X.*

Beôs quels chi vegnan perseguitôs per amur della güstia, perchê il reginam del tschêl ais lur. *J. B.* 95.

Perchê tieu ais il reginam e la possaunza e la gloria in eterno. *J. B.* 96.

§ 252.

Remarchas complementarias.

1. L'uschê-ditta fuorma da politezza dels aggettivs possessivs corrispondenta als pronomi persunêls El, Ella, Els, Ellas ais

pel singular: Sieu, Sia, Lur.

pel plural: Sieus, Sias, Lur.

Ch'El am detta Sieu bratsch. Ch'Ellas nun smaunchan Lur cudeschs. Ais Sia sour arriveda? Eau L'ingrazch per Sia bunted.

2. L'aggettiv possessiv vain sovenz rinforzò tres l'aggiunta dels aggettivs egen, egna u propri, propria. Quaists paun perfin gnir druvòs da per sè ed in tsherts cas rimplazzêr il pronom possessiv.

Que cha nus avains vis cun noss egens ögls as fains nus a savoir. *Menni*, 1 *Joan*. 1, 1.

L'imperatur Albrecht füt mordragiò sper Brugg, nell'Argovia, da sieu egen neiv. *Pr. Cud.* 201.

Lur egens aschantamaints nun smaunchan mò da fer menziun del titel „hundro“. *Annal.* VIII 216.

Scha tû am sest respuonder trais dumandas a mia contentezza, schi at vögl eau resguardêr scu mieu egen infaunt. IV 90.

Melcher nun discurriva per via oter co dals manchamaints e fals d'otra glieud, ma da sieus eigians manchamaints nun flipiva el. *Pr. Cud.* 19.

Sapehast, cha tû nun hest udieu oter co tieus eigians plets. *Pr. Cud.* 8.

Uschea vo que cun tuots quels chi faun il mèl; ogni föglia, chi s'mova, ils metta in temma, et els fügen da lur eigna sumbriva. *Pr. Cud.* 30.

E. B. El spredscheva quella sort d'eloquenzia, chi cerca be si' aigna gloria et non s'inserva dels argumaints adattats a convendscher et a com-mover. *And.* 210.

E. B. Els han be lur propri interess in vista. *And.* 222.

† Che uaiest tû la büstchia, quaela chi es ilg oelg da tês frêr, et nun tinacorschas da la trêf, quaela chi es in tieu eigen oeilg? *Bifrun*, *Luc.* 6, 48.

Et cura chel schaunscha manzoegna, schi schaunsch'el delas sias aegnas chioses, per che el es mäsner & da la mätzüna bab. *Bifrun*, *Joan.* 8, 44.

Eau se tres egna esperiënza, ch'el nun ais deng dels lods. chi al vegnian dos. *Pr. Cud.* 67.

Perchè stu il sudò ris-chèr sia vita e tuot que ch'el ho sül muond, simplamaing per satisfèr allas vöglias ed ambiziuns da singuls princips esters, seu scha que as trattess da defender l'egen pajais e las egnas vitas? *Tönd.* 181.

E. B. Non manaina nossa vita amo massa feli nella propria forza tenor l'agen sen, nel agen impotent operar ed experimantain usche pac in nus ti' operusità. *Uraziuns* 145.

E. B. El era indifferent per la consideraziun personala et la propria gloria. *And.* 216.

E. B. Nossa pitschna litteratura ha üna fisionomia propria e totafat originala. *Lansel M. L.* VI.

† E. B. Ün minister es tschantà da Deis per guadagnar las Ormas & per aedifichiar sia Baselia, & brich per cerchiar aigen laud & honur tras mundana sapiètia cun trar nan Eistras linguas & veglias Historias. *Trom.* 119.

3. Intaunt cha pü bod l'aggettiv possessiv eira suvenz cumbinò cul artichel determinò, schi escluda hozindì l'aggettiv possessiv l'adöver da quaist artichel. Nus il vzains però qualchevoutas combinò cul artichel indeterminò: Ün mieu frer ais taunt seu: Ün da mieus frers.

† L'g tieu ariginam uigna tiers nus, la tia uoeglia duainta in terra sco ella fo in schil. *Bifrun, Matt.* 6, 10.

Guardè che uos nun dettas la uossa almosna in preschijnscha della lieud per che uos uignes uais da dels. *Bifrun, Matt.* 6, 1.

Nun aggiauüschaer la glüergia ü las arichezzas dalg nosch, perche tû nun saest quela vegna ad esser la sia fin. *L. P.* 90.

Mu tû, cura che tû üras schi aintra in tia chiambra, & hauind sarrò tieu hüst, schi arouna tes bap, quael chi es ilg segret, & tes bab quael chi uaia ilg segret, uain à paier tè ilg appalais. *Bifrun, Matt.* 6, 6.

La mia chiesa daia gnir clameda üna chiesa della l'uratiü à tuot pouuels. *Bifrun, Marc.* 11, 17.

Ho El udieu da Darwin, ed ais El ün Sieu partischaun u adversari? *Tönd.* 84.

Sün proposta del meidi del ospidèl tscherna la commissiun ün sieu substitut e fixa per quaist la correspondentia gratificaziun. *Stat. Osp.* 9.

Mia mamma, cun ün mieu frerin ed üna sourina, ais uossa in granda miseria. *Pall, Örs* 28.

4. La piazza del aggettiv possessiv vain determineda tres las seguintas reglas:

a) L'aggettiv possessiv preceda il substantiv chiel accompagna e preceda eguèlmaing tuots aggettivs qualificativs e numerèls (mera però b).

Mieu venerabel bapsegner.

Tieu bun e fidel amih.

Sieus tschinquaunta scolars.

Noss meglders impissamaints.

Vossa seguonda visita.

Lur ultims pleds.

Las randulinas nun perdan temp, lur prüm pissèr ais, da's preparèr una buna abitaziun choda per la sted. V 211.

Rassegnaziun nel volair del Suprèm sarò il pù efficace sligerimaint da Tia trista sort. V 393.

Hegias compaschiun d'una disfortüneda mamma e da sieus duos pitschens infaunts. *Pall.*, *Öes* 6.

Eau l'arov cha tû tramettast Lazaro in chesa da mieu bap tiers mieus tschinch frers. *J. B.* 115.

E. B. Il giuven Ulrich eira destinà alla vocaziun da spiritual, seo seis duos barbas. VII 19.

Cha tieu lod, o Bap, strassuna in nos intèr pajais. *Lit.* 62.

Be excepziunèlmaing chattains qualchevoutas l'aggettiv possessiv miss zieva ün aggettiv qualificativ.

Ils homens stupends, allegers ed elegants, els stess sun güst quels, chi insceneschan da libra lur voluntad la miseria. *Tönd.* 380.

× La funtauna da la sabgienscha ais l'g hutischem plaed da Dieu, & l'antraedgia tiers quella sun l's aeterns seis cummandamaints. *L. P.* 25.

Ant co ir plü inavant cun la minima nosa descriptiö ns vulain in quest capitel l'prüm excusar. *Abyss* 7.

b) Ils aggettivs demonstrativs ed eir ils aggettivs quantitativs indeterminòs tuot, ogni, precedan l'aggettiv possessiv.

Exoda quaists nos arövs seguond tia misericordia. *Lit.* 18.

Sainza quaista tia amur füssans tuots pers. *Lit.* 75.

Maina tuottas lur tribulaziuns ad üna beeda fin. *Lit.* 16.

Scodün chi oda quaists mieus plets e nun ils observà, ais simil ad ün hom ignoraunt il quèl fabrichet sia chesa sül sablun. *J. B.* 96.

Quaist tieu frer eira mort ed ais turnô in vita, el eira pers ed ais darchò chattô. *J. B.* 111.

Üna duonna avaiva spais tuotta sia faculted cun meidis, sainza podair gnir guarida dad üngün. *Menni, Luc.* 8, 43.

Ama il Segner, tieu Dieu, da tuot tieu cour, da tuotta ti' orma, da tuotta tia forza e da tuot tieu anim. *J. B.* 108.

Las vschinaunchas del cumön s'oblian al pajamaint annuël da 50 raps per ogni lur domiciliô. *Stat. Osp.* 3.

† In tuottas tias fatschendas sajast diligiaint e spert. *L. P.* 279.

El stet lèd, par ch el hauaiua craieu à dieu cun tuotta sia chiesa. *Bifrun, Act.* 16, 34.

c) Be rèramaing chattains l'aggettiv possessiv plazzô zieva sieu substantiv. Que ais pustüt il cas culs substantivs chesa e vita e nellas locaziuns impè mieu, causa mia (wegen meiner, meinetwegen), in amur mia (mir zu Liebe).

Gesu dschet: „Zacheo, vè giò spert, perche hoz stögl eau albergêr in chesa tia. *J. B.* 117.

Tuorna a chesa tia e requinta, che grandas chosas Dieu ho fat a te. *Menni, Luc.* 8, 39.

Dappertuot inua cha nus giarons... ans chattains pü u main da chesa nossa, siand nus duos insembel. *Tönd.* 147.

El avess be giavüschô dad esser darchò in chesa sia. III 13.

Urè tiers Dieu eir a chesa vossa per vus e per tuots ils'crastiauns. *Lit.* 64.

In vita nossa nun avains nus vis ün uschè bel utschè! *Pr. Cud.* 89.

Uschè bain nun m'ho que mê gustô in vita mia. *Pall., Övs* 31.

Loda il Segner, orma mia, e que ch'ais in me loda sieu sench nom! *J. B.* 78.

In pè mieu avess be ün oter dad expuoner sia vita.
Tönd. 90.

Chi essans nus, cha tû causa nossa hest fat uschè grandas e müravgliusas chosas? *Lit.* 57.

Ün dels conducturs dschet alla signura da Jörgenberg:
„Dieu ans perduna, scha nus, in amur vossa, nun visitains pü exactamaing la chargia cha voss famagl porta“. *Pr. Cud.* 187.

Tuot hest tû indürò a causa nossa. *Lit.* 85.

Per quint meis, eu nun sun bun da tor quist contrast a la ligera. *Lansel, Nos punct* 1.

d) L'aggettiv possessiv segua eir il substantiv, cur cha, ultra il possessur indichò tres l'aggettiv possessiv, ün oter possessur ais indichò tres ün genetiv, e cha quaist genetiv ais culliò cul aggettiv possessiv cun üna conjuncziun.

Dun tieu e da tieu spiert sulet ais quel da'ls guider in ogni varded, da'ls consolider nella cretta, da renover lur anim, cha nun vivan a se stess, anzi a te, chi per els est mort e resüsto. *Lit.* 126.

O co pudessans nus uossa ans allegrér, scha pudessans der la testimoniaunza, d'avair cun constanza e vaira seriusited promovieu la cognoschentscha e l'amegl dramaint nos e da quels cha tû ans hest affidôs.
Lit. 205.

5. Singulèr ais l'adöver del aggettiv possessiv nellas locuziuns adverbieles plaun mieu, plaun tieu, plaun sieu, plaun nos, plaun vos, plaun lur. (Cfr. chap. VI.)

Philip als seguitet plaun sieu pü tard,

Siand a ches' il bap zuond ammalò. *Chal.* 1911, 20.

Quels chi geschan suot las ruinas dellas chesas dedas insembel paun allò, scha non sun morts, morir plaun lur. *Tönd.* 191.

Plaun sieu il pövel as calmet darchò. *Chal.* 1911, 46.

Il tschèl as scelariva plaun sieu dad ost vers vest. *Chal.* 1915, 30.

Aggettivs indefinieus (indeterminôs).

§ 253.

Il s aggettivs indefinieus (u indeterminôs) nun in-

dichan üna qualited, ma servan a determinèr u disferenz-
chêr ils noms. Que faun els però in maniera incompleta e
vegnan perque nomnôs indefinieus u indeterminôs.
Ils aggettivs indefinieus haun tuots ün caracter u quanti-
tativ u ordinêl.

a) Aggettivs indefinieus quantitativs:

Singular		Plural	
masc.	fem.	masc.	fem.
alchün	alchüna	alchüns	alchünas
		E. B.	alch
		bainquaunts	bainquauntas
bger	bgera	bgers	bgeras
		ils bgers	las bgeras
		different	differentas
		divers	diversas
la granda part		la granda part	
mincha		mincha	
(immincha)		(immincha)	
ogni		ogni	
oter	otra	oters	otras
		oters taunts	otras tauntas
		ün pèr } (= divers, duos u	
		pèr } traïs etc.)	
		la pü part	
poch	pocha	pochs	pochas
pü d'ün	pü d'üna	püss	püssas
		ils püss	las püssas
qualche		qualche	
qualunque		qualunque	
quaunt	quaunta	quaunts	quauntas
taunt	taunta	taunts	tauntas

Singular		Plural	
masc.	fem.	masc.	fem.
tschert	tscherta	tscherts	tschertas
tuot	tuotta	tuots	tuottas
üngün	üngüna	üngüns	üngünas
		varquaunts	varquauntas
		varsaquaunts	varsaquauntas

Hest fat qualche baschatta? A vain mincha di saira. Tschertas istorgias nun am pleschan. Nun avais udieu d'ün tschert N. N.? Vè ün oter momaint. Mincha bestia fo sieu viers. Do'l ün pèr poms e varsaquauntas nuschs. Da quella vout' innò sun passòs divers ans. Eau l'he vis tauntas voutas. El ho già bainquaunts ans sülla gobba. Que at he eau dit pü d'üna vouta. Quaista chosa averò custò diversa milli. El ho servieu püss ans in quaista chesa. Nun fer tauntas istorias per fer quaista lavur. Quaunta povra glièud soffra fam! Nun fer taunta canèra per quaista bogatella.

Per püss mais nun vzet ün alchüna nüvleita. *Pr. Cud. 6.*

Cun üna maisa, alchüns s-chabels e licheras eira la chesa digià provista. *Pall., Övs 7.*

E. B. Quels chi temen il Segner nun han povertad d'alchün boen. *Porta, Mag. 77.*

E chattand lo alchüns discipuls als dschet el: Avais vus arvschieu il Spiert sench daspö cha vus essas dvantòs crettaivels? *Menni, Act. 19, 2.*

E. B. Balastér figüra in la raccolta cun alch poesiettas sainza pretaisas. *M. L. XXX.*

Bainquaunts umauns soccomban nel combat della vita. *Clio.*

Bainquaunta intelligenza vo a perder per nun gnir cultiveda.

La duonna spandaiva nascostamaing bgeras larmas. *Pr. Cud. 114.*

E. B. La reformaziun chattet blers aderents. *VII 20.*

Bgeras sours brillantas 'vaiv' la,

Chi pü bod svanittan vi.

Caderas, Fluors 149.

L'archa avaiva trais plauns ed in ogni ün bgeras staunzas. *J. B. 5.*

Ma uossa sun bgera membra, mo ün sulet corp. *Menni, 1 Cor. 12. 20.*

E. B. Bleras stradas alpinas sun uossa vödas e desertas, e'ls bels straduns dellas planüras vegnan dovrats in blers lous be pel traffic local e dals velocipedists. VII 171.

Noss vegls giaivan nel ester as guadagnêr lur paun, ils bgers sco pastizzers.

Siand cha in nossa val nun crescha frütta, stovains la retrêr d'utrò, la bgêra vain our da Vuclina. *Clio*.

Las bgeras notizchas per quaista lavur he eau rilevò dalla cronica della famiglia Planta. *Chal.* 1911, 41.

La radunanza passa allura a fer propostas per occupêr las differentas caricas cun persunas qualificadas. *Stat. E. O.* 7.

Als differentes paradigmas seguan enumeraziuns dels verbs d'ogni categoria. VII, IX.

L'unìon dels Grischs ho differentas commischìuns chi haun da bsögn da sustegn. *Fögl* 58, 7.

E. B. La zizania fa dan allas plantas da cultura in divers regards. VII 202.

E. B. Tenor l'idea da noss buns vegls existivan plü bod da diversas sorts essenzas supernatüralas. V 265.

E. B. Zwingli introdüet diversas mutaziuns. *And.* 208.

Diversas famiglias d'influenza ödiaivan a Zwingli. VII 19.

E. B. Las pelegrinaziuns il stimulettan a blasmar divers abüs. VII 19.

In ün bel di da sted eiran divers pitschens infaunts ieus nel god a tscherchêr frejas. II 130.

E. B. Eug non sa scha quista fama exista solum permur ch'eug nhai communicchià à diversas personas il discuors ch'eug nhai gnü cun el. *Chal.* 1823, 25.

E. B. La gronda part da quistas rimarias nun han absolutamaing ningüna valor poetica. *M. L.* XIX.

La gronda part del pövel exercitaiva l'agricoltura. *Pr. Cud.* 165.

In sieu fer e discuorrer mussaiv' el pü dignited e grazia natürela, cu que ch'ün chattaiva quella vouta tar la gronda part da sieus collegas. *D. S.* 1912, 62.

La gronda part dels pajais in Europa sun bger pü richs da metals e da cravun da crap, cu la Svizzra. VII 150.

Che fo la gronda part dels chatscheders? Basta cha vegnan a tir d'ün chamuotsch, schi poch als importa, ch'el saja buoch u stech, chevra u sterniglia. VII 152.

E. B. Eug nhai compassiun cu'l infant mincha vouta ch'eug il vez in quist fraid cun ün vistmaint stigl. *Chal.* 1823, 21.

Mincha vschinauncha da nos cumön tscherna ün uffiziant public cul titul da mastrel. *Stat. E. O.* 20.

Ilz delegiös dels singuls publics sun tschernieus a radschun d'ün rapreschantant sün mincha 200 abitants u fracziun sur 100. *Stat. E. O.* 7.

L'artichel 18 della constituziun federèla dispuona cha immincha Svizzer saja obliö a fer servezzan militèr. III 184.

Immincha stedi civilisö tschercha da mantegner sia indipendenza. VII 184.

El tret our sia buorsa et al det per immincha öv, ch'el avaiva mangiö, üna munaida d'or. *Pr. Cud.* 111.

Eau as he do d'ogni sort plauntas e d'ogni sort bos-cha früttaivla. *J. B.* 2.

Ogni flur vain porteda d'ün calisch da 4—5 pizs. V 190.

E. B. Ogni bun christian. porta per ün san sclerimaint, s'allegra supra l'ameglioraziun dell organisaziun da nossas scolas. *And.* VIII.

Suot ogni soart d'pretexts savet Hanno trer in lung sieus preparativs. *Pr. Cud.* 116.

Ma uschea vo que cun tuots quels chi faun il mel; ogni föglia. chi s'mova, ils metta in temma, et els fügen da lur eigna sumbriva. *Pr. Cud.* 31.

E. B. Ilz reformats volaivan libertà da cretta per ogni comunità, VII 20.

Els chauntan ogni chosa chi l'hom soul annöblir. *Caderas, Sorr.* 88.

In duos risguards as distingua la minchületta d'utuon dallas otras plauntas. V 187.

Suotvart ais ün'otra föglia quasi uschè granda. V 180.

Las otras cordas tschunchas ün' a üna;

Be quella d'algorlaunza cling' adüna. *Caderas, Sorr.* 83.

E. B. In baselgia predg eug per mai uschè bain co per ils auters. *Chal.* 1823, 27.

Da quaists 200 chamuotschs quintaiva Gian Marchet d'avair annuël-maing var sesaunta giuvenis, e perquè schluppettaiv' el imminch' an oters taunts chamuotschs vegls, mo na pü. IV 94.

Uossa nun poassa ils render, ma eau vögl gugent gnir ün pèr d'dis et ils lavurèr gio. *Pr. Cud.* 78.

Vairamaing que non eira üna cuotscha, dimpersè be ün pèr assas con sü duos strams e da cheu seo plümatsch ün fagot da sdratscha. *D. S.* 1915, 2.

Ün podess dvanter pusillanim congualand l'imensa literatura da guerra cun ils pèr cudeschs da literatura da pèsch. *Tönd.* 448.

Ûn pêr bös-chets verds fich inaint, in ün chantun del precipizi, al fettan suppuoner, cha na dalöntsich füss erva. *Pallioppi, Övs* 30.

A prüma vista ho la minchületta da prümavaira granda sumgentscha con quella d'utuon. Cun pocha fadia las po ün però disferenziêr. *IV* 81.

E. B. In pac temp füt tuot Zürich reformà. *VII* 20.

Prevzand Gesu da principi innò, cha'ls pü pochs da sieus contemporans l'inclegeron inandret, as tschernit el plaun a plaun ün pitschen numer da discipuls. *J. B.* 91.

E. B. El clamet subit il güdisch ed in paca pezza füt fatta la sentenza. *Barblan, Par.* 11.

Paulo e sieu cumpagn Barnabas fundettan nell' Asia Pitschna pü d'üna fidèla raspeda cristiauna. *J. B.* 151.

Gods, pasculs e champagnas orneschan las spuondas del Tödi, sur las quèlas glüscha pü d'ün vadret. *IV* 35.

Ils infaunts mettan lur göets colurieux in buocha e travuöndan pitschnas parts della colur, chi's distachan; uschè naschittan pü d'üna vouta greivas malattias. *VII* 325.

E. B. Per ils Inglais stovain nus havair üna totafat particulara recognuschentscha, perchè plü co üna jada l'Ingalterra ans ha assisti e jüdà in mumaints da grond privei. *Lansel, Noss Punct,* 11.

Il sar Cumpêr tar pü d'üna famiglia

Tiers importants affêrs eir' il cussgliêr. *Caderas, Sorrirs* 54.

La pü part dellas muntagnias eran sulvedgias et infrüttaivlas, sainza vias e semdas. *Pr. Cud.* 161.

E. B. Nella plüpart dels comüns as dane fadia d'ammegliorar la razza del muvel, fand acquist da bels tors e bellas vachas. *V* 115.

La pü part dels spectatuors s'avaivan dispers. *Pallioppi, Övs* 28.

La pü part dellas baselgias reticas faivan adöver della liturgia Zürigaisa. *Lit. pref.*

Dalla pü part dels chastels savains appaina ils noms; il temp ho consumò las fernas müraglias et ils noms dels ambizius possessuors sun per la pü part schmanchès. *Pr. Cud.* 184.

Uschè fet la duonna auncha püssas spaisas con övs. *Pall., Övs* 16.

Ils güdischs as mettaivan alla testa d'üna u püssas schlattas. *J. B.* 39.

Seo cha üna vschinauncha ais composta da püssas familias, uschè ais l'intèra umanited composta da püss pövels e naziuns. *Pr. Cud.* 155.

Per püss mais nun vzet ün alchüna nüvletta. *Pr. Cud.* 6.

E. B. In plüs contradas sun nels lavinêrs duos mürs, chi vers la montagna s'uneschon ad ün chantun agüz. *V* 175.

E. B. Il toccet da subir vehementas combattas in plüs cantuns et in plüs citats. *And.* 157.

Nus passaivans las püssas sairas sulets. *Tönd.* 465.

Divers pass, ils püss cun excellentas stredas, collian l'Engiadin' ota cull'otra part del Grischun. V' 99.

Süllas beslas co e lo eira miss ün töch d'pauu muosch, ün pom d'terra ed ün puognet d'erüschas; ma süllas püssas nun eira da vair ünguotta. *Pr. Cud.* 25.

Qualche temp zieva passet ün' offizièl, chi portaiva püssas deco-razziuns, tres quella vschinauncha. *Pr. Cud.* 34.

Qualche tschient passa dalöntschi da sia chesetta era üna spezia d'chapella campestra. *Pr. Cud.* 117.

Ils exercizis militers per ils giuvens valids d'uran be qualche eivnas fan. VII 185.

E. B. Sainza dubi m'ha qualch'ia persona calumnià. *Chal.* 1823, 15.

Sün quist vadret et aint in quella rimma avess eau chattò avaint qualche ans mia foassa, scha il potent bratsch da Dieu nun m'avess tres quasi ün miracul trat our da medema. *Pr. Cud.* 60.

E. B. El volet ir amò üna vouta a revair per qualche minutas quella stanzina, inua el avaiava lavurà. V 353.

Els stovaiavan vair da gnir our dalla büergia in qualche maniera. *Barblan, Par.* 61.

Als paziaints ais severamaing proibieu d'accepter da qualunque vart vivandas u mangerias. *Stat. Osp.* 20.

La diaconissa ais in dovair da referir sainza retard al meidi, u eventuelmaing al administratur, qualunque evenimaint insolit, chi podess accader. *Stat. Osp.* 18.

Eau sun fermamaing persuas, cha Dieu ais bun, sapiaint e güst, e cha ünzacura qualunque persuna da temma da Dieu chattarò sia recom-pensa e qualunque scleratsia paina. *Pr. Cud.* 146.

Quaunts guots d'ova sun nel mer? IV 90.

Quauntas stailas sun al firmamaint? IV 90.

Ils lejs sun ün stupend ornamaint della val e completteschan il retrat pittoresc della contreda alpina chi attira annuèlmaing taunts esters. V 100.

E. B. Mia pitschna mercede, guadagnada cun tantas fadias. nhaj eug stovü retschaiver cun blers disgusts. *Chal.* 1823, 13.

La fatscha mussaiva güst taunta resolutezza cu natürela bainvo-glientscha. D. S. 1912, 63.

E. B. Tantas chiaussas ans mancan! *Chal.* 1823, 17.

E. B. Mai plü non füttn vissas las dialas da Bos-cha grischas, chi fingià tantas voutas aivaivan güdà als paurs da Mna. *Barblan, Par. 21.*

Sun umauns, chi's paun gloriêr da nun resentir üna tscherta sgri-schur, vzand üna serp? V 224.

E. B. I füssan bainschi amo diversas anecdotes, ma bleras da quellas sun da temps bun rezaints, e non as sa, co ch'ellas gnissan accol-tas da tschertas varts. *Barblan, Par. 91.*

La bella vita düra ün tschert temp, ma ün bun nom resta in eterno. *J. B. 82.*

Ma ün tschert hom, cun nom Anania, insemmel cun sia mugliêr vendet ün bain. *Menni, Act. 5,1.*

E. B. Il bap avess forse senti üna tscherta ümiliaziun. V 354.

Nell' archa mnet Noè da tuottas sorts bestias, ün pèr per sort. *J. B. 5.*

Il Segner deliberet da fer perir tuots ils umauns tres ün grand diluvi. *J. B. 5.*

E tuottas las nazions della terra saron benedidas in tia descen- denza. *J. B. 10.*

Eau il vögl constituer supra tuotta mia chesa e supra tuot il pajais e tuot il pövel dess obedir a sieu pled. *J. B. 19.*

F'in uossa üngüns sudôs nun haun dad esser passôs il „Chastè“. *D. S. 1912, 61.*

Zieva la mort da Giosua nun avettan ils Israelits pü üngün capo cumön. *J. B. 38.*

Sia sandet eira ruineda, ed in sieu cour nun eira pü üngün temma da dieu. *Pr. Cud. 46.*

Il mulinêr asgüret cha non era sto fat üngün menziun d'ella. *Pr. Cud. 115.*

E. B. La veglia, 'ls stanguels mans in crusch,
uossa nun ha plü spranz' ingüna:
otra co'l di saja dastrusch
ch'ella pös' ora per adüna! *M. L. 141 (Lansel)*
(mera remarcha 2.)

Ma dandettamaing gnittan our dalla bos-chaglia, ch'eira lo intuorn, varquaunts leders da mer, chi strettan ils duos mats cun els sün lur bastimaint, per ils vender. *Pr. Cud. 23.*

Nella buorsetta eiran varquauntas munaidas d'or. *Pr. Cud. 22.*

Varquaunts ans zieva perdet il giuven signur tuot sia faculted. *IV 95.*

Chastè Grumitz füt nels subseguaints varsaquaunts dis ün lö d'al- legria e da plaschair. *Tönd. 386.*

† Et sia uusth era sco la uusth da bgierras ouuas. *Bifrun, Apoc. 1, 15.*

L'experientia da bgierras chioses, ais la curuna dals vegls, e lur l'òd ais la temma dalg segner. *L. P. 223.*

Aquel chi sto in me, & eau in el, aquel puorta bgier früt. *Bifrun, Joan. 15. 5.*

Nu dain üngi üna uffaisa in chiosa alchi üna. *Bifrun, 2 Cor. 6, 3.*

Ilg seguond tabernacul vo aint imüch an üna uuotta l'g gräd sacerdot sullet. *Bifrun, Hebr. 9, 7.*

Et ün schert hù quael chi era zop, gniua purtò, quael che mettaiuen in mücha di a la porta delg taimpel. *Bifrun, Act. 3, 2.*

Et Pilatus giet darchio oura, & dis ad els Vhè eau s'lg uoelg mner oura, par che uus cogniousehas ch'eu nun acchiat üngi üna chiaschun in el. *Bifrun, Joan. 19, 4.*

Tü has hossa üna outra lgüm, chi t'illumina, co la lgüm del Solai. *Abyss 104.*

A no sta da metter plü stüdi da pudair gnir pro la beatissima coelesta compagnia, ingio nò vain ad esser üngün defet, mo tota aeterna constanza, tota scientia in tota gloria & algretia. *Abyss 3, 95.*

Mu aquaista uaidgua da tuot aque chella hauaiua in sieu maungel, ho mis aint tutta la sia arouba. *Bifrun, Marc. 12, 44.*

Tiers tuot els poeuls stouua gnir predgio l'g euangeli. *Bifrun, Marc. 13, 10.*

Maria dis: Tuottas generatiuns uignen a dir ch'eu saia bida. *Bifrun, Luc. 1, 48.*

Tiro uia ilg uijch, quael chi sto incunter uus, & impestiaunt sco vus giais aist in aquel schi gnis ad achiatèr ün pulladrin sün quel üngün hum nù es sazieu, stbliolg & l'g mnèd a qui. *Bifrun, Marc. 11, 2—4.*

Sco üngün chio nù ais plü nuschaiuel co l'g chio da la zerp. vscheia nun ais üngüna ira plü nuschaiula co quella dalg inimich. *L. P. 225.*

Mu nus dmureuan allò in la città uerzequaüs dis. *Bifrun, Act. 16, 12.*

Et sieua uerquaunts dis clamo el Paulum. *Bifrun, Act. 24, 24.*

Cura è va oura qualche fama, da qualche eccellente, sea persona, ù outra chiaussa, sola ilg crastian esser curios da gnir sün ilg fatt sves, cun seis agens sentimaints. *Abyss 3, 167.*

Remarcha 1. Alchün ho u la significaziun da qualche, u quella da üngün. Nel seguond cas stu il verb avoir la negaziun nun, e alchün nun po in generèl accumpagnèr il subject. Dimena:

Maria ho alchūnas bunas amias (= qualche bunas amias).

Maria nun ho alchūnas bunas amias (= üngūnas bunas amias).

Üngün amih nun gnit al confortêr.

(Na: alchün amih nun gnit al confortêr, perchê amih ais subject. Però in *Menni*, *Joh.* 19, 36 chattains: alchün ôss da quel nun sarò ruot).

Inchūra't cha tū nun accosaintast ad alchün pchô. *J. B.* 17.

E. B. Il settavel di es il Sabath del Segner teis Deis, in quel nun far alchūna lavur. *Porta Mag.* 61.

Nun affliger alchün crastiaun, nemain ün. *Pr. Cud.* 292.

Remarcha 2. L'aggettiv üngün dumanda cha'l verb saja accompagnô dalla negaziun nun. In üna risposta chi nun contegna ün verb, sto eir üngün sainza negaziun.

Taunta dolor nun he eau vis sün la fatscha d'üngün umaun. *Tönd.* 179.

Üngün nun tschauntscha uschè gugent da fats guerrescs cu quels chi nun haun ne part ne art landervi. *Tönd.* 175.

In üngün oter nom nun ais salüd. *Menni*, *Act.* 4, 12.

Quaunts fradgliunzs best tū? — Üngüns.

Che chevra ais steda amaleda? — Üngüna.

Ve cun agüd e cuffort a tuots bsögnus, chi ecettuô te nun haun ün-gün agüdaunt, üngün deliberatur. *Lit.* 16.

La duonna nun savaiva in sia cuschina quasi as güdêr, nun chattand neir üngüna charn. *Pallioppi*, *Örs* 9.

Remarcha 3. La piazza dels aggettivs indeterminôs quantitativs ais adüna avaint il nom. Be üngün po gnir plazzô zieva il nom e dvainta allura pü emfatic. L'istess ais il cas per alchün nel sen da üngün.

Uossa iminch' an pü poch fain e graun üngün. *A III* 255.

Mangiand el a quia sieu töch d'paun, gnittan uors cunter el, ma non al fettan mël alchün, anzi mangettan da sieu maun il paun ch'el als spordschet. *Pr. Cud.* 175.

E. B. La veglia, 'ls stanguels mans in crusch

Uossa nun ha plü spranz' üngüna. *Lansel*, *M. L.* 141.

E. B. Pero Eli al fand instanzia da nu'l tegner azupâ chauss' alchūna, quintet dimena Samuel tuot ils plets cha'l Segner al avaiva dit. *Mag. am.* 65.

Sainza reflecter nun sto ün bun infaunt imprometter chosa alchūna. *Pr. Cud.* 274.

Remarcha 4. Pü bod quaunt, varquant, varsaquaunt gnivan sovenz druvôs seu aggettivs invariabels.

Quaunt ans sun passôs daspö la naschentscha da noass Salveder? *Pr. Cud.* 150.

Quaunt linguachs vegnan tschantschôs in nossa patria? *Pr. Cud.* 155.

Varquaunt anns zieva perder tres disgrazchas da guerra il giuven signur de Mont tuots sieus bains. *Pr. Cud.* 44.

Quaunt sens ho il crastiaun? *Pr. Cud.* 143.

§ 254.

b) Aggettivs indeterminôs ordinêls.

Quaists indichan in möd main precis cu'ls numerêls ordinêls in che maniera cha las chosas sun luvedas aint, in che norden ch'ellas as seguan.

antecedaint	seguaint
antepenultim	subseguaint
penultim	ultim
precedaint	

La dumengia precedainta alla festa da Pasqua ho nom la dumengia dellas palmas.

L'an antecedaint (güst passô) avettans üna buna raccolta da fain.

Tü averost survgnieu mia charta precedainta.

Quaist ais il penultim di del an.

Gian fo our il quart quint, Emil il seguaint e Giachem il subseguaint.

Il rendaquint del administratur ho da gnir inoltrô infra il mais da Settember subseguaint. *Stat. Osp.* 10.

La diaconissa superiura stabilescha mincha saira per il di seguaint la lista dels pasts. *Stat. Osp.* 17.

Temp d'advent as nomnan las quatter eivnas precedaintas al Nadel. *Pallioppi.*

Il di subseguaint am decidet tuottüna dad assister alla „lavanda dels peis“. *Tönd.* 108.

Supra tuot que ch'ün intraprenda stu ün refletter fin allas ultimas consequenzas. *Tönd.* 434.

E. B. Cols prodots da quest' ultima età non ha meis referat da che far, dimpersè be con quels dellas etats antecedaintas. *Barblan, Par.* 4.

L'ultima part del cudesch fuorman, seu nel precedaint, las lecziuns per exercizis in scrit. III, IV.

E. B. L'istoria sequente es authentica et veridica. *Chal.* 1823, 13.

E. B. Ma la saira davo e'ls dis seguaints füt que l'istessa chosa, anzi amo pe. V 350.

§ 255.

Aggettivs interrogativs.

Ils aggettivs interrogativs sun adüna u accumpagnôs d'ün substantiv, u ün substantiv ais cleramaing suotinclet (que vuol dir cha il sen della frasa supplecha ün substantiv)

a) che (invariabel).

Che ais l'aggettiv interrogativ il pü universêl e dumanda zieva ün aggettiv qualificativ u ün aggettiv determinativ, u zieva la subdivisiun d'üna specie.

Che linguas as po imprendar in vossa scuola?

Resposta: La lingua francesca, l'italiauna, l'inglaissa e la spagnöla. (Aggettivs qualificativs.)

Che cudeschs sun tieus?

Resposta: Quaists duos e quels trais. (Aggettivs determinativs).

Che müraglia cotschna ais que cò? *Chal.* 1911, 42.

Che profit haun ils 36 milliuns Austriaes da quaista insignificanta summa? *Tönd.* 239.

In che qualiteds gnins affat superôs dallas bestias? *Pr. Cud.* 142.

Che chosas sun necessarias in üna scuola? *Pr. Cud.* 151.

Che larmas eiran quellas? *Pr. Cud.* 144.

Che nonsens discht Tü, infaunt? *Tönd.* 367.

† Che stüdi e fadia? Che diligentia et lavur nò desno metter ans perchürar dalla mort secunda chi mâ non ha fin? *Abyss* 138.

Remarcha. Impè da che oda ün qualchevoutas che per ün, che per üna. Quaista combinaziun ais clêramaing üna traducziun verbêla del tudais-ch: was für ein.

Che ais que per üna glüsch chi al splendura incunter? *D. S.* 1915, 6.

Eir che n'ün, che n'üna vain qualchevoutas druvó.

E B. Da che n'üna vart cha Lur cor s'volva, Els odan plonts e disperaziun. *Lansel, Noss punct*, 15.

b) (11) quèl, (1a) quèla, (ils) quèls, (las) quèlas. Quaist aggettiv dumanda eguèlmaing zieva ün aggettiv qualificativ u determinativ, mo vain in generèl druvó be cur cha'l nom relativ ais già otramaind determinò u cha'l numer dels oggets, traunter ils quèls ün u püss sun püinavaunt da determinèr, ais limitò.

Üna dumanda tuottaffat generèla ais dimena:

Che linguas hest tū stüdgìò?

Resposta: Tuot nossas linguas svizzras ed eir il latin. (Dimena in tuot 5 linguas.)

Üna dumanda pü spezièla ais uossa:

La quèla da quaistas linguas sest tū il pü bain?

Est tū l'unic ester a Gerusalem chi nun so las chosas chi sun dvan-
tedas lo in quaists dis? Ed el als dschet: Quèlas? *Menni, Luc.* 24, 19.

Sland els radunòs, als dschet Pilato: Quèl volais ch'èau's detta liber?
Barraba, o Gesu, nomnó Christo? *Menni, Matt.* 27, 17.

c) Quaunt, quaunta, quaunts, quauntas. Quaist aggettiv dumanda be zieva üna quantited u ün numer. La risposta contegna u ün numerèl cardinèl (§ 235) u ün aggettiv indefinieü (§ 253). Cunfrunta § 253, rem. 4.

Quauntas üsaglias vegnian drovedas infin cha il pitschen graun ans po gnir preschantò seo paum? *Pr. Cud.* 159.

Il raig dschet: Quaunts guots d'ova sun nel mer? *IV* 90.

Remarcha. Ils quaunts ais? significha taunt scu: Che di del mais avains?

Las quauntas ais? voul dir: Che ura ais?

Ma las quantas ais? *A. III* 262.

Remarcha (ad a e c). Ils aggettivs che e quaunt vegnan eir druvós

in exclamaziuns, cioè in frisas chi nun contegnan propi üna dumanda, mo espriman admiraziun u surpraisa.

E. B. Che clerità, quantas glüschs intuorn ed intuorn! *D. S.* 1915, 6.

Che traffic e schuschuri! *V* 107.

Che bella coruna ch'el ho sün cho! *Pall., Övs* 11.

O che not, che not seraina! *Caderas, Fluors* 118.

× d) Il quauntevel, la quauntevla, ils quauntevels, las quauntevlas. Quaist aggettiv dumanda zieva la piazza nella quèla ün substantiv ais luvò aint, il lö ch'el occupa in üna seria. In sieu pe as drova però generëlmaing che.

In il quauntevel secul vivains nus? *Pr. Cud.* 158.

Il bap ho, so Dieu per la quauntevla vouta, fat üna gita greiva. *Robbi*, 37.

§ 256.

Lectüra.

Traunter l'umaun e tuot las otras creatüras exista quaista differenza fundamentèla: l'umaun ais l'unic esser vivaint. il quel ho aunch' oters giavüschs cu quel d'esser sadulò. l'unic esser vivaint chi nun ais mè containt. Ils bsögns da tuots oters essers sun restòs unifuorms e limitòs. Il bouv d'hozindì nun dumanda ünguotta dapü cu il prüm chi füt miss suot il giuf dal umaun. Da tuot que cha la natüra als offra. nun paun üngüns essers vivaints, ourdvar l'umaun, piglièr dapü cu il necessari per soddisfèr lur bsögns determinòs ed indispensabels.

Na uschè l'umaun. Appaina cha sieus bsögns animèls sun soddisfats. as preschaintan oters. Il prüm dumanda el nudrimaint. sco la bestia; allura ricover, sco la bestia; allura la reproducziun, sco la bestia. Ma a quaist punct las vias del umaun e della bestia as separan. La bestia nun vo pü inavaut, ma l'umaun as rechatta sül prüm s-chalin d'üna infinita progressiun, üna progressiun nella quèla la bestia nun aintra per ünguotta. Cur cha sia dumanda per la quantited ais soddisfatta, dumanda el zieva la qualited. Eir ils bsögns ch'el ho in cumön colla bestia as slargian, as raffinan e s'eleve-

sehan. Nel nudrimaint nun tschercha'l satisfacziun be per la fam, ma eir pel gust, nella vestimainta nun tschercha'l be la commodited, ma eir l'ornamaint. Il ricover primitiv converta'l in üna chesa. L'instinct sexuèl cumön as transmüda in dutschea inclinaziun e tenera affecziun, e'l dür e roz tschep della vita animèla cumainza a chatschèr fluors e buttuns d'insolita bellezza.

Culla capacited. da contentèr sieus bsögn, creschan las aspiraziuns del umaun. Sieu intellet as sdasda ed el ais bramus da sapienza. El affrunta l'arsüra del desert e'l vent glacièl del Mer Polèr, ma na per nudrimaint; el vaglia tuotta not be per observèr l'etern circolèr dellas stailas. El accumulescha fadia sur fadia per stüzzèr üna fam e said cha üngüna bestia nun ho mè cognuschieu. Our nella natüra, aint in sieu intern, inavous tres la tschiera chi zoppa il passò, inavaunt nella s-chürdüm del avvegnir as volva sainza pos il desideri chi as sdasda cur cha'ls bsögn natürels soddisfats reposan. Nellas chosas el tschercha la ledscha; el vuless savair cur cha la terra as formet e cu cha las stailas as plazzettan, el vuless scoprir l'origine dellas fontaunas della vita. E cur cha l'umaun sviluppa sia pü nöbla natüra, allura s'adoza eir sa brama — la paschiun dellas paschiuns, la spraunza dellas spraunzas — la brama cha el, propi el, possa in qualche maniera contribuir a render la vita pü buna e pü bella, desdrüand maungel e pcho, pissèr e verguogna. El suottametta e domestichescha sia natüra animèla, el volva las arains al festin e renunzia alla pos-saunza, surlascha ad oters d'accumulèr ricchezas, da soddisfèr plaschaivlas tendenzas, da's s-chodèr al solagl del cuort di. El lavura per quels ch'el nun ho mè vis e mè nun vzarò, per üna gloria, u forse be per üna meskina güstia, chi po gnir lönch zieva cha'ls burluns d'terra haun rantunò sül vierchel da sieu vaschè. El as sfadia nell'avantguardia, inua chi ais fraid e poch' approvaziun dals umauns, inua cha'ls craps sun dürs e la frus-chaglia spessa. In mez la derisiun e la

beffa del preschaint, edificha el per l'avvegnir, el segna la via per cha l'umanited, progredind, possa la slargèr e'nd fer ün stredun. A sferas saimper pü otas ascenda sieu desideri ed üna staila chi spunta in oriaint al maina inavaunt.

Suainter Henry George.

§ 257.

Exaimpels mixts.

((Quaists exaimpels paun servir ad üna repetiziun generèla del terz chapitel scu eir ad exercizis orèls u in scrit.))

A. Süsom la minchületta observains ses föglias oblungias. IV 79.

Marta repartit ils övs nels gnies e quels övs blovs, cotschens, mellens e perniglòs faivan in quels bels gnies d'müs-chel verd ün fich bel vair. *Pall.*, Örs 22.

Tres la sumgentscha da sia colur con la natüra, chi la circondescha, vain la ravulauna protetta da sieus numerus e crudels inimihs. IV 78.

B. Ancoras plain d'ruegian. *Chal.* 1911, 19.

O vigna plain da dutschezza! *And.* 182.

Immez la grippa stippa s'evra üna

Granda chavorgia plain d'sablun e belma.

Chal. 1911, 19.

† Üna profeschium d'ün schert arick hum purtò grand früts. *Bifrun*, *Luc.* 12, 16—17.

E. B. Ils abitants da Glaris 1508 offerittan a Zwingli la cura pastorala, appogiats sülla grand renomina, ch'el nel intèr pajais giödiva. *And.* 143.

† Tuottas quellas archias füttan da poichia resistenza, alla grand furia dalla ova. *Ann.* III 244.

E. B. Zwingli pigliet la parola dschand: ch'el speranzess da predgiar in tal maniera, ch'ogni amatur della vardà evan-

gelica non havess da s'plandscher. *And.* 163 (mera § 187. 1. rem. 2 e 3.)

† La grand part dallas Chésas haum bagieu las cuorts. stallas. et murütschs plains d'gréva u bealma. *Ann.* III 249. (mera § 181, 3.)

Tieu ais uossa il reginam e la pussaunza e la gloria. *Lit.* 91 (mera § 187 2. rem.)

C. Füssan pür tuots barats u cumpras tēlas scu vos negozi d'övs. *Pall., Örs* 23.

(Taunt *tuots* scu *tēlas* as refereschon ad amenduos substantivs, minchün dels aggettivs concordand cul substantiv il pü prossem.)

La scorta duonna contschaiva diversas rischse emüs-chels, drovabels tiers püssas tittüras. *Pall., Örs* 20.

(A che substantiv u substantivs as referescha diversas, a che as referescha drovabels?)

Bgers haun abüsò e profanò il sench pos della dumengia cun gös e distracziuns peccaminusas. *Lit.* 205.

E. B. O chars frars! laschai d'üna vart tuotas temas e pissèrs. *And.* 183.

Facilmaing as pearda la nazionalited tres amalgamaziun cun oters pövels. chi haun otras üsaunzas e costüms. *Pr. Cud.* 156.

Imincha samda d'not vo 'la a sotèr cun otras strias e striuns. *Ann.* III 261 (mera § 187, 3. rem.)

D. Pür chi nun saja gratagiò al patrun qualche disgrazcha. *Pall., Örs* 30.

Tia providenza paterna ans vöglia preservèr dal pcho e da qualunque disgrazia. *Lit.* 208 (mera § 188).

Guida quaist infaunt cun tieu spiert in ogni pass da sia peregrinaziun terrestra. *Lit.* 120.

Las ruinas dels superbs chastels ans memorizeschan alla aducited da tuottas chosas terrestras. *IV* 86.

Terrestras vias, vus fais bellas.

Soggiunget il spirituèl. (*M. L.* 51 (mera §§ 188, rem. 1, 195 d e 205).

La chossa la pü sorprendente era cha'l pitschen magister nun faiva me sentir sieu dret d'maggiorited d'eted. *Pr. Cud.* 57.

E. B. Myconius offerit a Zwingli la piazza vacante. *And.* 158.

E. B. Els as turpiettan d'havair cret la sort da lur causa dependente d'ün sulet hom. *And.* 227.

Tü hest pür do als tieus la consolante impromissiun, da'ls volair piglèr tiers te. *Lit.* 93.

Tü chi est intrò nellas abitaziuns celestièlas, affin da preparèr allò üna dmura permanente a nus peregrins. *Lit.* 169.

E. B. La Citat Meaux, 5 millas distante da Paris. *Martyr.* 240.

E. B. La Baselia da seis Onschü in terra militante. *Martyr. Dedic.* (mera § 188, rem. 2).

E. E. B. Ün chattarà eir sur da noss poets moderns las sommarias indicaziuns biograficas e bibliograficas, tant plü necessarias per as far ün'idea da noss movimaint litterari. *Lansel, M. L.* XXXI.

Ün fet üna schelta dellas megltras lavuors literarias. *Balastèr 1 (Campell).*

E. B. Nossà pitschna litteratura ha üna fisionomia propria e totafat originala. *Lansel, M. L.* VI.

Oraziun preparatoria aunz las festas. *Lit.* 39.

Tia mort reconciliatoria *Lit.* 39.

E. B. Il bap d'Ulrich era ün simpel contadin, chi tras sia conduita exemplaria, haveva merità la stima da seis convaschins. *And.* 138.

Ils guis sun fich rapaces e sanguinaris. *IV* 70.

Il marchese pigliet las necessarias insüras. *Pr. Cud.* 69.

E. B. S'familiarisar con quell' epoca reformatoria, corroborescha nossa cretta. *And.* VI.

E. B. Zürich possedeve fingià üna scola elementaria per las linguas anticas. *And.* 208.

... els gnittan la damann sbalzôs

A riva sün ün' isla solitaria

Nel solitari mer.

Chal. 1911. 26.

E. B. Indulgenza plenaria. *And.* 151.

E. B. Subsista tantüna qualche diversità tanter quists duos sancts homens, que ais solum in chossas accessorias, segondarias, main importantas. *And.* 230.

F. Tieu bun spiert ans maina sün vias drettas. *Lit.* 97.

Scha füss sto ora bella e sütta, schi giaschess eau uossa co mort in mieu saung. *Pr. Cud.* 7.

Nun permetter cha la tranquillited solenna della noat vegna interruttta. *Lit.* 208.

Mantel blovaint semnò da stailas vivas

Spand' in la val solenna pèsch e pòs. *Caderas, Sor-rirs* 20.

Eau as declèr per members majorens da nossa baselgia cristiauna reformeda. *Lit.* 133.

Üna povra filunza eira üna saira suletta in sia stüva. *Pr. Cud.* 39.

Andrea passaiva las mezzas nots nella usteria. *Pr. Cud.* 40. (mera § 193, rem. 2.)

Perchè porta quella pitschna bassa plaunta lo uschè superbs grands früts? *Pr. Cud.* 11.

Tü tmuossa creatüra, dschet il vegl. tuot que chi ans vain incunter mettains nus our d'peis cun nossas armas. *Pr. Cud.* 38. (mera § 193, rem. 3.)

G. Ün hom rich avaiva pers üna considerabla summa d'munaida. IV 101.

El contemplaiva la natüra culs ögls d'ün veritabel idealist. *Balastèr*, 2 (*Campell*.)

Sieu venerabel magister al det il prüm impuls a componer sieus impissamaints in rima. *Balastèr*, 2 (*Campell*.)

E. B. Las amablas qualitäts da seis character il procuretten l'attachamaint da seis collegas. *And.* 215.

L'ouvra ais accomplida, ommettand però alchünas oraziuns main indispensablas per la render main voluminusa e main custaivla. *Lit.* VI.

Il tesorièr gnit achüsô al raig ch'el metta robas da valor invuledas in ün' eigna staunza. *Pr. Cud.* 18.

E. B. Il tractat da Capel, riguardo il culto e la religiun, permetteva ün liber exercizi. *And.* 221.

E. B. Zwingli intratgnit üna correspondenz' extaisa cun ils homens ils plü celeberr da si' epoca. *And.* 212.

† E. B. La vita accompagnada cun l'ira da Dieu es üna pitra mort. *Martyr.* 374.

Ün infaunt somber nun ais pü ün infaunt natürel. *Pr. Cud.* 277.

Ün infaunt legger observa il bönn vi als oters con plaschair. *Pr. Cud.* 277.

E. B. Sia mediocra rendita serviva al succuors dels indigents. *And.* 211.

Ils vegls toleraivan las randulinas in lur chesa e s'laschaivan gugend sdasdèr la damaun tres quels munters utschellets. *Pr. Cud.* 40.

Bulina ais üna muntra matta. *Ann.* III, 258.

† Nus misers & povers pchiaduors. *Form.* 41.

E. B. Noss compatriots da la Svizra bassa mantegnan e cultivan lur aspers dialects materns. *M. L.* V.

Comparta 'ns üna sincèra, cordièla rüvglentscha da nos pchôs. *Lit.* 41.

H. Divis da te, bainvgnida

Am füess la fraida mort! *Caderas, Fluors* 82.

Sia defunta mamma ho fat mürèr aint üna granda quantited d'or. *Pr. Cud.* 24.

E. B. Ils protestants chattevan in Zwingli ün zelant et eloquent advocat. *And.* 220.

E. B. La nova da sia trista mort mettet tuot seis amis et adherents nella plü profunda consternaziun. *And.* 227.

Il meidi pisserescha per la cumpra dels medicinels e dellas chemicalias occorrentas. *Stat. Osp.* 15.

La bunanimitè ans fo attents a tuot il bön vi als oters, e ns renda pü propens a disculpèr co ad inculpèr, ans fo pü paziaints con las deblezzas da noss similis, pü penetrants in observèr que ch'els soffran. *Pr. Cud.* 276.

E. B. Ün fidel e vigilant minister. *And.* 222.

E. B. Las huras vacantas in seis ministeri consacreva il minister all' istruzziun da seis chars infants. *And.* 3.

E. B. El voleva d'vantar il benefactor dellas venturas generaziuns. *And.* 207.

Sajast ün Dieu grazius a tuots amalòs e moribunds. *Lit.* 207.

I. Quel chi ais debel avuonda, per as crair pü sabi co oters, o memma superbi, per as laschèr instruir da quels chi sun pü sabis cu el, quel ais chaprizius. *Pr. Cud.* 278.

Ün pasturet eira contschaint per tuot intuorn càusa sias respostas sabgias. *IV* 90.

L'inviern eira in quaista val sulvedgia fich crüj. *Pull., Övs* 19.

Las pütts eiran superbias. *Chal.* 1914, 31.

La raspeda eira stüfcha. *Chal.* 1915, 37.

Superba flur. *Caderas, Sorr.* 23.

La virtüt ais ün contin e prompt exercizi del bön. *Pr. Cud.* 146.

E. B. Per arrivar a quist scopo non m'haj inservi d'ingünas ambiguas et maliziusas exhortaziuns. *And.* 174.

Quista doctrina erronea gnit plan a plan nel XIII secul introdüta. *And.* 150.

Il pichalain ais condannô alla fadia e, per uschè dir, ad üna perpetua galera. V 214.

E. B. Zwingli deva a seis auditurs quel cussagl, ch'ün as stopcha reclamar unicamaing sülla Scrittüra et reguardar per superfluo, tuot que chi la füss ester. *And.* 144.

Els tscherchaivan dad evitêr ogni superflua spaisa. *Pr. Cud.* 72.

Eau stu as fer la confidenza d'üna chossa secreta. *Pr. Cud.* 30.

Alla commissiun füt do l'incombenza da render quista collecziun pü completa possibla. *Lit.* IV. (mera § 207bis)

K. Libers dels molestus pissêrs da nossa vocaziun terraina pudains ans approssmêr a te. *Lit.* 203.

E. B. Mincha prümavaira la fruonzla saimper verda del dschember metta novs chatschs vigorus e minch' uton sias gustusas nuscpinas madüran per il dalet da juvenis e vegls. *Lansel M. L.* VII.

E. B. Il cor d'ogni bun Swizzer vain comoventà, alla rememorisaziun da quels valurus guerriers. *And.* V.

Il tschel serain sörriaiva amiaivelmaing, vzand ils trais umauns pietus sün lur viedis. IV 88.

E. B. Zwingli as mosset capace, na be da predgiar la doctrina dels apostels, ma eir d'imitar et praticar lur virtüds. *And.* 166.

E. B. Ministers capacis da complir lur offizi cun hunur et bun success. *And.* 209.

Üna felice fin. *Pall., Vett. And.* 4.

Duos umauns felicis. *Pall., Vett. And.* 14.

E. B. Dopo quist infelice success porten ils deputats lur plands avant il magistrat. *And.* 170.

E. B. Refusai ils infelicis duns da divers princis ambizius. *And.* 188. (Cfr. § 208, rem. 2.)

L. Las chesettas dels cravunèrs eiran giò nel bass della verda val. *Pall.*, Örs 7.

Eau cusgless da's atgnair al cuort et al harmonic. *Flugi* 4.

Las spedas glüschivan nel cler d'glüna. *Pr. Cud.* 49.

E. B. Il latin classic nun eira oter co ün raffinamaint del latin tschantsehà dal intèr pövel. *Lansel M. L.* IX.

Benedescha tuot il bön cha nus e nos infaunts avains pensô, vulieu ed operô. *Lit.* 206.

E. B. La planta da la poesia pro nus, plü co utrô, es creschüda al liber. *Lansel M. L.* XIII.

E. B. Dieu excitet denga successurs, chi nel medem senso construin inavant l'edifizi, drizand lur actività plü sül intern co'l extern. *And.* 235.

Il miser dschela! *Caderas, Fluors* 16.

Il rich stu esser bun e serviziaivel vers il pover. *Pall.*, Örs 7.

Eau as di cha cun quella veglia ün sto s'inchürèr da gnir melparüna. *Ann.* III 261.

Il transparent cler d'öv eira dvantò alv sco il lat, istes-samaing il mellen eira dvantò pü dūr. *Pall.*, Örs 16.

E. B. Cur chi's fet di. glüschiva sün la dretta ün falch riflèss (salüd ultim del mar). *Lansel, Cullana* 61.

Eau al pigliaiva cun las bunas e que giaiva. *Ann.* III 259.

Eau stögl giantèr alla fraida. *IV* 102.

Il genus vegl uraiva auncha adüna, cur spuntet l'alva. *Pr. Cud.* 69.

Possa ogni orma,

Cur tramunt' il di,

Resentir cha spunta

L'alba d'ün nouv di. *Caderas, Sorr.* 15.

Da spaisa alla veglia üngün pü nu's containta. *Caderas, Sorr.* 61.

E. B. Las improvisaziuns da Sandri descrivan bunaria-maing, cun sal e satira, la vita alla veglia. *Lansel, M. L.* XXVIII.

Nun ais la guerra eir ün luf sgiarbeder, chi s-charpa e desdrüa tuot que chi uorta in sias griffas? *Fögl* 58, 7.

Attachs calculôs sün barchas inimias tuochan eir bastimaints neutrêls. *Fögl* 58, 7 (mera § 216).

M. Üna not fraida da Meg avaiva cuvert il zart verdin della cuttüra da dschierva pruina. *Chal.* 1915, 29 (*Gieré*).

Malgiaretta

'Na veglietta

Nata eir' in poverted.

Laboriusa, simpla, s-chietta

Eir 'la steda, già giuvnetta

E taunt pü in ot' eted. *M. L.* 10.

Il tschèl ais blov, il vent frais-chet. *M. L.* 15.

E. B. Zwingli: Neir eug bricha völg dispütar, anzi cun buna conscienza sulamaing declarar, que ch'eug fin a quist' hura n'haj mossa. *And.* 171 (mera § 219, rem.)

Üna tschera da bunatsch. *Robbi* 31.

Aunz cu's avoir tschantô, volaiv' el già savair, che chi füss capitô, bundragiusun, ch'el eira. *Chal.* 1914, 33.

Ils övs della ravulauna sun alvs-melnaints, con punets brüns ed ün pò pü grands cu'ls övs da culomb. *IV* 78.

D'utuon survain la ravulauna ün vstieu alv, be sün las pennas lungias della cua as vezz' ün pèr strichs brüns-nairs. *IV* 78.

E. B. El era inaccessibel als sentimaints del ödi. *And.* 215.

Nus essans da nus stess inabels tiers quaist sench act. *Lit.* 41.

Tuots duos s'impromettettan üna inestinguibla amicizia. *Pr. Cud.* 53.

Il chaveder da tesoris legiaiva our da sieu eudasch da tuotas sorts d'pleds incuntschaints. *Pr. Cud.* 30.

Do, o Dieu cha nus ans abstegnans eir a chesa nossa da tuottas dispensablas lavuors. *Lit.* 10.

Da nos Mastrêl la duonna eira

Indispensabl' in ogni lö. *Caderas, Sorr.* 52.

Comparta la grazia als serviaints da tieu pled dad esser in lur offizi fidels et instancabels. *Lit.* 35.

E. B. Bagagl inütel. *Lansel, M. L.* VI.

E. B. Myconius comparit in publica redunanza e defendet la probità d'ün hom irreprensibel. *And.* 159.

Il di zieva fettan ils melscoarts infaunts l'istess. *Pr. Cud.* 17.

E. B. Uschè sparit vieplü la differenza tanter libers e non libers in regard a lur libertà personala. V 66 (cfr. § 221, B, d e § 75 B, rem).

† Che cûcordgia à Christo cun belial? ù che part ho l'g fidel cun l'g infidel? *Bifrun, II Cor.* 6, 15.

Üna chiosa melnetta. *Bifr., 2 Cor.* 6, 16.

N. La plövgia ais uschè necessaria sco la splendor del solailg. *Pr. Cud.* 6.

Afra füt uschè surpraisa, ch'ella gnit alva sco la naiv. *Pr. Cud.* 44.

Ils spelms plains d'frus-chaglia verda non avess ün podieu pittürèr pü bel da que eiran uossa. *Pall., Örs* 7.

.... Nels contuorns non as chattaiva sgür

Pas-cheder pü ardit e fortünô.

E pü prudaint nel prievel, cu quaist giuven. *Chal.* 11, 20.

La granda part dels umauns ödiescha las serps scu las pü abominablas creatüras. V 224.

E. B. Plü sapiaints e plü feilantads ch'els sun. *Lansel, Noss punct.* 8.

E. B. Üna part del clero s'imprometteva il success il plü felice tras la predicaziun d'ün hom, chi gniss averta-
maing ad attachar ils vicis del secul. *And.* 159.

Nus plajains nossa snuoglia avaunt tia senchissima
majested. *Lit.* 52.

O cherissem Segner e Salveder Gesu Cristo. *Lit.* 39.

Ils Romauns avaivan megldras armas e pü buna
disciplina. *Pr. Cud.* 170.

Salvo cas da forza magiura nun po üna vittüra iffineda
gnir disditta. *Stat. E. O.* 25.

Davart dumandas da maggior rileiv gnarò vuschò no-
minêlmaing u per scrutin. *Tschant. Zuoꝝ* 5.

E. B. Tot vantachs incalculabels, cha ningün' otra lingua,
mindir ün plü o main grobulan dialect tudaisch, savess
rimplazzar. *Lansel M. L.* XII.

E. B. Da massima importanza sun las ferrovias a
binari normal. VII 172.

Daspö 1902 ais el commember da nos suprêm magistrat
svizzer. *Fögl* 58, 7.

Els restettan fermamaing unieus in tuots temps poste-
riuors. *Pr. Cud.* 165.

Cha noss scriptuors savessan s'unir ad üna ortografia
unifuorma, füss da somma importanza per nossa lingua.
Fögl 58, 7.

Clamaint giosom Dimvih cun entreda in prô Nr. 925
serva per flüjèr e sflüjèr quaist prô. *Tschant. Zuoꝝ* 109.

† La Superioritaedt suprema & infima (cfr. §§ 228,
a & 230.) *Schuchiaun,* 270.

O. E. B. Tschientesessanta faschas scrivet el. V 349.

E. B. Eu ha guadagnà trentaduos francs. V 350.

E. B. Amis a tschients e millis. *Lansel, Noss punct* 5.

La Schvizzera ais composta da vainch e duos parts. *Pr. Cud.* 153.

Da stovair fer pür a vainchetschinch ans la seoula da recrut, que eira bain ün po dür. *Chal.* 15, 30. (Mera § 236, d).

Üna suletta naziun s'po divider in püss pövels. *Pr. Cud.* 155.

Il larsch ais l'unic bös-ch da fruonzla chi as snüda l'inviern. V 208.

E. B. Ambas duos parts eiran uossa sazas da quaista guerra sanguinusa. V 95.

E. B. La seguonda pasch da Kappel stabilit, cha ambas confessiuns dessan gnir toleradas nella Confederaziun. VII 21.

E. B. La prüma pasch da Kappel concedet ad ammen-duos confessiuns equal dret nella Confederaziun. VII 21.

E. B. Schnöss e giubilaziun. sun amenduas las plü evidentas manifestaziuns da la parzialitad. *Lansel, Noss punct* 14.

Nel terzeval an pigliettan els cumiò. *Pr. Cud.* 168. (§ 240, rem. 3.)

÷ E. B. Paulus l'Apostel dals povel cur el fo retrat infin in l'terzavel cel, ha vis usche grondas chaussas, chi non pon ngir descrittas. *Abys* 105.

Scha be la mittet della tinta cotschna gniss droveda per corriger componimaints romauntschs. schi füss que per nossa lingua ün grand guadagn. *Fögl* 58, 7.

Il disegn sül cho della vipra ho sumgentscha cun duos mezzas glünas. V 225.

Bgera milliera d'grauns. *Pall., Örs* 18.

S'approssmand l'utuon, as retiran las vipras in fouras. qualvoutas fin duos dunzainas insembel. V 226.

In generel portan las plauntas nel istess an il prüm föglias ed allura la flur. V 187.

P. Dappertuot eir' el accolt cul istess entusiasmo. *Chal.* 1914, 44.

E. B. La saira davo füt que l'istessa chosa. V 350.

E. B. Qualchosa simil non avaiva el amo vis tuots ils dis da sia vita. *D. S.* 1915, 3.

E. B. Amo mai non ha el vis ün simil bös-ch. *D. S.* 1915, 6.

Ün tël principi laschaiva sperêr grandas chosas. *Chal.* 1911, 44.

A tël fin s'unittan tuots ils Helveziers. *Pr. Cud.* 168.

E. B. D'üna tala caduta vögliast tü in grazia am preservar. *Uraziuns* 199.

E. B. Tal e qual sco viv. *D. S.* 6.

† E. B. Inguotta nun lascha pür parair ch'üna tala spartazun tanter ils plü intims possa commoventar ls beats. *Abyss*, 101.

Eau arou uus frars che uus tuotts fauellas üna proeppia chiosa cun üna medysthma uoeglia, et üna proepia upiniun. *Bifrun*, 1. Cor. 1,10.

Liber da sia forza,

Liber da sieu dret,

Sainz' amur alchüna

Sainz' alchün dalet. *Pallioppi*, *Poesias* 31.

In alchüns lous cuorra ova our dalla terra. *Pr. Cud.* 153.

E. B. Be alch muonchs stüdius in la calma da las clostras, continuettan a mantgnair invüdada quella glüm uschè necessaria per penetrar in la sabgentscha dels vegls. *Lansel*, *M. L.*, X.

Il referent det prelecziun da divers da quaists interessants vers. *Fögl* 58, 7.

Püssas funtaunas insemmel fuorman ün ovêl. *Pr. Cud.* 153.

La discussiun füt animeda e pü d'ün bun pled romauntsch gnit trat a glüsch. *Fögl* 58, 7.

Il „Temps“ publichescha üna glista da 12 bastimaints mercantils, dals quèls mauncha qualunq ue nova. *Fögl* 58, 7.

E. B. „Giulio, tū'm fast üna per ün' otra, tü non est plü quel d'üna vouta.“ V 350.

E. B. Quauntas coluors vezain no nel arc in tselhel?
Porta, Mag. 21.

El battet la gĩa cunter ün spelm, chiella get in taunta töchs. *Chal.* 1914, 44. (mera § 210, rem. 2.)

Che n'üna dumengia? *Robbi* 12.

Cur eau vegn battieu, che sentimaint as manifestarò allura tar me? Chenün, cur eau he fam e said? *Pr. Cud.* 144.

× § 257 bis.

Ille aggettivs nella lingua latina.

La lingua latina avaiva aggettivs cun duos desinenzas differentas pel gener (l'üna pel gener masculin e feminin, l'otra pel neutro) ed eir aggettivs cun trais differentas desinenzas per il gener (masculin, feminin e neutro).

Quaists aggettivs gnivan complettamaing declinòs, scu ils substantivs; tuots ils cas gnivan dimena fuormòs cun differentas desinenzas. (cfr. § 126.)

Siand cha'l gener neutro nun exista propriamaing in nossa lingua (mera però §§ 260 e 261 d), l'unica restanza morfologica as limitand al *a* dels plurals collectivs (§§ 109, 139 e 210), schi sun per nus be las desinenzas masculinas e femininas da rileiv, da maniera cha tar ils aggettivs cun duos desinenzas avains da considerèr be üna, e tar quels cun trais desinenzas be duos.

a) Aggettivs cun l'istessa desinenza masculina e feminina.

Singular.

Nom.	vetus	felix	grandis	oboediens
Gen.	veteris	felicis	grandis	oboedientis
Dat.	veteri	felici	grandi	oboedienti
Acc.	veterem	felicem	grandem	oboedientem

Voc.	vetus	felix	grandis	oboediens
Abl.	vetere	felici	grandi	oboedienti (u oboediente)

Plural.

Nom.	veteres	felices	grandes	oboedientes
Gen.	veterum	felicium	grandium	oboedientium
Dat.	veteribus	felicibus	grandibus	oboedientibus
Acc.	veteres	felices	grandes	oboedientes
Voc.	veteres	felices	grandes	oboedientes
Abl.	veteribus	felicibus	grandibus	oboedientibus

In quaists aggettivs cognuoscherò ün facilmaing ils babuns da noss veider, felice, grand, obediaint, ma be felice ho hozindì l'istessa fuorma pel masculin e feminin (mera però *Robbi, Tes. 13*: champagnias felizas), ils oters piglian tuots la desinenza feminina -a e sun dimena gnieu assimilòs als aggettivs seguaints (formaziun tres analogia):

Singular.

	masc.	fem.	masc.	fem.
Nom.	carus (- cher)	cara	liber (= liber)	libera
Gen.	cari	carae	liberi	liberae
Dat.	caro	carae	libero	liberae
Acc.	carum	caram	liberum	liberam
Voc.	care	cara	liber	libera
Abl.	caro	carà	libero	liberà

Plural.

Nom.	cari	carae	liberi	liberae
Gen.	carorum	cararum	liberorum	liberarum
Dat.	caris	caris	liberis	liberis
Acc.	caros	caras	liberos	liberas
Voc.	cari	carae	liberi	liberae
Abl.	caris	caris	liberis	liberis

QUART CHAPITEL: IL PRONOM.

§ 258.

Ils differents pronoms servan in prüma lingia a piglièr la piazza da substantivs; grazeha ad els podains dimena evitèr da repeter bgeras voutas l'istess nom, cur cha dschains püssas chosas davart l'istess ogget.

Uschè nel seguint alinea tuots ils plets miss in stampa spazieda sun pronoms.

Dieu condüet ils infaunts d'Israel tres ün desert. Da di üna coluonna d'nüvel als precediva, indichand la via, ch'els dovaivan piglièr; da not üna coluonna d'fö. Ogni damaun crudaivan dal tschèl pitschens graunins arduonds, dutschs scu il meil, chi cuvernivan il terrain. Que eira la manna, u il paun del tschèl, cun il quèl Dieu nudriva ils Israelits in quel desert. A dret temp chattaivan els eir fontaunas d'ova frais-cha, cha Dieu in quel pajais desert e sech faiva sortir dals spelms per ils ristorèr.

Nus disferenzchains ses classas da pronoms, nempe:

1. ils pronoms persunèls
2. ils pronoms possessivs
3. ils pronoms relatifs
4. ils pronoms interrogativs
5. ils pronoms demonstrativs
6. ils pronoms indefinieus (indeterminòs).

Davart la differenza traunter pronoms ed aggettivs mera § 267, rem. 2.

Il^s pronom^s persunêls.

§ 259.

Il^s pronom^s persunêls vegnan uschè nomnôs, perchè in pigliand la piazza d'ün nom, els distinguan nel istess temp traunter las uschèdittas trais persunas grammaticalas, nempe:

la prûma persuna, cioè quella chi tschauntscha (eau, nus, etc.),

la segunda persuna, cioè quella alla quèla vain tschauntschô (tû, vus, etc.),

la terza persuna, cioè quella davart la quèla ün tschauntscha (el, ella, els, ellas, etc.).

A sun duos fuormas distintas del pronom persunêl, nempe la fuorma congiunta, la quèla vain druveda in stretta connexiun cun ün verb, e la fuorma assoluta. la quèla vain druveda u sainza verb, u in tscherts oters cas pü specièlmaing exposts nel § 262.

In tscherts cas la fuorma congiunta ais l'istessa scu la fuorma assoluta.

Il bap am det ün cudesch (fuorma congiunta)

A chi det il bap ün cudesch? — A me (fuorma assoluta, differenta dalla fuorma congiunta)

Eau lavur gugent al liber (fuorma congiunta)

Chi lavura gugent al liber? — Eau (fuorma assoluta, eguèla alla fuorma congiunta).

§ 260.

Il pronom persunêl congiunt.

Per quaist pronom exista üna declinaziun da per sè, inua il^s singuls cas nun vegnan furmôs cul agüd da preposiziuns (mera § 129), ma sun rappreschentôs tres different^s pleds u tres differentas fuormas del istess pled.

La declinaziun del pronom persunel congiunt ais incompleta, manchand il genitiv e l'ablativ.

In piazza del genitiv funcziunescha l'aggettiv u il pronom possessiv (mera §§ 251 e 267).

Singular.

	Prüma pers.	Seg. pers.	Terza pers.			
			masc.	fem.	neutr.	refl.
Nom.	eau	tü	el ('I)	ella (la, l')	a (ad)	—
gen.	—	—	—	—	—	—
dat.	am ('m)	at ('t)	al ('I)	la (alla)	—	as ('s)
acc.	am ('m)	at ('t)	il (al, 'I)	la	—	as ('s)
abl.	—	—	—	—	—	—

Plural.

Nom.	nus	vus	els	ellas (las)	a (ad)	—
gen.	—	—	—	—	—	—
dat.	ans ('ns)	as ('s)	als ('ls)	las	—	as ('s)
acc.	ans ('ns)	as ('s)	ils (als, 'ls)	las	—	as ('s)
abl.	—	—	—	—	—	—

Ils nominativs del pronom congiunt sun eguels als nominativs del pronom absolut. Be ils nominativs scurznieus sun da considerer scu fuormas exclusivamaing congiuntas.

Davart las fuormas reflexivas della terza persuna mera § 264.

Davart il neutro della terza persuna mera § 261 h.

Davart il pronom persunel enclitic mera § 261 d & e.

Eau he cumprò ün er e stögl ir our a'l vair. *Menni, Luc. 14, 18.*

Eau vögl cha tü 'm (dat.) dettast il cho da Joannes Battista, *Menni, Marc. 6, 25.*

El am (acc.) recognuschet a temp e sbasset l'arma. *Tönd, 353.*

Tü nun avessast üngüna possaunza sur me, sch'ella nun at (dat.) füss deda da sur ingiö. *Menni, Joan. 19, 11.*

Neir eau nun at (acc.) condan. *J. B.* 118.

El dess avoir üna buna testimoniaunza. *Menni*, 1 *Tim.* 3, 7.

Accorda 'l (dat.) fortüna ed algrezcha. *Lit.* 121.

Scha tü vainst am benedir cun ün figliet, il (acc.) vögl eau dedichèr per tuotta sia vita a tieu servezzan. *J. B.* 42.

Que'm displescha, cha tschertas personas as almaintan, da que ch'el aintra in üna cumpagnia sainza salüder, da que cha l' (= nom. masc.) ais uschè asker. *Robbi*, *Tes.* 4.

Maschel Giachem am ho dit cha quaista saira gnarò 'l (nom) quia cun qualche signuors. Che secretezzas po 'l (nom) avoir con quists signuors? Oter cu la monaida nun ho 'l (nom.) mè per testa, nun at ho 'l (nom.) dit que cha vegnan a fer quia? *Ann.* X 77.

John al (acc.) taidla ün momaint commoss. *J. Robbi* 8.

Ed el entret in la nevetta e sieus discipuls al (acc.) seguitettan. *Menni*, *Matt.* 8, 23.

Ella als disch: Els haun pigliò davent mieu Segner. *Menni*, *Joan.* 20, 13.

La fortüna vo bain tar ils grands signuors, ma mè tar ün simpel puret sco tü. — Lascha cha la (nom.) giaia inua cha la (nom.) voul. *Chal.* 1914, 39.

L'ova ais ün grand dun da Dieu, l'ais (nom.) la pü sauna bavranda. *Pr. Cud.* 153.

Elisabeth eira la pü trida; l'eira (nom.) megra scu ün pichalain. *Bundi* 38.

Sa püpa verda non manchaiva; da rer però ardaiv'la (nom.) *Chal.* 1914, 31.

E. B. Quaista mobiglia avai' el iertà da seis bap. L' (fem. nom.) eira amò mantgnüda bain. *Chal.* 1915, 39.

Chi ais quel fidel famagl, cha sieu patrün ho miss sur la famaglia, per la (dat.) der il nudriamaint a sieu temp? *Menni*, *Matt.* 24, 45.

Franz alla (dat.) tegna svelto il maun avaint la buocha. *Ann.* XXIX, 92 (*Riedi*).

Que alla (dat.) reuschit da gnir oura cun alich peds. *Puorger* 195.

Eau la (acc.) he spaventeda. *J. Robbi* 10.

E. B. Maria am fet cômpassiun, nus havettan da far avuonda per la (acc.) consolar. *Chal.* 1823, 23.

Nus glorifichains tieu sench nom. *Lit.* 14.

Conceda 'ns (dat.) la grazia, cha nus ans (acc.) flissagiains da renunziêr a nos pechôs. *Lit.* 49.

Approssmain ans a quel chi ans (acc.) ho amôs. *Lit.* 50.

Vus non savais inuonder eau sun gnieu ed inua eau vegn. *Menni, Joan. 8, 14.*

Tuottas quaistas chosas as (dat.) vegnan missas tiers. *Menni, Luc. 12, 31.*

In vardet, eau di a vus, ch'eu nun as (acc.) cognuosch. *J. B. 122.*

Considerè ils corvs, els nun semnan ne tschunchan. *Menni, Luc. 12, 24.*

Pilato als disch: Vos raig dess eau crucifichèr? *Menni, Joan. 19, 15.*

Mo el als proponit üna sumaglia. *Menni, Luc. 12, 16.*

Conforta'ls e fortificha'ls nella cretta. *Lit. 11.*

A tia amur e grazia ils surdains nus. *Lit. 136.*

Ellas nun haun spargnò fadia per render lur chesa agreabla. *Chal. 1914. 30.*

Vusehs divinas sun intuorn ils umauns, comandand ad imminchün, eir scha üngün nun las (dat.) obedescha. *D. S. 1911, 23.*

Fluors allegran nossa vita, perchè las (acc.) cultivains cun amur.

§ 261.

Remarchas complementarias.

(mera eir § 263)

a) Na darèr ais il verb accumpagnò da duos objects in differents cas ch'ün po in otras linguas romanas substituir tuots duos tres pronom persunèls congiunts, p. ex.

Lingua italiauna:

Chi darà la penna a Maria? La maestra gliela darà.

Lingua francesa:

Qui donnera la plume à Marie? L'institutrice la lui donnera.

In lingua ladina nu's po adüna combinèr duos pronom persunèls congiunts in quaista maniera. Ils unics cas da combinaziun possibels sun ils seguaints, inua ün dels pronom piglia qualchevoutas üna fuorma ün po differenta da quella chi yain otramaing druveda:

am il = m'il (u mi'l)

at il = t'il (u ti'l)

am la	= m'illa	(u mi la)
at la	= t'illa	(u ti la)
am ils	= a m ils	(u m' ils)
at ils	= at ils	(u t' ils)
am las	= m'illas	(u mi las)
at las	= t'illas	(u ti las)
ans il	= ans il	
as il	= s' il	
ans la	= 'ns illa	(u 'ns ill')
as la	= 's illa	(u s' ill')
ans ils	= ans ils	(u 'ns ils)
as ils	= as ils	(u s' ils)
ans las	= 'ns illas	
as las	= s' illas	

p. ex.: Chi t'ho do il cudesch?

Il bap mi l' ho do (m' il ho do)

Il bap ti l' ho do (t' il ho do)

Chi t'ho do la rōsa?

La mamma mi l' ho deda (m' ill' ho deda)

La mamma ti l' ho deda (t' ill' ho deda)

Stessamaing:

Il bap ans il ho do

Il bap 's il ho do

La mamma 'ns ill' ho deda

La mamma 's ill' ho deda

Sch'ean nun retuorn cun Bengiamin, schi straungl eau mieus duos figls. Confida'l in mieu maun ed eau t' il vögl turnentèr. III 43.

Dumengia passada he fat cun mieus genituors e fradgliunz üna zuond bella spassageda, ed uossa T'illa vögl eau be dalum descriver. III 94.

Per me vegliet ais la già be ün impedimaint. Eau ti la dun per ün-guotta. *Chal.* 1914, 43 (*Gertrud Gilli*).

Mo guardè'm uoss' ün po quistas fluors! Il zardinèr del conte m'il-las ho dedas. *Pall. And.* 16.

In que chi reguard' als dovairs da'ls infaunts invers lur bap e mamma, nus ils cognuschains zuond bain; noass cours ans ils muossan uschea bod co cha nus essans in stedi da'ls ademplir. *Robbi. Tes.* 7.

† O Tü mel fidiel seruaint,

Cho ist sto uschia mel arcunschaint,

A wulair l'hunur mia vituperer

Tu nû m'ilg daiast me ferr. *Trav. Jos.* 257—260.

Sch'èau predg l'g euangeli schi es què per che l'g bsüng milg fo fêr. *Bifrun, I. Cor.* 9,16.

Et Pilatus dis ad els Vhè eau s'lg uoelg mnêr oura. *Bifrun, Joh.* 19,4.

Craiem par mia fe, ch'èau 's il di. *Trav. Mûs.* 264.

Ingiun nun ais par chisa, [aque mi'l craia];

Viten huossa, ingiun nun vaia. *Trav. Jos.* 237—238.

Tscherchia qualchun oter, chi t'ilg dia. *Trav. Jos.* 358.

Par che wuss elg (ilg summi) saggias interpreter

Schi 's ilg woelg eau palantèr. *Trav. Jos.* 320.

Eau t'ilg woelg dir ... *Trav. Jos.* 298.

Tü nun daest à Dieu l's prûms duns. Dieu t'ïls ho do el auant. *L. P.* 332.

Che m'ulais dêr, ch'èau si'l'g uoelg der aint in maun? *Bifrun, Matt.* 26, 15.

× **Annotaziun 1.** Tar ils vegls scriptuors chattains eir otras combinaziuns da pronom persunèls congiunts, seu p. ex.

Fridolin l'il (= al il) det, e requintet, in che möd ch'el l'avaiva survgnieu. *Pr. Cud.* 111.

(*Pallioppi* metta: Fridolin al det l'ö v e requintet etc. *Övs* 32.)

Fridolin nun vulaiva in se al laschèr l'ö v, ma l'hom aruvet taunt, infin ch'el l'il (= al il) det. *Pr. Cud.* 112.

(*Pallioppi* metta: infin ch'el il det. *Övs* 33.)

† L'g hutischem Dieu vain ad arguardaer l'abundaunza da meis duns, & vain als artschauer da me chi glils (= al ils) ufferesch. *L. P.* 74.

Annotaziun 2. Las otras combinaziuns cu quellas supra vegnan evitadas in laschand davent il pronom pü dispensabel. Ma ün drova eir in lur lö la combinaziun d'ün pronom congiunt cun ün pronom absolut. L'istess fo ün per tuot las otras combinaziuns da pronom persunèls. Mera § 263, b.

b) La piazza del pronom congiunt servind scu object ais adüna avaunt il verb, scu cha muossan ils exaimpels del § 260, be l'imperativ ho in generèl ils pronomi congiunti zieva se (cunfrunta § 264,1, rem. 3):

Prepara'm qualchosa da mangêr, tschinta't e serva'm. *Menni, Luc. 17,8.*

Laschè gnir ils infaunts tiers me, e nun impedi'ls. *Menni, Marc. 10, 14.*

Algordè's, cha vus eiras pü bod pajauns. *Menni, Eph. 2,11.*

Crudè'ns adöss e cuvernì'ns avaunt la fatscha da quel chi seza sül trun. *Menni, Apoc. 6,16.*

Explichè'ns quaist tres üna sumaglia. *Robbi, Tes. 4.*

Dapertuot inua cha chattais vegls, cedè'ls la piazza la pü honorifica. *Robbi, Tes. 62.*

Separainans (in ün pled!) püttost! *J. B. 8.*

† Puzagia'm sù ün po bain. *Trav., Chianz. 135.*

D'la amur do'm üna insaina. *Trav., Chianz. 111.*

Do a mi ün bütsch. *Trav., Chianz. 172.*

Pardunom a mi aquaista ingiürgia. *Bifr. 2. Cor. 12, 13.*

× **Annotaziun.** Qualchevontas chattains però eir ils pronomi congiunti avaunt l'imperativ, mo quaist adöver nun correspuonda hozindì alla lingua colloquièla in Engiadin' Ota.

E. B. T'examinescha tai stess. *Predgias 99.*

E. B. At sfadaja da gnir in cler. *Predgias 99.*

E. B. At mett' avant la domanda: A chi he eu fin a qua vivü. *Predgias 99.*

† T'alguorda da agüder er mee. *Trav., Jos. 284.*

T'metta zieva lg dalett,

Sco oter Juvens cunpaigns. *Trav., Chianz. 195.*

El arügnò l'ora & dis agli mër tastha e t'inmüttescha! *Bifrun, Marc. 4,39.*

Tuots dimunis l'g arueuä dschât: n's trametta in aquels puoreks. *Bifrun, Marc. 5,12.*

c) La piazza del pronom servind scu subject ais adüna avaunt il verb, exceptuò ils cas, inua las reglas della sintassi generèla dumandan u admettan l'inversiun (mera chap. X).

Quaists cas sun:

1. dumanda

Che avais vus da respuonder stin quaist' achüsa? *D. S.* 1912, 179.

Dimena da Milaun vainst tū? *D. S.* 1912, 157.

Sun eau ardit? *VII* 518.

2. La frasa cumainza cun ün oter pled cu'l subject.

Il di seguaint 'bandunettan els la citted. *D. S.* 1912, 121.

Cun cour affliet tscherchet el l'albiereg. *D. S.* 1911, 57.

E. B. Felice cuorrast tū tras èrs e sendas. *VII* 480.

3. Üna frasa subordinada preceda la frasa principêla:

Que ch'èau savaiva he eau confessô. *D. S.* 1912, 179.

Il vrand irremovibel, nun s'opponittan els pū. *VII* 399.

Laschand girer ils ögls, vzet ella cha la patruina nun eira pū lo.

VII 403.

4. Üna frasa condiziunêla ais sainza la conjunzeiun scha.

Nun ais que (= scha que nun ais) cuntrari a tia sapienza, schi schinaglia'ns, o Dieu, cun guerras, charestia, incendis, ovazuns et oters flagels; chattast tū (= scha tū chattast) però necessari da'ns visitèr eir nus cun quists flagels, schi dispuona'ns tū, cha servan tiers l'etern salüd da nossas ormas. *Lit.* 194.

d) Nels cas suot *c*, e scha üngüna dellas condiziuns del § 262 nun ais cumplida, vain il pronom-subject sovenz rimplazzò tres la silba -a, -e, u -i, cha paun piglièr las seguaintas fuor-mas del verb:

la prüma persuna del singular (mera annotaziun 1);

la terza persuna del singular, sch'ella glivra cun ün con-sonant (mera annotaziun 2 & zifra e);

la prüma persuna del plural;

la terza persuna del plural.

Quaista fuorma scurzida del pronom as nomna pronom persunèl enclitic.

Scha l'affèr vo bain, suni (= sun eau) containt.

Cur chi ais bell' ora, vegni (= vegn eau) a spass.

Scha tū fessast que, at füssi (= füss eau) recognoschaint.

Sch'ella füss pū buna, l'avessi (= avess eau) pū gugent.

Sch'el nun füss güst, nu'l rispettessi (= rispettess eau).

Scha survegn ün pom, il parti (= part eau) cun te.

Scha l'ora ais bella, giaronsa (= giarons nus) in god.

Scha vzains Maria, la salüdaronsa (= salüdarons nus).

Que cha'l magister disch, faronsa (= farons nus).

Que cha'l patrun cumanda als lavuraints, dessane
(= dessan els) fêr.

Sch'ellas avessan pudien, füssane (= füssan ellas) gnidas.

Sch'ün privess ils umauns dalla glüsch, morissane
(= morissan els).

Rudelin ho pigliô qualvouta da voass ardöffels. Que am displescha,
uossa nun poassa (= poss eau) ils render. *Pr. Cud.* 78.

Scha tü spuolvrast, aise bun, uschiglîö at maglia (= magl eau) II 28.

Que bun infaunt! Uoss inclegia (= incleg eau) ch'ella ho discurreiu
uschè tristamaing. *Robbi* 42.

E. B. Suletta nun ris-cha (= ris-ch eau) dad ir. *Puorger* 196.

E. B. Scha tü vainst con quaist temp, schi vast darcheu nel fond,
allura possa (= poss eau) darcheu star a't vair oura. *Puorger* 197.

Cu maina (= main eau) be il discuors sün la maridaglia? *Ann.* 29, 94.

Uoss? a Chamfêr nun giainsa pü. *Robbi* 14.

Schi che dischane dimena? *Robbi* 24.

Uossa podainsa (= podains nus) ans allegrêr. *Chal.* 1915, 32.

Hoz gianteronsa (= gianterons nus) da bellas uras. *Chal.* 1915, 31.

Ad els vain do tuot in sumaglias: acciö cha culs ögls vezzane, ma
nun cognuoschan, e cun las uraglias odane, ma nun inclegian. *Menni,*
Marc. 4, 12.

La damaun sül fer del di laschettane (= laschettan els) ir ils homens
con lur esans. III 45.

Cumanzand be con il prüm pled, schi savaivane (= savaivan els)
quasi immincha vouta da dir sù il versin tres a tres. *Pallioppi, Övs* 26.

E. B. Pro la consecraziun dels ministers del Segner, vain quel, chi
tschanscha in nom da tuots, domandà: „Quels cha presentais, suni (= sun
els) jüsts? el responda, schi els sun jüsts; suni (= sun els) sapiaints?
schi, els sun. *And.* 176.

† L's sudôs haviand sturtglio aint üna curuna d'spinas, schi la met-
teten è sù sieu cho. *Bifrun, Joh.* 19, 2.

Favellan è forza tuots languax? *Bifrun, 1. Cor.* 12, 29.

Allò dimè mattetten è Jesum. *Bifrun, Joh.* 19, 42.

Annotaziun 1. Il pronom persunèl enclitic vain be reramaing drevò in scrit nella prüma persuna del singular. In lingua colloquièla ais sieu adöver però fich frequent.

Annotaziun 2. Il pronom persunèl enclitic vain drevò nella terza persuna del singular be per rimpplazzèr il neutro (a. ad. que, mera § 261 h & 271.) Dimena:

Ad ais auncha temp per fer que ==

Per fer que aise auncha temp. *D. S.* 1911, 179.

E. B. Esa propi necessari? *Lansel, Noss punct* 10.

E. B. Perintant füssi ura cha la stampa svizra rafüdess eun la lèra da l'ipocrisia inglaissa. *Lansel, Noss punct* 11.

Ais e (= ais que) possibel. quaut a vus, begias pèsch eun tuots ils crastiauns. *J. B.* 166.

E. B. In tsherts cas non aise dubi, cha l'alcohol prodüa tshertas malattias. *Chal.* 1914, 64.

E. B. Possibel aisi, cha in tsherts cas ün magöl vin o üna bierra promova la digestiun. *Chal.* 1914, 65.

E. B. Surtuot füssi bain üna ridicula illusiun, scha'l vittürin crajess d'avair dat forza a seis chavagl con la giaischla. *Chal.* 1914, 64.

Nun aise da sieus geniturs ch'ün artschaiva ils pü grands benefieis? *Robbi, Tes.* 6.

† Dmandò schi uain è dō à uus. Battè schi uain è auiert à uus. *Bifrun, Matt.* 7, 7.

Che hundernscha ais è als chianuoss à sätinzchaer innandret? *L. P.* 223.

Che es è dimé? *Bifrun, 1. Cor.* 14, 15.

e) In piazza d'ün pronom persunèl enclitic della terza persuna masculina u feminina del singular drevains las fuormas scurnidas 'l (masc.), la, l' (fem.).

Il sulvedi chattand cha que saja nosch et ingiüst, ch'ün il s-chiatscha da si' abitaziun e chi'l vegna pigliò sia praisa, schi's retegna'l da cometter l'istess ingüstia invers sieu concrastiaun, per esser respettò in sia proprietèd. *Robbi, Tes.* 3.

Ils incuntraiva el però pür il di zieva, schi non faiva'l pü ünguotta. *Chal.* 1914, 31.

Per fortüna tgniet eau la püpa schlass, uschigliö am giaiv'la eir quella as fer arder. *Chal.* 1914, 33.

(Impè della frasa precedainta podess stêr: . . . uschigliö am giaiv' l' eir quella as fer arder).

Nann' Engel eira üna duona diligiainta e fideda. Sch'ella nun eira occupeda da sieu mister, faiv' la eir il „pott“, que vül dir la giaiva cun ün charrin vi Samedan a fer commischiums per la gliעד da Bever. Tur-nand da Samedan avaiiv' la implieu il charrin cun zücher e caffè E mè nun scrivaiv' la sü üna commischium, tuot tegniv' la ad immaint. Eir ils quints faiv' la sainza penna u rispli, tuot be a cho scu il pü grand professur. *Bundi* 3.

f) Scha üngüna dellas condiziuns del § 262 nun ais comp-lida, schi vegnan ils pronom-s subjects eir sovenz laschö's del tuot davent.

Ais (= aise) stret utuon? am dumandaiva (= dumandaiv' eau).

Udind il vent nel god tschüvlêr. *Caderas, Fluors* 25.

In che maniera vulessast survgnir quella monaida? *Ann.*, X 83.

Co at poderost rinforzêr. *Robbi* 57.

La sted nun plova brich. *III* 98.

Il pü nûzaivel stüdi cha poassans fer, ais quel da noass dovairs. *Robbi, Tes.* I.

In Settember cumainza darchô a plover incessantamaing. *III* 98.

Scha'ns instradains da Canaan vers mezdi, arrivains in ün pajais desert. *III* 98.

Co'ls var 300 rainschs cha avains guadagnô, daspö ils 6 ans cha essans quia, podessans comprêr üna buna chesetta. *Ann.*, X 82.

Che fessans sainza giat? *II* 23.

Eau vögl chantêr fin cha poss. *II* 20.

Perche est uschè inguord? *II* 33.

In quel god avains vis bgera bos-cha. *II* 42.

Annotaziun. Cul imperativ ais que la regla, cha'l pronom subject vain laschô davent. Mera però las excepziuns nel § 262, 2, 3, 6 ed 8, ultims exaimpels.

Avri, chers infaunts. *II* 28.

Guardê da podair pernottêr utrò. *II* 45.

Imaginê's ün humaun chi driz' our tuot ils dovairs da la morala.

Robbi, Tes. 4.

Fügia, mieu infaunt! la dissipaziun. *Pr. Cud.* 286.

Spanda sur nus tieu spiert eir in quaiſt' ura sencha da devoziun.
Lit. 95.

Entrè per la porta stretta! *Menni, Matt.* 7, 13.

g) Ils pronomes persunèls chi as refereschon ad ün nom collectir da persunas (mera § 3 b), vegnan generelmaing miss nel plural masculin. Eir ils relatifs pronomes ed aggettivs possessivs piglian allura la fuorma del plural.

Guardè da non üser vossa giustia davanſ la glieud, per esser vis dad els *Menni, Matt.* 6, 1.

Mo quaiſt pövel, chi nun so ünguotta dalla Ledscha: smaledieus sajan els. *Menni, Joh.* 7, 49.

E. B. Que eira glieud laboriusa, ma els avaivan üna schurma d'infants. *Puorger*, 199.

Rehabeam dumandet als vegls cussglièrs da sieu bap, che ch'el dovess respunder al pövel. Ils vegls dschettan: „Scha tü aconsaintast a lur dumanda e dest buna risposta, schi as suottametteron els a te per saimper. *J. B.* 60.

Cur la quantited udit que, fütan els pundschieus nel cour. *J. B.* 144.

Però eir:

Glieud chi crida bger, indeblescha sieus ögls. VII 281.

Annotaziun. Noms collectivs da bestias u chosas, scu scossa, tröp, god, collecziun vegnan adüna substituieus tres ils pronomes chi correspuondan a lur gener e numer.

h) Il frequent adöver del pronom neutrèl della terza persuna *a*, ad (in E. B. eir *i*, *id*). s'explicha probabelmaing per part tres l'influenza della lingua tudais-cha

Es werde Licht = A dvainta glüsch. *J. B.* 1.

Seu l'*es* nella lingua tudais-cha, po eir *a* (ad) gnir druvo avauſt ün subject e verb nel plural:

Es entstanden oft Streitigkeiten unter ihren Hirten =

A naschivan sovenz dispütas traunter lur pastuors.
J. B. 8.

Ad eira ün hom rich, chi's vestiva da purpura e da linzöl fin. Mo ad eira eir ün pover, cun nom Lazaro, chi giaschaiva avauſt la porta del rich. A dvantet però, cha'l pover morit e gnit portò nel sain d'Abraham.
J. B. 114.

A nun ais tuot or, que chi glüscha. V 181.

Ad eira ün hom pietus e da temma da Dieu, cun nom Noè. J. B. 5.

A cumanzet a plover fö e zuorpel. J. B. 9.

Ad ais bunas e noschas scoulas. Pr. Cud. 147.

A gnit ün fùgìtiv cun vestimainta s-charpeda e tschendra sün il cho.
J. B. 44.

Ad eiran las trais e mez. Chal. 1915, 30.

A po aunch' esser vita in ella. D. S. 1912, 143.

E. B. Id ais contschaint cha Nanssen ha superà las terriblas fradaglias
sün l'expediziun polara, s'abstgnand tuottafat dal alcohol. Chal. 1914, 64.

E. B. I nun ais güst üna grat' incombenza da disfamar ün bun ami.
Chal. 1914, 62.

E. B. I succeda cha vashins ans exhortan amiaivelmaing. Lansel,
Noss punct 3.

E. B. I nun es daffatta brich uschè greiv sco chi para. Lansel,
Noss punct 15.

E. B. Id existan amo üna immensa quantità da requints. Barblan,
Par. 36.

Annotaziun 1. Pü reramaing chattains il pronom *a*, ad druvò avaunt
fuormas verbèlas in otras persunas cu la terza; el rimplazza allura oters
pronom.

A nun podettans però ir aint a sagèr gramma, nun siand las alps
auncha chargedas. III 94.

Ad avaians avuonda da fer sün la piazza. Tönd. 191.

Il bsögn ais grand a chi hoz crida,

Da chi il fö ho tuot pigliò!

Ad essans frers; al frer ch'ün güda,

Cur el pü tet ne päun nun ho. Caderas, Sorrires 5.

Annotaziun 2. Impè del pronom neutrèl congiunt della terza persuna
vain fich suvenz druvò il pronom demonstrativ neutrèl que. (Mera § 271, b, 1.)
Que ais adüna il cas in inversiuns.

Que naiva. Que tuna. Que plova. Que boffa.

Que füt ün lung invern. Chal. 1915, 29.

Que po capitèr ad imminch' ün, ch'el as indrumainza. Chal. 1915, 31.

Als quatter musicants plaschaiva que in quella chesa. II 22.

E. B. Gess que uschè inavant, schi s'indeblissen las forzas. Predgias 87.

Annotaziun 3. Istessamaing drova ün qualchevoutas impè da *a*, ad il
masculin u il feminin del pronom congiunt della terza persuna, chi piglia
allura la fuorma seurznida (*v*). (Cunfrunta § 215.)

L'ais megli per te, cha ün da tieus members perescha, cu cha tuot tieu corp vegna büttö nel infiern. *Menni, Matt. 5, 29.*

L'ais pü facil cha ün chameil passa tres la foura d'ün' aguoglia, co cha ün rich aintra nel reginam da Dieu. *Menni, Matt. 19, 24.*

L'ais dimena arriveda l'ura solenna, cha vus volais publicamaing professèr vossa cretta avaunt il conspect da Dieu. *Lit. 127.*

El v'laiva s'inschnuglièr, ma indeblieu

Crodet a terra sülla fatscha e

Fichand la dainta nel terrain, uret:

„L'ais memma düra da portèr! . . .“ *Chal. 1911, 29.*

† El g es plü lëf, che l'g schil & la terra passan uia, co che crouda ün sul puoinck de la lescha. *Bifr., Luc. 16, 17.*

× i) La fuorma apostrofeda *t'* per il nominativ *tü*, la quèla chattains in cudeschs pü vegls, nun vain pü druveda nella lingua colloquièla d'Engiadin' Ota.

O cher frer, eau stögl t'abranclet per las bunas chosas cha *t'*hest dit. Eau vez cha *t'*est mieu superiur, siand cha *tü* t'muossast pü sapiaint. *Robbi, Tes. 8.*

× k) Interessant aise, cha'ls accusativs dels pronomi congiunts dellas duos prümas personas sun eguèls als dativs e nun haun üna fuorma da per sè. Ils pronomi am, at, anse as sun cleramaing contraccziuns da a me, a te, a nus, a vus (in latin ad me, ad te, ad nos, ad vos). Que muossa la tendenza della lingua ladina da formèr ils accusativs da personas cun l'agud della preposiziun a, scu cha fo eir la lingua spagnöla. Mo in ladin nun ais il fenomèn taunt generèl scu in spagnöl. (Cfr. § 263. *)

Per exaimpels our dalla litteratura veglia mera § 266 bis.

§ 262.

Il pronom persunèl absolut.

Singular.

	Prüma pers.	Seguonda pers.	Terza pers.		refl.
			masc.	fem.	
Nom.	eau	tü	el	ella	—
Gen.	da me (d'me)	da te (d'te)	d'el	d'ella	da se

*) Mera losupra eir Meyer-Lübke, Grammatik der romanischen Sprachen, III, pp. 71—73; Gärtner, Raetoromanische Grammatik, § 112; Vellemán, Alchünas Remarchas davart Portografia e la Grammatica della Lingua ladina, pp. 51—61.

	Prüma pers. Seguonda pers.		Terza pers.		
			masc.	fem.	refl.
Dat.	a me (ada me)	a te (ada te)	ad el	ad ella	a se
Acc.	me (a me, ada me)	te (a te, ada te)	el (ad el)	ella (ad ella)	se (a se)
Abl.	da me	da te	dad el (d'el)	dad ella (d'ella)	da se

Plural.

Nom.	nus	vus	els	ellas	—
Gen.	d'nus (da nus)	d'vus (da vus)	d'els	d'ellas	da se
Dat.	a nus (ada nus)	a vus (ada vus)	ad els	ad ellas	a se
Acc.	nus (a nus, ada nus)	vus (a vus, ada vus)	els (ad els)	ellas (ad ellas)	se (a se)
Abl.	da nus	da vus	dad els (d'els)	dad ellas (d'ellas)	da se

Scha congrualains las diversas fuormas del pronom absolut cun quellas del pronom congiunt (§ 260), schi constatains üna completta divergenza per tuots ils cas exceptuô ils nominativs, inua il pronom congiunt posseda eir qualche fuormas scurzidas (apostrofedas). Inua las reglas speciêlas seguaintas dumandan l'adöver del pronom absolut, schi sun dimena ias fuormas nominativas scurzidas (§ 260) e las fuormas encliticas (§ 261 d) exclusas.

Davart las fuormas reflexivas della terza persuna mera § 264.

Davart las fuormas femininas nussas e vussas mera § 263, e.

La fuorma assoluta del pronom persunêl vain druveda nels cas seguaints:

1. Cur cha'l pronom nun ais accompagnô d'üngün verb.

Exaimpels mera supra, alla fin del § 259.

Grazia, lod, ed onur a te. *Lit.* 50.

Gloria a te, Dieu, Bap celest, per il spiert, cha tū hest tramiss sur ils discipuls da tieu filg. *Lit.* 97.

2. Sch'ün voul fer resortir la persuna u las personas designedas tres il pronom (adöver emfatic).

Chi accoglia ün tēl infaunt, in mieu nom, accoglia me: e chi accoglia me, accoglia quel chi m'ho tramiss. *J. B.* 116.

A me poch importa, scha Crimbilda vain a savair, ch'eau hegia mord-ragiō sieu marid. *III* 21.

Il muond nun po ödiēr vus, ma me ödiescha el. *Menni, Joh.* 7, 7.

Tuot quē vus volais cha la gliēud fatscha a vus quē fē eir vus ad els. *Menni, Matt.* 7, 12.

Tu avaiast radschun da tscherner a me. *Chal.* 1914, 43.

O tū povra disfortüneda, tū pövra disfortüneda. a da ti (acc.) nun vzaronsa pū. *Bundi* 44.

O, cher bap, lascha'm ir ad a mi (acc.) (cfr. § 263 a.) *Bundi* 5

Tuorna tū e lascha'm passēr il prüm. *II* 32.

Eau cuorr spert a pinēr tieu mangēr, e tū piglia las clevinas dalla s-chantschia. *Ann.* X 86.

Scha vus amais be quels chi aman vus, che premi gnīs ad avair? *J. B.* 95.

3. Zieva ün adverb:

Tuot que he d'ingrazchēr sulettamaing a te. *III* 84.

Benedescha eir a me, mieu bap! *III* 33.

Da milli ballas challa be üna, e quella nun stoverò gūsta challēr a me. *Tönd.* 32.

Sch'eau he be te, schi non dumand eau ünguotta ne zieva tschēl ne zieva terra. *J. B.* 104.

Eir ad el avaiava fat il mattin ester üna bun' impressiun. *III* 72.

Scha tū nun pigliast eir mias sours, schi nun vögl neir eau entrēr. *II* 43.

Vzand ils Samaritauns, cun che energia cha ils Güdevs lavuraivan alla reconstrucziun del taimpel volettan eir els güder. *J. B.* 70.

† In che chi saja che alchiün ho ardimaing, schi he er eau ardimaing. Sun els Hebreers, eau sun eir eau. Sun els Israeliters, eau sun eir eau. Sun els sem da Abraham, eau sun eir eau. *Bifrun. II. Cor.* 11, 22.

L's homens uschigloe dessen eir els imgiuraer la vita. *L. P.* 230.

Tuot que vus volais, cha la gliend fatscha a vus, que fè eir vus ad els. *Menni, Matt.* 7, 12.

Soriva'm eir Tü, che cha Tü fest. *III* 95.

4. Cur cha al pronom segua ün substantiv scu apposiziun. (mera remarcha 1 suot 5.)

A te, o Salveder, saja lod et onur. *Lit.* 53.

A te, funtauna da tuotta charited, elevains nus nos cors. *Lit.* 54.
Nus t'ingrazchains cha tü a nus povers pchaduors hest dunó tieu sulgenuieu filg. *Lit.* 55.

Richamaing ans ho Dieu recompensôs per nossa hospitalited, e tschernieu te, tü bun hom nair, per nos aungel protettur. *Pr. Cud.* 49.

5. In connexiun 'cun ün aggettiv. (mera rem. 2.)

Ingrazchamaint per tuotta la misericordia e fidelted, cha tü hest üsô vi a nus debbels ed indegns. *Lit.* 6.

A nus tuots hest fat bger del bain. *Lit.* 62.

E. B. Perchûra nus tuots da guerras, famina, epidemias e dad üna mala, subita mort. *Uraziuns* 46.

E. B. A vus tuots aise contschaint etc. *Predgias* 87.

Remarcha 1. In exclamaziuns piglia il pronom persunêl, cur ch'el ais seguieu u precedieu d'ün substantiv u d'ün aggettiv, sovenz la fuorma del accusativ, intaunt ch'ün spettest püttost, suainter la construcziun in otras linguas, il nominativ.

Povra me! eir a me restan quels anguoschagius sbrügs eternamaing impress. *Tönd.* 316.

Povra te, Chorazin! povra te Betsaida! *Menni, Luc.* 10, 13.

O pover ignoraunt me, chi ho l'ardimaint da vulair criticêr que cha Dieu fo. *Pr. Cud.* 7.

Me miser crastiaun! chi vain am spendrêr dal corp da quaista mort? *Menni, Rom.* 7, 24.

† O we, me trist pouer et dwantüro!

ls chiauvels am stou eau trer hur dalg chio.

Travers, Filg 1342—1343.

Remarcha 2. Cul aggettiv tuot vain qualchevoutas druvô eir la fuorma congiunta del pronom.

Do'ns a tuots que ch'ais salüdaivel per l'orma e pel corp. *Lit.* 18.
Conserva'ns tuots in tia grazia. *Lit.* 22.

6. Avaunt ün pronom relativ chi as referescha al pronom persunêl.

Aungels e crastiauns stöglian glorificèr te, chi est plain d'amur. *Lit.* 51.

A te, chi est il vair Bap, saja lod et ingrazchamaint. *Lit.* 55.

Els ans haun publicamaing battieus, nus chi essans cittaadins romauns, e'ns haun miss in preschun. *J. B.* 154.

Di'm que tū. chi est seis serviaint! *Puorger* 206.

7. Zieva preposiziuns.

Tschainta't daspêr me. *III* 86.

Perque nun gnivan tar me be ils vschins, ma perfin personas da contredas lontaunas. *D. S.* 1911, 166.

Clarited celesta splendurit intuorn els. *J. B.* 85.

Intuorn els eiran bgers spectatuors. *III* 16.

Aintra tiers nus, salva la tschaina cun nus, e nus cun te. *Lit.* 50.

El viva in nus e nus in el. *Lit.* 49.

La punt levatoria fût tratta sù dafvours els. *Chal.* 1914, 42.

Podais vus gnir a predgiar in mez nus il pled da Dieu. *And.* 159.

La maledicziun da Dieu sarò per saimper sur da nus. *Ann.* X, 86.

Ella ho be uossa pigliò cumiò d'nus. *Pr. Cud.* 78.

E. B. Vaschins ans exhortan da nun accentuar massa, in noss sentimaints, ils cunfins chi'ns dividan dad els. *Lansel, Noss punct* 3.

E. B. Per nus ils Serbs nun sun üna banda, ma ün pövel. *Lansel, Noss punct* 11.

Cornelio vzet cleramaing in üna visiun ün aungel da Dieu ad entrêr tiers el. *Menni, Act.* 10, 3.

† Tuotta sabgienscha vain da Dieu, & ais stada tiers el saimperme, & ais saimper cun el. *L. P.* 24.

8. Cur cha duos u püss pronomns nel istess cas sun colliôs traunter els cun üna conjuncziun, u cur ch'ün pronom ais colliò cun ün substantiv nel istess cas.

Conserva els e nus fermes nella cretta. *Lit.* 12.

Dieu vöglia benedir te e tieus genituors. *Pr. Cud.* 39.

Quel chi cognuoscha se ed oters, e chi ais liber d'ogni superbia, quel ais bun. *Pr. Cud.* 276.

Ün diligiaint tischler, chi guadagnaiva fich bain, . . . vestiva se ed ils sieus simplamaing. *Pr. Cud.* 47.

In sieu passagio füt il cardinal Cinzius assaglieu dal cavallier brigant Andrea de Marmels, il quel fet el e sieus cumpagns preschunërs. *Pr. Cud.* 196.

Il pajais, inua tü dormast, vögl eau der a te ed a tieus descendants. *III* 34.

Trametta, o Segner, giò da tshêl a nus ed a noss successuors tia divina vardet e tia pesch. *Lit.* 16.

Malattias u priivel d'vita ans imnatschan, a nus, ed auncha pü a noss chers. *Tönd.* 26.

E. B. Quels valurus guerriers han spans lur sang et sacrificà lur vita, per liberar se et lur descendants del giuf tyrannic della schiavitù. *And.* V.

Eau ed ün pêr camerads ans sgobettans sur ils crudôs per als portêr agüd, scha mê possibel. *Tönd.* 71.

Friedrich ed eau vivaivans passabelmaing isolôs dals oters. *Tönd.* 205.

Aintra nell' archa, tü e tia famiglia. *J. B.* 5

9. Cur cha'l pronom ais complemait d'ün aggettiv u d'ün particip.

Dieu penetra e purificha ti' orma cun sieu sench Spiert, acciò cha tü possast viver in möd ad el plaschaivel. *Lit.* 119.

Conserva la liberted a nus graziusamaing compartida. *Lit.* 10.

T'regorda da tia impromissun fatta a nus. *Lit.* 24.

Commos ingrazchettan ils giuvens Helveziers a lur devot compatriot per il requint ad els fat. *Pr. Cud.* 62.

E. B. El operescha in ün pajais a nus cognit. *And.* IX.

Populè la terra e fè quella a vus soggetta. *J. B.* 2.

Fo cha nos magistrat porta cun sapienza, güstia ed equited la speda ad el affideda. *Lit.* 22.

E. B. Completscha ils dovairs a tai imposts. *Predgias* 99.

§ 263.

Remarchas complementarias generèlas per ils pronom persunèls (absoluts e congiunts).

a) Sovenz ün verb ais colliò cun duos pronom persunèls, l'ün nella fuorma congiunta, l'oter nella fuorma assoluta.

Que succeda nels cas seguaints:

1. Cur cha'l pronom absolut stu gnir druvò tenor üna qualunque dellas condiziuns del § 262, allura drova ün sovenz daspèr il pronom absolut eir il relativ pronom congiunt, da maniera cha l'object (u il subject) ais express doblamaing, per exaimpel:

Dieu ans ho creòs eir nus. *Lit.* 128. (object dobel.)

Schi, eau chat eir eau, cha la scrittüra correspuonda in tuot a nos accord. *Ann.* X 80. (subject dobel.)

Object dobel:

Lascha'm ster cò a me impè del giuven e lascha'l ir cun mieus frers a chesa. *III* 46.

Tü hest schmanchò il sel, o am pera que be a me? *Chal.* 15, 31.

Nun at pèra eir a te da vair nos cher infaunt? *Ann.* X 85.

O Dieu, misericordiaivel bap in tschèl — lascha'l returnêr bainbod — ad el e tuots. *Tönd.* 30.

Conrad il guardet il prüm ad el, allura a me. *Tönd.* 133.

Sieu patrün al surdaiva ad el, la chüra d'artschaiver ils fulastèrs. *Pr. Cud.* 68.

Mias sours podettan restêr auncha allò suot la protecziun da tanta Maria ed a me ünguotta non am retgniva. *Tönd.* 69.

Els a ns haun publicamaing battieus, nus chi essans cittadins romauns. *J. B.* 154.

Pigliêr quaista munaida dad ün rich avar per me nun am pera niauncha mel fat. *Ann.* X 85.

Subject dobel:

Tü hest bain udieu, cha Annigna nun vo alla nozza, ma cha tuottüna giarò la eir ella vi damaun be a vair a spusêr. *Ann.* X 83.

L'hom rich dumandet sch'el nun sus-chess eir el as giavüschër trais chosas. II 48.

E. B. Ella tmaiva ün momaint davo l'oter da survgnir eir ella ün cuolp. *Puorger* 194.

Ch'el smunta e'm detta que cha'l ho el; ed eau al darò que cha d'he eau. *Pr. Cud.* 56.

E. B. Aviand els bler fond, non podaivan els far aint quel tuot be els. *Puorger* 199.

E. B. Quaista saira podessa dir eir eu sco chi dschet il vegl Simeon. *Puorger* 209.

Her alla nozza ho'l, per uschè dir, fat el la cuort a Giunfra Barbla. *Ann.* X 93.

† E. B. Sco'l publichiaun mortifichiã

T'voelg o meis Deis rovar:

Ün cor contrit humiliã

A mai am voeglias dar. *M. L.* XXII.

Sun els Hebreers, eau sun er eau. Sun els Israeliters, eau sun er eau. Sun els sem da Abraham, eau sun er eau. *Bifrun*, 2. *Cor.* 11, 22.

Annotaziun. Eir scha'l subject ais express tres ün substantiv, schi po'l, pustüt in connexiun cun ün adverb, gnir express üna seguonda vouta tres ün pronom persunèl absolut.

L'inviern stovet fer eir el sieu fagot e partir. *Chal.* 15, 29.

Quel melprüvò mat scriva eir el cun quistas pennas d'atschèl. *Ann.*, III 258.

Eau craj quasi, cha quella leivrina ils hegia fats ella. *Pr. Cud.* 101.

İls infaunts elegettan il prüm ün püschel dellas pü bellas frejas per lur mamma e zieva and mangiettan eir els. II 50.

E. B. Il chaplan füt eir el stut. *Puorger* 205.

† Vus isches l'g sèl della terra, mu cura che l'g sèl nun es el forzus, schi cun che s'daiva el isalèr? *Bifr.*, *Matt.* 5, 13.

E. B. 'L praedgiader po suvent el esser la causa da quel mal da dormir in Chiasa da Dieu. *Trom.* I 59.

2. Cur cha ün verb ais colliò cun duos objects pronominèls, sainza cha saja possibla üna dellas combinaziuns expostas nel § 261, schi vain l'ün dels pronom miss nella fuorma congiunta, l'oter nella fuorma assoluta. La fuorma congiunta piglian generèlmaing ils pronom della terza persuna ed ils pronom reflexivs (mera § 264).

Cur cha'l verb ais colliò cun duos pronomi nella terza persuna, schi piglia in generel l'accusativ la fuorma congiunta, il dativ la fuorma assoluta: Eau il vögl der ad el.

Il bun magister ais tich ammalò ed am det l'incombenza, da la (la già) regalèr a te. *III 60.*

A te an s raccomandains nus. *Lit. 207.*

O ma chera Engiadina,
Mieu amò, prüvò pajais,
Sun dalöntsche e pür adüna
Plain da bram' a te m'impais. V 97.

Nus podains an s approssmèr a te. *Lit. 203.*

Quaist pövel s'approssma a me cun sia buocha, ma sieu cour ais dalöntsche da me. *Lit. 6.*

Giuda Iscariot get tiers ils principèls sacerdots, per il tradir ad els. *Menni, Marc. 14, 10.*

El pigliet il calisch, rendet grazias ed il det ad els. *Menni, Marc. 14, 23.*

Piglia tieu unic figl, cha tū amast, ed offerescha'l a me sün ün munt, ch'eu at musserò. *III 28.*

Da realisèr quaists modestas pretensiuns vi alla vita nun as presentet a me üngün' occasiun. *Tönd. 2.*

b) Pronomi nella fuorma da politezza. In tschanschand cun persunas ch'ün nun cognoscha bain u cun las quèlas ün nun ho relaziuns d'intimitèd s'inserv' ün, impè dels pronomi della segunda persuna, da quels della terza persuna, chi vegnan allura scrits grand.

persuna masculina:	sing. El ('L).
	plur. Els ('Ls).
persuna feminina:	sing. Ella (La, L').
	plur. Ellas (Las).

Ils differentes cas da quaists pronomi vegnan furmòs seu per *el, 'l, els, 'ls* etc. (§§ 260 ed 262).

„Ch'Ella am confida Sieu impissamaint. Eau L'he tuot quaist temp scovert mieu cour uschè aviertamaing — ch'Ella am demuossa eir confidenza“.

„Que m'ais del tuot impossibel, da' L comunic'hèr, a che ch'èau pensaiva qui avaunt“.

„Impossibel? suos-ch èau ingiovinèr? ... Reguarda que ad Ella?“

„Ch'El nun as rumpa il cho; èau stögl refüdèr ogni ulteriura explicaziun“. *Tönd.* 92—93.

Eau he pigliò la liberted da 'Ls giavüscher da gnir quia. *Ann.* X, 79.

In che poss Als servir? *Ann.* X 80.

Uossa Las stögl èau quintèr üna bella. *Chal.* 1914, 37.

O, giunfra Tina, èau La rov. *Chal.* 1914, 38.

E. B. Che fan Els cur chi passa ün funeral? Els piglian jo lur chapè. Che resaintan Els al teater, cur chi vain dat üna tragedia? E co's contegnan Els lapro? In ün silenzi ümel e serius. Nun esa ch'Els nun han manglà imprendder quai ouravant? *Lansel, Noss punct* 15.

E. B. Da che n'üna vart cha Lur cor s'volva, saja a dretta, saja a tschanca, Els odan plonts e disperaziun. *Lansel, Noss punct* 15.

Annotaziun. In lö dels pronomi persunèls nella fuorma da politezza drova ün eir qualchevoutas, ma quasi esclusiva-
maing be in scrivand, il substantiv Vussignoria u Vossa Signuria; il singular rimplazza El u Ella, il plural rimplazza Els u Ellas.

Vussignoria vain generèlmaing scurznieu V. S.

Vussignorias vain generèlmaing scurznieu VV. SS.

Stimò Signur! Dals fögls publics relevet, cha V. S. tschercha per Sieu negozi ün giuven abil per la contabilitèd. V 397.

Stimò Signur President!... Eau am permet concìo da suottametter a V. S. l'istanza per la permissiun da pudair construir in qualche lö sper l'ova della Ritscha ün edifizì adattò al scopo indichò. V 405.

† ils laudabels e fick celebrats Noms da vossas Sgrias. Illustrissimas, Strenuissimas, Amplissimas, Nobilissimas.... *Abyss, pref.*

Da lur Sgrias Illustr.^{mas}... Hümls e devotissems servitors & clients. *Abyss, pref.*

Da voassa Singuria Illustra affectionatissim seruiaint. *Schuchiaun*, pref.

c) Ultra nellas fuormas da politezza (§ 263b, § 252. 1) scriva ün auncha grand ils pronom persunèls (ed eir ils correspondents aggettivs e pronom possessivs) nels cas seguaints:

1. in chartas ils pronom della seguonda persuna.

Scha Tü hest il presentimaint, cha nun saja sgür na tuot in uorden, schi At di ouravaunt, cha Tü ingiuvinast güst. *Chal.* 1915, 36.

Mieus impissamaints eiran tar Te, Marta. Eau At vzaiva stendida sün Tieu let da mort. *Tönd.* 191.

Pösch e beò pos a Tieu cher infauntet trapassò, seu eir divin confort a Te ed a tuots ils Tieus in Voss' afflicziun giavüscha da tuot cour Tia affieziuneda Maria. V 394.

2. sovenz ils pronom chi as refereschon a Dieu.

Dieu do la vitta, tuot vain dad El, e tuot stu eir turner tiers El. Cha voass cours ch'El ho animò, s'alvaintan da contin sù invers El. *Robbi*, *Tes.* 6.

Segner Dieu! Na, na, mè pü nun poderò am volver ad El con l'oraziun. *Ann.* X, 92.

d) Sovenz in lingua colloquièla, pü rèramaing in scrit, s'inserv' ün da specièlas fuormas femininas per il plural della prüma e seguonda persuna del pronom persunèl absolut: nussas e vussas.

L'abitaziun ais pitschna, ma vo güst bain per nussas trais.

Intuorn quaista maisa avains güst lö nussas tschinch.

Nussas duos giains nellas plazzas davaunt e vussas quatter pudais ir nel intern della charozza.

Buna not eir a vussas! *A.* III 262 (*Caderas*).

Que chi poi do sün la gnierva, quists invids, quists compliments!

E poi dit be traunter nussas: propi fin, ma niaunch' ün trat

Seo chi's mangia tar tschertünas, prop' ünguotta d'delicat.

M. L. 39 (*Gian Mathis*).

e) Scha'l subject d'üna frasa as compuona da duos pronoms da differentas persunas (u d'ün substantiv e d'ün pronom), schi vain il verb miss nella prüma persuna, scha ün da quels pronoms ais nella prüma persuna.

Benedescha tuot il bön cha nus e nos infaunts avains pensó, vulieu e operó. Lit. 206.

Ne eau, ne mieu figl nun signurerons sur vus. J. B. 40.

Scha'l subject contegna ün pronom della seguonda persuna ed ün della terza (u ün substantiv), mo na ün della prüma, schi vain il verb miss nella seguonda persuna.

Tü e tieu cumpagn füssas bod stos clappós.

Que fest tü ed ün pèr oters. Tönd. 209.

§ 264.

Ils pronoms reflexivs.

1. Pronoms reflexivs nomna ün tuots pronoms persunèls chi as refereschän al subject della frasa (mera rem. 2).

Uschè nella conjugaziun dels verbs as sdruvaglièr e s'indrumanzèr ils pronoms am, at, as, ans, as, as (e las fuormas scurzidas *m', t', s', ans, as, s'*) as nomnan reflexivs, perchè els as refereschän tuots süls relatifs subjects eau, tü, el, nus, vus, els.

eau am sdruvagl	eau <i>m'</i> indrumainz
tü at sdruvagliast	tü <i>t'</i> indrumainzast
el as sdruvaglia	el <i>s'</i> indrumainza
nus ans sdruvagliains	nus <i>ans</i> indrumanzains
vus as sdruvagliais	vus <i>as</i> indrumanzais
els as sdruvaglian	els <i>s'</i> indrumainzan

Siand però cha per las duos 'prümas persunas, taunt del singular cu del plural, nun exista üna specièla fuorma reflexiva del pronom persunèl, schi vain il term pronom reflexiv

generèlmaing limitò al pronom reflexiv della terza persona.

Las fuormas da quaiست pronom reflexiv specièl sun:

	Fuorma congiunta (§ 260)	Fuorma assoluta (§ 262)
	Singular e plural	Singular e plural
nom.	—	—
gen.	—	da se
dat.	as (s')	a se
acc.	as (s')	se (a se)
abl.	—	da se

Exaimpels per il pronom reflexiv specièl nella fuorma congiunta:

In chadafò as rechatta üna stria. II 22.

In Canaan crescha granezza, frütta e verdüra. ed as rechattan accòbels gods, pros, ers ed üerts. III 97.

Il Nil as sparta in divers rams, chi s'imbuochan separedamaing. III 99.

Da que s'approffittettan ils pövels vicins. J. B. 65.

Ils infaunts s'allegrettan, dad esser deliberòs da quella noseha creatüra. II 39.

Ils pros s'inverdeschan. V 166.

L'esan as giaschentet sül patütsch. II 21.

Il luf get suot ün bös-ch e s'indrumanzet. II 29.

Il luf as najentet. II 30.

Exaimpels per il pronom reflexiv specièl nella fuorma, assoluta.

Tenor § 262, 7:

Ün hom avaiva set figls, chi suenz eiran melperüna traunter se. *Pr. Cud.* 19.

E. B. Cur ch'el gnit darcheu in sai, as rechattaiva'l sün ün pa d'stram. *Puorger*, 203.

Dieu pigliet sieu profet Elias sün ün char da fö nel orizi tiers se in tschèl! J. B. 65.

Nebucadnezar pigliet cun se tuots ils vas d'or. J. B. 68.

Il magistrat fo condür il prashunèr avaunt se. *Robbi, Tes.* 11.

Ogni cited dels Tusciers formaiva per se üna republica. *Pr. Cud.* 165.

Nos spiert s-chatscha da se sainza lungias reflecziuns quellas ideas chi nun al pleschan. *Tönd.* 146.

Tenor § 262, 8:

Quel chi cognuoscha se ed oters, e chi ais liber d'ogni superbia, quel ais bun. *Pr. Cud.* 276.

Ün diligiaint tischler, chi guadagnaiva fich bain, . . . vestiva se ed ils sieus simplamaing. *Pr. Cud.* 47.

Tenor § 262, 2.

Üna buna mamma nun s'impaisa a se aunz cha sieus infaunts sajan pisserôs. *Clío.*

Tenor § 262, 3.

La morêla cristiauna ans impuona da'ns impissêr als oters, que nun voul dir cha imminchün nun hegia il dret da s'impissêr eir a se. *Clío.*

Exaimpels per pronoms della prûma e segunda persuna druvôs scu reflexivs:

Eau nun poass *m'*imaginêr, cha tû vögliast abandonêr Dieu. *Pr. Cud.* 70.

Lascha'ns, buntadaivel Dieu, usche sovenz cha'ns radunains quia, esser penetrôs da sencha devoziun. *Lit.* 66.

Tû at sbagliast, nos raig ais mort. *Chal.* 1914, 42.

Nun at trupagiêr, mieu figl, d'esser vandschieu. *Pr. Cud.* 70.

Nun as giavüschessas impè da vossa chesetta veglia üna bella chesa nova? II 46.

Inchürè 's dal luf. II 27.

Remarcha 1. Tschertas fixas combinaziuns del pronom reflexiv speciêl cun preposiziuns haun la valor da locuziuns adverbieîlas. Quaistas sun:

in se = propriamaing, vairamaing (eigentlich.)	
per se	} = natürelmaing, que s'inclegia (selbstverständlich.)
per se stess	
da per se	
† dimpersè	
	} sulet, separedamaing (allein.)

Davart dimpersè scu conjuncziun mera chap. VIII.

In se ais que ün po disturbant d'avair cun se pitschens infaunts sün viedis. *Tönd.* 454.

Che sen ho que in se, ch'eau resta co? *Chal.* 1914, 43.

Al latmielch ed allas chastagnas, ils trats favurieus dels contadins, vain per se fat la plü grand' onur. V 332.

Ils chantuns alpins haun per se stess in rapport alla productivited del terrain las relaziuns las pü disfavorablas. VII 141.

A Roma füt permiss a Paulo da ster da per se cul sudò chi'l perchüraiva. *J. B.* 163.

† Mu udiant aquè, immünchiün dimpersè lün dsieua lioter tirüan uia. *Bifrun, Joh.* 8, 9.

✗ **Remarcha 2.** Tar vegls scriptuors chattains il pronom reflexiv qualchevoutas eir druvò, cur cha'l pronom della frasa subordinada as referescha al subject della frasa principèla. Que s'explicha sainza dubi tres l'influenza della lingua latina, our della quèla bgeras dellas prumas publicaziuns ladinas eiran tradüttas.

† L'g filg delg hum nun es gnieu, per che uigna servieu à si, dimperse par ch'el servis, & des sia uitta in spendrischun par bgiers. *Bifrun, Marc.* 10, 45.

✗ **Remarcha 3.** In connexiun cul imperativ plural, seguonda persuna, chattains qualchevoutas il pronom reflexiv miss duos voutas S'impissè's = Impissè's.

S'impissess bain, aunz co's approschèr alla maisa del Segner. *Lit.* 45.

✗ **Remarcha 4.** Fundamentelmaing different dalla lingua ladina ais il sursilvan nel pronom reflexiv. Il pronom reflexiv sursilvan ais adüna *se*, sainza distinceziun da persunas.

Ss. Ridicul eis e, de voler declinar quei pronom „*se*“ a la moda taliana e franzosa, sco p. ex. jeu *mi* fidel, ti *te* fidas etc, sco ins anfla beinduras en scartiras romonschas, scrittas da Romonschs, ils quals han forsa bein empriu auters lungatgs, mo buca il matern. *Bühler* 64.

Ss. Sendisa ded obedir! Ti sengonas, sche ti creis, che il solegl *semuanti* entuorn la tiara. Jeu sundel *seproximaus* al profund preciepci. Sche ti selegras giud la ventira de tiu proxim, lu eis ei in'enzenna, che ti has in bien cor. *Simeon* 76—77.

2. Cur cha'l subject ais nel plural, allura haun ils pronoms reflexivs sovenz ün sen reciproc, que voul dir cha'ls singuls individuos chi constitueschan il subject, nun effettueschan l'acziun del verb scodün sün se stess, ma l'ün sün l'oter.

Nus stovains ans separèr.

Giachem ed Andreia as braunclan e 's bütschan. *Robbi* 57.

Gian e Lena s'abbinaivan fìch bain. II 37.

Uossa dschettan els traunter se etc. *J. B.* 141.

Perchè dispütaivas traunter vus sün la via? *J. B.* 116.

Duos chevras s'incuntrettan sün ün piaunch. *II* 32.

Scha vus s'abbinais, schi saros ferms scu quaist fasch. *II* 24.

Las chürallas eiran uschè bunas sruors e's volaivan taunt bain. *II* 43.

Guardè bain cha'l bap nun as inacorsecha cha's vulais bain. *Ann.* X 93.

La societed ais il stedi, nel quel ils humauns sun reunieus per as succuorrer et as giüder. *Robbi, Tes.* 2.

Els sun sco chaun e giat, as disch dad umauns chi nun s'abbina. *II* 24.

Remarcha 1. In connexiun culla preposiziun traunter vain il pronom reflexiv reciproc sovenz substituieu tres pèr (invariabel). Cunfrunta supra, terz e quart exaimpel.

Il pronom reflexiv congiunt e traunter pèr paun eir gnir druvôs insembel (mera seguond ed ultim exaimpel e cunfrunta § 263, 1).

Uossa vivan els in pèsch e bun'armonia traunter pèr. *Pr. Cud.* 160.

Collia nos cors cha nus ans servans traunter peer. *Lit.* 49.

Hegias sel in vus, e vivè in pèsch traunter pèr. *Menni, Marc.* 9, 50.

† Et els faffeuan traunter pèr, che dessen fêr a Jesu. *Bifrun, Luc.* 6, 11.

Trais chioses m'allegnan, numnaedamaing l'g marid e la muglier chi s'abaenan bain intraunter paer etc. *L. P.* 222.

Remarcha 2. Per render pü cler il sen reciproc d'ün pronom reflexiv, vain sovenz l'adverb vicendevolmaing (eir dellas voutas reciprocamaing) miss tiers. Ils pronomi indefinieus l'ün l'oter paun servir a l'istess scopo; quaists paun perfin simplamaing substituir il pronom reflexiv reciproc:

Nus ans vulains giüder vicendevolmaing (u l'ün l'oter). Cunfrunta § 272.

Cun sias manzinas ho il manch da sporger piazza suffiziainta allas föglias ed allas fluors, acciò ch'ellas nun as fatschan vicendevolmaing sumbriva. *VII* 250.

Collia nos cours in netta, fraterna charited, cha nus ans amans et ans perdunans vicendevolmaing. *Lit.* 49.

Vulais as comportèr e's perdunèr reciprocamaing? *Lit.* 47.

Quaist cumand eau a vus, cha vus s'amas l'ün l'oter. *J. B.* 131.

Eir sainza battaglias as rovinessan las naziuns l'üna l'otra
tres armamaints militèrs. *Tönd.* 434.

Vus stuais as succuorrrer e's cussglièr l'ün l'oter. *Lit.* 153.

Urè l'ün per l'oter. *Lit.* 12.

Ils pü vegls abitants da tuots duos pajais eran suvenz in guerra ils
üns cunter ils oters. *Pr. Cud.* 160.

E. B. Nus toccains insembel e dependains ün da tschel. *Lansel,*
Noss punct 1.

† Sajas uoluntus da s'uulair bain liün lioter, spurschand hunur
liün lioter. *Bifrun, Rom.* 12, 10.

3. La fuorma congiunta del pronom reflexiv specièl (as)
vain eir drueda in piazza del pronom indefinieü ün (in tu-
dais-ch *man*). Originariamaing as trattaiva que sainza dubi
d'ün simpel adöver reflexiv da quaist pronom:

Quaista roba as venda facilmaing = Diese Ware ver-
käuft sich leicht. Uossa però stu ün considerèr as seu
subject. e quaista roba seu object, perchè il verb vain
adüna miss nel singular. dimena: Daspö qualche ans s'im-
plaunta (na: s'implauntan) an per an plauntinas
giuvnas traunter las veglias. (III 94.)

Passand tres il desert, as chatta sovenz skelets. III 98.

Sapchast ma chera, la monaida, surtuot l'or, mè nun as stu la tuchèr.
sch'iella nun ais vossa ègna. *Ann.* X 88.

Our dalla scota as po fer tschigrun. III 100.

Dal früt dels olivèrs as squitscha l'öli. III 98.

Qualvoutas as vezza bouvs u vachas cun commet scu'ls chavals
III 101.

Aunz cu arrivèr in Canaan. as stu il prüm traversèr ün desert.
J. B. 32.

Pertuot as vzaiva tscheras serainas ed allegras. III 15.

Ogni bösch as cognuoscha vi da sieu früt. *Menni, Luc.* 6, 44.

† Scodün boesthe s'cugniouscha our da sieu früt. *Bifr., Luc.* 6, 44.

4. Bgers verbs vegnan be drevòs in connexiun cul pro-
nom reflexiv. seu s'abbiner. s'impadrunir, s'inschnu-

glièr etc. Quaists as nomnan verbs reflexivs propriis. Oters paun esser combinôs taunt cun ün pronom reflexiv, scu cun qualunque oter object, scu cognuoscher, as cognuoscher, cognuoscher bgera glièud. Quaists as nomnan verbs reflexivs casuèls.

a) Verbs reflexivs propriis sun:

s'abbinêr	as desperêr	s'infittêr
s'abbunêr	as disfidêr	s'ingerir
s'absentêr	as disimpegnêr	s'inguardêr
s'abstgnair	s'exercitêr	s'inlat schêr
s'accomodêr	as fastidiêr	s'inquagliêr
s'achampêr	as fidêr	s'inrischêr
s'achasêr	as flissagêr	s'inschnuglêr
s'addegnêr	as fruntêr	s'insnuir
s'adirêr	as gloriêr	s'insömgêr
s'adüsêr	s'imaginêr	s'instradêr
s'affecziunêr	s'imbatter	s'instupir
s'allegrêr	s'imbuchêr	s'intoppêr
s'alliêr	s'immütir	s'insuperbir
s'almentêr	s'impachêr	s'intratgnair
s'alventêr	s'impalüdêr	s'inverdir
s'ammalatêr	s'impatrunir	as magunêr
s'ammuntêr	s'impazientêr	as malattêr
s'appropriêr	s'impossessêr	as maschrêr
s'approssmêr	s'impegnêr	as müravgliêr
s'ardir	s'impipêr	s'obstinêr
s'arfradêr	s'impodair	s'orientêr
s'arritschêr	s'inacordscher	as pazchentêr
s'arrogêr	s'inamurêr	as pentir
s'arüvlêr	s'inchambüerlêr	as perchatschêr
s'associêr	s'inchaminêr	as plachêr
s'avvicinêr	s'inchürêr	as pozzêr
as basêr	s'inclinêr	as premunir
as caputtêr	s'incriplêr	as prosternêr
as concertêr	s'indegnêr	as quadrêr
as complaschair	s'indrumentzêr	as quietêr
as cutschêr	s'indschignêr	as rabgientêr
as deportêr	s'inesser	as radunêr

as raffreder	as ris-chèr	as struzchèr
as rampchèr	as rüvlèr	as svindichèr
as rampinèr	as sbassèr	as transferir
as raplèr	as s-chandalizzèr	as trupagèr
as rassegnèr	as s-chalmanèr	as vanèr
as refügièr	as sdovlèr	as varzagèr
as regordèr	as sfoghèr	as vergugnèr
as repatrièr	as spievlèr	as vindichèr
as resignèr	as stallagèr	etc.
as revoltèr	as stramentèr	

Anna e Rieo s'abbinaivan uschè bain. III 53.

Potifar s'adiret grandamaing. III 38.

Ûn s'adüsa taunt facilmaing. *Pr. Cud.* 277.

E Petro s'algordet. *Menni, Marc.* 11 21.

Allegre 's cun me, perchè eau he chattò mia nuorsa persa. *J. B.* 109.

Alvainta't e bütta't nel mer. *Menni, Marc.* 11, 23.

Scha vus nun s'ammeigldrais, schi gnis vus tuots a perir. *J. B.* 115.

E vzand Gesu ün bös-ch da fixs s'approsmet el. *Menni, Marc.* 11, 13.

La tristezza bainplaschaivla a Dieu prodüa üna conversiun tiers il salüd, della quèla üngün nun s'arüvla. *J. B.* 106.

Herodes as contristet. *J. B.* 112.

Il pajaiset s'extenda dallas muntagnas del Libanon fin al Mer Mort e's dilatescha d'ambas varts del Giordan. *J. B.* 37.

La forella, aviand miss ils övins, nun as fastidiescha per sieus pitschens minimamaing. VII 264.

Nun ler nell'intenziun da 't glorièr da tia lectura. *Pr. Cud.* 290.

Rut s'imbattet ün di sün las possessiuns d'ün hom rich. *J. B.* 41.

Tascha, immütescha 't! *J. B.* 106.

Eau nun am sun inachüerta d'ünguotta. *Tönd.* 98.

Durante cha nus da not ans inchambüerlains sün via planiva, s'voula l'utschè-mez-mür traunter our las manzinas d'ün bös-ch. V 222.

Nus ans inchaminettans per l'Egipto. III 46.

Inguardè's, vagliè ed urè. *Menni, Marc.* 13, 33.

Anna eira üna matta scorta e savaiva s'inesser. III 52.

Seu cha'l früt madür vain sech e crouda dal bös-ch, uschè s'indü-reschan e's distachan eir las cornas del tchierv. IV 75.

Staungel da sieu viedi, pozzet Jacob üna saira sieu cho sün üna peidra e s'indrumentet. Accò s'insömget el cha üna lungia s-chela mnaiva dalla terra fin sün tschèl. III 34.

Dandettamaing il tschêl s'ins-chûrit. III 27.

Zieva quella tribulaziun, vain il solagl a s'ins-chûrir. *Menni, Marc.* 13, 24.

Els as mûravgliettan d'el. *Menni, Marc.* 12, 17.

Avaunt ta fatsch'ans prosternains. *J. B.* 130.

Ils chamuotschs as rampchan cun granda agilitè sù per las pù stippas paraids. III 107.

Tuots ils aviöls as revoltan scha sun in ün vaschè duos reginas. VII 269.

Gugent m'a'vess eau sbundragiô ün pô in quaista vschinauncha cun sias tuors anticas. IV 45.

(In lingua colloquiêla vain quaist verb druvo eir na reflexiv).

Beô ais quel chi nun as s-chandeliza in me. *J. B.* 111.

L'ustêr as smûravglet da chattêr ils duos mats nel sôn. *Pr. Cud.* 28.

Rico as stramentaiva da dumander al magister. III 55.

Ils main blessôs descendettan svesa e's straschinettan inavaunt. *Tönd.* 308.

† E. B. L'soen à blers ais mortal, chi s'dormainzen via e nun sa sdrovaglen plü. *Trom.* 27.

E. B. Cura ls oelgs non sũ drizats sün 'l praedicatur in Chionzla, mo guarden intuorn, non es da s'far bonder schal Crastian in tall stadi s'dormainza via. *Trom.* 40.

Mo qui non sa smiravailg ingiün, scha no dschain cun Simonide; chia sufficienta risposta non possa qui dar ingiün dals mortals Crastians. *Abyss* 4.

b) Ils verbs reflexivs casuêls sun fich numerus. Co seguan be pochs exaimpels:

s'acquistêr	as distinguer .	as s-chüsêr
s'allontanêr	as fallêr	as separêr
s'attristêr	as lavêr	as suottametter
s'avvicinêr	as partir	as stüzzêr
as contgnair	as perchûrêr	etc. etc.

Ils numerus pas-cheders s'acquistan durante la sted culla pas-cha ün bel guadagn. V 100.

Hanna nun avaiva üngüns infaunts e s'attristaiva perquê fich. *J. B.* 42.

Gunter e sieus compagns s'avvicinettan al chastê. III 12.

Anna tscherchaiva da's contgnair seguond las bunas admoniziuns della chera trapassada. III 81.

Urand, perchüra't da tuotta ipocrisia. *Pr. Cud.* 269.

Eau m'avaiva stovida separèr da mieu pitschen Rudolf.
Tönd. 147.

Eau am he stovida suottametter. *Tönd.* 148.

Eau as he infingìo dit cha's fallais. — Na, eau nu'm ingian.
Robbi, Tes. 52.

Umauns e bestias tscherchaivan da's salvèr. *J. B.* 6.

Nossas lampas as stüzzan. *J. B.* 121.

† El es boen à nu mangier chiarn, ne baiuer uin, ne alchiüna chiosa,
très aquaela tes frèr s'picchia, u s'uffenda, u s'inflaiflescha.
Bifrun, Rom. 14, 21.

S'allagrò cun aquels chi s'alleggran, & crido cun aquels chi
cridan & saias d'üna inguèla uoluntaed lün cun lioter s'accumodant
uus als hümils. *Bifrun, Rom.* 12, 15.

Nu s'ingianna ün se sues. *Bifrun, 1. Cor.* 3, 18.

§ 265.

Il pronom and.

Il pronom and (scurznieu 'nd, 'd) po eir gnir classificchè
culs pronomes persunèls. El sto in generèl in plazza d'ün
genetiv singular u plural ed ais invariabel.

Üna vouta tramettet Jacob sieu figl Josef a Sicheu.
inua sieus frers pascualaivan lur scossas, per vair cu cha que
als gaja, e per and portèr novas (= per portèr novas
d'els). III 37.

Eau vögl trametter ad els profets ed apostels, ed els
and mazzeron e perseguiteron divers (= els mazzeron divers
dels profets ed apostels). *Menni, Luc.* 11, 49.

Per l'admissiun necessaria da cas d'urgenza ais la dia-
conissa oblieda d'and avertir (= d'avertir da que) il meidi.
Stat. Osp. 17.

Als ais severamaing proibieu d'acceptèr da qualunque vart vivandas
u mangerias e d'and compartir ad oters ammalos. *Stat. Osp.* 20.

Il pü al gnittan incunter quels continuants divertimaints. Il prüm
and avaiv'el agieu dalet. *Chal.* 1914, 41.

Il sulvedi spoarscha agiüd a sieu proassem, per havair il dret d'and dumandèr nel momaint ch'el and havarò da bsöng. *Robbi, Tes. 3.*

Quauntas pezzas d'or! Scha füssan mias, schi savess bain che and fer. *Ann. X 88.*

Lascha'm piglièr be duos u trais grauns. tū and hest aucha tschients e tschients. II 40.

Eau sun voass bap, ma vus and avais ün oter, chi ais quel da tuot las creatüras. *Robbi, Tes. 6.*

He preparò tinta e penna, scha mê ch'Els and dru vessan. *Ann. X 79.*

† Quael chi ha duos arassas, cumparta cun aquels chi nun d'ho. *Bifrun, Luc. 3, 11.*

§ 266.

Ils pronomi persunèls emfatics stess e s vess.

Ils pronomi stess (stessa) e s vess (vess, vessa) vegnan dru vòs u in connexiun cun oters pronomi persunèls per ils rinforzèr u emfatisèr u da per sè e significhan allura sovenz taunt scu persunèlmaing.

Stess (dal latin iste ipsum) as referescha a masculins u feminins, dellas voutas drova ün però eir la fuorma feminina stessa. Quaist pronom accompagna pustüt il pronom reflexiv specièl se.

Dasper s vess (dal latin se ipsum) vegnan eir druvedas las fuormas vess u vessa. Tuottas trais as refereschan indifferentamaing a masculins u feminins.

Taunt stess scu s vess haun l'istessa fuorma pel singular e pel plural.

In lingua colloquìela conjughescha ün nella maniera seguinta ün verb cul subject emfatisò (*das mache ich selbst* etc.):

que fatsch eau s vess (svessa)	u: que fatschi am vessa (vess)
que fest tū s vess	que fest at vessa (vess)
que fo'l (el) s vess	que fo'l as vessa
que fo' la (ella) s vess	que fo' la as vessa
que fains nus s vess	que fains ans vessa

que fais vus s vess
que faun els s vess
que faun ellas s vess

que fais as vessa
que faune as vessa
que faune as vessa

L'üs ch s'avrit da se stess. *Chal.* 1914, 40.

Ogni reginam, chi ais divis in partieus cunter se stess, sarò rendieu desert. ed ogni citted u chesa, chi ais in discordia cun se stess, nun po sussister. *J. B.* 66.

Els s'impissaivan in se stess: *Menni, Marc.* 11, 31.

Hegias chüra da vus stess! *Menni, Marc.* 13. 9.

Amèr il prossem sco se stess. *Menni, Marc.* 12, 33.

L'öv del cucù miss in gnies vegls e vöds nun po per se stess gnir a madüraunza. VII 261.

Eau nun am cognuosch pü am vessa. *Tönd.* 134.

Eau craj am vessa cha Vossa felited sarò dürabla. *Tönd.* 147.

L'üsanza da piglièr vendetta as vessa in chosas d'onur gnarò our d'üs, sco cha in societad civiliseda ais eir già sparida quella d'as fer güstia da se stess in otras chosas. *Tönd.* 158.

E. B. Eu s vess, vezzast, avess dabsögn da redublar mia lavur. V. 351.

E. B. Ulrich s vessa cambiet cun grand displaschair seis soggiorno tranquil cun üna vita agitada. *And* 160.

Eir il raig udit da quaiet capabel giuvnet e'l fet gnir in sieu palazzi, per as persvader s vess da que. IV 90.

Nus s vess avains udieu e savains, cha quist ais vairamaing Cristo, il Salveder del muond. *J. B.* 101.

Nus stovains amèr noass frers e noassas sours sco a nus s vess. *Robbi, Tes.* 13.

Tina avaiva udieu ed eir chantò s vessa quaista chanzun. *Chal.* 15, 30.

E. B. Ma la vita nun ha facila gloria! Be quel, chi tras cumbattas sainza fin, sur da sai s vess savet obtgnair victoria s-charp' or' da man il cranz a seis destin. *M. L.* 144.

† Eau hae fat me m' ues famagl da tuots. *Bifrun, I. Cor.* 9. 18.

Eau nu sun gnieu da me m' uessa. *Bifrun, Joh.* 8, 42.

Ama tes prossem inguael sco te duessa. *Bifrun, Matt.* 22. 39.

(te d'ues: *Bifrun, Marc.* 12, 31.)

Amuossa te dues agli sacerdot. *Bifrun, Luc.* 5, 14.

Et es gnieu üna temma sur tuots, & fafleuan traunter se s ues. dschand: Che pled es aquaist? *Bifrun, Luc.* 4, 36.

Et adüntrat hauand Jesus saieu aque cun sieu spiert, chels in aquella guisa pisassen in se suessa, schi dis el ad els: Che pisès ues aquaistas chioses in uos cours? *Bifrun, Marc.* 2, 8.

Schi nus ns'hauessen giüdichiôs nus ns'suessa, schi nu füssens par üngiüna uia stos giüdichos. *Bifrun, I. Cor. 11, 31.*

Nus n's suessa hauains udiu & sauain che aquaist saia uairamang l'g salueder delg muond Christus. *Bifrun, Joh. 4, 42.*

Izen tiers aquels chi uendan oeli, & cumprò à uus suessa. *Bifrun, Matt. 25, 9.*

Uus faschais uus suessa giüsts auaüt la lieud; mu deus cugniuoscha uos cours. *Bifrun, Luc. 16, 15.*

Remarcha 1. Svess vain eir druvò scu adverb nel sen da perfin Svess mia vita nun m'ais chera. *J. B. 158.*

× **Remarcha 2.** *Bifrun* rinforza il pronom persunêl eir cun proepi (cunfrunta § 252,2.)

† Et el mettaiua oura ad els in tuottas las scrittûras, aquellas chioses chi eran dittas da del proepi. *Bifrun, Luc. 24, 27.*

§ 266 bis

A.

Exaimpels mixts. Ils paraints pigliettan cumiò da Rebecca, la giavüschand bgera benedicziun. *J. B. 11.*

Inua ch'el eira, il tormentaiva sia noscha conscienza e nun al la-schaiva üngün pos. *J. B. 5.*

In duos ans ans volains chattêr co tuots trais in persuna. *D. S. 1911, 55.*

Sublim momaint da revair mieus chers ed als salüder zieva lungia separaziun. *Ang. J. Robbi 8.*

Nus at lodains et ingrazchains. *Lit. 3.*

Els s'inacordschettan cha il vegl da spass ils minchunaiva be. *Pallioppi, Övs 10.*

Ün esan aivaiva servieu a sieu patrun bgers ans, ma uossa eira'l vegl. *II 18.*

Gallicius spuset Ursula Champell da Susch chi'l füt üna fidella compagna da sia vita e sort. *Menni, Saluz 14.*

Ad eira üna vouta trais chürallas. *II 43.*

E. B. Sch'ün l'avess sepulli davo la roda, füssa'l gnü sepulli güst davant l'üsche d'baselgia. *Puorger 191.*

Vuolp, do'm da magliêr, u ch'at magl a te. *II 32.*

E. B. El gnit pro ella ed alla quintet la dolorosa istoria. *Puorger 204.*

Però a vus il vögl dir. *Robbi 16.*

Laban invidet Elieser da gnir in chesa sia, siand tuot preparò per el e sieus chameils. *J. B.* 11.

Eau sun cun te e nun at bandunerò. *J. B.* 13.

Ed ella alvet ed als servit. *Menni, Matt.* 8, 15.

Chi acquista sia vita, vain a la perder. *Menni, Matt.* 10, 39.

A nun saja contaissa traunter te e me. *J. B.* 8.

El ais allontanò da nus. *Robbi, Tes.* 50.

Vus dessas viver cun me ed ünguotta nun ans dess pü separèr.

D. S. 1911, 75.

La veglia prüveda stüvetta! Scu m'he laschò increscher d'ella. *Robbi* 42.

Julius Cäsar, battet ils Helvetiers e mazzet bgera miliera d'els. *Pr. Cud.* 169.

Dalum vögl uossa eir eau regalèr al signur mastrol mieu vdè grand. *II* 51.

B.

Dien ans vezza eir a nus tuots. *II* 53.

Gnì no tiers me vus tuots, chi essas travagliòs ed aggravòs, eau's vögl ristorèr. *J. B.* 91.

He, tü chi demoleschast il taimpel ed in trais dis l'edifichast, salva te stess e vè giò dalla crusch. *J. B.* 137.

Tü chi güdichast, fest las medemas chosas. *Menni, Rom.* 2, 1.

Co pudains nus degnamaing exaltèr ils beneficis spirituèls, a nus da te compartieus. *Lit.* 190.

Malgiaretta cumainza a erider. Duonna Maria ed ella cumpagnan Gian fin tar ün s-chabè. *Robbi* 57.

Chera mamma, vo tü pür sainza pissèr. *II* 27.

Cò capitet eir el la saira sencha. *D. S.* 1911, 166.

Il guardiaun... als lavet giò lur plejas e's fet battagèr insembel cun tuots ils sieus. *J. B.* 154.

Ils sieus stettan ün momaint tuot instupieus. *Chal.* 1914, 45.

Do ad ogni ün il sieu. *Pr. Cud.* 275.

E. B. La Germania ha tut sü noss artists a bratsch' averta e perfin piazzà l'un e l'oter dels noss, plü ôt co artists seis. *Lansel, Noss punct* 4.

Quaist pövel m'onura culs leivs, ma lur cour ais dalöntschi da me. *J. B.* 105.

E. B. La gliעד eira ida a chasa a quintar als lur il terribel cas. *Puorger* 193.

Quaista possessiun appartegna in se ad oters. *III* 87.

Ils pastuors dschettan traunter se: „Giain infin a Betlehem“. *J. B.* 85.
Abraham pigliet sieu neiv Lot cun se. *III* 24.

Cur ch'ella gnit darchò in se, cumanzet ella a plaunderscher e cridèr. *III* 21.

Schi, eau se; trais vegls generèls con lur duonnas. E duos ministers con las lur. *Tönd.* 76.

Dals früts del bös-ch in mez il zardin ho Dieu dit: Nun and mangè. La serp dschet: In quel di ch'and mangeros, voss ögls s'avriron. *J. B.* 3.

Della sted profittan millieras d'esters, per fer üna visita a nossa val; ma eir l'inviern and sun quia bain bgers. *III* 92.

Eva manget dal früt ed and det eir a sieu marid. *J. B.* 3.

In chadafö ais ün buchël plain d'meil. Nus and volains strichèr sün flettas d'paun. *II* 52.

C.

A comparittan sün terra bestias d'ogni qualited. *J. B.* 2.

A saròn auncha tschinch ans da fam. *III* 46.

Nel quart di dschet Dieu: A dvaintan corps vi al tschèl, e que dvantet. *J. B.* I.

A gnittan Güdevs dad otras citteds, agitettan il pövel ed accrappettan Paulo. *J. B.* 152.

A nun podettans ir aint a sagèr la gramma. *III* 94.

E. B. Id eiran quella vouta temps fich burrascus. *Puorger* 198.

Dalum as radunet bger pövel alla riva per l'artschaiver, perche els l'avaivan spettò cun brama. *J. B.* 106.

Cur Gesu gnit nella chesa da Jairo e vzet la quantited da gliueud chi cridaiva e plandschaiva, als dschet el: „Nun cridè. ella nun ais morta, ma dorma.“ Ed els riaivan d'el, saviand ch'ella füss morta. *J. B.* 107.

Tiers el get our Gerusalem e tuotta la Giudea; ed els confessaivan lur pchôs e gnivan battagiôs dad el nel Giordan. *J. B.* 88.

El as faiva pcho del pövel. perchè els eiran tormentôs e dispers scu nuorsas sainza pastur. *J. B.* 91.

Tuot las chosas cha vus volais cha la gliueud as fatschan, dessas fer eir vus ad els. *Pr. Cud.* 8.

Chi ais quel fidel e prudaint factur, ch'al patrun metta sur sia servitüd, per als der a dret temp lur porziun da spaisa. *Menni, Luc.* 12, 42.

D.

Lot a s stabilit a Sodoma. *J. B.* 8.

La mamma s'immaginet chi füss sieu figl chi havev fat tuot que cò. *Robbi, Tes.* 51.

Il vegl Elieser s'inschnugliet. *J. B. 11.*

E. B. Scha ls grands e prepotents volaivan far üna dellas lur, Jon Carl faiv' ir ad aua lur noschs proponimaints. *Puorger 190.*

Salvè's in prescha. *J. B. 8.*

Lot s'instradet cun sia famiglia per la citted Zoar. *J. B. 8.*

Il tschèl s'ins-chürit e grossas nüvlas d'orizi as rammassetan. *J. B. 8.*

Udind la duonna da Lot a rantunèr davous se, guardet ella inavous.

J. B. 9.

Elieser e Rebecca as partittan. *J. B. 11.*

Dieu clamet sieu fidel famagl tiers se. *J. B. 12.*

E. B. Veziaud Michel, cha Letta cridaiva darcheu, s'avvicinet el ad ella e domandet: E tû, am post tû perdunar? *Puorger 207.*

Ûna saira la pigliet la nona cun se sün sia chambra. III 65.

Cur Gesu avaiva dudesch ans, il pigliettan sieus genituors per la prüma vouta cun se a Gerusalem. *J. B. 88.*

A Paulo gnit do il permiss da ster da per se col sudò chi'l perchü-raiva. *Menni, Act. 28, 16.*

Nella vicinanza del trun s'avaiv' il resentimaint, cha quaist nun stetta pü ferm in pè. *Tönd. 465.*

Nella seguonda caduta a m rumpet ün bratsch ed eira per consequenza lger pü debel, per contribuir d'me m'vessa il necessari tiers mia salvezza. *Pr. Cud. 62.*

Ogni cited badaiva pü sün se svesa, co sül bain generèl. *Pr. Cud. 165.*

La laina charget el addöss al figl, el svess pigliet il fö ed il curtè. *J. B. 9.*

E.

† Eau hae cûprò üna maria, elg es bsüing a mi ch' eau giaia oura a vair aquella. *Bifrun, Luc. 14, 18.*

Eau uoelg che tû dettas à mi l'g chio da Johānis Baptistę. *Bifrun, Marc. 6, 25.*

Auns co che l'g gial chiaunta duos uuotes, schi uainst am sthnaier trais uuotes. *Bifrun, Marc. 14, 72.*

Tû nun haues üngiüna pusaunza incüter mè, upoeia chella nu t' füs dèda zura ingiu. *Bifrun, Joan. 19, 11.*

E. B. Sün tots queists puones, t' vulaina responder. *Trom. 117.*

Nu fèr a ti duessa ünguotta d'mèl. *Bifrun, Act 16, 28.*

Ad üni chi t' batta in l'üni masella sporscha agli er l'otra. *Bifrun, Luc. 6, 29.*

E. B. El hà subit perdert 'l seis lom plümatsch. *Tromm.* 38.

Et l'g aungel dis agli (mera § 131): Nu tmair Zacharia. *Bifrun, Luc.* 1, 13.

E. B. Gniss ün subgièt à dormir cur seis Princip gniss pro el per al far qualchia impromissiun. *Trom.* 57.

O Segner Dieu tû parchürast tieu poeuel, l'goasta e defenda da tuot mael. *L. P.* 440.

Mu ella l'g hauiand uis, es cüturbleda. *Bifrun, Luc.* 1, 29.

Bieda es aquella chi ho craieu, per che che uain ad duantèr tuot acque chi es agli (mera § 131) dit dalg signer. *Bifrun, Luc.* 1, 45.

Per che chel nun accchiatto loe à l'arufflynscha, cumbain chel la scherchio cun las larmas. *Bifrun, Hebr.* 12, 17.

Nus nun hauain plü co schinc pauns & duos pesths. *Bifrun, Luc.* 9, 13.

Miro, cho Dieu anns do là paialgia

Anns chiaschia noas pchios cû fam, guerra è murtalgia,

Anns trametta iminchia dy mallatias,

Anns chiaschia eir cun oattras fadias. *Dysch aeteds* 28, 31.

E. B. Qui ns surmaina 'l mond, mo in cel vain l'möd ad esser davent da no. *Abyss* 3, 153.

Eau arou uus frars trës l'g num da nos signer, che uus tuotts fauellas üna proeppia chiosa. *Bifrun, 1. Cor.* 1, 10.

Eau nun hae scrit a uus, sco als ignorauns della uardet. *Bifrun, Joh.* 2, 21.

Quel chi oda uus, oda me & chi sthbitta uus sthbitta m'è. *Bifrun, Luc.* 10, 15.

E. B. Ils Infants da Dieu stoven murir gio iminchady eir als plü pitschens vicis & puchiats, sch'els non vöglan far rottadüra da Barchia. *Tromm.* 99.

Et cura ch'els l's hauetten fat bgieras plejas schi ls chiatschaun è in prashun, cumandant alg guardiaunt da la prashun chel l's parchiüras cun diligijntia. *Bifrun, Act.* 16, 22.

Lg Castelaun da Mûs cun granda pompa ls arfschët,

Cun bella tscheira et grand baunchiët. *Travers, Mûs* 395—396.

Parche l's discipuls da Johannis giünen suens & faun uraciuns, mu l's tês mangien & baiuen. *Bifrun, Luc.* 5, 33.

El vo in terras eistras & las chiamina tres. *L. P.* 334.

Lur painas vegnen anumnaedas giüstas, brichia per chia els las hae-gian gugend, ma per che Dieu vül ch'els las indüran per chiasmaints da lur pchiôs. *L. P.* 93.

Et eau urdain a uus l'g ariginam sco mès bap l'g ho urdanò à mi.
Bifrun, Luc. 22, 29.

Muossa 'm tia cretta sainza tias ouvras, ed eau't vögl musser mia cretta
tres mias ouvras. *Menni, Jac. 2, 18.*

Amuossa à mi la tia fè our da tès fats, & eau uoelg amussèr à ti
our da mes fats la mia fe. *Bifrun, Jac. 2, 18.*

Quaistas chosas as he eau serit davart quels chi's surmainan. *Menni,
Joh. 2, 26.*

Aquaistas chioses he eau serit à uus da quels chi surmainan uus.
Bifrun, Joh. 2, 26.

Tummò sur nus, & azuppo nus da la fatscha da quel chi seza sur
l'g thrun. *Bifrun, Apoc. 6, 16.*

§ 267.

Ille pronoms possessivs.

Ille aggettivs possessivs druvòs sainza substantiv vegnan sovenz classi-
fichòs culs pronoms ed as nomnan allura pronoms possessivs.

Eau giarò a ster con ille mieus. *Ann. X 86.*

Ais forsa quista tia buorsa? O na! responder Daniel, la mia nun
eira uschè bella e nun avaiva aint uschè bels danèrs. *Pr. Cud. 22.*

La mamma ho üna vusch amabla, tia al incunter ais crüja. *II 27.*

La prüma visita cha farò damaun ais destineda a te ed ille tieus.
Robbi 53.

Vò uossa our dall' archa colt tieus e con las bestias. *J. B. 6.*

Il bap da famiglia fabrichaiva per se e per ille sieus üna chesa.
Pr. Cud. 163.

E. B. Ognüna volaiva dir la sia. *Puorger 194.*

E. B. El avaiva ün per voutas gnü occasiun da trametter novas dad
el als seis. *Puorger 201.*

E. B. Ella nun avaiva temma sulamaing per il salvamaint dell' orma
da seis marid, ma eir per quel da sia propria. *Puorger 197.*

E. B. Blers dels nos giaivan al servezzan militar dad eistras potenzas.
Puorger 199.

Eau aruvàrò a Dieu, ch'el vögla benedir il rest cha possedan. Eir els
haun da bsöng del lur. *Pr. Cud. 77.*

Nus havains arfschieu da noass genituors tuot que cha havains, per
consequenza nun ans ais que permis d'havoir otra volunted co la lur.
Robbi, Tes. 62.

E zieva esser miss in liberted gnittan els tiers ils lur. *Menni, Act. 4, 23.*
 Ils oters utschels cuvan con ils lur eir l'öv del cucù. VII 260.

× **Remarcha 1.** Scu l'aggettiv possessiv lur, vain eir il pronom possessiv lur trattò scu invariabel. Nella Musa Ladina (cuorta survista da litteratura poetica ladina) chattains però ils lurs.

E. B. Cura cha... il mond germanais... travachet noss cuolmens a la conquista da l'imperi, laschet el lung la via chastès e colonias dels lurs, sco cuogns aint il territori romansch. *M. L. XII (Lansel).*

Remarcha 2. (Differenza traunter aggettivs e pronomes). Siand cha'ls istess peds servan scu aggettivs e scu pronomes possessivs, schi pera quaiet lö adattò per expuoner las reglas suainter las quèlas las parts del discuors (mera chap. X) vegnan classificadas.

Bgers peds appartegnan sainz'oter ed indubitabelmaing ad üna suletta part del discuors, uschè p. ex.:

stanglentüna	}	nun paun esser oter cu substantivs.
cudeschs		
Maria		
gniva	}	" " " " " verbs.
impromettet		
innatschaivan		
eau	}	" " " " " pronomes.
tü		
nus		
fich	}	" " " " " adverbs
adüna		
bod		
e	}	" " " " " conjuncziuns.
scha		
scu		
sper	}	" " " " " preposiziuns.
in		
da		
duos	}	" " " " " aggettivs numerêls (mêra però rem.)
trais		
tschinchevel		
ah!	}	" " " " " interjecziuns.
ai!		
oha!		

Per ün grandischem numer d'oters peds variescha però la classificaziun, suainter la plazza e la funcziun cha'l pled ho nella frasa, suainter la specièla significaziun ch'al do il context. Uschè tschertas fuormas verbalas paun dvanter substantivs u aggettivs (mera § 126), aggettivs paun dvanter substantivs e viceversa (§§ 211 & 216), adverbs paun dvanter aggettivs u viceversa, adverbs dvaintan sovenz conjunziuns u preposiziuns (mera chap. VI, VII e VIII) etc.

Che determinescha dimena la classificaziun dels peds? In mincha cas la specièla funcziun nella frasa. Our dalla frasa nu's po in bgers cas del tuot dir a che part del discuors ch'ün pled appartegna.

Uschè p. ex. nellas frastas seguaintas ils peds massima, la, güst, schi, durante, oter, ün, ils, appartegnan bod ad üna, bod ad ün otra part del discuors.

O Segner, nun ils laschèr gnir infettôs da massimas (substantiv) perversas. *Lit.*

Cun massima stima as segna Sieu dispositsem Fadri Füm. T. 396.

Elisabeth det üna sguerschageda da rabgia sün la povra Maria, uschè cha quella nun sus-chet uzèr ils ögls e la (pronom persunèl), vaiva temma, cha la tremblaiva. *Bundi* 37.

La (artichel determinò) devoziun e la veneraziun dajan saimper implir tieu cour, cur tū urast. *Pr. Cud.* 292.

Ell'arrivet güst (adverb) cha tuot la famiglia tschnaiva. III 64.

Surtuot sajast fidel e güst (aggettiv). *Pr. Cud.* 275.

Savess qualchün legittims impedimaints in quaist matrimuni, schi (conjuncziun) ais el intimò da sapchentèr quetaunt a dret lö e temp. *Lit.* 13.

T'ho ella pardunò? — Schi (adverb da consentimaint), mammaduonna. *Pr. Cud.* 79.

Mieu bap ed il dottur as approfondittan in üna partida da piquet, durante cha'l (conjuncziun) barun as tschantet spera me. *Tönd.* 87.

Durante (preposiziun) l'inviern dorman ils uors pü cu la sted. IV 68.

Ella nun abbundunaiva mè la chesa oter (adverb) cu per ir ogni Dumengia nel dom. *Tönd.* 415.

Güdichand l'oter (pronom indefinieü), condannast tū te stess. *Menni, Rom.* 2, 1.

Sch'ün (pronom indefinieü) s'impaisa sül luf, schi ais que tuot naturèl. *Fögl* 58. 7.

Ün (artichel indeterminò) chaun l'avaiva müers. II 41.

Ils (artichel determinò) vegls Schvizers vivaivan gugent sper leih e flüms. *Pr. Cud.* 163.

E. B. Del solit ils (pronom demonstrativ) da Scuol s-chargiaivan las alps intuorn San Michel. *Puorger* 187.

Dimena scha eir aggettivs paun gnir druvòs scu pronoms, schi nun stu ün perquè smanchèr la differenza traunter quaistas duos parts del discuors: ils prüms qualificheschan u determineschan ün substantiv, ils seguonds piglian la plazza d'ün substantiv. Imitand in què la grammatica tudais-cha, smanchains nus sovenz quella differenza; ils grammatists tudais-chs nun faun p.ex. in generèl üngüna differenza per la classificaziun lexicologica traunter mein, dein, sein, unser, euer, ihr e der, die, das meinige (meine), der, die, das deinige (deine) etc. mo nomnan tuots quaists plets pronoms possessivs*). La lingua francesa al incunter stabilescha clèramaing la differenza: mon, ma, mes, ton, ta, tes, son, sa, ses, nos, vos, leur sun aggettivs, perchè els determineschan be ün substantiv, indichand sieu possessur, mo le mien, la mienne, les miens, les miennes; le tien, la tienne, les tiens, les tiennes; le sien, la sienne, les siens, les siennes; le nôtre, la nôtre, les nôtres; le vôtre, la vôtre, les vôtres; le leur, la leur, les leurs sun pronoms, perchè els piglian effectivamaing la plazza d'ün substantiv.

Siand cha la lingua ladina, scu la francesa, ais üna lingua romana, füss que in ogni cas meglder da's tgnair vi allas classificaziuns della lingua francesa, cu dad imitèr quellas della lingua tudais-cha, pustüt inua quaist ultima pera manglusa.

Ma sch'ün attribuescha pü gugent ils aggettivs e pronoms possessivs ad üna suletta part del discuors, schi füss que forse perfin pü güst da'ls attribuir intèramaing als aggettivs. **)

Cunfrunta eir §§ 270, 271, 272.

*) Mera p. ex. Blatz, *Neuhochdeutsche Grammatik*, II, pp. 274 e seguaintas.

**) Ils signuors L. Morandi e G. Cappucini, in lur *Grammatica italiana* (91^o migliaio, Torino 1914) classifichan ils aggettivs-pronoms-possessivs tuots sco aggettivs (aggettivi determinativi di possesso, §§ 277—283). Els dian meglinauant:

Tutti gli aggettivi possono essere sostantivati. Non c'è quindi alcuna ragione di escludere dagli aggettivi, e metter tra i pronomi, come fanno molti grammatici, quelli di *quantità*, i *possessivi* e gl' *indicativi*, soltanto perchè possono usarsi in modo sostantivato: proprietà, come s'è visto, comune ai *qualificativi* (§ 307).

§ 268.

Esercizi.

1. Copcha üna dellas lectüras del paragraf 275 e suottastricha in blov tuots pronom persunèls congiunts, in cotschen ils pronom persunèls absoluts. Indicha per minchün da quaists ultims, perchè cha'l pronom congiunt nun ais sto druvò in sieu pè.

2. Our dels exaimpels del § 266 bis tschercha ses frastas inua il pronom congiunt vain druvò daspera la fuorma correspondenta del pronom absolut (suainter § 263, a, 1).

3. In tuot las frastas chi contegnan il pronom and, rimplazza quel tres ün substantiv u ün oter pronom.

4. Copcha trais frastas chi contegnan il pronom reflexiv specièl in ün sen reciproc, trais chi contegnan quaist pronom in ün sen reflexiv.

5. Indicha per minchün dels verbs reflexivs del § 266 bis. D. schiel ais verb reflexiv casuèl u sto per ün.

6. Fo üna tabella e metta in quella insembel tuot las combinaziuns da pronom persunèls congiunts chi vegnan druvedas in nossa lingua. Quèls da quaists pronom haun nella combinaziun üna fuorma differenta ch'els haun, scha vegnan druvòs da per sè?

7. Scriva ses frastas, inua ün pronom sto gnir scrit grand.

§ 269.

Ils pronom relatis.

1. Ils pronom relatis u congiuntivs servan in generèl a collièr üna frasa subordinada cun ün nom u ün pronom d'üna frasa superordinada (mera chap. X), sün il quèl els as refereschon e ch'els substitueschan.

Usche nella frasa:

„If dan, *cha* la chevra causescha allas culturas, ais incalculabel.“ VII 213.

la frasa subordinada *cha* la chevra causescha allas culturas ais collieda cul substantiv dan cun agüd del pronom relativ *cha*, il quèl as referescha a dan e substituescha quai st pled. Sainza il pronom relativ stuvevans dir:

Il dan causò allas culturas ais incalculabel; quai st dan vain fat dallas chevras.

A quai sta categoria appartegnan duos pronomi relativi:

a) Il pronom relativ *chi*, *cha*.

Chi serva scu nom. sing. e plur. da tuots generi.

Cha serva scu acc. sing. e plur. da tuots generi.

Quai st pronom nun po mè gnir druvò in connexiun cun üna preposiziun e nun ho dimena ne genitiv, ne dativ, ne ablativ.

Il substantiv u il pronom, sün il quèl ün pronom relativ as referescha, as nomina sieu antecedaint. Nel exaimpel supra l'antecedaint del pronom relativ *cha* ais il substantiv *dan*.

Perquè, o romauntschs, nun laschè dal romauntsch!

Remettè'l sün la via *chi'l* tuo cha,

Dè'l il tun *chi* convain e dè'l pü slauntsch,

El ais pled *chi* uondra la buocha.

E'ls termis *chi* as maunchan vi e nò

Pigliè'ls d'ün linguach *chi* ais parentò. *Conradin de Flugi, M. L. 4.*

In quels dis sarò üna tribolaziun, *chi* nun ais mè steda dal principi della creaziun innò. *Menni, Marc. 13, 19.*

Lot abitaiva traunter crastiauns empis *chi* pchaivan cunter il Segner. *J. B. 8.*

L'industria dels esters, *chi* dad an in an vo s'augmentand, furnescha lavur e bun guadagn. V 101.

E. B. L'unica chosa, *chi* fo da bsögn. *Uraziuns 208.*

Piglia tieu unic figl, *cha* tū amast, ed offerescha'l a me sün ün munt ch' eau at musserò. *J. B. 9.*

Abraham pigliet cun se sieu figl Jsac e's mettet in viedi vers il lö, *cha* Dieu l'avaiva denotò. *J. B. 9.*

Per la misericordia, *cha* tū vers nus hest üsò, per la fidelteit, *cha*

tü hest manifestô a nos povers, vaidguas ed orfans, per l'agüid, cha tü hest prestô a nos amalôs, per quaiſt tuot s'eleivan nos cors a te cun ingrazchamaint. *Lit.* 62.

L'hom ch'ëau amaiva pigliet mieu infaunt sün bratsch. *Tönd.* 141.

E. B. Il Segner fa que cha'ls pietus desideran. *Uraziuns* 14.

.... set otras spias waunas.

Chi wulaiwan skusumer las saunas. *Trav. Jos.* 333—4.

† Ad ün chi cuntinuescha in l's vicis nun vain à gnir üngün bain. *L. P.* 114.

Et uen üna pouura uaidgua, & mettet aint duos pitsthens danërs, chi es ün quattrin. *Bifr., Marc.* 12, 42.

Quant fadiusamaing uignen ad ir ilg ariginam da dieu aquels chi haun danërs. *Bifr., Marc.* 10, 23.

Nun manchiätaer da cuffurter aquels chi plaunschen, e vaidgua cun quels chi vaidguen. *L. P.* 79.

Lg Cunt da d'Ark aque bôt incligêt,

La streda nouva, ch'el rumpet,

Per pudair la Vutlina attanter. *Travers, Mûs* 194—6.

Ais aquaist quel giuuen uoas frer

Chia uus ulauas mner a m'musser? *Trav., Jos.* 646—7.

Remarcha 1. Nellas frisas seguintas po ün dir cha ils pronoms chi e cha as refereschon ad ün neutro. Cunfrunta § 271, b, 6,

Nus s'annunziains l'evangeli, cha vus as converteschas da quaists vauns idols al vivaint Dieu, il quël ho creô il tsehêl e la terra e'l mer e tuot que chi ais loaint, ed il quël as fo taunt del bain. *J. B.* 152.

Els dschettan al factur, que chi als eira arrivô. *III* 44.

Il factur als dschet, que cha Josef l'avaiva cumandô. *III* 45.

Ad ais megl nun imprometter ünguotta, cu nun tender què cha tü impromettast. *J. B.* 81.

S'araspè üna bella Grischunia,

Per fer vendetta da Lur dan arfschieu

Et congüster que, ch'els havaiven perdieu. *Travers, Mûs* 158—160.

Remarcha 2. Chi vain sovenz druvô sainza antecedaint e significha allura taunt scu quel chi: *Chi* dorma nun clappa peschs = *Quel chi* dorma nun clappa peschs. In quaiſt sen po chi eir gnir combinô cun preposiziuns.

Chi s'adoza, sarò abbassô, e chi s'abbassa, sarò adoziô. *J. B.* 106.

Chi ais sül tet, nun vegna giò in chesa e chi ais sün la cuttüra, nun tuorna inavous. *Menni, Marc.* 13, 16.

Chi non lavura, nun merita nudritura. VII 267.

Assista'ns cun la forza da tieu spiert, cha perdunans gugent a chi'ns ho offais. *Lit.* 86.

Tü cumpartast sapienza a chi cun cor sincôr t'arova per quella. *Lit.* 125.

O dain da cour a chi languescha,

A chi disgrazcha ferm colpìt!

O dain da cour a chi soffrescha

A chi in larmas ais affliet! *Caderas, Sorrirs* 5.

† Vn fideil amich ais ün ferm agüd; chi ho surffignieu ün tael, ho achiattó ün thesori. *L. P.* 66.

† A chi falla vain parduno,

Et l'innocaint vain inculpô. *Travers, Mäs* 343—344.

Remarcha 3. Cur ch'ün voul colliér la frasa subordinada na cun ün singul substantiv u pronom, ne cul contenuto d'ün'intèra frasa allura stöglian ils pronoms relatifs chi u cha esser precedeus da *que*: que chi, (nom.), que cha (acc.) Cunfrunta § 269, 2 & § 271, b, 6.

A füss giavüschabel, scha noss scriptuors savessan s'unir ad ün'ortografia unifuorma, que chi per üna lingua chi as rechatta in defaisa ais da somma importanza. *Fögl* 58, 7.

Quaistas lingias as stovessan incruschèr; que chi nun ais il cas. V 225.

Las muntagnas nel nord della valleda ans preservan dals vents crüjs settentrionèls, que chi fo, cha la vegetaziun ais pü richa. III 93.

La confederaziun germanica dumanda uossa dals rebels, ch'els desistan dalla guerra, que cha faun eir. *Tönd.* 172.

b) Il pronom relativ *il quèl, la quèla*. Quaist ho üna completa declinaziun e piglia las medemmas desinenzas per il feminin ed il plural scu ils aggettivs variabls.

	Singular		Plural	
	masculin	feminin	masculin	feminin
Nom.	il quèl	la quèla	ils quèls	las quèlas
Gen.	del quèl	della quèla	dels quèls	dellas quèlas
Dat.	al quèl	allà quèla	als quèls	allas quèlas
Acc.	il quèl	la quèla	ils quèls	las quèlas
Abl.	dal quèl	dalla quèla	dals quèls	dallas quèlas

Ils cravunièrs requintettan cha sajan comparièus servituors del cont da Schroffenek, il quèl saja arrivò nella muntagna cun bgera sudeda. Il mulinèr currit dalum cun quista novited tar la duonna, la quèla eira gùsta tschanteda sper il let da Kuno. *Pallioppi, Övs* 36.

E. B. Chattand la val abitada, fondet Carl qui ün monasteri da muonchas, e'l comün, chi as sviluppet intuorn quel, survgnit il nom Monasteri o Müstair, il qual poi det il nom alla vallada intèra. V 234.

Eau la volaiva render attenta, ch'ella ho ün inimih, tres il quèl ella vegna missa in glüsch sospettusa. *Tönd.* 230.

Abraham nun volaiva cha Isac spusess üna giuvna da quel pajais nel quèl el vivaiva. *J. B.* 10.

El comandet ad Eliezer dad ir in sia patria, dalla quèla Dieu l'avaiva condot in Canaan.

Nossas ovas furiusas, las quèlas tuottas causettan pü u main dan in temps da strasoras, ans saron cul avvegnir da grand' ütilited, and podiand acquistèr la forza elettrica. V 101.

Friedrich am stovaiva requintèr detagliedamaing tuots ils prievens e las sofferenzas, ils quèls el avaiva subieu. *Tünd.* 206.

Mangia be da quella frütta e da quellas ervas, dallas quèlas tü sest cun tschertezza, ch'ellas sun mangiabras e nun faun mel. V 199.

E. B. Schi piglia dimena sü eir nus in grazia, ils quals colliats uossa comparin avant tai. *Uraziuns* 207.

† Las arichezzas in las quaelas nun ais üngün pchio sun bunas. *L. P.* 126.

Saduceers era düna sort lieut, quaela chi craiaiva in la lescha da Moise, mu è nun craiaiven che füs l'aresüstaunza. *Bifr., Matt.* 3, ann.

Scodün quael chi arfüda sia muglièr, & prain üna ota aquel cumetta adulteri incunter aquela. *Bifr., Marc.* 10, 11.

Scodün quael chi nun arschaiua l'g ariginam da Dieu sco ün ifaunt, aquel nu uain mia ad ir aint in aquel. *Bifr., Marc.* 10, 15.

Sèr a mi dalg dret maun, ü dalg snister, nu sto à mi à dèr, mu el uain à tuchièr ad aquels, aquaels ch'lg es addatò. *Bifr., Marc.* 10, 40.

2. Ad ais ün terz pronom persunèl, chi nun as refe-rescha mè ad ün singul substantiv u pronom, mo vain exclusivamaing druvò per substituir il contenuto d'üna frasa. Quaist pronom, chi exista be nel singular ed ais adüna combinò cul artichel determinò. po gnir considerò

scu neutro. El vain eir combinô cun preposiziuns ed ho dimena üna completa declinaziun.

Nom.	il che
gen.	del che
dat.	al che
acc.	il che
abl.	dal che.

Izan as quietêr ün po, il che am pera hegiâs da bsögn. *Robbi, Tes.* 52.

E. B. Sanctifichar la domengia voul dir, la consecrar a Dieu, il che retschercha cha nus ans artegnan da tuottas lavurs. *Uraziuns* 90.

Els requintettan al bap tuot que chi als eira arrivô, supra il che naschit grand cordôli. *III* 43.

La calumnia, o quella inconscienziusa ingüstia, da dir qualchosa d'mel d'ün crastiaun, saviand cha que non ais vair, o dal che ün nun ais sgür, ais ün nociv e vergognius vizi. *Pr. Cud.* 273.

Ch'èau eira eir bella, del che uossa mieu spievel nun voul pü savair novas, am dischan fotografias veglias. *Tönd.* 1.

Ils signuors proteggiavan lur sudits cunter violenza estra, per il che els survgnivan d'ogni sort d'servezzans. *Pr. Cud.* 180.

Rodolf da Rothenbrunn s'proponit da dvantêr nüzzaivel eir a sieus conumauns, fand penitenza in que, nel che viavaunt avaiva fat pchô. *Pr. Cud.* 193.

3. Zieva ün pronom u aggettiv demonstrativ po in tsherts cas, exemplifichôs nels exaimpels seguaints, gnir il pronom relativ laschô del tuot d'avent. Cfr. § 271, b, 6. rem. 1.

Cun quel güdizi vus güdichais, saros vus güdichôs; e cun quella imsüra vus imsürais, sarò imsürô a vus. *J. B.* 97.

= Cun quel güdizi cun il quêl vus güdichais, saros vus güdichôs, e cun quella imsüra, cun la quêla vus imsürais, sarò imsürô a vus.

Nus ans suottamettains a te cun rassegnaziun e completa pazienza in tuot què tû dispuonast a nos regard. *Lit.* 178.

= Nus ans suottamettains a te cun rassegnaziun e completa pazienza in tuot que cha tû dispuonast a nos regard.

Tuot que hoz eau he fallò.

Segner. nun tgnair inqintò. *J. B.* 178.

Uossa cumanzet il marchese a gnir our cun què el avaiva in sen.
Pr. Cud. 68.

† Nun faer ünguotta sainza cussalg, chia tü nù t'arüfflas da que tü haest fatt. *L. P.* 283.

E. B. Tü non poseh far plü bain, ne mà plü recuperar quai tü hasch mancantà. *Trom.* 115.

× **Remarcha.** Nella litteratura veglia chattains qualchevoutas, cha'l pronom relativ ais laschà davent, eir sainza cha preceda ün aggettiv u pronom demonstrativ.

† La guerra vus havais fat à nus,

Dess eir uossa dvanter cun Vus. *Travers, Mûs* 471—472.

Nün gnir dschiglius d'üna muglier tü ammast. *L. P.* 88.

§ 270.

Ils pronomi interrogativi.

A sun duos pronomi interrogativi, dels quèls l'ün. chi. dumanda zieva persunas. l'oter. che, zieva chosas (u bestias).

Chi ho scopert l'America? — Columbus.

Per chi fest tü quaista lavur? — Per mia mamma.

Che t'maina tar me? — Ün affèr important

Che vest-tü hoz a cumprèr? — Ün vdè e duos puleders.

A che serva quaist indriz? — A brassèr caffè.

Tuots duos pronomi haun üna completta declinaziun nel singular e paun esser druvòs cun qualunque preposiziun.

Nom.	chi	che
gen.	da chi	da che
acc.	chi, a chi	a che
dat.	a chi	che
abl.	da chi	da che

Chi so indichèr las qualiteds d'ün bun scolar? *Pr. Cud.* 151.

Chi so nomnér üna funtauna d'ova minerêla? Chi so nomnér üna funtauna d'ova choda? *Pr. Cud.* 153.

A chi clamast? *Robbi* 41.

Chi vül esser sù da cho, cur ch'el ris-cha la pel? *II* 19.

Che at mauncha? *II* 20.

Che po ün spettêr d'bun d'üna persuna chi nun as temma da parair risibla? *Robbi, Tes.* 61.

E. B. Che gûda a cristians chi ant mezdi udittan l'evangeli, schiels la saira s'abbandunan ad ogni sort divertimaint? *Uraziuns* 91.

Che t'maina tar me? *Robbi* 18.

Tiers che as drova auncha pû l'ova? *Pr. Cud.* 153.

× **Remarcha 1.** Eir quèl, quèla, quèls, quèlas (§ 255 b), quaunt, quaunta, quaunts, quauntas, (§ 255 c), che n'ün, che n'üna (§ 255 a, rem.) paun gnir classificîôs seu pronoms euf ch'els vegnan druvôs da per sè, seu cha que ais il cas nels exaimpels següaints:

Els as dispûtaivan quèl chi pigliess il prüm in sia chesa l'artist. *Chal.* 1914, 44.

Ma in els naschit l'impissamaint: quèl dad els füss il pû grand. *Menni, Luc.* 9, 46.

Ün di avaivan ils discipuls, giand vers Capernaum, dispütô, quèl dad els chi füss il pû grand. *J. B.* 116.

Cur els sun resûstos, da quèl d'els sarò ella muglièr? *Menni, Marc.* 12, 23.

Quaunts as haun rovinô il stomi tres intemperanza! *VII* 291.

Ils quaunts avains hoz? (§ 255, c, rem.).

Las quauntas aise? (§ 255, c, rem.).

Cur eau vegn battieu, che sentimaint as manifestarò allura tar me? Chenün cur eau he fam o said? *Pr. Cud.* 144.

E. B. Il chamin ruot mosset l'oter di a tuot, che n'üna cha la bella matta eira ed ingiò ch'ella avaiva seis plazs. *Barblan, Par.* 32.

× **Remarcha 2.** Cur cha'l numer dellas chosas, traunter las quèlas üna ais pûnavaunt da determinêr, ais limitô, schi s'inserviva ün pû bod impè da che gugent del pronom interrogativ quael (cunfrunta § 255 b e § 270, rem. 1). L'ossa ais l'adöver da quael seu pronom interrogativ in generêl limitô a personas (exaimpels mera supra, suot rem. 1).

† Quael es plü lèf da dir, tes pchios uignan a ti pardunôs, ü dir sto sù & chamina? *Bifrun, Luc.* 5, 23.

E. B. Qual ais plü chiönsch, dir: Teis puchiads t'sun perdunals: o verò dir; Leiva sù, è chamina? *Vulpus & Dorta, Luc.* 5, 23.

(*Menni* metta: Che ais pü facil? da dir etc.)

† Eau uoelg dumander uus quael da duos es licit süls sabaths, fêr dalg bain, ù fêr dalg mèl, saluer la uitta, ù la perder. *Bifr., Luc.* 6, 9.

(*Menni* metta: Eau vögl dumandèr a vus: Che ais permiss nel di del sabbat?... etc.).

Remarcha 3. Interessant ais l'adöver da che in connexiun cul infinitiv fer nellas frisas seguaintas, las quèlas nun contegnan in se üngüna dumanda:

Ils Helvetiers nun vulaivan pü avoir da che fer cun ils Romauns. *Pr. Cud.* 168.

Ad ais prudaint, da l'accoglier cun amiaivlezza: uschigliö podessans aunch' avoir da che fer cun el. *III* 8.

Già quaistas dimensiuns aus dian, cha nus avains da che fer cun ün gigant traunter ils utschels. *VII* 257.

In tuot l'administrasiun del pajais il pövel nun avaiva da che dir ünguotta. *IV* 4.

E. B. L'ais difficil, aviand da che far con fermas inclinaziuns umanas. *Chal.* 1914, 63.

Üna dumanda (indirecta) al incunter ais contegnida nella frasa seguainta:

Maschel Giachem nun so pü che fer dalla monaida. *Ann.* X 83.

Remarcha 4. Davart l'adöver dels pronomis interrogativs in dumandas indirectas mera chap. *VIII* e *X*.

Remarcha 5. Pronoms generalisants. La combinaziun chi chi ho sovenz ün sen tuot generèl e significha taunt scu tuots quels chi. Eir che chi vain druvò per tuot que chi.

Il mèl inseuntra a chi chi fo il mel (*Pr. Cud.* 26) = Il mèl inseuntra a tuots quels chi faun il mèl.

Tieu cour, che chi arriva, nun as raffraiderò mè vers me (*Tönd.* 229) = Tieu cour, ad onta da tuot que chi possa arrivèr, nun as raffraiderò mè vers me.

E. B. Chi chi fa nel mais Lügl üna spassegiada nella champagna, resta commoss al aspet della richa benedicziun, cha Dieu ha spars sur la terra. *V* 201.

Chi chi aintra co ais fortunò. *Chal.* 1914, 40.

Chi chi vöul esser raig sto sacrificèr la pèsch da sias nots al bain da sieus suddits. *Chal.* 1914, 42.

Chi chi voul sfogliêr inavous nellas annalas dels lôs e chastels circonvicins, podess chattêr allô bgers similis cas da disgrazcha generêla. *Tönd.* 402.

† Chi chi fo la uolnntêd da mes bab, quel chi es in schil, es mes frêr e sour e mamma. *Bifrun, Matt.* 12, 50.

E. B. Cert esa chial plaed da Dieu indret leet oder praedgià; ope-rescha plü boen co che chi s'po leêr oder udir. *Trom.* 151.

Ls Sudôs da Mûs que di s'alvaun

Et fen prashun, chi chia chiataun. *Travers, Mûs* 501—502.

Remarcha 6. (Chi — chi scu pronom distributiv). Chi — chi vain eir sovenz druvô in ün sen distributiv, nel istess möd scu l'ün — l'oter (ils üns — ils oters) (cfr. § 272, 1).

As oda da tuottas sorts linguas, as vezza da tuottas sorts fisionomias e toalettas; chi vo a pè, chi cun velociped, chi in charrozza a tir dad ün. duos, trais, quatter, tschinch fin ses chavals, insomma ün movimaint straordinari. V 107.

La fortuna sto per via, chi la piglia e chi passa speravia.

Il chapitauni, voliad salvêr Paulo, cumandet, cha quels chi savaivan nudêr, as büttessan ils prüms nell' ova, e tscherchessan da gnir a terra, e'ls oters, chi sün assas, chi sün töchs della nev. *Menni, Act.* 27, 43-44.

Chi fo la guardia, chi pevla las larvas, chi nettagia las cellas, chi fo da pizzamort, chi cunagia la masaina e chi porta nudritura per ils impiegôs nella masaina. VII 270.

Chi dschaiva, ch'el la tegna be per nar,

Ils oters, ch'ella sapcha coquettêr,

Ed auncha oters, ch'els non sapchan pü,

Scha's vöglian maridêr u as laschêr. *Chal.* 1911, 25.

§ 271.

Ils pronoms demonstrativs.

Ils principêls pronoms demonstrativs sun quaist, quel. têt, medem e que. Ils quatter prüms sun variabels e servan in generêl a substituir noms, il quart ais invariabel e vain druvô in ün sen neutrêl.

a) Ils pronoms demonstrativs variabels sun:

	Singular		Plural	
	masc.	fem.	masc.	fem.
Nom.	quaist	quaista	quaists	quaistas
gen.	da quaist	da quaista	da quaists	da quaistas
dat.	a quaist	a quaista	a quaists	a quaistas
acc.	(a) quaist	(a) quaista	(a) quaists	(a) quaistas
abl.	da quaist	da quaista	da quaists	da quaistas

Dasper quaista fuorma vain eir sovenz druvo quist, quista, quists, quistas.

Nom.	quel	quella	quels	quellas
gen.	da quel	da quella	da quels	da quellas
dat.	a quel	a quella	a quels	a quellas
acc.	(a) quel	(a) quella	(a) quels	(a) quellas
abl.	da quel	da quella	da quels	da quellas

Nom.	medem	medemma	medems	medemmas
gen.	da medem	da medemma	da medems	da medemmas
dat.	a medem	a medemma	a medems	a medemmas
acc.	(a) medem	(a) medemma	(a) medems	(a) medemmas
abl.	da medem	da medemma	da medems	da medemmas

Nom.	tël	têla	têls	têlas
gen.	da tël	da têla	da têls	da têlas
dat.	a tël	a têla	a têls	a têlas
acc.	(a) tël	(a) têla	(a) têls	(a) têlas
abl.	da tël	da têla	da têls	da têlas

Segner, quautas voutas dess eau perdunèr a mieu frer, scha *quaist* (= mieu frer) am fo tüert?

Ûn contadin avaiva set figls, *quaists* (= ils figls) eiran sovenz mel perüna. II 24.

Zieva gnit ün terratrembel, ma il Segner nun eira in *quel* (= nel terratrembel). J. B. 64.

In cas da divergenza traunter ün text e l'oter darò norma *quel* (= il text) romauntsch. *Stat. Osp.* 1.

Ün fidel amih ais üna ferma protecziun; chi posseda *ün tël* (= ün fidel amih), posseda ün grand tesor. *J. B.* 82.

Laschè gnir ils infaunts tiers me, e nun impedi ls, perchè *da têts* (=dels infaunts) ais il reginam da Dieu. *J. B.* 116.

La duonna fet ir inavous sieu zindèl, e tuots duos as müravgliettan del nöbel, bel e modest aspet *da medemma* (=della duonna). *Pallioppi, Övs* 5.

Gust aise da vair a stechir duos buochs. *Quels* (=ils buochs) sun qualvoutas prievlus. Infaunts faun bain da s'in-chürer da *medems* (=dals buochs). *II* 31.

Ils Cimbers e Teutons socumbettan, ed ils Helvetiers turnettan in lur patria. Quaists restettan uossa circa 50 ans tranquils. *Pr. Cud.* 168.

Inchürè 's dalla superstiziun, perchè quaista piglia al spiert la facultad da perscruter la varet. *D. S.* 1912, 24.

Ils chantuns interns domandettan l'an 1526 üna disputaziun, e quaista gnit salvada a Baden. *VII* 20.

La ferrovia del Gotthard collia las ferrovias svizzras e tudais-chas con quellas dell' Italia. *IV.* 38.

L'En fuorma auncha trais bels lejs, cioè quel da Silvaplauna, quel da Champfer e quel da St. Murezzan. *III* 96.

Intuorn quaist spelm aise tuot plain d'frejas, clegè e mangè da quellas avuonda. *II* 50.

Üna s-chela mnaiva dalla terra fin sün tschèl e'ls aungels da Dieu giaivan sù e giò per quella. *J. B.* 13.

Il tschèl s'ins-chürit da grossas nüvlas nairas, e quellas as svö-dettan in torrents da plövgia. *J. B.* 6.

E. B. Gnand il muonch Bernardin Samson con sias indulgenzas eir vers Zürig, effettuet Zwingli, cha'l cussagl della città proibit la vendita da quellas. *VII* 19.

E. B. Avaunt var 20 ans gnittan duos Inglaisas tar ün predichant in Engiadina con l'insinuaziun, da combatter l'adöver del vinars tras assoluta abstinenza da tal. *Chal.* 1914, 63.

Ün fidel amich ais ün condimaint della vita; chi temma il Segner, averò ün tël. *J. B.* 82.

† Ün fideil amih ais ün ferm agüd, chi ho surffignieu ün tael ho achiattô ün thesori. *L. P.* 67.

L'administratur partecipescha allas seduttas della commissiun da surveglianza con vusch consultativa, funzionand scu actuar da medemma. *Stat. Osp.* 15.

Sün quaiست vadret ed aint in quella rimma avess eau chattô mia fossa, scha il potent bratsch da Dieu nun m'avess tres quasi ün miracul trat our da medema. *Pr. Cud.* 60.

† La sanctitaed vain à faer l'g cour saun e giüst, & ad aquel medem vainla a purtaer dalett. *L. P.* 28.

Vus chi arguardais l'g Segner s'cuffide in quel medem. *L. P.* 34

Remarcha. In connexiun cul pronom relativ chi, cha vain il pronom demonstrativ quel eir druvô sainza referenza ad ün substantiv precedaint. Quel chi (u quels chi) significha allura sovenz taunt scu seodün, chi. (Cunfranta b, Nr. 6.)

Quel chi ais bun da rumper quaiст fasch d'bastuns, survain da me tsebient talers. *II* 24.

Beôs quels, chi haun fam e said zieva la giüstia. *Menni, Matt.* 5, 6.

Beôs quels, chi vegnan perseguitôs per amur della giüstia. *Menni, Matth.* 5, 10.

Tuots quels chi l'udivan, s'instupivan da sieu intellet e da sias respostas. *J. B.* 88.

E. B. Quels chi fan grandas reverenzas avant quels chi stan sur els, traplan adüna suot quels chi stan suot els. *Chal.* 1913, 61.

E. B. Cristo ais prompt per spendrar tuots quels chi portan seis nom. *Predgias* 94.

† Aquels chi sun sauns, nun haun bsüing d'mêdi, dimperse aquels chi haun mêl. *Bifrun, Luc* 5, 31.

E. B. Da tals chi dormen intant chia'l plaed da Deis vain praedgia, po gnir ditt quai chi sta da Saul & sia compagnia. *Trom.* 36.

b) Il pronom demonstrativ neutrêl *que* ais invariabel. El vain druvô:

1. Nel istess sen scu'l pronom persunêl neutrêl della terza persuna singular *a*, *ad* e substituescha quel adüna in inversiuns (§ 261, c), scha nun vain druvô il pronom persunêl enclitic (§ 261, d).

Que düret diversas uras, infin cha Gian arrivet lo. *Chal.* 1914, 41.

Que paraiva cha la guerra nun pigliess pü fin. *Chal.* 1914, 42.

Que füt ün lung inviern. L'ultim di d'an naivet que deruottamaing.
Chal. 1915, 29.

Bainbod cumanzet que a naiver, e trais dis e trais nots naivet que da tschêl aruot. Que eira la mitted Marz e'l prievei da lavinas grand.
Chal. 1915, 29.

Quaraunta dis e quaraunta nots plovèt que da contin. *J. B.* 6.

2. *Que* antecipescha ün infinitiv (u üna preposiziun subordinada), chi fuorma logicamaing il subject della frasa.

Que am vain propi greiv da continuèr mia via uschè quietamaing sper Ella. *Tönd.* 135.

Que eira commovent da vair l'affecziun cha la mamma e'l figl avaivan l'ün per l'oter. *Tönd.* 145.

Que eira vairamaing ün plaschaivel aspect, da vair que bel circul con testinas aritschedas. *Pr. Cud.* 99.

Que displaschaiva a tuots ils cristiauns da stovair laschèr profanèr ils senchs lös. *Pr. Cud.* 192.

Que am pera, ch'ell' eira secha scu ün püschel pissun. *D. S.* 165.

In ogni möd ais que ün defet in vus, cha vus avais litas traunter pèr. *Menni, 1. Cor.* 6, 7.

E. B. Que nun ais ün bun segn per l'instrucziun del romantsch in nossas scoulas, scha quasi la quarta part dels infants nativs romantschs, scrivàn nel VI an da scoula plü gugent in tudais-ch co in romantsch. *Chal.* 1913, 53.

Que sarò bun cha pedagogs e genituors as occupeschan della fatschenda. *Chal.* 1913, 57.

Que ais cler cha quaists rimprovers faivan mel alla povra tanta. *Tönd.* 199.

3. *Que* (scu subject) as referescha ad ün u püss substantivs gia nomnôs e substituescha quels nel istess möd scu quaist u quel. Que succeda però be, cur cha'l predicat della frasa consista nel verb esser (u ün dels oters verbs nomnôs nel § 183, Rem. 1) cun ün substantiv.

Zieva bain lung viedi arrivettan els nel pajais impromiss, cun nom Canaan. *Que* (nempe il pajais impromiss) eira ün zuond bel pajais, rich da pasculs e bunas fontaunas. *J. B.*

„Eau he miss tiers a mieu pais üna certa ervetta!“

„Ah! *Que* (nempe la cert' erdetta) stu esser üna ervetta preziosa!“ *Pr. Cud.* 9.

„Inua resta l'entusiasmo per il combat, il fö guerrier?“

„*Que* (nempe l'entusiasmo ed il fö guerrier) non sun sentimaints a me inconstaints. *Tönd.* 122.

„Tü stess hest battieu sün Italiaunse Danais“. *Que* eiran inimihs.“ *Tönd.* 212.

Co he eau auncha övs. *Que* ais üna spaisa sauna e nudritiva. *Pall., Örs* 31.

Ma poch dalöntsch eira üna giuvnetta. *Que* eira la sour del infaunt. *J. B.* 28.

Ogni damaun crudaivan dal tschêl pitschens graunins arduonds, dutschs seu il meil, chi cuvernivan il terrain. *Que* eira la manna etc. *J. B.* 32.

E. B. Nel temp della flur spuntan dals buttuns (del coller) plüs filins cotschens. *Que* sun ils pistils con lur stigmas. V 203.

Sentimaint, intellet, radschun, cretta, conscienza, libra voluntad — sun *que* foarzas corporelas? *Pr. Cud.* 150.

Cunfrunta las frastas seguintas:

In Canaan abitaivan però oters pövels in citteds fermas e bain fortifichedas. *Que* eiran pövels pajauns, chi nun volaivan admitter, cha'ls descendents d'Abraham entressan e's stabilissan allö.

In Canaan abitaivan però oters pövels in citteds fermas e bain fortifichedas. *Quels* nun volaivan admitter, cha'ls descendents d'Abraham entressan e's stabilissan allö.

4. Cun *que* ün designescha üna u püssas qualunque personas (bestias u chosas) na auncha nomnedas u fin allura inconstaintas. in mussand vi sün ellas. *Que* po in quaiستن servir seu subject be cur cha'l predicat consista nel verb esser (u ün dels oters verbs nomnôs nel § 183, rem. 1) cun ün substantiv.

Que ais nossa parainta.

Que ais mieu cusdrin.

Que ais il chavagl da sella da Sar Giachem.

Que sun las chevrass del chantunais.

Que sun ils stizzis d'ün chamuotsch.

Que sarò il cudesch da Carlina.

Eau he chattò que nel god. (Mera remarcha suot 5.)

„Dieu'm stetta tiers — che trida vïsiun cha *que* ais! *Que* ais sgür e tschert ün revolucionari da quander giò. Che mè voul quel (perchè na darchò *que*?) da nus? Quel ans maina possibelmaing auncha pü sülla via della perdiziun.“ *Robbi* 23.

5. *Que* as referescha al contenuto della frasa precedainta.

E Dieu dschet: „cha la terra dvainta sütte e prodüa plauntas, chi portan scodüna sieu sem“, e *que* dvantet.

Nel quart di dschet Dieu: A dvaintan corps vi altschël,“ e *que* (nom.) dvantet. *J. B.* 1.

In tël möd gnit Jacob cul temp fich rich. Ils figls da Laban nun vzaivan *que* (acc.) però gugent. *J. B.* 14.

Nus nun sus-chains la disturbêr, per vair ils övins, u pigliêr quaists affat in maun; perchè *da que* (gen. u. abl.) as permaless la randolina zuond e gess l'an chi vain in ün'otra chesa a fer sieu gnieu. V 212.

Co cha l'intern della Schvizera s'hegia popoló, da *que* ans requinta üna veglia tradiziun. *Pr. Cud.* 164.

Dieu ho exodieu mieu aröv. Lodeda saja per *que* sia granda bunted. *Pall., Övs* 33.

Zacheo gnit giò spert ed arvschet Gesu cun algrezcha. E tuots quels, chi vzettan *que*, murmuraivan. *Menni, Luc.* 19,7.

Pür cur il god da larschs tir'aint sieu bel vstieu verd, ais noss' Engiadina vairamaing bella. E *que* dvainta pür intuorn St. Gian. V 208.

Remarcha 1. Nels cas 4 e 5 vain *que* sovenz rinforzò tres l'aggiunta da *-co* (qualchevoutas da *-lo*), nel cas 5 eir tres l'aggiunta da *-taunt*: Quecò, quelò (quellò), *que-taunt*. Quaistas fuormas rinforzadas nun as refereschan però mè a persunas; in lur pè drova ün per persunas adüna quaist.

Quecò sun las chevras da nos chantunais

Quecò sun stizzis d'ün chamuotsch, quelò da leivras.

La radunanza generêla vain convocheda extraordinaria-
maing, cur cha la commissiun del ospidêl, ils revisuors da

quint ou dus vschinaunchas dumandan quetaunt. (q. a. dumanda, cha la radunanza generèla vegna convocheda.) *Stat. Osp.* 5.

Quaist ais mieu figl.

Quaist' ais mia sour.

Quaistas sun mias nezzas.

Tù hest said, tū hest fam, e nun plaundschaft. Que co am vo a cour. *Pr. Cud.* 73.

Eau m'interessai vi della politica be taunt inavaunt, eu cha que as trattaiva da guerra u pèsch. perchè queco m'eira una dumanda da cour. *Tünd.* 216.

„Crajust cha'l telegraf possa influir sun l'ora?“ „Sgüramaing, prüma chi füss que co las stagiuns eiran regolèras.“ *Ann.* III 255.

„Maister Batrumia ho vis a siavrir la terra, zieva ün grand füm e odur da zuorpel, zieva tuot ais svanieu.“ „Dieu ans perchüra, ma que co ais terribel.“ *Ann.* III 257.

Tu m'avaivast impromiss, da'm volair der tia sour per muglièr, scha que am reuschiss da vainscher a Brunhilda. Quetaunt ais dvantò. III 15.

Che diavel ais que cò? *Chal.* 1915, 32.

Na, na, quelò mè pū! *Chal.* 1915, 32.

„At inscutrettan aunch' oters co eau?“ „Quellò nà, però mieu servitur avess pudieu esser co.“ *Robbi* 45.

Scha que ais possibel da't deffender cun main violenza, schi fo que taunt, per quaut legitima chi saja tia deffaia. *Robbi, Tes.* 22.

Il luf tscherchet da's procurér eir l'oter agnè. Quetaunt al reuschit. II 33.

M'adverta la modesta violina,

Cha prümavaira eir tar nus rivet;

Ed eir quetaunt am disch la randolina,

Chi cun amur a sieu vegl gnieu turnet. *Caderas, Sorrirs* 35.

Güda'ns accio cha tieu pled operescha que taunt. per il che tü'ns il hest do. *Lit.* 54.

Ils lavuraints dschettan traunter se: Quist ais l'ertevèl *Menni, Marc.* 127.

Perche quist ais quel, dal quel il profet Esaia disch: *Menni* 4.

Quist ais mieu cher Figl, vi al quel eau he bainplachair. *Menni* 5

÷ Et uain ad esser chialastrias & schguardins. Aque sun l's cumanzamains da las duluors. *Bifr., Marc.* 13, 8—9.

Remarcha 2. Per quaunt sovenz cha las fuormas rinforzadas da que vegnan druvedas nella lingua colloquièla, schi stu ün tuottüna evitèr quaists plets in ün stil pü elevô e'ls rimplazzêr tres quaist (u quel).

Ed intaunt ch'els mangiaivan, pigliet Gesu il paun, rendet grazias, il rumpet e det ad els, dschand: Pigliè! quist ais mieu corp. Ed el pigliet il calisch, rendet grazias, ed il det ad els, e tuots bavettan our da quel. Ed el als dschet: Quaist ais mieu saung, quel della nouva Lia, chi vain spans per bgers. *Menni, Marc.* 14, 22—24.

E. B. Scha tuot quaist sia nel interess dels gods surlasch al temp da responder. *D. S.* 1911, 126.

Que reuschit a Florinus da convertir quaist depravô cavalier. E quaist füt vairamaing il pü grand miracul. *Pr. Cud.* 191.

6. Que funcziunescha scu antecedaint neutrèl d'üna frasa relativa: Que chi, que cha = dasjenige, was.

Na què chi aintra nella buocha, renda melnet il crastiaun; ma què chi sorta dalla buocha, renda melnet il crastiaun. *J. B.* 105.

Que chi sto sün quaist öv, ais bain vairamaing vardaivel. *Pall., Örs* 32.

Que chi's vain a gnir do in quell' ura, que favlè! *Menni, Marc.* 13, 11.

El smanchet tuot que chi eira intuorn. *Chal.* 1914, 43.

Quaista povra vaidgua ho miss aint da sia poverted tuot que, ch'ella avaiva. *Menni, Marc.* 12, 44.

Il passler nun smanchet pü que cha'l pulschainin l'avaiva fat. II 41.

Il pulschainin tgniet saimper ad immaint, que cha'l passler l'avaiva fat. II 41.

Que cha nus a prüma vista pigliains per la flur stess, ais be sieu calisch. V 198.

Remarcha 1. In lö della combinaziun que cha drova ün sovenz simplamaing que (cfr. § 269). In quaist cas vain que generèlmaing scrit cun ün accent: què.

Tuot què vus volais, cha la glieud fatscha a vus, què fè eir vus ad els. *J. B.* 98.

Bgers profets e güsts haun desiderô da vair què vus vzais, e nun haun vis; e d'udir què vus udis, e nun haun udieu. *Menni, Matt.* 13, 17.

Eau nun il cognuosc, ne incleg què tû dist. *Menni, Marc.* 14, 68.

Remarcha 2. Taunt tar la combinaziun que chi seu tar que cha, seu eir nel cas trattò nella remarcha 1. po il pronom demonstrativ gnir miss duos voutas, seu cha muossan ils exaimpels seguaints:

Que nun ais tuot or que chi glüscha.

Què tû impromettast, què tenda. Ad ais megl nun imprometter ünguotta, co nun tender què cha tû impromettast. *J. B.* 81.

c) L'adöver del artichel determinò seu pronom demonstrativ vain exemplichò nellas frastas seguaintas (cfr. losupra § 159, inua as chattan eir oters exaimpels).

Qua as resolvan ils d'Engiadin' ota ad ün mez extrem. *V.* 94.

In general eiran ils da Scuol containts con el. *Puorger* 204.

d) Istess, seu druvò nels exaimpels seguaints, po eir gnir classificò euls pronomes demonstrativs (cfr. §§ 266 e 250).

Il di zieva fettan ils melscorts infaunts l'istess. *Pr. Cud.* 17.

Que m'ais l'istess. *D. S.* 1912, 88.

„Sajas per que sainza pissêr, nöbla signura!“ L'istess dschettan ils cravunêrs. *Pull., Övs* 38.

§ 272.

Pronoms indefinieus.

Ils pronomes indefinieus paun gnir scompartieus in trais classes.

1. Alla prüma appartegna ün tschert numer da plets chi paun eir gnir druvòs seu aggettivs e tar ils quèls be l'adöver sainza substantiv determinescha la classificaziun seu pronomes; têts sun:

Alchün, bgers, ils bgers, divers, oters, oters taunts, ün pèr, la pū part, pochs, püss, ils püss-quaunts, taunts, tuots, üngüns, varquaunts, varsa. quaunts.

Nun üsè violenza cunter alchün, nun fê tüert ad üngün. *J. B.* 89.

Ais el bun be vers alchüns? *Pr. Cud.* 150.

A nus non ais lecit da güstiziêr alchün. *Menni, Joh.* 18, 31.

Sch'alchün as disch: Mera, quia il Cristo! schi nun crajè. *Menni, Marc. 13, 20.*

E. B. Indombrablas relaziuns havaivan squasi fat invludar cha tanter la Germania e la Svizra existiss alch sco ün cunfin *Lansel, Noss punct 4.*

La populaziun s'augmentet e'l spazzi dvantet memma ristret, co passettan bgers d'els sur vi il leih e fabrichettan lo vschinaunchas, oters zieva sü il leih in üna val s-chüra. *Pr. Cud. 164.*

Bgers haun tscherchó tres üna vita vairamaing cristiauna dad ir ouravaunt cul exaimpel da fidels pastuors e vairs scolars da Cristo. *Pr. Cud. 188.*

E. B. Amo plüs havran resainti ottertant. *Lansel, Noss punct 4.*

Il chantun peja per ogni uors ün premi da 100 frs. e diversas vschinaunchas otertaunt. IV 67.

Els eiran auncha pajauns e savaivan poch da Dieu e da sieus cummandamaints. *Pr. Cud. 163.*

Ils noms dels ambizius possessuors sun per la pü part schmanchós *Pr. Cud. 184.*

Quia vain battieu inavaunt, hom cunter hom. Sch'eau he challô ün u püss, eau nun se. *Tönd. 300.*

Da que s'allegrettan tuots. *J. B. 6.*

Üngün nun avess cret, cha sieu bap e frers füssan be purs. *Chal. 1914, 42.*

Eau nun poss lascher aint ad üngün. *Chal. 1914, 40.*

A maisa üngün non sus-chaiva fer mucs. *Chal. 1915, 32.*

Els eiran tmeus dals Galliers, et üngün nun pudaiva ils priver da lur liberted e da lur possessiuns. *Pr. Cud. 164.*

Uossa dvantettan els sudits dels Romauns et üngün nun tmaiva pü il pitschen pövel helvetic. *Pr. Cud. 169.*

Remarcha 1. Speziëlmaing da manzunèr ais il pronom indefinieü *ün*, il quèl vain druvò in trais sens differents. El as referescha cioè u ad üna persuna determineda (a), u designescha üna persuna qualunque e correspuonda allura al tudais-ch *man* (b). u serva scu pronom distributiv (c).

a) Mo ün da quels, chi eiran lo, tret la speda. *Menni, Marc. 14, 47.*

In varet, in varet as di eau: ün da vus vain am tradir. *J. B. 129.*

b) Cur ch'ün mé nu's bagnia, schi las süjuors svaporeschan üna noschodur. *Robbi, Tes. 60.*

Cur ch' ün ais gnieu pü vegl ed investieu d'uffizis e digniteds, schi retegna ün dad esser terribelmaing scort. *Tönd.* 454.

Ün nun po nomnèr con radschun üngün crastiaun sabi, il quel perda sieu temp cun ligerezza. *Pr. Cud.* 284.

Nella colera po ün rermaing restèr radschunabel et operèr cun güdizi. *Pr. Cud.* 281.

E. B. Sch' ün non avess sarü, cha que eira propi quella, non l'avess ün podü crajer. *Puorger* 199.

† Chi piglia üna maela duonna fö sco ün chi piglia ün scorpion. *L. P.* 232.

c) Davart ün scu pronom distributiv mera remarcha 2.

Davart ün scu pronom reciproc nella combinaziun l'ün l'oter mera § 264,2, rem. 2.

Remarcha 2. Las combinaziuns l'ün, l'oter; ils üns, ils oters etc., eir tschertüns, oters druvedas nel sen exemplifichò nellas frastas seguaintas vegnan nomnedas pronoms distributivs.

Els nun avaivan auncha chantò avuonda, e bod l'ün, bod l'oter dschaiva: „Auncha pü!“ *III* 62.

Arrivòs a Golgota, il crucifichettan els, e cun el insembel eir duos melfattuors, l'ün alla dretta e l'oter alla schneistra. *J. B.* 137.

Ils üns clamaivan üna chosa, ils oters ün'otra. *J. B.* 159.

Quists linguachs nads d'üna mamma, tot in conservond sunglientscha chi exista tranter fradgliuns, seguan minchün ün'otra via. Tschertüns davo as esser miss cun rapid slantsch a la testa da la civilisaziun erodan in invludanza sco il provenzal antic. Oters as svilupond continuantamaing seguan plü plan, mo plü sgür, l'ascensiun vers plü öts destins, sco l'italian et il franzes. Oters darchè sco'l spagnöl e'l rumen, per tschientineras dad ans sot dominaziun estra, portaran per adüna las nattas da lur dipendenza. Oters finalmaing sco noss romansch isolà in alch spersas valladas as mantegnan impè squasi inalterads tras ils seculs. *Lansel, M. L.* XI.

2. Alla seguonda classa appartegnan varquaunts plets chi vegnan bainschì eir druvedì scu aggettivs, ma piglian scu pronoms üna fuorma ün po differenta in agiundschand -ün e qualchevouta in subind eir otras pitschnas müdedas.

In quaista maniera:

immincha	dvainta	imminchün
mincha	„	minchün
ogni	„	ogni ün
		ogniün, (ognün)
qualche	„	qualün
		qualchün
		ünqualchün
		qualchedün
qualunque	„	qualunquedün
tscherts	„	tschertüns

Nus volains tscherchêr, da la descriver pü bain possibel, per cha imminchün sapcha da disferenziêr la vipra dad otras serps chi non sun da tössi. V 224.

Vossa mamma ho mno per imminchün qualchosa d'begl. II 28.

Ils infaunts as büttettan sur la chavagna e cumanzettan as disputer per il paun, voliad imminchün il pü grand ed il pü bel. *Pr. Cud.* 16.

E. B. Cha minchün as detta sves la rasposta. *Lansel, Noss punct*, 13.

La brama da podair tscherner ün dels bels premis incitaiva minchün d'impuonder tuot sias forzas. *Fögl* 58,7.

Eau respuond per tuots ils cravunêrs, ogni ün dess sia vita per me. *Pall., Övs* 38.

L'archa avaiva trais plauns ed in ogni ün bgeras staunzas. *J. B.* 5.

Las schlattas vivaivan ogni üna per se e sovenz in discordia traunter pèr. *J. B.* 38.

Riguardo ils oters artichels della disputaziun e della cretta, deliberettan ils güdischs, cha ognün possa crair libramaing.... que ch'el.... s'confida da podair respuonder davaunt Dieu. *Menni, Saluz* 23.

Tels sun stos ils motifs chi'm haun animô a contribuir al reviver e conserver del romaunsch, et uschea da reprodür qual üna da mias rimas, dedas our in favur da Felsberg l'an 1845. *Flugi* 3.

E. B. Qualchedüns tanter il nöbels avaivan diversa tschient, schi, diversa milli servs per far lavurar lur fuond. V 11.

In giand tuots alla nozza nun restess üngün in chesa, e qualchün stu ster per metter in stalla las chevas. *Ann.*, X 81.

Scha per cas ch'ünqualchün as ingiuriescha, respondè cun curaschi. *Robbi, Tes.* 65.

Leo X impromettet absoluziun a qualunquedün, chi contribuiva qualchosa per la fabrica della baselgia. VII 18.

Traunter il pövel eiran eir tschertüns chi spredschaivan Saul. *J. B.* 45.

E sch'ün dschaiva a tschertüns la prüma mitted, schi la seguonda savaivane del sgür. *Pallioppi, Örs* 26.

Que co ais üna metamorfosi, seu ch'ella tar tschertüns vain avaunt in chosas della cretta. *Tönd.* 302.

Remarcha. Impè da imminchün u ogniün drova ün eir scodün. Quaist pled ais uossa quasi adüna pronom, mo gniva pü bod eir druvò seu aggettiv. Mera ultims exaimpels.

Scodün dess plaundscher supra sieus pchos! *J. B.* 67.

Ün hom bandunet sia chesa e det a sieus famagls l'administraziun ed a scodün sia lavur. *Menni, Marc.* 13, 34.

Scodün artschaiverò sieu premi suainter sia lavur. *Menni, 1. Cor.* 3, 8.

Immincha hom da bain avess gugent liberò ils contuorns da quist eroe della rapina. scha ün e scodün nun avess tmieu sia foarza. *Pr. Cud.* 186.

Dieu ho taunt amò il muond, ch'el ho do sieu sulgenuieu Figl, cha scodün chi craja in el, nun giaja a perder, mo hegia la vita eterna. *J. B.* 86.

Ma Dieu al do ün corp, seu ch'el voul, ed a scodün sem sieu egen corp. *Menni, 1. Cor.* 15, 38.

† Oda gugend scodün aradschunamaint da Dieu. *L. P.* 71.

Mu deus do agli l'g chioerp sco el ho uulieu & à scodüni dals sems sieu chioerp. Brichia scodüna chiarn, es tuot üna proepia chiarn. *Bifrun, 1. Cor.* 15, 38.

3. Alla terza classa appartegnan duos plets, chi sun exclusivamaing pronoms indefinieus, nempe:

qualchosa (ünqualchosa)

ünguotta (E. B. nöglia)

El nun avaiva mè vis qualchos' uschè bel. *Chal.* 1914, 41.

Gian dumandet al cramer sch'el nun al pudess vender ün qualchosa da manger. *Chal.* 1914, 43.

Eau at vögl der qualchos' oter per ils örs. *Pall., Örs* 33.

Be ünqualchosa in el il faiv' ir inavaunt. *Chal.* 1914, 44.

Scha tü nun haest araspò ünguotta in tia giuventüna, che voust acchiattaer in la vilgdüna? *L. P.* 222.

Ünguotta nun füss pü ingrat co da giudair benefizis, sainz' arcognoscher il benefattur. *Robbi, Tes. 6.*

Ünguotta nun prodüa taunta rüglentscha, co il temp pers inütilmaing. *Pr. Cud. 284.*

Ünguotta nun ais pü displaschaivel co quels infaunts, chi mé nun faun qualchosa sainza murmurèr. *Robbi, Tes. 63.*

E. B. I nun po dar nöglia la pès. *Lansel, Noss punct, 14.*

Remarcha 1. Ünguotta ais adüna accumpagnò dalla negaziun. be in respostas chi nun contegnan üngün verb nun vain neir miss la negaziun. Eir cullas locuziuns ir ad ünguotta (gnir redüt ad ünguotta) = *ver-eitelt werden* e per ünguotta = *umsonst* metta ün la negaziun be cur cha'l sen della frasa la dumanda uschigliö.

„Che fest tü?“ — „Ünguotta“.

„Che?“ — „Ünguotta, ünguotta, pür ch'El continua! *Tönd. 433.*

Que vo sgür ad ünguotta. *Pallioppi.*

Na sapienza da quaist muond, ne dels superiurs da quaist muond, ils quèls saron redüts ad ünguotta; dimpersè nus favlains la sapienza da Dieu. *Menni, 1. Cor. 2, 6.*

Tuots set figls provettan cun tuot lur forzas, da rumper ils bastuns, ma per ünguotta. *II 24.*

El nun porta la speda per ünguotta, siand ün serviaint da Dieu. *Menni, Rom. 13, 4.*

Remarcha 2. Qualchosa ed ünguotta sun sovenz seguieus d'ün aggettiv nel genitiv.

Il bap celest ans ho darcho concess ün di, acciò poassans imprendèr ünqualchosa d'bön. *Pr. Cud. 148.*

Natanaël al dschet: Po gnir da Nazaret qualchosa l'bön? *Menni, Joh. 1, 47.*

Qualchosa d'simil nun avains mé vis. *J. B. 94.*

Ils Ateniais nun eiran tiers ünguotta pü disposts, cu d'udir qualchosa d'növ. *J. B. 155.*

Dürante la prümvaira e la sted non accadit nella val ünguotta d'particolèr. *Pr. Cud. 113.*

§ 273.

Plural collectiv dels pronoms.

Ils pronoms, chi varieschan suainter il numer ed il gener, piglian eir la desinenza -a del plural collectiv, cur ch'els substitueschan ün substantiv nel plural collectiv. Quaista desinenza del pronom nun ais mé steda trat

teda da per sè, siand ch'ell' ais eguèla a quella del feminin singular (cunfrunta §§ 188—207 e 210).

Ils exaimpels següaints muossan pronomi culla desinenza -a, pigliand la piazza d'ün substantiv nel plural collectiv.

E cur els l'avettan crucifichò, partittan els sia vestimainta, trand la sort sur quella, chi e che scodun survgniss. *Menni, Marc.* 15. 24.

Il larsch chatscha sia frunzla bainschi già in Meg; ma fin cha quell' ais creschida, vo que aint pel Gün. V 208.

Ils Sursilvans as büttan con terribla rabgia süls povers preschunèrs e'ls mazzacran sainza remischion, ils spoglian daltia vestimainta e transportan quaista in ün vout del convent. VII 93

Gè per erapetta! Cun quella volains implir il stomi del luf. II 30.

§ 274.

A.

Exaimpels mixts. Il Segner exodit sieu aröv e la det ün figl, il quèl ella nommet Samuel. *J. B.* 42.

In tuot eiran preschaintas 25 persunas, traunter las quèlas eir duos damas. *Fögl* 58, 7.

El avess do tuot per ün amih, al quèl el avess pudieu svöder our sieu cour. *Chal.* 1914, 44.

Perchürè's dals dottuors della Ledscha, ils quèls aman d'ir intuorn in chappas, ils quèls maglian our las chesas dellas vaidguas. *Menni, Marc.* 12, 38.

E. B. Durante ils quatter seculs, ils quals ils Israelits dmurettan in Egipto etc. *Predgias* 86.

Ed ün dels dottuors della Ledscha, chi'ls avaiva udieu a dispüter, s'approsmet ad el. *Menni, Marc.* 12, 28.

Tuot quels chi s'avaivan refügieus allò, stovettan perir. *J. B.* 6.

Noè fabrichet ün' archa, chi podaiva nudèr sün l'ova. *J. B.* 5.

Laseha 'm vair cun pü attenziun que öv chi ais auncha intèr, e cha rü hest miss aint in tias sacozas. *Pallioppi, Öes* 32.

E. B. I gnit institui ün tribunal criminal a Zuoz, chi avaiva l'incombenza da chastiar quels, chi avaivan survgni pensions o regals dalla Frantscha, que chi eira scumandà in Grischun. *Filli* 9.

A mezdi la posta vain distribuida, que chi ais ün dels pü bels momaints. *Chal.* 15, 33.

Chi chi observa cun attenziun quaiet fidel abitant da noss gods, quel po imprendèr landrour qualchosa. V. 218.

E chi ho do l'autorited a te, da fer quaistas chosas? *Menni, Marc. 11, 28.*

Che 'm güda la primogenitura! *J. B. 12.*

Che dimena farò il patrun della vigna? *Menni, Marc. 12, 9.*

Ma dandertamaing stet la sü e get in stüva per guardêr, las quanntas chi d'eira. *Bundi, 42.*

Las randulinas giuvnas as stögljan fer ün nouv gnieu da fuonz in sü, il che nun ais per ellas üna bagarella. *V 211.*

B.

A mieu parair nun paun las fluors della planüra competer con lur sours nellas alps. Quaistas las sopravaunzan taunt in grandezza cu in bellezza ed odor. *VII 216.*

E. B. Perchè quist' es la patria. *Chal. 1911, 17. (Lansel.)*

Bap e figlia salüdettan ils giasts amiaivelmaing, quaists nun savaivan inua ch'els füssan. *D. S. 1911, 75.*

Uossa però stust gnir cun me nell' usteria dels trais Raigs a baiver üna sün quista. *Pall., And. 14.*

E la fantschella, il vzand darchô, cumanzet a dir: Quist ais ün da quels. *Menni, Marc. 14, 69.*

Davant nus eira il Rosatsch cul Piz del Corvatsch e traunter quist e'ls oters il vadret da Roseg. *III 94.*

Be fida't saimp'r in Dieu; — el 't güda nel bsögn tieu! Quaist he eau uossa experimentô. *Pall., Örs 32.*

Quaista müdet colur e s'avvicinet plaun plaun al üsch. *D. S. 1911, 188.*

La bos-cha da föglia eira pü rera, co quella da fruonzla *II 42.*

Allas rivas del Nil sun bgeras grandas citteds, pü grandas cu quellas in Canaan. *III 99.*

Las cornas del chamuotsch sun differentas da quellas della chevra. *III 106.*

Che! Da quellas he eau d'udir da te? *D. S. 1911, 163.*

Que ais bain singulêr, cha be il pign vain dechantô sco l'unic bös-ch saimper verd. *V 207.*

Pronunziand il mulinêr il nom Schroffeneck, exclamet ella: „O Dieu, que ais mieu il pü terribel inimih.“ *Pall., Örs 36.*

Que sun mieus affêrs, tü guarda per te! *Bundi 31.*

Que am faiva bain d'udir defender cun taunta sgürezza la causa d'üna morêla pü elevada. *Tönd. 159.*

Uscheia haume dimena do uorden al paster, da fer ir la bes-cha vi del piaunch vi alla dretta. Que co uossa nun plaschet daffatta brich al uors. *Bundi 30.*

Entrand nel ospidél, vain ogni animalò suottammiss ad un bagn da nettaschia, scha sieu stedi permetta quetaunt. *Stat. Osp.* 19.

Ils Arabs pigliettan ils bouvs e mazzettan ils famagls. Eau füt l'unic, chi podet fùgir e't relater quetaunt. *J. B.* 83.

C.

Scha'l frer d'alchün moura, e lascha inavous üna duonna ed unguns infaunts, schi dess sieu frer piglier la duonna da quel. *Menni. Marc.* 12, 19.

Tü arriverost bain a qualchosa inandret. *III* 56.

Dumanda al prüm qualunque cha tü incuntrast. *Ang. J. Robbi* 8.

Dien nun vain neir servieu da mauns da crastiauns, scu schiel avess bsögn da qualchosa, siand ch'el do a tuots la vita e'l fled ed ogni chosa. El nun ais dalöntscha da scodün da nus, perche in el vivains, ans moventains ed essans nus, scu eir alchüns da voss poets haun dit: „Nus essans sia generaziun.“ *J. B.* 155.

E. B. Cur cha l'ün triumfescha e l'oter s'atrasta, lura quaist ultim vain a resaintir ün ödi violent cunter tschel. *Lansel, Noss punct* 14.

Püss baps da famiglia fabrichaivan lur chesas l'üna ardaint all'otra. *Pr. Cud.* 163.

Ün eunigl, ch'ün avaiva pavlò cun ranunculs frais-chs, perit in cuort temp. *V* 181.

Ch'ün as rappreschainta il chamin franc, elegant e dret sü d'ün giuven nella flur dels ans. *D. S.* 1912, 26.

Sch'ün stu saglir tuot il santunò di sü e giò per s-chela, schi nun resta temp da fer sundscha. *D. S.* 1912, 79.

El dumandaiva ad imminchün ch'el incuntraiva, sch'el nun avess vis la fortuna. *Chal.* 1914, 40.

Cura cha tü sunast, imminchün sto güvlér o cridèr con te. *Chal.* 1914, 44.

A sun in trais frers, chi exerciteschan l'istess mister, però ogniün per se in sieu egen revier. *V* 215.

Eau illuminesch tuotts aquels chi mettan sprauenza in l'g Segner. *L. P.* 220.

Üngün nun ais plü grand co quel chi temma l'g Segner. *L. P.* 224.

∞ D.

÷ L'g vin & la musica alleggran l'g cour, ma plü co l'g ün & l'g oter l'g stüdi da la sabgiënsha. *L. P.* 348.

Et ün qualchiüns aluaun sü, & dschavian fuossa parduta incuenter el. *Bipr. Marc.* 14, 57.

Et ünqualchiüns cumenzaun à spüder in el. *Bifr. Marc. 14, 65.*

Et Pilatus l'g dumando darchiò, dschant: num arespundes tü ün-qualchiosa? *Bifr. Marc. 15, 4.*

Üngiün profet nun es bain arfschieu in sia patria. *Bifr. Luc. 4, 24.*

Scodün quel chi uol d'uus duäter grand traüter uus, aquel daia esser uos seruaint. Et scodün quel chi uol d'uus esser l'g prüm, daia esser da tuots famalg. *Bifr. Marc. 10, 43-44.*

Ün grand maz s'suas cun els purtaun.

A chi davaunt à chi davous la bratschia liaù:

Chi plandscheiva, chi fick s'almentaiva,

Ne l'ün ne l'oter a quael agüdaiva.

Travers. Mös, 443-440.

Et els prandettan Jesum & l'g mnaun dauend. & el purtaunt sia crusth, giet oura in aquel loe, quael chi ho nom Caluaria, inua che l'g crucifichiaun. & duos oters cun el, liün da liün maun, & lioter da lioter, & Jesum i miz. *Bifr. Joh. 19, 18.*

Schi t'impaisa in aquaista hura

Aque chia dals sabis uain dit alura. *Travers. Fegl pertz 162, 163.*

Bio chi ho üna duoða sabgia chi nun ho seruieu ad ün chi ais mael deng. *L. P. 224.*

§ 275.

Lectüras.

A. Senchited dell'impromischiun.

Ün cavalier spagnöl. aviand mordragiò ün signur Maur, podet as sottrèr alla güstia tres la fùgia. El füt energica- maing perseguitò, ma, profitand d'üna dandetta stüerta della via, podet el saglir sur our la saiv d'ün üert. Il proprietari, chi eira cir ün Maur, spassagiaiva güst allò ed il Spagnöl, as büttand in schnuoglias davaunt el, al confesset que chi s'eira passò e'l supplichet da vulair il zoppèr. Il Maur avet compaschiun d'el e l'impromettet generusamaing sia protecziun. El il mnet in üna chamanna del üert ed il serret aint, l'asgürand da proverer per sa fùgia, appaina cha saja s-chür. Qualche uras zieva al füt porteda in chesa la bèla da sieu figl e la descripiun del assassin correspondaiva perfettamaing al aspet del Spagnöl ch'el avaiva in custodia. El stovet as

pigliêr insensel per nun demussêr il suspet e l'orrur ch'el sentiva, as retret in sia chambra e restet lo fin a mezzanot. Allora get el precautamaing in üert, avrit l'üsche della chammanna e dschet al cavalier:

„Christiaun, il giuven cha tû hest mordragiò eira mieu unic figl. Tieu deliet meritess il pû sevêr chastih. Ma eau he solennamaing impegnò mieu pled da nun at tradir, ed eau detest la violaziun d'ün impegn, eir scha quaiست fût pigliò inconsideredamaing invers ün crudel inimih. El condüet allura il Spagnöl in stalla ed al dand ün da sieus pû svelts müls dschet el: Fügia intaunt cha la s-chürdüm at protegia. Tieus mauns sun maclòs da saung, ma Dieu ais güst, ed eau l'ingrazch ümilmaing cha mia cretta ais sainza macla e cha he remiss ad el il güdizi.

B. La calma da Newton.

Isaak Newton (1642—1727) eira da character ourdvarst benign e da temperamaint calm. Quaiст grand hom, in üna speciêl occasiun, fût clamò our da sieu stüdi in ün appartamaint daspêra. Ün chaunet, nomnò Diamant, il fidêl e passiv compagn nellas retscherchas da sieu patrun, restet casuêlmaing inavous traunter ils scrists, el stret gio üna chandaila invideda. Quaiста sdrüet üna lavur dad ans, chi eira quasi a fin. Newton turnet bain bod e fût zuond mortifichò, constatand la perdita irreparabla. Ma cun sieu solit imperi sur se stess exclamet el be: „Oh Diamant, Diamant, tû nun sest che dan cha tû hest fat!

C. Il tschüvlarot.

Cur ch'èau avaiva set ans, m'implittan mieus amihs las giloffas cun munaidas d'aram, eau get dalam in üna buttia inüa vendaivan gös d'infaunts, e siand inchantò del sun d'ün tschüvlarot ch'èau vzet, in passand, nels mauns d'ün oter mat, offrit eau voluntariamaing tuot ma munaida per ün da

quels. Eau gnit a chesa tuot containt da mieu tschüvlarot ed and fet üs schlassamaing, disturband tuot la famiglia. Cur cha mieus frers, sours e cusdrins udittan da mieu contract, am dschettane ch'èau avaiva pajò quatter voutas dapü da que cha'l tschüvlarot valaiva. Que volvet mieus impissamaints a tuot las bellas chosas ch'èau avess pudieu cumprèr cul rest della munaida. Els riettan da ma nardet ed eau cridet da fadia, uschè cha la reflexiun am procuret pü paina cu il tschüvlarot plaschair.

Però la lezcha am gnit buna per pü tard. Sovenz cur am gniva cuvaiva da cumprèr qualchosa d'inütil, dschaiv' eau a me stess: „Nun der our memma bger pel tschüvlarot“, ed uschè spargnaiva ma munaida. Cur ch'èau füt creschieu e get our nel muond, observand l'agir dels umauns, incuntret bgers, fich bgers, chi spendaivan memma pel tschüvlarot.

Vzand ün hom avid da favuors da cuort, chi sacrifichaiva sieu temp, sieu pos, sa liberted, sa virtùd e forsa sieus amihs per las obtegnèr, eau am dschaiva: Quaist hom do our memma bger per sieu tschüvlarot.

Vzand ün oter ambir a popularited, continuedamaing impegnò in agitaziuns politicas, negligind sieus egens affèrs e cotres as ruinand, m'impissaiva. El peja memma bger per sieu tschüvlarot.

Incuntrand ün avar, chi renunziaiva ad immincha agreeamaint della vita, ad immincha plaschair del fer del bain ad oters, a tuotta stima da sieus concittadins ed al tesor da vaira amicizia, per ramassèr ricchezzas: Pover hom, m'impissaiva, tü dest our bger memma per tieu tschüvlarot. M'imbattand in ün hom sensuèl, chi sacrifichaiva la cultivaziun da sieu intellet u l'administraziun da sieus bains per as der ad üna vita voluptuusa: „Esistenza falleda“, m'impissaiva. „tü pejast memma cher tieu tschüvlarot“.

E vzand ün oter a viver all' ingrandà ed as drizzèr bella

vestimainta, bella mobiglia e bels equipaggis, tuot surour sieus mezs, fand debits e glivrand in presechun, m'impissaiva: „O tũ povret, tũ pejast bain cher tieu tschüvlarot“.

Insomma, eua parvgnit a chapir cha la granda part della miseria unauna deriva dal fat cha'ls püss nun cognuschan la giüsta valur dellas chosas e spendan memma bger per lur tschüvlarots.

§ 276.

Ils pronomi nella lingua latina.

1. Il latin classic non cognuschaiva üngüna differenza traunter pronomi persunêls congiunts ed absoluts. Ad eira dimena ün sulet pronom persunêl chi gniva declinô scu segue:

Singular

	prüma pers.	seguonda pers.	terza pers. (be refl.)
nom.	ego	tu	—
gen.	mei	tui	sui
dat.	mihi	tibi	sibi
acc.	me	te	se
abl.	(a) me	(abs) te	(a) se

Plural

nom.	nos	vos	—
gen.	nostri	vestri	sui
dat.	nobis	vobis	sibi
acc.	nos	vos	se
abl.	(a) nobis	(a) vobis	(a) se

Per la terza persuna, exceptuô nellas relaziuns reflexivas, nun existiva un pronom speciêl: Nels cas, inua la lingua ladina dumanda l'adöver del pronom absolut (§ 262), ed eir nels cas obliquis (tuots cas ourdvert il nom.), gniva in sieu pè druvô in latin ün pronom demonstrativ, nempe *is* (m.), *ea* (f.), *id*, u *ille* (m.), *illa* (f.), *illud* (n.), eir qualchevoutas *iste* (m.), *ista* (f.), *istud*.

2. Quaists gnivan declinôs scu segue:

Singular

n.	<i>is</i> , <i>ea</i> , <i>id</i>	<i>ille</i> , <i>illa</i> , <i>illud</i>	<i>iste</i> , <i>ista</i> , <i>istud</i>
g.	<i>eius</i>	<i>illius</i>	<i>istius</i>
d.	<i>ei</i>	<i>illi</i>	<i>isti</i>

a. eum, eam, id	illum, illam, illud	istam, istam, istud
a. eo, ea, eo	illo, illa, illo	isto, ista, isto
Plural		
n. ii, eae, ea	illi, illae, illa	isti, istae, ista
g. eorum, earum, eorum	illorum, illarum, illorum	istorum, istarum, istorum
d. iis (eis)	illis	istis
a. eos, eas, ea	illos, illas, illa	istos, istas, ista
a. iis	illis	istis

Da quaists pronoms-aggettivs ho survievu in nossa lingua: dal prim be il neutro nom. *id* (= a, ad, i, id); il seguond ho do andit a nos artichel determinô (mera § 182) ed a differentas fuormas del pronom persunêl della terza persuna; el surviva eir in quel (= latin vulgar: *eccu* + *ille*) e nel pronom-aggettiv possessiv *lur* (= *illorum*); il terz surviva in *quaist* e *quist* (= latin vulgar: *eccu* + *iste*).

La pûpart dels oters pronoms gnivan eir druvôs scu aggettivs ed avaiavan scu quaists üna declinaziun completa (cfr. § 257 bis).

Per la desinenza del dat. -i cfr. § 131.

ERRUORS DA STAMPA.

Pag. 12 lingia 5: del impè da dell'

" 12	" 6:	(della prümavaira)	impè da della prumavaira (dell'alva)
" 18	" 13:	138	impè da 133
" 19	" 17:	femna	impè da forma
" 35	" 15:	un	impè da sun
" 55	" 9:	n	impè da f.
" 55	" 10:	inf.	impè da m.
" 55	" 12:	m.	" " inf.
" 78	" 33:	tü	" " tu
" 80	" 1:	nun as	impè dad as
" 93	" 33:	civils	" " civics
" 97	" 13:	voutas	" " vouta
" 108	" 16:	d'almain	" " ad almain
" 134	" 13:	scopo	" " scopa
" 176	" 9:	Podierna Svizzra	impè da l'odiern Savizzra
" 185	" 17:	exaimpels	impè dad exaimpel
" 224	" 29:	cun	impè da sun



137817

Author Velleman, Anton

LaRhr.

V 439g

Title

Grammatica, teoretica, practica ed istorica
della lingua ladina d'Engladin' Ota. Pt. I.

DATE.

NAME OF BORROWER.

UNIVERSITY OF TORONTO
LIBRARY

Do not
remove
the card
from this
Pocket.

Acme Library Card Pocket
Under Pat. "Ref. Index File."
Made by LIBRARY BUREAU

